

進徐騎省文集表

臣克順言伏以德必有言見稱於君子文之行遠用示於方來邇遠

熙盛之朝茂聞

欽明之化臣克順誠惶誠恐稽首頓首伏念臣本寒族偶襲緒風幼服佩於義方長陶蒸於

孝治葉室百堵介處於下御教子一但敢慕於素業謹聞雖漸於佳事

賜書寧謝於古人家藏稍多耳剝亦久竊見故散騎常侍徐鉉傑出江表夙負重台追事

天朝荐升近列特受

先皇之顧過頗為後進之宗師文律高深學術精博  
辭惟尚要思在無邪克著一家之言蓋處諸公之右  
厚化之歲被病考終生嗟伯道之孤後慮君教之饒  
而臣頃在場屋獲造門牆情篤卿閔禮鈞甥侄承維  
感舊遣值送終臣家乃其高舟載其重柩直抵豫章  
之郡卜葬西山之阿一掩佳城久荒宿草雖歲時靡  
輟為修黃石之祠而翰墨罕存難訪茂陵之札每思  
編輯尤懼舛訛數年前故參知政事陳彭年因臣屢  
言成臣夙志假以全本并別茲篇乃墓上人肇形鏤

革古齋鈔本

板竹簡更寫無愧於前修篋几迴觀願留於

睿鑒伏望

崇文廣武感天尊道應真祐德上

聖欽明仁孝

皇帝陛下

清衷軫念

鴻需延慈稍迴虔禱之聽暫已東方之曠

綸恩至厚伴朽骨以重榮乘乾長新耀遺編而增煥  
豈惟踈賤獨荷

照臨其新印徐鉉文集兩部計六十卷共一十二冊

謹隨表上

進干冒

宸嚴臣無任戰汗數切屏營之至臣克順誠惶誠恐稽首頓首謹言

天禧元年十一月日三司戶部判官朝散大夫行尚書都官員外郎上護軍臣胡克順上表

批答

勅胡克順省所上表進新印徐鉉文集兩部計六十卷共一十二冊事具表悉徐鉉生於江介早著時名歷事

華古齋鈔本

祖宗之朝嘗居文翰之任發揮誥命有溫雅之風脩預咨詢見該通之學矧惟素履無謝古人汝克慕前修盡編遺札俾之摹印庶廣流傳觀奏御之美未諒恪勤之斯至覽視之際嘉嘆良深故茲獎諭想宜知悉  
五日

華古齋鈔本

故散騎常侍東海徐公序

秘書郎陳

彭年

撰

昔姬昌既沒文不在于茲乎韓起有言禮盡見于魯矣故尼丘降異以產民宗闕里垂言用為人極自哲人一往作者多歧則有益于制其橫流苟御平其亂轍戰國之際百代沸騰羸秦之餘六經煨燼菁華欲竭想立無歸故賈生談仁義於荀楊子宗詩書于後魏晉名士咸重玄言梁隋諸公始興宮體茲風一扇踰數百年唐氏為又為多此百王而雖盛文章所尚方三古而終殊于是韓吏部獨正其非柳、州輔成

公後之徐公矣後于朕批字或見字

其事千齡旦暮斯豈誣哉俾大道之將行固由天命

道冠人倫才為世表

公矣公諱鉉字昂臣

其先曾稱人也隣哉之妾生民之秀滄溟沃日流作  
言象建木十星植為行國英才茂德光映于前修懿  
乾清規儀形于未者弄璋之始屬唐室之多虞佩觿  
之初值楊都之建歸公文辭濟發不類幼童識量淹  
通已成大器禪剋入仕方居終賈之年佩玉登朝即  
就嚴徐之列泊江東內祥文物初興廊廟之珍獨當  
其任措紳之望無出其先漢之賢臣蔡邕壁三莖之

華古齋鈔本

選魏之後士索靖馳二妙之名若乃毛珩之公清淑  
暨之正直王倫之知禮張華之博物鄭當時之下士  
山巨原之薦賢以公方之倬有餘裕故得觀孔光之  
樹久奉樞機高荀勗之池常參獻替雖具瞻之重猶  
未正名而乃眷之殊已同彼相及棲軀南伐青蓋東  
來遂于艱虞之衣克盡始終之節夫章莖之壁且為  
秦求方城之材果為晉用  
太祖讀豫州之檄不責其非合  
上聽上林之文爰言其美由是甘泉栢殿重奉  
宸游瑣闥貂冠更膺

其事千齡旦暮斯豈誣哉俾大道之將行固由天命  
幸斯文之未喪亦係人謀其有道冠人倫才為世表  
令名不泯百代攸宗今復之徐公矣公諱鉉字昂臣  
其先會稽人也隣哉之妾生民之秀滄溟沃日流作  
言泉建木千星植為行國英才茂德光映于前修懿  
乾清規儀形于未者弄璋之始為唐室之多虞佩觿  
之初值楊都之建歸公文辭濬發不類幼童識量淹  
通已成大器禪冠入仕方居終賈之年佩玉登朝即  
就嚴徐之列泊江東曰祥文物初興廊廟之珍獨當  
其任措紳之望無出其先漢之賢臣蔡邕歷三臺之

華古齋鈔本

選魏之俊士索靖馳二妙之名若乃毛珩之公清淑  
暨之正直王倫之知禮張華之博物鄭當時之下士  
山巨原之薦賢以公方之倬有餘裕故得親孔光之  
樹久奉樞機寓荀勗之池常參獻替雖具瞻之重猶  
未正名而乃卷之珠已同彼相及棲軀南成青蓋東  
來遂于艱虞之衣克盡始終之節夫章臺之望且為  
秦求方城之材果為晉用  
太祖讀豫州之檄不責其非合  
上聽上林之文爰言其美由是甘泉栢殿重奉  
宸游瑣闥貂冠更膺

天獎王公慕義如見古人名德在時日為耆老李膺  
交友不異神仙許劭言談是名月旦雖來江左魯公  
於是贈詩寫彼漢中武侯以之下拜無以踰也及道  
途消長遇或盈虛辭通籍之簪纓陪外藩之樽俎語  
鬼神之事歸

宣室而未期留封禪之書卧茂陵而長往嗚呼惟公  
稟中和之氣挺傑出之才風雨而不迷霜雪而不變  
瞻其際白如珪如璋聽其風激如蘭如蕙自成人之  
始主縱心之年險阻艱難所經多矣功名富貴皆自  
致之至若平仲事君一心無改展禽秉直三黜彌光

華古齋鈔本

百行立身世談其盡善片言背道人知其不為豈但  
王佐之才獲稱于士季公卿之量見賞于林宗乎其  
有五言之旨學古之功究乎天人窮乎性理文房逸  
勢楚國之三休筆陣雄風宋人之九拒昔者洞蕭之  
賦誦之者後宮劍閣之銘刊之者

明詔賈誼過秦之論史臣置于篇中王融曲水之辭  
隣使求于座上蔡中郎之所許則太有立之碑潘黃  
門之所用二獨是荊州之誄公並窮其淵藪仍在上  
游拔其英華更多餘力雖縑皇金石無以鈞其雅黼  
黻玄黃不足方其鹿草太玄之客徒欲載金述十意

之人自將焚稿豈獨語其高什宜升珠西之堂畫彼  
形容當在靈均之廟者哉矧復六書之藝少而留心  
二篆之踪老而盡妙研精不捨常惜寸陰尺璧所傳  
有同珍寶

聖上方徵嘆十年之洪業答

上帝之耿光朝諸侯而東

巡狩祀介丘而

降禪若乃以秦丞相之健筆兼漢即將之雄文銘此  
成功垂之不朽求之輿論公即其人斯志未終天年  
行盡殲良之痛其可已乎公江南文藁撰集未終一

華古齋鈔本

經亂離所存無幾公自勒成二十卷及歸中國入直  
禁林制詔表章多不留草其餘存者子塔尚書水部  
員外郎吳君淑編為十卷通成三十卷所撰質論稽  
神錄奏詔撰江南錄修許慎說文並別為一家不列  
于此彭年越在幼年即承訓導通家之舊與文舉以  
攸同入室之知方子淵而豈異感生平而永嘆報德  
無階痛音問之長遠殞身莫贖聊存撫寔用以冠篇  
時淳化四年七月序





詩七十二首

第五卷

詩七十一首

第六卷

制誥二十九首

第七卷

制誥三十七首

第八卷

制誥三十六首

祭告文二首

華古齋鈔本

第九卷

冊九首

謚議一首

第十卷

碑銘五首

第十一卷

碑銘三首

第十二卷

碑銘五首

第十三卷

國家圖書館, NATIONAL CENTRAL LIBRARY, TAIWAN, R.O.C.

記七首

第十四卷

記三首

頌一首 并序

贊四首

銘二首

哀冊文二首

第十五卷

墓誌七首

第十六卷

華古齋鈔本

墓誌八首

第十七卷

墓誌七首

第十八卷

序八首

第十九卷

序六首

表四首

書五首

第二十卷

國立中央圖書館, NATIONAL CENTRAL LIBRARY, TAIWAN, R.O.C.

表四首

書五首

狀二首

文九首

第二十一卷

應制詩一十九首

寄送詩四十九首

第二十二卷

雜詩五十九首

文賦二首

華古齋鈔本

第二十三卷

序九首

第二十四卷

序五首

連珠五首

贊四首

銘三首

論三首

第二十五卷

碑銘五首

第二十六卷

碑銘五首

第二十七卷

碑銘五首

第二十八卷

記十首

第二十九卷

墓誌六首

第三十卷

墓誌六首

目錄

國家圖書館, NATIONAL CENTRAL LIBRARY, TAIWAN, R.O.C.

徐公文集卷之一

賦詩

東海徐鉉


頌德賦

木蘭賦

新月賦

頌德賦 東宮生日獻

惟先王之建國體皇極而垂制仰則觀於辰象俯則察於地義前星為帝座之輔蒼震乃少陽之位非明德與茂親不足膺茲主器故萬邦以貞而本枝百世是必天錫嘉祉神翰百祥山河資其正氣日月分其



融光膺期運以載誕配乾坤而永昌者也惟我儲后  
昭明俊德黃裳元吉沉潜剛克鈞深致遠曾莫楫其  
津涯問安視膳每或形于顏色在昔冲讓高連太伯  
乃剖麟符保壘東宅受道師傅稽疑典冊化自誠心  
風行邦國乃擁干旌南徐之域左撫句吳前封敬亭  
京師河潤盛德日新其威如夏其惠如春謝傳圍棋  
靜一方之冷氣條侯高卧息萬里之驚塵全問孔昭  
元功莫二人情不可以久鬱皇統不可以終避乃畏  
天命允茲儲貳鳴玉執以徐來與春郊而總至龍樓  
霧廓鷄戟風生珍符疊委和氣交迎百度以之而式

華古齋鈔本

序多壘以之而載清史書有年徬傳頌穀豈人事之  
協吉信宗祊之降靈于是玄圃凝陰瑤山密雪宣猷  
之提幕半下蒙汜之曾冰乍結羨書慶誕之日始過  
嘉平之節慶正晨啟重明夙設調護之容娛侍之臣  
我冠常輝佩玉璘玢成稽首而再拜獻多福于萬春  
有宮坊之下吏乃捧觴而進梅曰自古聖賢率由輔  
導伊狗名與課寔故成敗之異效粵君成王史佚周  
召左右前後惟仁與孝靡過不舉無善不告茲君臣  
之一體故風報之克勿降及後代亦復殿初寔聘四  
老復延二疎咸由古道以佑皇儲若乃征和疾園有

思堊博望之盛貞觀承乾有玄齡魏徵之重或有其  
禮而無人或有其人而不用何擇禍之志輕信非賢  
而用共英、副君鑒古如今百揆在乎手萬務徑其  
心朝廷之所寄者重蒼生之所望者深既貴興王之  
諫方訪百官之箴故曰生民在勤好問則裕不躬不  
親人將孰信一游一豫樂有常度節八音以導其和  
平調五味以遠其喜怒情義兼于家國故知無不為  
愛敬極于君親故惟道是論儉以足用而施舍不可  
不行仁以接物而刑罰不可不具冗官宜省而才不  
可遺疆事漸寧而備不可去居安思危親災而懼上

華古齋鈔本

分一人之憂以成天下之務俾中外之得福與宗  
祧而永固伊下臣之不佞蒙國士之殊遇寔含和  
而吐頌豈登高之能賦願降鑒于芻蕘庶效誠于  
塵露

木蘭賦 并序

頃歲鉉左宦江陵官舍數畝委之而去庭樹木蘭  
因移植于宗兄之家及鉉徵還帝不遑暖又羸于  
舒庸吾兄感春物之載華擬古詩而見寄吟玩感  
嘆謹賦以和焉雖不足以繼體物之作庶哉中騷  
客之情爾



伊庭中之奇樹有木蘭之可悅外爛、以疑紫內英  
英而積雪芬芳兮謝客之囊萼旋分似人仙童之節有紫  
許蒲葦之竊比聽蘭牙之並列于是辭下土之卑  
濕壁上京之繁華耻銜價于豪門乃托根于貧家樹此  
本自歷陽移資坐人之賞於有好事之稱嗟一旦遂  
植于庭中  
客程遠君門路賤荆閨藉與印組豈獨留乎此花噫  
人爰避棄花猶得地分免死之餘蔭向藩房而吐媚  
披簡多暇攀條為思持香草以予此致離騷而我吟  
感此生之百憂何斯物之足貴悲夫客館長吟山城  
夕陰想馨香之不改嘆惟晏之難尋夢于飛翼

革古齋鈔本

寫商歌于素琴歌曰光景兮愁暮別離兮易久真率  
兮無黨貞心兮不朽誠如異日重滋田氏之荆但恐  
相逢共嘆桓公之柳

新月賦 庚午歲富直作

正月五日繁陰乍晴倬彼新月麗于太清映玉繩而  
絢彩掩銀漢以騰精對鳩鵲西南之影步明光東北  
之楹壁、遲漏悠、我情雖萬古之不易感一年而  
始生乃有駭女痴男朱顏稚齒收春物之駘蕩登春  
臺之靡遠雜佩璫錯輕裾颯纒紛乎拜祝怡然宴喜  
人歲、以潛換景年、而若此昔我當年胡云不然

世路多故流光暗遷易壯心于大觀變玄髮于華顛  
顧一毛之無濟媿兩緩之徒懸况于萬象虛明九門  
奧祕對宣室以方罷閣通宵而不寐憂心似醉既懷  
慨于君恩急景如馳更凄凉于往事想想月以長歌  
遂抽毫而見意

詩

早春左省高直

旭景鸞臺上微雲象閣間時清政事少日永直官閒  
遠籟飛簫管零冰响珮環終軍年二十默坐叩玄關  
寒食宿陳公塘上

革古齋鈔本

垂楊界官道茅屋倚高坡月下春塘水風中收豎歌  
折花閒立久對酒遠情多今夜孤亭夢總揚柔雨何

將去廣陵別史員外南齋

家報曾與金張革官署今君何未問起得高齋臨靜  
曲種成奇樹學他山鴛鴦終日同醒醉薜蘿常時共  
往還賤子今朝獨南去不堪回望首清閑

將過江題白沙館

少長在維揚依然認故鄉金陵佳麗地不道少風光  
稍望吳臺遠行登楚塞長殷勤語江蒨歸夢莫

登甘露寺北望

京口朝來由岸平海門風起浪花生人行沙上見日  
影舟過江中聞櫓聲芳草遠迷楊子渡宿烟深映廣  
陵城游人鄉思應如橋相望面含兩地情

小路花

不共垂楊映倚簷倚小臨路自嬌饒游人過去知香  
遠谷鳥飛來見影搖半隔烟嵐遠隱、可堪風雨暮  
蕭、城中春色還如此裁度笙歌案舞腰

京口江際弄水

退公求靜獨臨川楊子江南二月天百人翠屏甘露  
閣數帆晴日海門舡渡登嶺石寒如玉草接汀蘋綠

華古齋鈔本

似烟安得乘槎更東去十洲風外弄潺湲

早春句假獨直寄江舍人

省署皆歸沐西垣公事稀詠詩前砌立聽漏向中歸  
遠思風醒酒餘寒雨濕衣春光已堪採芝盡共誰飛

從駕東幸呈諸公

吳公臺下舊京城曾掩衙門過十春別後不知新景  
象信來空問故交親宦游京口無高興習隱鍾山隈  
俗塵今日喜為華表雀况陪鸞鷺免迷津

重游木蘭亭

縹緲長隄帶碧潯昔年游此尚青衿蘭橈破浪城陰

直玉勒穿花苑樹深  
宦路塵埃成久別  
仙風家景有誰尋  
那知年長多情後  
重凭闌干一獨吟

賦得綠燕

綠絲成飛燕  
迎和啟  
整時翠翹生  
玉指綉羽拂  
文楫詎費銜  
沉力無勞剪  
小期化工今在此  
翻柱社未逢

送魏舍人仲甫為蘄州判官

從事蘄春興自長  
新人應識紫微郎  
山資足後拋名路  
蓴菜秋來憶故鄉  
以道卷舒猶自遠  
臨戎談笑固無妨  
如聞郡閣吹橫笛  
時望清溪憶野王

題賤舍人宅木芙蓉

華古齋鈔本

憐君度夏木芙蓉  
嫋嫋纖枝淡、紅曉吐芳心  
零落露晚搖嬌影  
娟清風似含情  
態愁秋雨暗減  
馨香借菊叢  
默飲數杯應未稱  
不知歌管與誰同

送史館高員外使嶺南

東觀時閒暇  
還修諭蜀書  
斐旌馳驟道  
百越從輕車  
桂蠹晨殫罷  
禽泉訪古初  
春江多好景  
莫使醉吟踈

春日紫岩山期客不至

郊外春華好  
人家帶碧蘿  
淺莎藏鳴戲  
輕靄隔鶉啼  
掩映紅桃谷  
蓋綠翠柳堤  
王孫竟不至  
芳草自萋萋

宿蔣帝廟明日遊山南諸寺

便逐城圍尚木廿更從小北到山南花枝似雪春雖  
半桂兔如眉日始三松蓋遮門寒豎、柳條妨路翠  
斃、登臨莫怪偏留戀游宦多年事、諳

賦得有所思

所思何在杳難尋路遠山長水復深衰草滿庭空佇  
立清風吹袂更長吟忘情好醉青田酒寄恨宜調綠  
綺琴落日鮮雲偏聚散可能知我獨傷心

贈王貞素先生

先生嘗已佩真形紺髮朱顏骨氣清道祕未傳鴻寶  
術院深時聽步虛聲遠東幾度悲城郭吳市終應變

華古齋鈔本

姓名三十六天皆有籍他年何處問歸程

春夜月

幽人春望本多情况是花繁月正明竟夕無言亦無  
寐繞塔芳草影隨行

愛敬寺有老僧嘗游長安言秦雍間事歷

可聽因贈此詩兼示同行客

白首柳禪者常談灞滻游能令過江客偏起失鄉愁  
室倚桃花嶼門臨杜若洲城中無此景將子剡淪留

游蔣山題辛夷花寄陳奉禮

本約陳同  
游不至

今歲游山已恨逢山中仍喜見辛夷舊櫻且免全為

為景桃李猶堪別作期晴後日高偏照灼晚來風急  
斬離披小郎不作同游伴折得何由寄所思

卷之一終

華古齋鈔本

徐公文集卷之二

東海徐鉉

詩

和殷舍人蕭員外春雪

萬里春陰乍履端，  
廣庭風起玉塵乾。  
梅花嶺上連天白，  
蕙草階前特地寒。  
晴去便為經歲別，  
興來何惜徹宵看。  
此時鶯侶皆閒暇，  
贈答詩成禁漏殘。

寄蘄州高郎中

賈傅栖遲楚澤東，  
蘭皋三度換秋風。  
紛、世事未無盡照、離魂去不通。  
直道未能勝社鼠，  
孤飛徒自嘆

東坡集  
冥鴻知君多少思鄉恨併在山城一笛中

寄和州韓舍人

急景駸、度遠懷感、坐風頭乍寒煖天色半陰晴  
久別魂空斷終年道不行殷勤雲上雁為過歷陽城  
從兄龍武將軍汝于邊戍過舊營宅作

前年都尉沒邊城帳下何人領舊兵徽外瘴烟沉鼓  
角山前秋日照銘旌笙歌却返烏衣巷部曲皆還細  
柳營今日園林過寒食馬蹄猶擬入門行

景陽臺懷古

後主亡家不悔江南異代長春今日景陽臺上閒人

華古齋鈔本

後主亡家不悔江南異代長春今日景陽臺上閒人

何用傷神

春分日

仲春初四日春色正中分綠野徘徊月晴天新續雲  
燕飛猶個、花落已分、思婦高樓晚歌聲不可聞

寄駕部郎中

賤子幸慵性頗為省直牽交親每相見多在相門前  
君獨踈名路為初過十年炎風久成別南望思悠然  
和王庶子寄題兄長建州廉使新亭

謝守高齋結構新一方風景萬家情群賢詎減山陰  
會遠俗初聞正始聲水檻片雲長不去訟庭纖草轉



應生阿連詩句偏多思，遙想池塘畫夢成。

謝文靜墓下作

時閩嶺用師  
樊丹陷梁宋

越檄稽天討周京，亂虜塵蒼生何可奈。江表更無人  
豈憚尋荒壘，猶思認後身。春風白楊裡，獨步淚沾巾。

觀人讀春秋

日覺儒風薄，誰將西朝道羞亂臣。無所堪何用，讀春秋。

秋日雨中與蕭荀善訪殿舍人於翰林座中  
作

野出西垣步，逢秋光如水。雨如綠銅龍，樓下送閒  
客。紅葉塔前訪，舊知亂點乍。滋承露，裏碎救，因想滴。

華古齋鈔本

蓬時銀臺鑰，入須歸去，不惜餘歡盡酒卮。

送和州張員外為江都令

經年相望隔重湖，一旦相逢在上都。塞詔官班聊慰  
否，埋輪意氣尚存無。由來聖代憐才子，始覺清風激  
懦夫。若問西岡尋勝賞，舊題名處為躊躇。

和明道人宿小寺

聞道徑行處，山前與水陽。磬聲深小院，燈影迥高房。  
落宿依樓角，歸雲擁殿廊。羨師閒未得，早起逐班行。

晚歸

暑服道情出，烟街薄暮還。風清飄短袂，馬健弄連環。

水靜聞歸櫓霞明見遠山過從本無事從此涉旬閒

月真歌

揚州勝地多麗人其間麗者名月真月真初年十四  
五能彈琵琶善歌舞風前弱柳一枝春花裡嬌鶯百  
般語揚州帝京多名賢其間賢者殷德川德川初秉  
綸闈筆職近名高常罕出花前月下或游從一見月  
真如舊識閒庭深院資賢宅、門巖峻無凡客乘簾  
隅坐惟月真調弄琵琶即為拍殷郎一旦過江去鏡  
中懶作孤鶯舞朝雲暮雨鎮相隨石頭城下還相遇  
二月三月江南春滿城濛、起香塵隔牆試聽歌一

華古齋鈔本

曲乃是資烏宅裡人綠窻綉幌天將曉殘燭依香裏  
、離腸却恨苦多情輕帳重籠空悄、殷郎去年入  
翰林九霄宮署轉深沉人間想望不可見惟向月真  
存舊心我慙關葦何為者長感餘光每相假陋巷蕭  
條正掩扉相携訪我衡茅下我本山人愚且貞敢違  
飲席常無情白從一見月真後至今贏得顛狂名殷  
郎月真聽我語少壯光陰能幾許良辰美景數違隨  
莫教長說相思苦

走筆送義興令趙宣輔

聞君孤棹泛荆溪隴首雲隨別恨飛杜牧舊名憑買

取他年棊枰願同歸

大闕山絕句

散誕愛山客，淒涼懷古心。寒風大闕晚，盡日倚軒吟。

除夕

寒燈耿、漏遲、送故迎新了。不欺往事，併隨殘曆。日春風亭識舊容儀，預殘歲酒難先飲。更對鄉儂，羨小兒吟罷，明朝贈知己。便須題作去年詩。

寄鍾謨

省、潘鬢二毛生。昨日林梢又轉鶯。欲對春風忘世慮，敢言樽酒及時英。假中西閣，應無事，送上南威幸。

華古齋鈔本

有情不得車公終，不樂已教紅袖出門迎。

正月初谷鍾郎中見招

高齋遲景雪初晴，風拂喬枝待早鶯。南省即官名籍，東隣妓女字英。流年倏忽成陳事，春物依稀存舊情。新歲相思自過訪，不煩虛左遠相迎。

聞雁寄故人

久作他鄉客，深慚薄宦非。不知雲上雁，何得每年歸。夜靜敲彌怨，天空影更微。往年離別淚，今夕重霑衣。江舍人宅庭上有妓唱和州韓舍人歌辭因

以寄

良宵綠竹偶成歡，中有佳人俯翠鬟。白雪飄飄傳樂府，阮郎憔悴在人間。清風朗月長相憶，佩蕙纫蘭早晚還。深夜酒空筵欲散，向隅惆悵鬢堪斑。

寒食日作

耐冷烟初禁，門閤日更斜。東風不好事，吹落滿庭花。過社紛紛，燕新晴淡，霞京都盛游。觀訪子雲家。賀殷游二舍人入翰林江給事拜中丞。

清晨待漏獨徘徊，霄漢懸心不易裁。聞老深嚴歸翰苑，死方初感望拜霜臺。青陵對覆蓮壺晚，赤棒前驅道路開。猶有西垣聽記在，莫忘同草紫泥來。

華古齋鈔本

歐陽大監雨中視決堤因墮水明日見於省

中因戲之

聞道張晨蓋，徘徊石首東。潯川非伯禹，落水異三公。衣濕仍愁雨，冠欹更怯風。今朝復見疑，是舊仙翁。

送吳郎中為宣州推官知涇縣

征虜亭邊月，鷄鳴伴客行。可憐何水部，今事謝宣城。風聊供賞班，資莫係情同心。不同載留帶，為序名。

寄舒州杜員外

信到得君書，知已下車輪。關情在否，蓮幕興何如。人望微賢入，予思從子居。灞山真隱地，慙為卜茅廬。

九月十一日寄陳即中  
我多吏事君多病，寂絕過後又幾旬。前日龍山烟景好，風前落帽是何人。

和司門即中陳彥

衡門寂、遙迎少不見，仙郎向五句。莫問龍山前日事，菊花開却為閒人。

賦得擣衣

江上多離別，居人夜擣衣。拂砧如露滴，促杵若霜飛。漏轉聲頻斷，愁多力自微。裁縫依夢見，腰帶定應非。

華古齋鈔本

九月三十夜雨寄故人

獨聽空塔雨，方知秋事悲。寂寥句似假，日蕭颯夜長時。別念紛、起寒更故、逢情人如不醉，定是兩相思。

寄撫州鍾即中

時王師敗績于閩中，謫在建州。

去載分襟後，尋聞在建安。封疆正多事，樽俎為君歡。都護空遺鏃，明君欲舞干。繞朝時不用，非是殺身難。

送歐陽大監游廬山

家、門外廬山路，惟有大君乞假游。某疇乍地公署晚，林泉已近暑天秋。海潮盡處送陶石，江月圓時上庾樓。此去蕭然好長往，人間何事不悠。

五秋後一日與朱舍人同直

一宿秋風未覺涼  
數聲宮漏日猶長  
林泉無計消殘暑  
虛向華池費稻粱

賦得霍將軍辭第

漢將承恩久  
圖勲肯顧私  
白奴猶未滅  
安得以家為  
郭位雖聞詔  
衙門竟不移  
寧煩張老頌  
無待晏嬰辭  
甲乙人徒貴  
親隣我自持  
悠、十載下長作  
帥臣師

秋日廬龍村舍

置却人間事  
閒從野老游  
樹榭村舍晚  
草色古城秋  
獨鳥飛天外  
閒雲度隴頭  
姓名君莫問  
山水與虛舟

華古齋鈔本

和元帥書記蕭郎中觀習水師

元帥樓船出  
冶兵落星山  
外火旗明千帆日  
助江陵  
勢萬里風馳下  
瀨鼓殺氣曉巖波  
上鷗凱歌送駭海  
邊鯨仲宣一作從軍詠  
迴顧儒衣自不平

和蕭郎中小雪日作

征西府裡日西斜  
獨試新爐白煮茶  
雜菊盡來低覆  
水寒鴻飛去  
速連霞  
寂寞小雪閒中過  
斑駁輕霜鬢  
上加  
算得流年無  
柰處  
莫將詩句祝蒼華

中書相公谿亭閑晏依韵

李建勳

雨霽秋光晚  
亭虛野興迴  
沙鷗掠岸去  
谿水上階來

客傲風歌憤延香菊在杯東山長許醉何事憶天台  
寄饒州王郎中效李白體

珍重王光嗣交情尚在不無城連宅任楚襄並車游  
別後官三改年來歲六周銀鈎無一字何以復離愁

寄歙州呂判官

任公郡占好山川谿水萦迴路岳盤南國自來推勝  
境故人此地作郎官風光遠意留戀祿秩貧貧且  
喜教莫憶班行重迴首是非多處是長安

宣威苗將軍退官後重經故宅

蔣山南望近西方亭館依然鎖院牆天子未嘗過

華古齋鈔本

細柳將軍尋已成墩煌

史萬歲嘗  
請戍墩煌

敬傾怪石山無色

零落圓荷水不香為將為儒皆寂寞門前愁殺馬中  
郎

附池州薛郎中書因寄歙州張員外

新安從事舊臺郎直氣多才不可忘一旦江山馳別  
夢幾年晉級共周行岐分出處何方是情共窮通此  
義長因附隣州寄消息接與今日信為狂

寄江都路員外

吾兄失意在東都聞說襟懷任所如已縱垂瀟為傲  
史有何閑鍵制豪胥賸齋曉閑多移病南畝秋荒憶

送初知道故人相憶否嵇康不得懶修書

張員外好茅山風景求為句容令作此以送之

句曲山前隸依、教合程還同造為渴非是厭承明  
柳谷供詩景華陽契道情金門容傲吏官滿且還城

送應之道人歸江西

曾騎竹馬傍洪崖二十餘年變物華客夢等閒過驛  
閣歸帆送羨指龍沙名題小篆於岳震詩作吳吟對  
倚霞歲暮定知迴未得信來憑為寄梅花

送元帥書記高節中出為婺源建威軍使

華古齋鈔本

寒風蕭瑟楚江南記室戎裝挂錦帆倚馬未曾妨笑  
傲斬姓先要厲威嚴危言昔日常無隱壯節今來信  
不凡惟有杯盤思上國酒醪甜淡菜蔬甘

游方山宿李道士房

從未未面李先生借我西窓卧月明二十三家同願  
識素驪何日暫還城

題画石山

彼美嶢岩石誰施黼黻功回巖明照地絕壁爛臨空  
錦段鮮頂濯羅屏展易窮不因秋蘚綠非假晚霞紅  
羽客藏書洞樵人取箭風靈踪理難問仙路去何通



返駕歸塵裡留情向此中迴瞻畫圖畔遠羨面山  
翁

臨石步港

倚岸翠縈帶微風起細連綠陰三月後倒影亂葦  
前吹浪游鱗小黏苔碎石圓會將腰下紐換取釣  
魚舡

病題二首

情性慵懶百無能惟被朝參遣夙興聖主優容思未  
答丹經疎闊病相陵脾傷對客偏愁酒眼暗看書每  
愧燈進與時年不知退可憐身計謾騰

華古齋鈔本

其二

人間多事本難論况是人間懶慢人不解養生何怪  
病已能知命敢辭貧向空咄、煩書字與世消、莫  
問津金馬門前君識否東方曼倩是前身

寄江州蕭給事

夕郎憂國不憂身今向天涯作逐臣魂夢暗馳龍闕  
曙嘯吟閒繞虎溪春朝車載酒過山寺諫紙題詩寄  
野人惆悵懦夫何足道自離群後已同塵

和江州江中丞見寄

賈傅南遷久江閔道路遠北來空見雁西去不如

潮鼠穴依城社鴻飛在次寥高低各有處不擬更相招

和鍾郎中送朱先輩還京乘寄

分司洗馬無人問辭客殷勤輟棹過蒼蘚滿庭行徑小高梧臨檻雨散多春愁盡付千杯酒御恩遙聞一曲歌且共勝游消永日西園風物近如何

送郝郎中為浙西判官

大藩從事本優賢幕府仍當北固前花繞樓臺小倚郭寺臨江海水連天張君到即忘歸日憶我游曾歷二年若許他特作閒伴殷勤為買釣魚艸

華古齋鈔本

翰林游舍人清明日入院中途見過予明日

亦入西省上直因寄游君

榆柳開新燭梨花發故枝輜輶隘城市圭組坐曹司獨對芝泥檢送憐白馬兜禁林還視草氣味兩相知

陪王庶子游後湖涵虛閣

東宮園

懸圃清虛乍過秋看山尋水上茲樓輕鷗的、飛難收紅葉紛、晚更稠風捲微雲分遠岫浪搖晴日照中洲躋攀况有承華客如在南史奉勝游

柳枝詞十二首

把酒憑君唱柳枝也從綠管遞相隨逢春只合朝、

醉記取秋風落葉時

其二

南園日暮起春風  
吹散楊花雪滿空  
不惜楊花飛也  
得愁君老盡臉邊紅

其三

陌上朱門柳映花  
蘆鈞半捲綠陰斜  
憑郎暫駐青驄  
馬此是錢塘小、家

其四

夾岸朱闌柳映樓  
綠波平慢帶花流  
歌聲不出長條  
空怨地風迴見珠舟

草古齋鈔本

其五

老大逢春挽恨春  
綠楊陰裡最愁人  
舊游一別無因  
見嫩葉如眉處、新

其六

濛濛堤畔柳含烟  
疑是陽和二月天  
醉裡不知時節  
改漫隨兒女打鞦韆

其七

水閣春來乍減寒  
曉粧初罷倚闌干  
長條亂拂春波  
動不許佳人照影看

其八

其八

柳岸煙昏醉裡歸不知深處有芳菲重來已見花飄  
盡唯有黃鸝轉樹飛

其九

此去仙源不是遠垂楊深處有朱橋共君同過朱橋  
去奈映垂楊聽洞簫

其十

暫別楊州十度春不知光景爲何人一帆歸客千條  
柳腸斷東風楊子津

其十一

仙樂春來葉舞腰清鼓偏似傍嬌鏡應緣鶯舌多情

華古齋鈔本

猶長向雙成說翠條

其十二

鳳笙臨檻不能吹舞袖當筵亦自疑惟有美人多意  
緒解依芳態畫雙眉

卷之二終



徐公文集卷之三

東海徐鉉

詩

敗官秦州出城作

浮名浮利信悠悠，四海干戈痛主憂。  
三諫不從為逐客，一身無累似虛舟。  
滿朝權貴皆曾忤，繞郭林泉已徧游。  
惟有恋恩終不改，半程猶自望城樓。

過江

別路如何極離腸，有所思登壘望城遠。  
搖櫓過江，斷岸烟中失長天。  
水際垂此心，非橋抽不為，兩御移。

經東都太子橋

綸闈放逐知何道，桂苑風流且暫歸。  
莫問并還橋上客，身謀拙舊心違。

贈維揚故人

東京少長認維桑，書劍誰教入帝鄉。  
一事無成空放逐，故人相見重淒涼。  
樓臺寂寞官河晚，人物稀疎驛路長。  
莫怪臨風惆悵久，十年春色憶維揚。

秦州道中寄東京故人

風緊雨淒、川迴岸漸低，吳州林外近隋苑。  
霧中迷聚散，紛如此悲歡，豈易齊科君。  
殘酒醒還聽子規啼。

華古齋鈔本

得浙西郝判官書未及報聞燕王移鎮京口

因寄此詩問方判官田書記消息

秋風海上久離君，曾得劉公一紙書。  
波水心情長若此，銀鈎踪跡更無如。  
嘗憂座側飛鷄鳥，未暇江中覓鯉魚。  
今日京吳建未邨，問君誰共或長裾。

贈陶使君求梨

昨宵宴罷醉如泥，惟憶張公大谷梨。  
白玉花繁曾縱屐，黃金色嫩乍成時。  
冷侵肺腑醒偏早，香惹衣襟歌倍遲。  
今日中山方酒渴，惟應此物最相宜。

陳覺放還至秦州以詩見寄作此答之

朱雲曾爲漢家夏不怕交親作世仇壯氣未平空嘆  
、狂言無驥信悠、今朝我作傷弓鳥却羨君爲不  
繫丹芳寄新詩平富感此生心氣貫清秋

王三十七自京垂訪作此送之

失卻遷客在天涯門掩苔垣向水斜只就鱗鴻求遠  
信敢言車馬訪貧家烟生柳岸將垂綫雪壓梅園半  
是花惆悵明朝樽酒散夢魂相送到京華

陶使君挽歌

太守今何在行春去不歸庭空收管吹郊迥儼駢  
營外星纒落園中露已晞傷心梁上燕猶解向人飛

華古齋鈔本

其二

始憶花前晏生歌醉夕陽那堪城外送長挽遂歸  
脛鈴閣朝猶閉風亭日已荒惟餘遺客淚沾洒後  
池傍

雪中作

賦分多情客經年去國心疎鐘寒郭晚添雪水亭  
深影迥鴻投渚聲愁雀噪林他鄉一樽酒獨坐不  
成斟

賦得風光草際浮

宿露依芳草春郊古陌步風輕不盡偃日早未晞陽



耿、依平遠離、入望長映空無定彩飄徑有餘光  
飛若荷珠亂紛如燭火颺詩人多感物凝思繞池  
塘

寒食成判官案訪因贈

常年寒食在京華今歲清明在海涯遠巷蹋歌深夜  
月隔牆吹管數枝花鶯鷺得路音塵闊鴻雁分飛道  
里賒不是多情成二十斷無人解訪貧家

送客至城西望園山因寄浙西府中

枚史鄒生笑語同莫嗟江上聽秋風  
召者送客思鄉  
處猶在園山更向東

華古齋鈔本

送寫真成處士入京

傳神踪迹本來高澤畔形容愧彩毫  
京邑功臣多佇  
望凌烟閣上莫辭勞

九日雨中

茱萸房重雨霏微去國逢秋此恨稀  
日杳暫登臺上  
望心送長向夢中歸  
荃蘼路遠愁霜早  
兄弟御筵羨  
雁飛惟有多情一枝菊滿杯顏色自依

寄外甥苗武仲

放逐今來張海邊親情多在鳳臺前  
且將聚散為閒  
事道信華姑是偶然  
蝶采疎林村倚郭  
鳥飛殘照水

連天此中惟久韓康伯共對秋風咏數篇

寄從兄憲兼示二弟

別路吳將楚離憂弟與兄斷雲驚晚吹秋色滿孤城  
信遠鴻初下御筵月共明一枝栖未穩回首望三京

附書與鍾即因寄京妓越賓

暮春橋下手封書海陵橋名寄向江南問越姑不道諸郎  
少歡笑往年相別憶儂無

鍾代答

一幅輕銷寄海濱越姑長感昔時恩欲知別後情多  
少點、憑君看淚痕

華古齋鈔本

亞元舍人不替深知猥貽佳作三篇清絕不  
敢輕詡因為長歌聊以為報未竟復得子  
喬校書亦問故兼寄陳君庶資一笑耳

海陵城裡春正月海畔朝陽照殘雪城中有客獨登  
樓送望天邊白銀闕天帝以黃金白銀為宮白銀闕下何英、

雕鞍綉鼓趨水明閣門曉開旌旗影玉墀風細環環  
報此處追飛皆俊彥當年何事容疵賤懷鉛畫坐紫  
微宮焚香夜直明光殿王言簡靜官司閒朋好殷勤  
多往還新亭風景如東洛邨嶺林泉似北山光陰暗  
度杯盃裡職業未妨談笑間有時邀賓復携妓造門

不問都非是，酣歌叫笑驚四隣。賦筆縱橫動十字，任  
他銀箭轉更籌。不怕金吾司夜吏，可憐諸貴賢且才。  
時情物望兩無猜，伊予獨稟狂狷性。禍量多言仍薄  
命，吞舟可漏豈無思。負乘自貽非不幸，一朝削迹為  
遷客。旦暮青雲十里隔，離鴻別雁各分飛。折柳攀花  
兩無色，蘆龍渡口問迷津。瓜步山前送暮春，去年三月三十日瓜步白沙江上曾行路青林花落何處，漢皇昔  
幸回中道。昇元中寇駕東游之路極日牛羊卧芳草，舊宅重游  
盡曠荒。故人相見多衰老，禪智寺小光橋風瑟、分  
兩蕭、行杯已醒殘夢斷。征途未極離魂消，海陵郡

華古齋鈔本

中陶太守相逢本是隨行舊，乍申拜起已開眉。却問  
辛勤還執手，精廬水榭最清幽。一稅征車聊駐留，閑  
門思過謝來客。知恩省分寬離憂，郡齋勝境有後池。  
小亭葡萄間立參差，有時虛左未相召。舉白飛觴任所  
為，多才太守能搥鼓。醉送金舡間歌舞，酒酣耳熱眼  
花生。看似京華歡會處，歸來旅館還端若。清風朗月  
夜，意虛曠、流景歲云暮。天涯望斷故人書，春來憑  
檻方嘆息。仰頭忽見南來翼，足係紅綵墮我前。引頸  
長鳴如有言，開緘試讀相思字。乃是多情喬亞元，短  
韵三篇皆虎絕。小梅寄意情偏切，亞元詩云借問小梅應得信春風新

白海邊未  
此篇尤嘉  
金蘭投分一何堅銀鈎置袖終難滅醉後  
狂言何足奇感君知己不相遺長卿曾作美人賦玄  
成今有青躬詩鈺去春醉中贈醉妓長歌酷為報章  
欲托還京信筆拙低窮情未盡珍重芸香陳子喬亦  
解貽書遠相問亭須買藥療羈愁只恨無書消鄙吝  
子喬問藥物所要又游處當時靡不同歡娛今日兩  
問置新書故有此句  
成空天子尚應憐賈誼時人未要嘲楊雄曲終筆闕  
緘封已翻、驛騎行塵起寄向中朝謝故人為說相  
思意如此

送荆司祿歸京

華古齋鈔本

早年聞有剗先生二十餘年道不行抵掌曾論天下  
事折腰猶忤俗人情老還上國惟娛少貧聚歸首結  
束輕還客臨岐倍惆悵冷風黃葉滿山城

聞查建州陷賊寄鍾郎中

護郎中從事也

聞道將軍輕壯圖螺江城下委犀渠旌旗零落沉荒  
服替履蕭條返故壻皓首應全蘇武節故人誰得李  
陵書自憐故迹無長策空使盧諶淚滿裾

還過東都留守周公筵上贈座客

賈生三載在長沙故友相思道路賒已分終年甘寂  
寞豈如今日返京華麟符上相思偏字階死留權日

欲斜明旦江頭倍惆悵遠山芳草映殘霞

送楊郎中唐員外奉使湖南

江邊微雨柳條新  
握節含香二使臣  
西綬對懸雲夢日  
方舟齊泛洞庭春  
今朝草木送新律  
昨日山川滿戰塵  
同是多情懷古客  
不妨為賦吊重均

表弟包穎見寄

此子侍親在饒州累年臥疾

常思帝里奉交親  
別後光陰祗指頻  
蘭佩却歸綸閣下  
荆枝猶寄楚江濱  
十程山水勞幽夢  
滿院烟花醉別人  
料得此生強健否  
會須重賞昔年春

和

華古齋鈔本

平生中表最情親  
浮世那堪聚散頻  
謝朓却吟歸省閣  
劉楨猶自卧漳濱  
舊游半似前生事  
要路多逢後進人  
且喜新吟報強健  
明年相望杏園春

寄蕭給事

蕭江西致仕

危言危行古時人  
歸向西山卧白雲  
買宅尚尋徐處士  
餐霞終訪許真人  
名容顏別後應如故  
詩咏年來更不聞  
今日城中春又至  
落梅愁緒共紛紛

送鍾員外詩序

歲辛亥冬十月天子命吾友德林為東府西尹太弟  
諭德蕭君洎諸客餞于石頭城雲日蒼茫園林搖落

樽酒將竭征帆欲飛處者卷、而不能回行者逢、  
而不忍去烟生景夕風靜江平君子曰公足以減私  
子當促棹詩所以言志我當分題故以風月松竹山  
石寄情于贈別云爾兵部員外郎知制誥徐鉉序

賦石

徐鉉

我愛他山石中含絕代珍烟披寒落、沙淺靜磷、  
翠已辭文陛清駁出泗濱扁舟載歸去知是几樵人

賦月

蕭或

麗漢金波滿當筵玉笋傾因思翫聚散哉復換勝益  
光徹離襟冷報符別館清那堪還日 兩地倚樓情

華古齋鈔本

賦竹

孫覿

萬物中蕭洒修篁獨逸群貞姿曾冒雪高節欲凌雲  
細韻風初發濃烟日正曛因題偏惜別不可暫無君

賦松

謝仲宣

送人多折柳惟我獨吟松若保歲寒在何妨霜雪重  
森梢送靜境廓落見孤峰還似君高節亭、勢絕踪

賦風

王沂

靜追蘋末興况復值蕭條猛勢資新雁寒聲伴暮潮  
過山雪散亂短榭葉飄颻今日烟江上征帆望、遙

賦山

鍾蔣

暮景江亭上雲山日望多只愁辭輦鼓長恨隔堞城  
有意圖功業無二憶薜蘿親朋將遠別且共醉笙歌

贈春州椽令狐克己文公曾孫

念子才多命且奇亂中拋擲少年時深藏七澤衣如  
雪却見中朝鬢似綠舊德在人終遠大扁舟為吏莫  
推辭孤芳自愛凌霜處咏取文公白菊詩

送荻栽與秀才朱觀

羨子清吟凌芳齋面碧流解憎蓮艷俗惟欠荻花  
幽鷺立低枝晚風驚折葉秋贈君頂種取不必樹  
忘憂

華古齋鈔本

使浙西先寄獻燕王侍中

京江風靜喜乘流極目遙瞻萬歲樓喜氣龍蔥甘露  
晚水烟波沒海門秋五年不見鸞臺長明日將陪免  
充游欲問平臺門下吏相君還許吐茵不

常州驛中喜雨

颯、早天雨涼風一夕回遠尋南畝去細入驛亭  
來蓑唱牛初牧漁歌棹正開盈庭頓無事歸思酌  
金壘

驛中七夕

七夕雨初霽行人正憶家江天望河漢水館折蓮

花獨生涼何甚微  
今日易斜今年不乞巧  
鈍拙轉堪嗟

贈浙西顧推官

盛府賓寮八十餘  
閉門高卧興無如  
梁丘苑裡相逢早  
潤浦城中得信疎  
狼籍杯盤重會面  
風流才調一如初  
願君百歲猶強健  
他日相尋隱士廬

贈浙西妓西仙蓮上作

翠黛嗔如怨  
朱顏醉更春  
占將南國貌  
惜殺別家人  
粉汗沾雙盞  
花鈿逐舞茵  
明朝倚窓下  
離恨兩殷勤

華古齋鈔本

回至瓜洲獻侍中

紫微垣裡舊賓從  
未向吳門謁府公  
奉使謬持嚴助節  
登門初識魯王宮  
笙歌隱、遠離後  
烟水茫、悵望中日暮  
瓜洲江北望  
西行清淚滿西風

邵伯埭下寄高郵陳郎中

故人相別動經年  
候館相逢倍慘然  
願我飲冰難輟棹  
感君扶病為開筵  
河灣水淺翹愁鷺  
柳岸風微噪暮蟬  
欲識酒醒魂斷處  
謝公祠畔客亭前

謫居舒州累傳韓高二舍人書作此寄之

三峯烟靄碧臨溪  
中有騷人理釣絲  
會友少于分袂



東晉集  
白謫居多却在朝時丹心歷、吾終信俗慮悠、爾  
不知珍重韓君與高子殷勤書札寄相思舒人以借  
曉天柱為

三

和張先筆見寄二首

去國離群擲歲華病容憔悴愧丹砂溪連舍下衣長  
潤小帶減邊日易斜裁屐垂釣依野岸有時披褐到  
隣家故人書札類相慰誰道西京道路賒

其二

清時淪放在小州節杖紗巾屐、游野日蒼茫悲鵬  
含水風陰濕雙貂裘鷄鳴候旦亭辭晦松節凌霜幾

華古齋鈔本

換秋兩首新詩千里道感君情分獨知丘

印秀才至舒州見尋別後寄詩依韵和

羈游白社身難屈高步辭場道不早投分共為知我  
者相尋多愧謫居時離懷耿、年來夢寐意動、別  
後詩今日渡邊正相憶雪晴小秀柳絲垂

行園樹

春  
松節凌霜久遶根逐吹頻群生各有性桃李但爭

雷公井

掩竊愚公谷蕭寥羽客家人知屐所應為有桃

花

送彭秀才

賈生去國已三年，短褐閑行曉水邊。  
盡日野雲生舍下，有時京信到門前。  
無人與和投湘賦，媿子來浮訪戴船。  
滿袖新詩好，回去莫隨騷客醉林泉。

移饒州別周使君

正憐東道感賢侯，何幸南冠脫楚囚。  
旣伯臺前收別晏，喬公亭下擬行舟。  
四年去國身將老，百郡徵兵主尚憂。  
更向鄱陽湖上去，青山憔悴淚交流。

避難東歸依韵和黃秀才見寄

華古齋鈔本

感、逢人問所之，東流相送向京畿。  
自甘逐客纫蘭佩，不料平民著戰衣。  
樹帶荒村春冷落，江登霽色霧霏微。  
時危道喪無才術，空手徘徊不忍歸。

酬郭先輩

太原郭夫子，行高文炳蔚。  
弱齡負世譽，一舉游月窟。  
仙籍第三人，時人故稱屈。  
昔予更西省，頌蓋名籍及。  
我竄舒郡，向風心鬱鬱。  
歸來暮江上，雲霧一披拂。  
富而不下施，猶作池中物。  
念君介然氣，感時思奮發。  
示我數篇文，與古爭馳突。  
倅綉架，英華理深刮肌骨。  
古詩尤精奧，史論皆宏拔。  
舉此措諸民，何憂民不活。

吁嗟吾道薄與世長過濶顏我徒有心數奇身正  
拙論兵屬少年經國須儒術夫子無自輕蒼生正  
愁疾

和集賢鍾郎中

石渠丹府神仙署當用明朝第一人腰下別懸新印  
綬座中皆是故交親龍池樹色供清景浴麝香風接  
近隣從此翻飛應更遠編尋三十六天春

送劉小陽

舊族知名士朱衣奉楚城所嗟吾道薄豈是主恩  
輕戰鼓何時息儒冠獨自行此心多感激相送君

華古齋鈔本

為情

題伏龍山北隅

茲山信岑寂陰崖積蒼翠水石何必多死有千巖  
意孰知近人境旦暮合佳氣池影搖輕風林光淡新  
霽夫願藉芳草自足忘世事未得歸去來聊為宴  
居地

送黃梅江明府

江前為江夏今有善政今更  
年小邑賦詩留別作此和之

封疆多難正經綸臺閣如何不用君江上又芳為小  
邑篋中徒自有雅文書生胆氣人誰信遠俗歌謠主  
不聞一首新詩無限意再三吟咏向秋雲

詠梅子真送郭先輩

忠臣本愛民君仁人本愛民寧知貴與賤豈計名與  
 身梅生為一尉猷疏未君門君門深萬里金虎重千  
 鈞向永且不用公向况復論子真掛衣遂長往高節  
 遠無隣至今仙籍中謂之梅真人郭生負逆氣百代  
 繼遺塵進退生自知得喪吾不陳斯民苟有幸期子  
 一朝伸

和蕭即中午日見寄

細雨輕風未稟時寒簾隱几更何為豈知澤畔約蘭  
 客未赴城中角黍期多累靜思如判稟故書俛聽似

華古齋鈔本

舍鉛謝公制勝常閒暇願接西州敵手棋

送黃秀才始熟辟命

世亂離情苦家貧色養難水雲孤棹去風雨暮春  
 寒幕府才方急騷人泣未乾何時王道泰萬里看  
 鵬搏

送王四十五歸東都

海內兵方起離筵淚易垂憐君負米去惜此落花  
 時想憶者來信相寬指後期殷勤手中柳此是向  
 南枝

和太常蕭少卿近郊馬上偶吟

田園徑雨綠分畦飛蓋閒行九里堤拂袖清風塵不起滿川芳草路如迷開林始覺晴天迥潮上初鷺浦岸齊怪得仙郎詩句好斷霞殘照遠山西

又和

抱甕何人灌藥畦金銜為爾駐平堤村橋野店景無限綠水晴天思欲迷橫笛乍隨輕吹斷歸帆疑與遠山齊鳳城回望真堪畫萬戶十門蔣嶠西

拋毬樂詞

歌舞送飛毬金觥碧玉籌管弦桃李月簾幙鳳皇樓一笑千腸醉浮生任白頭

華古齋鈔本

其二

灼、傳花枝紛、度畫旂不知紅燭下照見彩毬飛借勢因期尅巫山暮雨歸

離歌詞

其二

莫折紅芳樹但知盡意看狂風幸無恙那忍折教殘朝日城南路旌旗照綠蕪使君何處去桑下覓羅敷

其三

事與年俱往情將分共深莫驚容髮改只是舊時心

其四

暫別芳相送佳期願莫違朱顏不面老留取待郎歸

其五

拂匣收珠珮回燈拭薄粧莫嫌春夜短匹似楚襄王

夢游

魂夢悠揚不柰何夜來還在故人家香蒙蠟燭時  
暗戶映屏風故斜檀的慢調銀字管雲鬢低微折  
枝花天明又作人間別洞口春深道路賒

其二

綉幌銀屏香霧間若飛魂夢到應難寤前人靜偏宜  
夜戶內春濃不識寒蘸甲遊鶻織似玉含詞忌笑賦

華古齋鈔本

於檀錦書若要知道名字滿院花開不姓潘

其三

南國佳人字玉兒芙蓉雙臉遠山眉仙郎有約長相  
憶阿母無猜不得知夢裡行雲還倏忽暗中攜手乍  
疑連因思別後閉窓下織得迴文幾首詩

卷之三終



徐公文集卷之四

東海徐鉉

詩

和蕭少卿見慶新居

湘浦懷沙已不疑  
京城賜第豈前期  
鼓鼙到晚知坊  
遠山色未多與靜  
宜  
昔屨尚應憐故物  
稻梁空自愧  
華池新詩問我偏  
饒思  
還念鶴鷄得一枝

又和

驚遠偶駐知多幸  
斷崖重聯愜素期  
當戶小山如舊  
識上墻幽藪最相宜  
清風不去因裁竹  
隙地無多也



擊池更喜良隣有嘉樹綠陰分得近南枝

送勛道人之建安

下國兵方起君家義獨聞若為輕世利歸去卧溪  
雲挂席衝嵐翠携筇破蘚紋離情似霜葉江上正  
紛、

送許郎中欽州判官兼黔縣

嘗聞黔縣似桃源况是優游冠玳筵道愛非違應卧

理

許常宰  
注縣

祖風猶在好尋仙

許宣平黔  
縣人得道

朝衣舊識重

香史祿米初營種林田大抵宦游須白達莫辭離別

二三年

華古齋鈔本

送彭秀才南游

問君孤棹去何之玉筍春風楚水西山上斷雲分翠  
靄林間晴雪入登凌琴心酒趣神相會道士仙童手  
共携他日時清更隨計莫如劉阮洞中迷

和明上人除夜見寄

酌酒圍爐久愁襟默自增長年逢歲暮多病見兵  
興夜色開庭燎寒威入研冰湯師無別念吟坐一  
燈疑

正初和鄂州邊郎中見寄

療倒含香客安涼賦鵬人未能全卷舌終擬學垂

綸故友睽離久音書問信頻相思俱老大又見一  
年新

送劉司直出宰

之子有雄文風標秀不群低飛從墨綬逸志在青  
雲柳色臨流動春光到縣分賢人多靜理未爽醉  
醺

送從兄赴臨川幕

梁王籍寵就東藩還名鄒枚坐兔園今日好論天下  
事昔年同受主人恩石頭城下春潮滿金柅亭邊綠  
樹繁惟有音書慰離別一杯相送別無言

華古齋鈔本

送龔員外赴江州幕

煩君更上築金臺世難民勞藉俊才自有聲名馳羽  
檄不妨談笑奉樽罍元規樓迥清風滿匡谷山春画  
障開莫忘故人離別意海潮回處寄書來

送朱先革尉廬陵

我重朱夫子依然見古人成名無愧色得祿及慈  
親莫嘆官資屈寧論活計貧平生心氣在終在靜  
邊塵

送德林郎中學士赴東府詩序

德林始以才術優瞻入參近司旋以地望清雅寵登

書殿會東哉克復上以君有遺愛于淮海之都故輟  
侍從之班攝尹正之任吾一二親友共餞行舟鉉也  
不才請以言贈理大國君烹小鮮言不可撓之也况  
亂後乎德林當本仁守信休寬務斷大兵之後民各  
思又聽其自理任其自營為之上者導其蒙過其淫  
而已示之以聰明則民益迷拘之以禁令則民重困  
棄仁則吏暴失信則衆惑急則民傷不斷則民懈慎  
此四者何往而不滅噫嘻吾黨皆忘形者也平生以  
來晉會者哉何當舟輿相接開口而笑携手而游在  
吾輩勉之而已忘身殉國急病擾夷德林此行宜減

華古齋鈔本

離慙盡各賦一物以為贈于九月十七日序

賦江

喬舜

揆袂向江頭朝宗勢未休何人乘桂楫之子過揚  
州颯、翹沙雁漂、逐浪鷗欲知離別恨半是淚  
和流

賦酒

徐鉉

酌此杯中物茱萸滿把秋今朝將送別他日是忘  
憂世亂方多事年加易得愁政成頻一醉亦未減  
風流

賦菊

蕭或

離情折楊柳此別異春哉含露東離艷泛香南浦  
杯惜持行次贈留棹醉中迴暮齒如能制玉山甘  
判類

賦遠山

徐鉉

瓜步妖氛滅崑岡草樹清終朝空極望今日送君  
行報政秋雲靜微吟曉月生樓中長可見持用減  
離情

賦水

陳元裕

上善湛然秋思波浴帶猷設言生險浪豈與見安  
流泛去星槎遠澄采月練流華瀉對離酌入洛稱

革古齋鈔本

仙舟

賦新鴻

鍾嶠

隨陽來萬里點、度遠空影落長江水穀悲半夜  
秋風殘秋辭絕漠無定似驚遠我有離群恨飄、類  
此鴻

送陳先生之洪并寄蕭少卿

聞君仙袂指洪涯我憶情人別路賒知有墟娛游楚  
澤更無書札到京華雲門驛聞連江靜春滿西山倚  
漢斜此處相逢應見問為言搔首望龍沙

送龔明府九江歸寧

詩首集

二

我寧墮官去扁舟著綠衣  
益城春酒熟 阜野花  
稀解纜垂楊綠開帆宿鷺飛  
一朝吾道表還逐落  
潮歸

和江南蕭少卿見寄

亡羊岐路愧司南  
一絕窮通聚散三  
老去何妨從笑  
傲病來省欲懶  
朝參離腸似線  
嘗憂斷世態如  
湯不可探珍重  
加餐省思慮時  
斟酒壺山嵐

其二

身送上國三千里  
名在朝中二十春  
金印不須辭入  
幕麻衣曾此嘆  
建津卷舒由我  
真齊物憂喜忘  
心即

草古齋鈔本

養神世路風波自翻覆  
虛舟無計得沉淪

送薛少卿赴青陽

我愛陶靖節更隱從  
絃歌我愛費微君  
高臨歸九華  
清風激頰浪來者  
無以加我志  
兩不遂漂淪  
浩無涯  
數奇時且亂  
此圖今愈賒  
賢者薛夫子  
高舉凌晨霞  
安民即是道  
投足皆為家  
功名與權位  
悠、何用誇  
揚羽出遠郊  
酌酒藉平沙  
雲水遠天靜  
江闊片帆斜  
離懷與企羨  
南望長嗒嗟

送高起居之涇縣

右史罷朝歸之官向水濱  
別我行千里送君傾一卮

酒罷長嘆息此君應悲亂中吾道薄鄉族舊人稀  
胡為佩銅墨去此白玉墀史事豈所堪民病何可醫  
藏用清其心此外慎勿為縣郭有位境千峰漢水西  
雲樹杳迴合岩壑互蔽虧彈琴坐其中世事吾不知  
時寄書札以慰長相思

宿茅山寄舍弟

茅許稟靈氣一家同上賓仙山空有廟舉世更無人  
獨往誠遠俗浮名亦累真當年各自勉雲洞鎮  
長春

晚憩白雀廟寄白容張少府

革古齋鈔本

日入林初靜山空暑更寒泉鳴細岩竇雀啾  
窸雲端拂榻安棋局焚香戴道冠望君殊不見  
終夕凭闌干

題紫陽觀

南朝名士富仙才追步東鄉遂不回丹井自深  
桐暗老祠宮長在雀窺來岩邊桂樹攀仍倚洞  
口桃花落復開惆悵霓裳太平事一函真迹鎖  
照臺

贈姜道士

先生曾有洞天期猶傍天壇摘紫芝  
處世自能心渾沌全真誰見德  
支離玉霄塵閉人長在金鼎功成俗

未知他日飛輪謁茅許願同鷄犬去相隨

題碧岩亭贈豫尊師

絕境何人識高亭萬象含凭軒臨樹杪逆日極天  
南積霽生泉洞歸雲鎖石龕丹霞披翠嶽白鳥帶  
晴嵐仙去留虛室龍歸漲碧潭幽岩君獨愛玄味  
我曾耽世上愁何限人間事久語終面脫羈鞅未  
此會空談

題白雀廟

平生心事向玄間一入仙鄉似舊山白雀唳空晴眇  
丹沙流澗暮潺湲常嗟多病嫌中藥擬問真經乞

華古齋鈔本

小還滿洞煙霞互凌亂何峯臺榭是蕭閒

步虛詞

氣為還元正心由抱一靈疑神歸罔象飛步入青冥  
整服乘三素放網躡九星瓊章開後學稽首奉真經

其二

天帝黃金闕真人紫錦書霓裳紛蔽景羽服迥陵虛  
白雀能為使斑麟解駕車靈符祇願借轉共世情殊

其三

聖主過幽谷虛王在蕊宮五千宗物母七字秘神童  
世上金壺遠人間玉籙空惟餘養身法修此與天通

其四

何處求玄解人間有洞天  
勤行皆是道謫下尚為仙  
蔽景來朱鳳排虛駕紫烟  
不嫌園吏傲願在玉宸前

其五

三素霏、遠盟威凜、寒火鈴空滅  
沒星斗曉闌干  
佩响流虛殿爐烟在醮壇  
蕭寥不可極驂駕上雲端

留題

瑤壇醮罷晚雲開羽客分飛  
俗士回為報移文不道  
勒未曾游處待重來

和陳洗馬山莊新泉

華古齋鈔本

已開山館待抽簪更要岩泉飲  
洗心常被松檟迷細  
韵忽流花片落高岑  
便疏茂瀨穿莎徑始有清光映  
竹林何日煎茶醒香酒沙邊  
同聽暝猿吟

奉和七夕應命

今宵星漢共晶光  
應笑羅敷嫁侍郎  
斗柄易傾離恨  
促河流不盡後期長  
靜聞天籟疑鳴佩  
醉折荷花想  
艷粧誰見宣猷堂上宴  
一篇清韵振金鐺

又和八日

微雲疎雨後新秋  
曉夢依稀十二樓  
故作別離應有  
以擬延更漏  
共無由那教人世長  
多恨未必大仙不



解愁博望苑中殘酒醒香風佳氣獨遲留

和印先輩及弟後獻座主朱舍人郊居之作

成名郊外掩柴扉樹影蟬聲共息机積雨暗侵青藜  
徑好風輕透白衣嘉魚始賦人爭誦荆玉頻收國  
自肥獨坐公廳正煩暑喜吟新咏見玄微印以前有嘉魚賦及弟

和致仕張尚書新創造院

梓澤成新致金丹有舊情挂冠朝睡足隱几暮江清  
藥圃分輕綠松窓起細聲養高寧獻病默坐對諸生

華古齋鈔本

尚書時  
有痔疾

和尉遲贊善秋暮僻居

登高節物最堪憐小嶺疎林對檻前輕吹斷時雲縹  
緲夕陽明處水登鮮江城秋早催寒事望苑朝稀足  
晏眠庭有菊花樽有酒若方閑全愧前賢

和陳贊善致仕還京口

海門山下漁舟中有高人未白頭已駕安車歸故  
里尚通閨籍在龍樓泉聲漱玉窓前落江色和烟檻  
外流今日君臣厚終始不道辛苦畫雙牛

京使回自臨川得從兄書寄詩依韵和

珍重還京使殷勤話故人別離長挂夢寵祿不閑  
身趨向今成道數華簪絕塵莫嗟容髻老詩句逐  
時新

陪鄭王相公賦善前垂冰應教依韵

寬外虛明雪乍晴善前垂雷盡成冰長廊危疊行  
空晚院風高寸增玉指乍拈善尚規金階時墜磬  
難勝晨餐堪醒曹參酒自恨空腸病不能

送禮部潘尚書致仕還建安

名遂功成累復輕鱸魚因起舊鄉情履屐初下金華  
省帆影著離石首城化劍津頭尋故老同亭會上問

華古齋鈔本

仙鄉宴鴻高舉真難事相送何須淚滿櫻

和尉遲贊善病中見寄

仙郎移病暑天過却似宴鴻避爵羅晝夢乍驚風動  
竹夜吟時覺露沾莎親情稍喜貧后近性懶猶嫌上  
直匆望苑恩深期忽藥青雲岐路未蹉跎

池州陳使君見示游齊山詩因寄

往歲曾游弄水亭齊峯濃翠暮軒橫猿出檻心雖  
喜傷鳥聞弦勢易驚病後替珠簾興老來泉石倍閑  
情今朝池口風波靜送賀山前有頌聲

再領制誥和王明府見賀

果者集  
蹇步還依列宿邊，拱辰重認舊雲天。自嗟多難飄零  
困，不似當年胆意全。鷄樹晚花疎向日，龍池輕浪細  
含烟。從來不解為身計，一葉悠、任大川。

送高舍人使嶺南

西掖官曹近，南溟道路遙。使星將渡漢，仙棹乍乘  
潮。柳映重和折，梅依大庾飄。江帆風折，山館雨蕭  
、陸買真迂闊，終童久寂寥。送君何限意，把酒一  
長詒。

和王明府見寄

時情世難消，吾道薄宦流。年危此身莫，嗟京華同寂

華古齋鈔本

寞。曾經兵革共漂淪，對山開戶惟求靜。買酒留賓不  
道貧。善政空多尚淹屈，不知誰是解憂民。

和方恭州見寄

逐客悽、重入京。舊愁新恨，兩難勝。雲水楚塞，千山  
雪風，結秦淮一尺冰。置醴開筵，情豈盡。投湘文，就思  
如疑。更殘月落，知孤坐。遙望紅蕙，一點星。

文獻太子輓歌

國有承祧重，人知秉哲尊。清風來望苑，遺烈在東  
藩。此日升緹，荀何因到寢門。天高不可問，烟靄共  
昏、

其二

夏啟吾君子周儲上帝賓音容一飄忽功業自紛  
綸露泣承華月風驚露臺正塵空餘商嶺客行哭不  
宜春

其三

出處成交讓經綸有大功凌碑瓜步北棠樹森山  
東百揆方時叙重恭遂不融故臣偏感咽曾是嘆  
三窮

其四

甲視光陰促園林天地長蕭茄咽無韻菊御筵相

華古齋鈔本

將盛烈傳彛鼎遺文被樂章君臣知己分零淚亂  
無行

其五

彩伏清晨出非同蓋曾時愁烟鎖平甸剝吹繞寒  
枝楚客來何補維山去莫追回瞻飛蓋處掩袂不  
勝悲

送王員外宰德安

家世朱門貴官資粉署優今為百里長應好五峯  
游柳影連彭澤湖光接更樓承明頂再入官滿莫  
淹留

以瑞溪硯酬張員外水精珠兼和來篇

請以瑞溪潤耐君水玉明方圓雖異器功用信俱  
呈自得山川秀能分日月精中箱各珍重所賞在  
交情

奉使九華山中塗過青陽薛郎中

故人相別動相思此地相逢豈素期九子峯前閑未  
得五溪橋上坐多時甘泉從幸予知忝宣室徵還子  
未逢且飲一杯消別恨野花風起漸離披

奉命南使經彭澤

值明王府不在留此

遠使程途未一分離心常要醉醺那堪彭澤門前

華古齋鈔本

立黃菊蕭疎不見君

南都過前嘉魚劉令言游閩嶺作此與之

我持使節輕船石君作游閑過武夷西地山光成獨  
賞隔年鄉思暗相思洪崖壇上長岑寂孺子亭前自  
別離珍重分岐一杯酒強加餐飯數吟詩

閩皂山

殿影高低雲掩映松陰繚繞步徘徊從今莫厭簪裾  
累不是乘輅不得來

玉筍山留題

仙鄉會應遠王事如何極征傳莫辭勞玉峯聊一息

形骸已銷散，心想都凝寂。真氣自清，非閨好松石。九  
仙皆積學，洞壑多遺迹。游子歸去，未胡為但征役。

廬陵別朱先輩

桂籍知名有幾人，翻飛相續上青雲。解憐才子寧惟  
我，遠作卑官尚見君。嶺外獨持嚴助節，宮中誰薦長  
卿文。新詩試為重高咏，朝漢臺前不可聞。

文或少卿文，山即中文游。深至二紀已餘賧。

別數年，二子長逝，奉使嶺表，逢次南康，吊

孫氏之孤于其家，覩文或手書于僧室，懷

慨悲嘆留題

華古齋鈔本

孫家虛座吊諸孤，張史僧房見手書。二紀散游今若  
此，滿衣零淚欲何如。腰間金印從如斗，鏡裡霜華已  
滿梳。珍重遠公應笑我，塵心惟此未能除。

承慶士相與有山水之願，見送至南康，作此

以別之

憐君送我至南康，更憶梅花瘦嶺芳。多少仙山共游  
在，願君百歲尚康強。

清明口清遠峽作

嶺外春過半途，中火又新殷。勤清遠峽，留戀北歸人。  
回至南康，題紫極宮道士房。

王事信靡盬飲冰安足辭胡為擁征傳乃至天南陔  
天南非我鄉留滯忽踰時還經羽人家豁若雲霧披  
何以寬吾懷老莊有微詞達士無不可至人豈偏為  
客愁勿復道為君吟此詩

和歙州陳使君見寄

新安風景好時令肅轅門身貴心彌下功多口不言  
韜鈴家法在儒雅素風存簪履陪游盛鄉閭俗化  
敦臨憲小邑秀繞郭水靄喧纖俗文章麗於嚴道義  
尊樓臺秋月靜京使晚雲屯曉吹傳衙鼓晴陽展  
信璠一篇貽友好千里倍心論未見歸驂動空能從

華古齋鈔本

夢魂

和賈員外戲見贈玉蕊花栽

瓊瑤一族帶花來便蒼苔手自栽喜見唐昌舊顏  
色為君判病酌金盃

光穆皇后挽歌

仙馭期難改坤儀道自光闕宮新表德沙麓舊膺  
祥素帶堯門掩凝笳畢陌長東風慘陵樹無復見  
親桑

其二

永樂曾虛位長陵啟夕扉返虞嚴吉仗復土掩空

衣功業拔三母光靈極四妃惟應彤史在不與露  
花瑞

其三

隱：閣門路烟雲曉更愁空瞻金輅出非是濯龍  
游德感人倫正風行內職修還隨偶物化同此畏  
軒立

蔡相公宅牡丹

但是豪家重牡丹爭如丞相閣前看鳳樓日暖開偏  
早鷄樹陰濃謝更難教柔已應迷國艷一枝何幸上  
塵冠不知更許凭闌否爛熳春光未肯殘

華古齋鈔本

侍宴賦得歸雁

夜靜群動息翩一雁歸清音天際遠寒影月中  
微何處雲同宿長空雪共飛陽和常借便免與素  
心違

又賦早春書事

苑裡芳華早皇家勝事多弓鼓送春氣奕思養天  
和暖酒紅爐火浮舟綠水波雪晴農事起擊壤聽  
齊歌

薔薇詩一首十八韵呈 東海侍郎 大尉

中書令鄭王從善



綠影覆幽池芳菲四月時管絃朝夕興組綉百千  
枝盛引牆者逼高頰架屢移露輕濡採筆蜂誤拂吟  
髡日照玲瓏慢風搖翡翠帷早紅飄舞地狂蔓挂  
蛛絲嫩刺牽衣細新條率草垂晚香難暫捨嬌態自  
相覩深淺分前後容華互盛衰樽前留客久月下欲  
歸遲何處頰臨砌誰家客映離絳羅芳燦爛碧玉葉  
參差分得股勤種開未遠近知晶熒歌袖袂未弱  
舞腰肢膏肓誰將此庭萱合自唾刁狂低水鑑泣淚  
滴烟靄畫擬憑梁塵名宜亞楚姬寄君十八韻思  
拙媿新奇

革古齋鈔本

依韵和令公大王薔薇詩

綠樹成陰後群芳稍歇時誰將新濯錦挂向最長枝  
寒箔香先入凭闌影任移賞頻嫌酒渴吟苦怕霜  
絲架迎龍雲墜庭虛夜綉帷有情薰舞袖無力冒游  
絲嫩蕊鶯偷採柔條柳伴垂芍池波自照梁苑客  
常窺玉李尋皆謝金桃亦暗衰花中應獨貴庭下故  
開蓬委艷粧苦砌分花借槿籬低昂勻灼燂濃淡  
疊參差幸植玉宮裡仍逢寧相知苦心向誰許解態  
不能支芍藥天教避玫瑰衆共唾光明映畫景潤  
膩裏輕靄麝似期神女珍如重衛姬君玉偏屬咏七

子盡搜奇

和門下殿侍郎新茶二十韵

暖吹入春園新芽競榮然才教鶯嘴折未放雪花妍  
 荷杖青林下携筐旭景前米茶酒在日未出之前孳靈竇雨露  
 鍾秀自山川碾後香彌遠烹未色更鮮名隨地土貴  
 味逐水泉遠力藉流黃煖形模紫筍圓茶之美者有國捲紫筍  
 正當錯柳火遙想湧金泉陽羨茶山有金步泉修貢時出任道時新  
 物酒依古法煎輕甌浮綠乳孤竈散餘烟甘薺非予  
 匪宮槐讓我先槐樹芽亦可為茶竹孤空舟、荷弱設田、  
 解渴消殘酒清神感夜眠十漿何足饋百榼盡堪捐

華古齋鈔本

永擲惟憂晚營求不計錢任公因培顯陸氏有徑傳  
 爰甚真成僻嘗多合得仙亭臺廢靜處風月艷陽天  
 自可臨泉石何妨雜管絃東山似蒙頂願得從諸賢

卷之四終



徐文公集卷之五

東

海

徐

鉉

詩

春雪應制

繁陰連曙景瑞雪洒芳辰  
勢益猶疑臘風和始覺春  
綦林開玉蕊飄座裏香塵  
欲識宸心悅雲詔魁北人

進雪詩

欲使新正識有年故飄輕絮伴春還  
近者瓊樹籠銀闕遠想瑤池帶玉闌  
閨逆楚楚鋪綠野煖隨杯咽上  
朱顏朝未花萼樓中宴數曲登雅頌間

自題山亭

簪組非無累園林未是歸世喧長不到何必故山薇

其二

小舫行乘月高齋卧看山退公聊自足爭敢望長閒

其三

跋石仍臨水披襟復挂冠機心忘未得棋局與魚竿

和陳表用員外求雨

暑天頻雨亦頻晴簾外閒雲重復輕珍重一壺酬唱  
絕向送醉吟敍

奉賀右省僕射西亭高卧作

華古齋鈔本

院靜蒼苔積庭幽怪石歌蟬散當檻急虹影向蒼  
垂晝漏猶憐永叢蘭未覺衰跡篁葉翡翠折覆鶴  
鷗對酒襟懷曠圍棋古趣遲景皆隨所尚物各遂  
其宜道與時相會才非世所羈賦詩貽座客秋事爾  
何悲帶

憶新塗鵲池寄孟賁于員外

往來塗水駐行軒引得清流似月圓自有凌光還碧  
甃不勞人力通金缸潤滋苔蘚欺茵席散入松杉當  
管絃珍重詩人頰管領莫教塵土咽潺湲

右省僕射後湖亭間晏鉉以宿直先歸賦詩

留獻

湖上一陽生  
虛亭敞高晏  
楓林烟際出  
白鳥波心見  
主人忘貴達  
座客容此賤  
獨殘照慙慙  
催歸宿光明殿

送孟賓于員外歸新塗

暫來城闕不從容  
却佩銀魚隱玉峯  
雙澗水邊歌醉石  
九仙臺下聽風松  
題詩翠壁稱遊客  
采藥春畦狎老農  
野雀乘軒雲出岫  
不知何日再相逢

孟君別後相續寄書作此酬之

多病怯煩暑  
短才憂近職  
跣足北窗風  
送懷浩無

華古齋鈔本

極故人易成  
別詩句空相憶  
尺素寄天涯  
金江秋水色

納后夕侍宴

天上軒星止雲間  
湛露垂禮容  
過渭水喜晏過瑤池  
彩霧籠花燭  
升龍肅羽儀  
君臣歡樂日  
文物盛明時  
魚筮銀河轉  
香疑玉漏遲  
華封傾祝意  
觴酒與報詩

又三絕

時平物茂歲功成  
重翟排雲到玉京  
四海未知春色至  
今宵先入九重城

其二

銀燭金爐夜漏移月輪初照萬年枝造舟已似文王  
事卜世應同八百期

其三

漢主承乾帝道光天家花燭晏昭陽六衣盛如金屋  
彩筆題詩似柏梁

北苑侍宴雜咏詩

竹

勁節生宮苑虚心奉豫游自然名價重不羨渭川侯

松

華古齋鈔本

細韻風中遠寒青雪後濃繁陰堪避而効用待東封

水

碧草低垂岸東風起細波橫分從游晏何謝到天河

風

昨朝總解凍今日又開花帝力無人識誰知玩物華

菊

細鹿披金彩氤氳散遠馨况杯頻奉賜緣解制顏齡

柳枝詞十首 在中應制

金馬詞臣賦小詩梨園子弟唱新詞君恩還似東風  
意先入重和蜀柳枝

其二

百草千花共待春  
綠楊顏花最驚人  
天邊雨露年  
在上苑芳華歲、新

其三

長愛龍池二月時  
氤氳金線弄春姿  
假饒葉落枝空  
後更有梨園笛裡吹

其四

綠水成文柳帶搖  
東風初到不鳴條  
龍舟欲過偏留  
戀萬縷輕絲拂御橋

其五

華古齋鈔本

百尺長條婉麴塵  
詩題不畫畫難真  
慈君折向人間  
種還似君恩處、春

其六

風暖雲開晚照明  
翠條深映鳳皇城  
人間欲識靈和  
態聽取新詞玉管聲

其七

醉折垂楊唱柳枝  
金城三月走金羈  
年、為愛新條  
好不覺春華也似絲

其八

新春花柳競芳姿  
偏愛垂楊拂地枝  
天子偏教詞賦



客宮中要唱洞簫詩

其九

凝碧池頭蘸翠蓮  
鳳皇樓畔簇晴烟  
新詞欲咏知難咏  
說與雙成入管絃

其十

侍從甘草奏與未央移  
舟偏要近垂楊  
櫻桃未綻梅花老  
折得柔條百尺長

奉和宮傳相公懷舊見寄四十韻

謝傳功成德望全  
鸞臺初下正蕭然  
搏風乍息三千里  
感舊重懷四十年  
西掖新官同買馬  
南朝興運似

華古齋鈔本

開天文辭職職業分  
五拙流輩首讓後  
先每愧陋容勞  
刻畫長慚頑石費  
彫鐫晨趨綸掖吟  
春永夕會精廬  
待月圓立馬有時  
同草詔聯鑣我處  
共成篇閒歌柳葉  
翻新曲醉詠桃花  
促倚筵少壯况逢  
時世好經過寧慮  
歲華遷雲龍得路  
頂騰躍社標非材  
合棄捐再謁湘江  
獨是幸而還宣室  
竟何緣已知瑕玷  
勞磨琢人得官司  
重接連聽漏分宵  
趨建禮從游同召  
赴甘泉雲閣闈闈  
分臺欬風過華林  
度管絃行止不  
離宮伏影衣裾常  
惹御爐烟師資稷  
契論中禮依止  
山公典小銓多謝  
天波垂赤管敢教  
晨景過華埽翻

飛附驥方徑遠巨楫乘風逐濟川玉燭調時鈞軸正  
台階平履德星懸巖廊禮絕威容肅布素情深友好  
偏長擬營巢安大廈忽驚搖鉞領中權吳門日麗龍  
銜節京口沙晴鷁画舫蓋代名高方赫、應恩心切  
更乾、袁安辭屐屐忘仍慙吳漢精誠直且守却許丘  
明師紀傳更容疏廣奉周旋朱門自得施行馬厚祿  
何妨食萬錢家疏尚應勞猷昔談清惟見論空玄東  
山妓樂供閒步北牖風涼足晏眠玄武湖邊林隱見  
五城橋下棹回沿曾游苑樹開紅藥新鑿家池種白  
蓮不遣前騎妨野逸別尋逋客立招延棋枰寂靜陳

華古齋鈔本

虛閣詩筆沉吟擘彩牋往事偶來春夢裡閒愁因動  
落花前青雲舊侶嗟誰在白首親情倍見憐盡日凝  
思殊悵望一章追叙信精研韶顏莫與并爭競世慮  
須憑道節宣幸喜書生為將相定由陰德致神仙  
羊公剩有登臨興尚子都無嫁娶牽退象天山鎮浮  
競起為霖雨潤原田從容自保君臣契何必扁舟始  
是賢

相公垂覽和詩復貽長句輒次未韵

西院春歸道深思披衣閒曉猿吟鋪陳政事留黃  
閣偃息神機在素琴五柝暫時疎未座瑤章頻復惠

清音開晴便作東山約共賞烟霞放曠心

九日落星山登高

秋暮天高稻稔成落星山上會諸賓黃花汎酒依流  
俗白髮滿頭思古人岩影晚者雲出岫湖光送看客  
垂綸風烟不改年長度終待林泉老身此

十日和张少監

重陽高會半古臺吟遍秋光始下來黃菊後期香未  
減新詩捧得眼還開每因佳節知身老却憶前歡似  
夢回且喜清時妾行樂是非名利盡悠哉

御筵送鄧王

華古齋鈔本

禁裡秋光似水清池烟林影共離情暫移黃閣只三  
載却望紫垣多教程滿座清風天子送隨車甘雨郡  
人迎綺霞閣上題詩在從此還應有頌報

和张少監晚菊

憶共庭蘭倚砌裁柔條輕吹獨依隈自如佳節終堪  
賞為惜流光未忍開未擷也須盈掌握馨香還解滿  
樽壘今朝旬假猶無事更好登臨泛一杯

送馮侍郎

聞君竹馬戲毘陵誰道觀風自六卿今日報名光舊  
物共看旌旆擁書生斬蛟橋下凌烟碧射虎亭邊草

路清塵念遠中倍離恨老來偏重十年光

又絕句寄題毘陵驛

曾持使節駐毘陵長與州人有舊情為向驛橋風月  
道舍人鬢髮白千莖

陳侍郎宅觀花燭

今夜銀河萬里秋人言織女嫁牽牛玳瑁敲窗亮和金  
奏燭影榮煌映玉鈎座客亦從天子賜更籌須為主  
人留世間盛事君知否朝下鸞臺夕鳳樓

送蕭尚書致仕歸廬陵

江海分飛二十春重論前事不堪聞主憂臣守誰非

華古齋鈔本

我曲突從薪惟有君金紫滿身皆外物雪霜垂領更  
離情宜歸華表望不盡玉筍山頭多白雲

賦得秋江晚照

落日照平流晴空萬里秋輕明動楓葉點的亂沙  
鷗鷺網魚梁靜葦登稻穗收不教行樂倦冉、下  
城樓

奉和子龍太監與舍弟贈答之什

石渠東觀兩優賢明主如臣豈偶然鴛鴦分行皆接  
武金蘭同好共忘年懷恩未遂林泉約高位空慚但  
綬懸多少深情知不盡好音相慰強成篇

史館庭梅見其毫末歷載三十今已半枯常  
僚諸公惟相公與鉉在耳覩物興感率成  
短篇謹書獻上伏惟垂覽

東觀婆婆樹曾憐甲坼時繁英共攀折芳歲幾推移  
往事皆陳迹清香亦暗衰相看宜自喜雙鬢各垂  
絲

昂臣學士侍郎以東館庭梅昔翰苑之毫末  
今復半枯向時同僚零落都盡素髮垂領  
茲唯二人感舊傷懷登于吟咏惠然好我  
不能無言輒次朱韵攀和

華古齋鈔本

憶見萌芽日還憐合抱時舊歡如夢想物態暗還移  
素艷今無幾朱顏亦自衰樹將人共老何暇更悲絲  
再次前韵代梅答

托植經多稔面豈向盛時枝條雖已改情分不曾移  
莫訝堦前老還同鏡裡衰更憐墮葉殘咬掛虫絲  
太傅相公深感庭梅再成絕唱曲垂借示倍  
認如憐謹用舊韵攀和

禁省繁華地含芳自一時雪英開復落紅葉植還移  
謂常為翰林靜想分今昔頻吟嘆盛衰多情共如此  
人為史館爭免鬢成絲

大傳相公以東觀庭梅西垣舊植昔陪盛賞  
今獨家兄唱和之餘俾令攀和輒依本韵

伏愧斐然

徐 錯

靜對含章樹漢有含章善下樹閒思共賞時  
香隨荀令在根異武昌移物性雖搖落  
人心豈變衰唱酬勝笛曲未  
往韵朱然

昂臣學士侍郎楚金舍人學士以再傷庭梅

詩同岳龍和清絕感嘆情致俱深因成四

十字陳謝

徐 說

人物同遷謝重成念舊悲連華得瓊玖合奏發壙

華古辭鈔本

荒餘卉雖無取茂芳尚獲知問君何所似珍重杜  
秋詩

太傅相公以庭梅二篇許舍弟同賦再送

思曲有虛稱謹依韵奉和

舊春終無昔流光自足悲攀條感花芳和曲許壙  
堯前會成春夢何人更已知緣情聊借喻爭取道  
言詩

太傅相公與家兄梅花酬唱許敘末篇再賜

新詩俯光拙句謹奉清韵用感鈞私伏惟

米覽

徐 錯

重嘆梅花落非閑塞笛悲論文叨接夢末曲愧吹荒  
毛詩云仲氏吹荒枝逐清風動香因白雪知陶釣數友涕更  
賦邵公詩

和鍾大監泛舟同游見示

朝溝橫趣北山阿一月三游未是多老去交親難暫  
舍閒中滋味更無過溪樹橋映行人渡村徑風飄牧  
豎歌孤檣亂流偏有興滿川晴日弄微波

又和游先睦院

寺門山水際清波照鏡顏客檣晚維岸僧房猶掩  
閑日華穿竹靜雲影過堦閒箕踞一長嘯忘懷物

華古齋鈔本

我問

和張少監舟中望蔣山

溪路向還背前山高復重紛披紅葉樹間闌白雲  
峰盡日慵移檣何年醉倚松自知閒未得不敢笑  
周顒

御札

新酒初熟偶與鄭王諸公開嘗于清宴堂廡之間既  
覽秋物復矚霜戕因賦茱萸一題以遣此時之興卿  
鴻才敏思不可獨醒宜應急徵同賦前旨

茱萸詩

翰林學士臣徐鉉進

萬物慶西成，茱萸獨擅名。房排紅結小，香透夾衣輕。  
宿露沾猶重，朝陽照更明。長和菊花酒，高宴奉西清。

奉和御製茱萸

莖畔西風御果新，芳香精彩麝蕭辰。柔條細葉粧冶好，紫蒂紅芳點嫩勻。裁柔得陪天上宴，千枝長作洞中春。今朝聖澤偏流咏，黃菊無由更敢隣。

蒙恩賜酒奉旨令醉進詩以謝

明光殿裡夜迢迢，多病逢秋自寂寥。  
臣以病或蠟炬酒多時  
乍傳丹鳳詔，御題初認白雲謠。今宵幸識樽樽味，明

華古齋鈔本

日知停入閣朝，為感君恩拚一醉。不煩辛苦解金貂。

秋日泛舟賦蘋花

素艷攤行舟，清香覆碧流。遠烟分的的，輕浪泛悠悠。  
兩歇平湖滿，風涼運甍秋。今朝流咏處，即是白蘋洲。

題梁王舊園

梁王舊館枕湖溝，共引垂藤繫小舟。樹倚荒臺風漸、草埋歌石雨條、門前不見鄒枚醉，池上時聞陸、葛、嵇、阮士。逢秋多感激，不道顏向此中游。

奉酬度支陳員外



古來賢達士馳駕惟群書非禮誓弗習遺道無與  
吾儒家君過閩遂將世情疎吾友嗣世德古風萬有  
餘幸過漢文皇桂蘭佩金魚俯視長沙賦淒淒將  
馬如

明道人歸西林求題院額作此送之

昔從岐陽狩簪纓滿翠微十年芳我夢今自送師  
歸曳尾龜應樂乘軒在設肥含情題小篆將去桂  
岩扉

送宣州立判官

憲署游從阻平基道路賒喜君馳後乘于此會仙

華古齋鈔本

槎後酌蓬飛蓋微吟望綺霞相迎在春渚暫別莫  
咨嗟

北使還襄邑道中作

九月三十日

九月三十日獨行梁宋道河流激似飛林邑翻如  
掃程遠苦晝短野迥知寒早還家亦不閒要且還  
家了

禁中新月

今夕拜新月沉、禁署中玉繩疎間彩金掌靜無  
風節換知身老時平見歲功吟看北峰暖蘭燼墜  
微紅

觀吉王花燭

王門嘉禮萬人觀况是新承置醴觀花燭喧填丞相  
府星辰搖動遠游觀歌鼓暫闕聞官漏雲影初開見  
露盤帝里佳期頻賦頌長留故事在金臺

棋賭賦詩輸劉起居

刻燭知無取爭先素未精本圖忘物我何必計輸贏  
賭豈終規利焚囊亦近名不如相視笑高詠西三教

春盡日游後湖贈起居

劉時方燒藥

今朝湖上送春歸萬頃澄波照白蘋笑折殘花勸君  
酒金丹成熟是何時

華古齋鈔本

送蔡院李侍御使廬陵因寄孟員外

綉衣乘駟急如星山水何妨寄野情肯向九仙臺下  
歇閒聽盞叟醉吟聲

後湖訪古各賦一題得西邱

南朝藩閫地八友舊招尋事往光山在春晴草色深  
曲池魚自樂叢桂鳥頻吟今日中興運猶懷翰墨林

送德邁道人之豫章

禪靈橋畔落殘花橋上離情對日斜願我乘軒漸組  
綬羨師飛錫指烟霞樓中西嶺真君宅門外南州處  
士家莫道空談便無事碧雲詩思更無涯

送陳松監歸泉州

風滿潮溝木葉飛水邊行客駐駝駝三朝恩澤馮唐  
老萬里鄉閔賀監歸世路窮通前事遠半生談笑此  
心遠離歌不識高堂慶特地令人淚滿衣

又曉寬裳羽衣曲送陳君

清商一曲遠人行桃葉津頭月正明此是開元太平  
曲莫教偏作別離歌

又題白鷺洲江鷗送陳君

白鷺洲邊江路斜輕鷗接翼滿平沙吾徒未送遠行  
客停舟為爾長嘆息酒旗漁艇西無猜月影蘆花鎮

革古齋錄本

相得離筵一曲怨復清滿座銷魂鳥不驚人老不及  
水禽樂安得虛名上麒麟同心攜手今如此金鼎丹  
砂何寂寞天涯後會渺難期從此又應添白髮頽君  
不忘分飛處長保翩翩紫白姿



徐公文集卷之六

東海徐鉉

保寧王制

南昌王制

張君詠制

馬希崇舒州節度使制

馮延巳加特進制

林仁肇浙西節度使制

鄧王加司空制

上太后尊號制

徐遵授太子太保制

朱業江州節度使制

朱業宣州節度使制

劉從勳檢校太師制

嚴續除司空制

改封江王制

謝平加特進制

鄭王加元帥制

朱業加中書令制

馬在貴加官制

華古齋鈔本

游簡言平章事制

保寧王制

門下昔先王聰明時憲文質載周親、之義莫之或  
改乃知封建之重宗社攸賴友愛之美風教攸先  
奉舊章敢忘循舉二十弟某稟質冲粹慎德孝恭出  
言有章好學不倦故我文考慈訓備隆而能踐修嘉  
猷忠迪前哲卓爾令器時惟老成越予眇冲肇當備  
服賴臨謀之啟後仰垂鑒之在天尚念多艱懼弗克  
荷是用曠眊親以佑涼德班宗彙以懷萬邦錫爾  
以山川表爾以車服師長之任申而寵之敦叙之恩

于是乎在嗚呼直茅侯社禮莫得焉連華棟夢親莫  
既焉履信思順可以無悔尊師重道事以多聞盡愛  
敬以奉親顏極惠和以享室宗勿挑勿惰有初有終  
服我訓詞永光懿烈可

南昌王制

門下昔西周之分陝服則曰風報所存南朝之治楊  
州則曰本根攸寄非親賢碩望不足以表東夏非輔  
相重位不足以副具瞻天下為公百王不易肆于數  
命匪敢有私長子某敦信厚之風秉孝恭之德允迪  
前烈率由生知自剖麟符往後准曰尊敬師保奉行

華古齋鈔本

詔條有所問而不干知為善之最樂東楚之俗向風  
而安時以為能朕亦自慰大陟明賞善有國大典苟  
得其所雖親何嫌是用特就留臺寵開相府榮貴之  
數儀制存焉噫為政無他勤則有繼舉德甚易終之  
寔難無以安佚自居而忘夙夜之戒無以驕貴自負  
而忽藥石之言治亂善敗則有先聖之遺經憲章文  
物則有中朝之成式謚訪佩服身先行之教哉慎哉  
無忝多訓可

張君詠制

門下昔在先王任賢尚齒出將入相所以任賢也尊

師重傳所以尚齒也况乎擇藩屏之寄膺輔導之求  
高步承華誕揚師訓克堪其選我有人焉某負貞幹  
之材稟純享之德亟更庶尹歷事累朝昇元始基賴  
其獻納故陟鸞臺之位爰立作相保大踰歲藉其後  
懷故委龍節之權受朕之社懋乃嘉績叶于朕心殷  
邦政戎輯瑞未親方圖位著爰得金諧而昔自故相  
已嘗為保重煩耆德俾傳東朝尊敬之儀典章斯在  
噫昔者叔孫踈蚤善于其職克繼未躅可不慎歟勉  
著嘉猷以副時望可

撫州節度使馬希宗除舒州節度使制

華古齋鈔本

門下姬周同德曹叔封于王畿炎漢功成臣揚僕耻  
居閔外是知藩翰之重所寄必同遠近之差以斯為  
寵我有成命爾其敬德 某識度恢弘風猷茂遠家勛  
蓋世不怙貴以驕人多難存臻每忘身而濟物智能  
遠變仁足元宗未庭不俟于七旬保境豈徒于五郡  
劉聰舉全燕之地弘正輸雄魏之邦故寔攸存懋章  
何炫是用加之飲賜尊以上公陟負璽之崇資委建  
牙于列鎮虛襟而見前帝與談言語有章威儀可別  
既叶跂予之望且聖懋闕之心藹爾誠明形于表疏  
愈嘆忠勤之格宜更節制之權而永春全軍舒膺舊



國地望無慚于汝水封疆蓋通于玉城用諧日近之言尚負河閩之福俾迴新命往受中樞於戲大義昭彰朝恩渙汗千里之地可以觀政三軍之帥可以圖功永樹風教無忘多訓可

太弟大保馮已延落起復加特進制

門下爵賞之行憲章斯在急于務則違其變終其事則歸于禮將軍重任足以奪孝子之情特進崇班自昔冠諸侯之上中為懋典允為公才具官憲延已儒雅積中機神應物風雲夙契魚水莫符處多士之朝副具瞻之望又移相府出鎮臨川封境接懷教獻茂

華古齋鈔本

遠頃集蓼莪之痛俯從金革之權露冕有誠輯瑞未覲疇咨舊德保佑東朝比跡傳之在前允諧擬議類魯公之拜後造就變除俾進崇階庶申優寵於戲將相之重首商以惟聖儲兩之尊繫爾以成德知人則哲予用弗疑勉揚後圖無吝多訓可落起復冠軍大將軍加特進餘并如故

林仁肇浙西節度使制

門下建侯樹屏有國之攸先崇德報功百王之所共斯為令典予敢忘之鎮海軍節度浙江西道觀察等使留後金紫光祿大夫檢校太傅齊南縣開國伯食

邑七百戶林仁肇稟此星芒鬱為時幹鼓輦之氣指  
勅敵而愈高金石之心因時報而益壯故能灼殊功  
于南部良多壘于東門元戎所行績用昭著及德留  
務于浙之西成師著無犯之威察俗有惟清之化屹  
爾京口殷然長城予惟汝嘉俾正藩守因爾才畧樹  
之風毅雄師大邦所以屏王室尊官盛典所以懋官  
成惟惠惟和有嚴有翼使予無東顧之慮者繫其類  
烏克堅一心以永百祿可依前檢校太傅兼御史大  
夫使持節都督潤州諸軍事潤州刺史充鎮海軍節  
度使浙江西道管内營田觀察處置等使功臣散官

華古齋鈔本

勛封如故

紀國公封鄧王加司空制

門下宗子維城良臣惟聖故有王社之教曷司之權  
親：賢、古之大訓也我有成命時惟至公第七子  
某識度淹通器質清粹就傳之嚴威儀不愆出閣已  
未問望所著向由邦政入踐中樞內形將順之規外  
盡彌綸之業人知親附俗待和平邦家之基斯寔攸  
賴今六駢巡守萬東啟行方首亮暉之勤宜有疇庸  
之典畫南陽而錫壤掌邦土以命官併加馭貴之資  
益峻具瞻之望於戲義極君父愛敬之道兼烏任隸

文武弛張之政存焉爾其佩服前訓諮詢舊物勿驕勿惰有初有終永樹風教以保元吉

上太后尊號制

門下膺昊穹之眷荷宗祏之重何嘗不嚴奉慈訓聿循孝理所以化成天下弘濟多艱親、尊、教之大者也况沉潜之德丕顯于國風輔佐之勳光昭于王業今遺恩累洽靈鑒在天卑予小子恭踐大寶思弘任嬖之烈徂恢三丘之基契章盛典敢忘祇奉宜上行國主皇后尊號為太后

太子少傅徐遵授太子太保制

華古齋鈔本

門下崇德尚賢推恩錄舊茲惟令典允屬時英予以眇躬嗣膺丕業咸藩之望羽翼之恩敢忘寵章用光師道其清直稟氣忠厚為首寔戚里之所宗璧景朝而見重敬慎即保家之主恭勤無出位之思爰自京口臨藩克貞師律鸞臺作相足享時風留侯旋務于退身跡受更闡于稱職純誠益著雅望攸高昨者預奉綴衣道揚末命忠貞以濟典禮無違顧冲人悞德弗嗣當此承祧之日益堅重傅之懷是用就改崇資仍加食賦焉呼班榮一品杖視三師苟非賢臣孰克臻此永期納誨無替令猷可

朱業江州節度使制

門下古者諸侯之賢入為卿士上公之寵出為方伯  
故中外之任踐更攸宜我有勳臣咸曰名將藩維宿  
衛夫輔冲人肆予仰成是用中告某家傳武略天賦  
純誠名因勇聞位以材致周旋紀數左右累朝由禪  
將以統元戎勤勞滋茂自百城而登連帥殷政洽聞  
寵益盛而君驚位益高而愈讓予養服之始駿奔未  
朝且堅懇闕之心因虛周盡之位忠貞跡同夙夜惟  
寅輦肅清時乃之力永言舊德豈忘予懷會九江元  
侯入奉朝任中流之寄非賢不居是用輟蘭倚之權

華古齋鈔本

付金符之重性分巨屏更佇殊庸噫簡師旅以壯軍  
報明紀律以宣庶政可畏可受富之教之是汝所長  
無替前効陟明有典敎惟欽哉可

朱業宣州節度使制

門下車服之寵所以報功藩閫之權所以觀政茲為  
令典允厲信臣某智勇推高忠貞特立秉武經而致  
用服戎政以君多識惻洞然始一揆及方符出守  
持節立留恩信並行詔條畢舉肅連營而無犯視赤  
子以如傷所臨之方去思仍在向鍾多難入衛京師  
憂國忘家令行禁止群情自固戎事以寧肆予仰成

時乃之力今疆場甫靜恭庶未康宣城奧區國家巨  
屏方當謀帥是用策勛資果毅以壯先聲假惠和而  
蘇疲俗付爾節鉞徃鎮撫之惟爾慈儉足以安民剛  
正足以行法必當望風自理投刃皆虛宜弘寬大之  
規以集中庸之德勉茲具美永振嘉猷可

泉州節度使劉從勳檢校太師制

門下望高于朝則享師保之任惠加于物則進土田  
之封所以教佑冲人藩屏王室者也我有寵數屬于  
元侯其山岳儲精星芒稟異挺全才而應用激大義  
以致身而自際會先朝奮奇策靜一方之多難越萬

華古齋鈔本

里以來庭故得倚作藩宣誓之帶礪而能恩威洽著  
紀律修明戎政有經理蔽日遠聲猷有不欺之頌朝  
廷無南顧之憂茂績忠規古難其比粵予眇質嗣德  
弗明賴我友邦越乃賢帥推誠翼戴克荷景靈渙汗  
之恩惟恐不至是用增以井賦崇為太師美歸峻階  
併伸殊渥乞言之禮可以觀德殿邦之寄可以樹  
勳勉揚全國永錫繁祉可

右檢校續除司空兼門下侍郎平章事制

門下天作司牧必生丞弼非君臣同體則道不明非  
律呂交感則功不濟粵予眇質負荷景靈不有時賢

豈哉多難敬若先意疇茲舊臣其純粹炳靈忠和成  
性龍台鼎之慶連肺腑之親歷奉累朝亞史庶尹憂  
國家之事知無不為經夾險之間中立不倚言必由  
于忠信行必自于誠明勞而弗矜謙以自牧先朝鑒  
其誠志任以腹心頃當建守之初俾貳主留之寄盡  
規獨慮夜思晝行京輔以寧時乃之力及奉揚末命  
以佑冲人送往事居禮無違者忠勛及墳人無間然  
今二后在天萬物思理于方乃眷民亦具瞻是用命  
作司空倚為左相兼國史樞機之任進升階食贖之  
資豈曰寵章是同憂責嗚呼受遺作弼歟惟艱哉前

華古齋鈔本

其宗遠大之謨布寬簡之政詢歲諫之士塞使佞之  
言滿假自賢則其智益蔽虛懷接物則其猷益光念  
茲在茲以底于道可

信王改封江王加中書令制

門下唐堯之聖也既以序九族為先漢祖之隆也亦  
以守四方在念矧予小子弗堪多難寔賴群后共康  
蒸民粵有賢侯亦在諸父康勛表德敢或愛焉第二  
十叔某天賦機神生知禮樂肇開朱邱則孝敬之道  
升聞出建器璽則威和之風遠振况玉節之際俗雜  
地雄史服其明民安其教煦如冬日隱若長城孤以

不明祇奉正 咨乃庶尹至于及邦師保之規既自  
家而形國蓼蕭之澤當由親而及遠是用正在相之  
位崇三司之儀增賦進封併伸寵數嗚呼昔我文考  
並建懿親藩輔王室毗倚之重何以加斯於戲兼義  
國家權挽文武動靜之際治亂係焉所先者在乎勤  
諂所慎者在乎聽受清如止水故是非之說不可欺  
平如懸衡故善惡之衡不能惑有犯無隱非好異也  
不違如愚非苟合也惟公是務惟道是從所務必老  
成所親必瑞士服茲多訓永樹英猷可

朱業加中書宣州節度使制

華古齋鈔本

門下子嘗爾藩屏之重思恭獻之康欲使折衝之威  
迭行于封略惠和之化普及于方州既報政之婁聞  
乃改轅而敷寵咨爾賢帥聽吾語言某武毅致身忠  
厚成性踐更事任昭著勩庸倚若金湯誓之帶礪自  
持使節出鎮中流恢簡易之風立嚴明之令仁而有  
斷吏不敢欺故使萬井阜安運營輯睦藹爾敷邦之  
績叶于進律之文率是通才何遠不可予以宣城列  
鎮旬服輿區久缺元戎未享元化藉爾有成之政副  
我共理之懷右相之榮宰司所重申為殊獎以及朝  
恩嗚呼有惠于民有功于國中台貴位累鎮劇權苟

非純誠何以禁此爾尚守益恭之節勵匪懈之心永  
懋嘉猷以光時望可

馬在貴加官制

門下盡忠于國者其報深有勞于事者其澤厚方切  
念功之義仍當均慶之初不有寵章孰先懋典馬某  
深沉有勇質重寡言少推學劍之能早識擇君之舉  
自策名以來社稷是衛燕翼之旨可不勉歟敬佇嘉  
猷以永繁祉可

謝斥策加特進階增食邑

門下王者均慶推恩無遠弗及矧有舊德居然將臣

革古齋鈔本

方申求舊之懷豈恢疇庸之典某素推勇氣夙負壯  
圖立功換鼓之間發迹風雲之會出分符竹入守閭  
防翼衛天門董齊蘭綺咸著在公之績可觀造用之  
材享此期頤保茲優逸臻富壽之福全始終之名比  
之古人不可多得孤以眇質嗣宇慶基方資無改之  
規式重後凋之節俾升階序仍進戶封二品崇資三  
朝貴仕人臣寵祿何以過斯勉荷朝恩永揚之令問  
可

鄭王加元帥江寧尹制

門下睦親尊賢王者之盛業也中台上將有國之重



任也是必疇咨公議稽若前經舉而行之謂之令典  
我有愛弟時惟宗英論道經邦勛德滋茂肆予有命  
允叶厥中某擬命世之才秉生知之哲機神穎邁器  
宇冲深自寶玉分封緇衣授職內蘊清明之德外宣  
寅亮之功持謙下之資以親附百姓體勤儉之節以  
表率時雍學問該每咨詢而自益忠誠孝悌常將順  
以無違昔者三后叶心十死同德允茲古義非爾而  
誰譽予眇躬惠迪先訓獲守大業乞縶小康寔係手  
足之賢以集股肱之壽無德不報雖親何嫌是用誕  
舉渥恩就加名數夫元帥者民之司命中樞者國之

革古齋鈔本

宗臣尹京所以表則四方旗鼓受任疆場履險身先  
有功不代向分符竹定制要衝化行于富庶之時節  
著于艱難之際純誠懿績時論多之入提禁營遂成  
優秩富壽之福無缺敬慎之風愈高于惟汝嘉思有  
以勸焉此推恩之際俾升掌武之資噫忠勳既明寵  
祿亦至終始之義古今所高勉揚今猷以享元吉

游簡言左僕射平章事制

門下在昔明王膺圖嗣統雖復格天光表繼文下武  
猶曰寔相以濟又曰克艱啟臣矧惟寡昧疇咨庶尹  
若乃承綈之重毗倚之隆詢于具瞻敢或輕授游某

世濟文雅挺生公器中興之始即為辭臣重熙在運  
亞更近著忠為令德寔浮于名蒿然直毅允洽時望  
先皇帝有方展義分命群司藉爾重臣輔予小子直  
躬無避正辭不諂翊從行闕克申其勞至于受命交  
兵之間抗節履危之際由義以濟知無不為此皆古  
之所以為艱予之所以嘉尚者也間歲出于獨斷命  
長南宮議者但高其盡公之誠未許其理劇之用遂  
能正身而令當官不回為風霜之威以糾其慢堅風  
夜之節以率其勤請托不行紀綱自舉群議由是咸  
服六職以之孔修風雨不渝始終一致寔為國器想

華古齋鈔本

見古人而躬親薄領之間遽成勞動從容廟堂之上  
未盡謀猷疇庸之典予所多愧是用命作左相陟茲  
鸞臺進金紫之榮階典圖書之祕府勛爵井賦併示  
寵名嗚呼釋細務足以導節宣之和參大政足以暢  
彌綸之業伊爾致君之功成我知臣之明往惟欽哉  
無假多訓可

卷之六終

海內集

七



徐公文集卷第七

東海徐鉉

李斥明御史大夫制

宋齊丘知尚書省制

劉崇俊起復制

馮延魯江都少尹制

王彥儔加階制

李匡明舒州刺史制

趙丕御史中丞制

陳褒制

杜昌業江州刺史制

招討妖賊制

魏王宣州大都督制

王崇文等並本州觀察使制

高逸休壽州司馬制

李萼節度副使制

馮延巳兼起居郎閤居常兼起居舍人制

王仲連米崇楷等制

查文道知雜制

張義方勤政殿學士制

革古齋鈔本

劉彥貞觀察使制

外祖母追封制

刁紹工部尚書制

張義方左常侍制

李貽業宗正卿制

陳繼善工部侍郎制

蕭儼祠部郎中制

陳景進工部郎中制

李斥明御大夫制

勅御史所職寔為紀綱百官之邪得以糾正衆日不

理得以舉明使朝廷凜然罔懈于位茲朕之攸賴而和庶政也向者治刑不暇官業靡申遂用省其詭鞠之煩委以清澄之寄庶循理本諒在得人通議大夫守吏部尚書柱國賜紫金魚袋隴西縣開國子食邑五百戶李序明學術優深德望清重可副丞相以鎮時風中散大夫守右常侍判御史臺事柱國賜紫金魚袋趙玉自掌憲司克勤于職而侍從之列朝夕論思期于撝違宜在專任今以庶獄移從理官可歸時省以備顧問各踐乃位允期懋切序明可御史大夫玉可守本官罷判臺事

華古齋鈔本

宋齊丘知尚書省制

勅兩掖南宮樞機之地也元台上公股肱之寄也况親賢在位中外具瞻式叙彝倫爰申明命夫真宰之重大政咸歸出納王言固當綜錄侍中壽王某向兼南省未協舊章宜罷判尚書省使領中書門下兩省事太保齊丘雖在經邦方資納誨而事殷會府兼藉允釐可知尚書省事大元帥齊王搃納百揆以貞萬邦凡日謨謀悉闕猷替其三省事並取齊王參決朕允思恭己以荷景重用一國之才敢辭則哲成天下之務庶協無為方俊沃心豈勞多訓

劉崇俊起復制

勅時斤啟運功臣威遠將軍濠州都團練觀察處置  
等使光祿大夫檢校太傅使持節濠州諸軍事守濠  
州刺史渦口兩城使兼御史大夫上柱國彭城縣開  
子食邑五百戶劉崇俊濠上觀風克昭祖服光祿大  
夫檢校大保持節諸軍事守常州刺史兼御史大夫  
上柱國劉佑晉陵守王允茂政經而理夙練軍教習  
知邊要方深朝寄遠屬內艱永言護塞之權宜舉墨  
纒之制俾加寵命改授階資勉抑孝心以從王事並  
可起復雲麾將軍餘如故

華古齋鈔本

馮延魯江都少尹制

勅朝議郎行尚書虞部員外郎武騎尉賜緋魚袋馮  
延魯頃者尹黜留都首變田制克勤于事以利于人  
自歸朝行已踰周歲如聞衆庶未甚樂成矧彼浩穰  
所宜均一是用假爾亞尹往畢舊功其在條理得中  
厚薄無撓俾乃比屋咸遂所安至于刑讞之煩亦公  
平為用務令稱職無忝加恩可以本官判江都少尹  
公事

王彥儔加階制

勅王者旌董戎之功重敷邦之任疏寵之命因事

有加以勸能而佇效也佐時衛聖功臣建威將軍  
康化軍節度池州觀察處置等使起復雲麾將軍  
檢校太尉兼侍中使持節池州諸軍事池州刺史上  
柱國太原郡開國侯食邑二千戶王彥儔作鎮方  
隅克揚威信師謀不撓庶政有常肅爾先教宣我朝  
命向者起于哀制授以崇階禮遠于變除寄方隆  
于藩屏俾從增邑式示推恩勉揚全國無替丕績可  
光祿大夫加食邑一千戶餘如故

李汧明舒州刺史制

勅通議大夫守御史大夫柱國賜紫金魚袋隴西縣

華古齋鈔本

開國子食邑五百戶李汧明向緣時望命長憲臺既  
歷歲時亦聞敬慎方佇茂績以光大猷遽覩拜章固  
辭重位俾全寵遇宜輟準繩尚賴分憂無忘守節可  
檢校司徒兼御史大夫使持節舒州諸軍事守舒州  
刺史充本州團練使餘散官賜邑如故

趙丕御史中丞制

勅朕以御史未理庶政靡清思得良臣副吾慎選中  
散大夫守右散騎常侍柱國使紫金魚袋天水縣開  
國子食邑五百戶趙丕再履憲署欽若攸司選為侍  
臣臣予不及俾授格心之寄宜膺獨坐之權夫才識



兼通然後能得大体公正無黨然後能肅百司糾正  
失中則紀綱撓頹避不言則職業隳爾其欽哉無辱  
朕命可御史中丞餘官勛賜壽邑如故

陳褒制

勅出身事主忠之効也以年致政古之制也淳風將  
振斯道復行朕用嘉焉宜示優寵宣徽使某官陳褒  
以敬慎之操俊乂之才輔予潛九之初叶我司聰之  
寄出納惟允左右盡規勤勞王家數紀于茲永念耆  
德方注虛懷遽從知退之言亟有懸車之請雖面諭  
難抑豈舊功可忘而司尉列御秩崇務簡俾退辭近

華古齋鈔本

侍猶在立朝勉回高尚之心式厚君臣之義可衛  
尉卿

杜昌業江州制

勅十連之帥百城之長藩屏王室其揆一也隨時有  
置何常之有焉朕祗荷慶基懋循古訓迭用舊德以  
頒詔條交修予遠踐史簡位肆因大慶式舉朝章金  
紫光祿大夫上柱國京兆縣開國子食邑五百戶杜  
昌業始以明敏肅恭服勞近忝出納惟允固慎無違  
先帝用能委之邦政明九伐以恢王略堅一心以迪  
大猷六事允諧時乃之用將圖爾勳且盡其才朕以

中流之寄九江為重控五嶺之衝要鎮百蠻之驛  
騷為予相臣入總樞務惟前公望克嗣其勛是用  
輟夏官之榮膺外臺之職尚虛使節以便理戎其  
往慎乃攸終導我成憲簡易以申令息信以即師  
惟惠惟忠無忝朕命依前檢校太保兼御史大夫  
使持節江州諸軍事江州刺史本州團練觀察使  
散官勳如故

招討妖賊制

朕聞先王之靜人也四夷咸賓尚先慎德之誠一夫  
不獲則軫納隍之心是故導以仁教決之惠澤猶不

華古齋鈔本

可化遂威有利昨者嶺表遺氓聚為寇盜違其上命  
犯彼戰峰而敢乘我國哀伺我邊隙侵軼我封部誘  
惑我黔黎保據谿山肆為剽掠朕以肇膺丕業先洽  
德音矧彼狂徒皆吾赤子弗忍盡殺冀其自新所以  
雖命師徒且合招撫而充愚不草結聚兇繁暴害吏  
民攻圍縣邑一至于此其能久乎國有常刑吾又何  
愛仍聞衆軍致討累有殺傷平人無辜暴骨于野興  
言及此永惻朕心况常賦及期三農失業特申於恤  
更示懷來虔州今來應屬省稅租並放免仍委諸縣  
長吏按存編戶宣示國恩防護警巡勿令擾動妖賊

張茂賢者為劫盜罪在難容若能束身歸降亦與洗滌收錄如聞命之後因循未覓即令招撫諸軍分路進討如所在百姓及徒黨中有能擒斬茂賢者不計有官無官並賜三品賞錢一萬貫莊一區并已分產業並永赦苗稅差役傳之子孫此恩不改若能同心計畫及數內或擒獲得稱王稱統軍一使之屬并次第首級止于一隊一寨頭領者即約此例等降優賞故免苗稅差役或能自出身歸投有田畝者各人歸業仍赦三年賦租無田者妻本道錄奏各與逐便優穩安排及重加賞賚如兇惡不回為諸軍擒獲者不

華古齋鈔本

問人數即便處斬明申威信汝自擇焉諸軍將士有能斬獲茂賢殺戮反賞黨官賞之制並越常規予不食言爾宜自勵朕永惟止殺許彼悛心且妖賊等燒毀倉儲蹂踐禾稼聚食則資糧立盡外取則穀實不收進則大軍托其前退則領軍倚其後况烏合之衆本不同心後則苟避征租免則各圖恩賞亟首未獻勦足可期咨爾群黨等自保家鄉共思寧息與其碎身于鋒刃孰若樂業于閭里咨爾將士等各奮驍雄早成功績與其暴師于境上孰若受賞于轅門休哉深情遠清邊徼布告本道咸使聞知

魏王宣州大都督制

勅惟先王休國經野建邦設都並立懿親以藩王室當畿服之地則任輔翊之重有戎昭之績乃增督護之威是以王略恢而諸侯和矣宣城重鎮陪京之南制天險之津梁據三楚之襟帶境環十里邑聚萬民我朝以來戎寄尤切太師魏王受鉞先帝建牙是邦宣導皇風董齊師律生殖茂遂禮讓興行時惟懋功叶此時論粵朕小子俱德弗堪允享大猷其在叔父雖師保之命已迪茂章而刺舉之名未極公望宜升大府式壯中權於戲五愛之恩予不敢怠敬保之義

華古齋鈔本

王其謂何勉啟乃心以底于道可升宣州為大都督府以魏王為宣州大都督府長史餘並如故乃編入冊命宣降

王崇文劉仁贍張均五本州觀察使制

勅守邊之要在乎崇垣翰而重威令也任能之方在乎因善政而加寵秩也懋迪斯道時惟全猷金紫先祿大夫檢校太傅使持節吉州諸軍事守吉州刺史兼御史大夫上柱國太原縣開國男食邑三百戶王崇文儒雅飾身威猛宣用入奉旅賁之列出申刺舉之能光祿大夫檢校太傅使持節袁州諸軍事守袁

州刺史兼御史上柱國劉仁贍沉孚有謀明斷能理  
護塞之畧歷任弗遷光祿大夫檢校太傅使持節欽  
州諸軍事守欽州刺史兼御史大夫上柱國清河縣  
開國子食邑五百戶張鈞踐履班行昭著毅閔守土  
之効一心靡違而皆克嗣乃勳誕揚我武協比成績  
勤勞王家朕以眇躬欽承鴻業寔賴良將緩爰四方  
肆于布慶之辰而有加等之命就升使職兼駕並車  
仍崇馭貴之封增立將軍之號併申寵寄尚示克終  
無懈乃誠以底于理陟明有典予不敢忘榮文可先  
祿大夫依前檢校太傅使持節吉州諸軍事守吉州

華古齋鈔本

刺史兼御史大夫充本路都團練觀察處置等使進  
封開國子食邑五百戶仍賜號威武將軍散官勳如  
故仁贍可依前檢校太傅使持節袁州諸軍事袁州  
刺史兼御史大夫充本州團練觀察處置等使封彭  
城縣開國男食邑三百戶仍賜號貞武將軍散官勳  
如故鈞可依前檢校太傅使持節欽州諸軍事守欽  
州刺史兼御史大夫充本州都團練觀察處置等使  
進封開國伯食邑七百日仍賜號威武將軍散官勳  
如故

高逸休壽州司馬制

初朝議即行袁州司馬賜緋魚袋高逸休立身謹行  
聞於朝廷負才好謙老於州縣先皇獎異錫以銀  
章優秩自居十數年矣其子峭衷乃直筆為吾史臣  
適當均慶之初先有腰金之命而愛敬之切發于  
中誠之循迴授之文在遂顯親之義辭旨懇激覽之  
惻然俾允所陳且成其美仍加寵秩以就懸車嚙  
望旋舊人惟爾而已覩本朝之恢復抱紫綬之優游  
孝子克家耆年致養茲惟盛事足慰爾心可檢校  
尚書水部員外郎壽州都督府司馬致仕賜紫金魚  
袋

華古齋鈔本

宣州營田副使兼馬步都指揮使李夢可節

度副使罷軍職制

勅王者官人之旨必褒賢能而均勞逸也列辟垂憲  
予弗之忘某官李夢夙負壯圖少為裨將餘勇可賞  
有勞不吝泗水剖符邊候寧晏宣城從帥連營輯和  
而將領之久煩耆德毗贊之任未極初筵俾援尚藎  
之文就疏加等之命勉承朝獎無替忠誠可

駕部郎中馮延巳兼起居郎元田郎中閻若

常兼起居舍人

勅朕擬梳瑞冕以臨萬邦而左右史臣執簡近侍言

勅得失注記無回故布政罔不臧承化罔不若惟聖  
攸賴慎簡難虛其官馮延巳君子之儒多聞為富發  
之為直氣播之為雄文某官閤居常行顧樞機學精  
臻博得廷臣之休多長者之言而皆踐彼周行奉予  
元子或奏記有翻、之譽或樽罍多壘、之談藹然  
清風協此時望是宜兼領印署咸躋掖垣於戲君舉  
必書朕敢忘于恭已無德不報爾勿怠于懋官各振  
公才副茲多訓可

侍御史王仲建可起居舍人監祭米崇楷可

右補闕

華古齋鈔本

勅朕常思古先哲王所以致理區中垂憲萬祀者蓋  
有史臣以記其過有諫官以弼其違或面諍于廷或  
舉書于冊故政令所及罔不化成而怠惰之心無自  
入矣將振斯典必求其人某官王仲建爰藉才能亞  
參秩序正己而率下盡節而向公某官米崇楷早負  
時名昇升閤籍佩常以臨事慎獨以修身而並服勞  
兇或司綱憲或立朝多按劾之奏或典刑有欽恤之  
心協我茂章宜升右掖勉修官業以副簡求直筆正  
言無有所諱可

水部員外郎判刑部查文徽可侍御史知

雜

勅秦漢以御史掌四方之記我朝以雜端正百官之邪其名則同所職寔重副是慎選其惟通才某官查文徽克負美名早從交辟尋陟即署升為王臣法獄之難俾其參決而察情無不當持議無不平俾上絕濫刑下知耻格率是幹用使持憲綱在能振舉霜威肅清朝序爾其直躬而處己正色以當官糾謬絕愆無或顧避陟明有典可不懋哉

左常侍張義方可勤政殿學士

夫珥金貂直騎省以修顧問非不重也而文學之選

華古齋鈔本

宜又加馬某夙馳名儒久登華貫臺閣踐歷較寔相符常侍而未當官無撓朕祇奉先烈勤求大中咨訪缺疑藉爾稽古特加近職以示開懷順美邇遠無忘謹直

楚州賴史劉彥貞可本州觀察使

勅懋官之旨非增秩不足以示寵行邊之任非進歸不足以申威施之其人是為全典某寬厚得眾沉深有謀克荷家範累膺朝寄百城觀政三郡底寧而長淮上游地雄師衆賴舉之職未極當官廉問之權寔諧僉議因是敷寵更佇歆成噫千里之長三軍之帥



任過斯重勛庸是圖爾其敬哉無墮乃力可

外祖母追封某國夫人

勅昔帝欽明義先敦序九族既睦萬邦以懷矧乃推  
自業之恩疏漏泉之澤有光懋典式表孝心外祖母  
李氏麗德坤儀垂訓內則儲慶漸生民之什顯魂開  
石窆之田肆予眇躬弗忘祇凜而嗣膺鴻業君若涉  
大川奉長樂以自寧過躍龍而軫念追遠之數宜  
有加焉是用進啟大邦載崇懿跡昭示威里知予永  
懷可

大理御判戶部刁紹可工部尚書

華古齋鈔本

勅周禮六卿皆有軍政漢制尚書奏事禁中歷代親  
重也如是今予有命亦屬其才某官刁紹始以幹能  
屢忝煩劇向由卿等踐歷省垣制國用而無違登生  
齒而有羨丕顯成績是為才臣今朕祇嗣丕圖永懷  
司會俾率諸吏表于南宮爰陟冬卿式中慶澤爾其  
欽承勗訓修舉官司無忘克終以忝殊渥可

兵部侍郎張義方可左常侍

勅某珥貂服冕侍從獻替騎省之任也必以儒學  
大僚端方名士入膺茲選允協茂章而爾義方可  
謂能矣踐歷臺省抑揚嚴寔純誠直道逆次靡忘

今予眇躬嗣守丕訓弗惠厥德思聞謹言乃均慶  
恩命為常侍從容左右敬佇嘉猷爾其念哉無渝  
乃節可

太常少卿秦昭業可宗正卿

勅先王睦親也必求宗姓之賢者朝行之名臣為之  
表儀序其昭穆今我有命時惟舊章某官昭業學以  
潤身文以行禮貞以幹蠱直以事君有一于此是可  
嘉尚矧備四者非所謂名賢乎今朕嗣續丕基敷遵  
慶澤是用選于掌樂為我司屬使我宗室有信厚之  
風非貽業而誰勉修厥官無忝多訓可

華古齋鈔本

左司郎中陳繼善可工部侍郎

勅國有六職百工預其一焉我朝以來共選尤重  
自尚書郎而擢拜者不其鮮歟某官陳某以幹蠱之  
克今上之美亞更庶尹遂整省垣委之以繁雜之務  
而事益明兼之以推莞之司而利不墮私羊心計亦  
莫加焉屬朕出震嗣圖施令布慶二卿之任頗難其  
人今以繼善為之爾其可以稱職噫大僚之体存乎  
簡易興利之要在乎熹平無渝乃誠以撓吾法

水部郎中判刑部郎中蕭儼可祠部郎中

賜紫

勅某官蕭儼夫王者之為政也任能舉直理刑懋功如斯而已矣今秋官卿佐皆缺爾儼寔專其司定法察情克舉攸職切言真氣屢聞于朝靡私微躬何其愛朕之深也方將圖勅遣屬均恩是用就升名曹仍加命服俾耀者闈時予寵章爾其念哉無易乃心無回乃行決獄以寬簡當官以公平一心克終予慎嘉汝可

屯田郎中李景進可工部郎中

勅某官李景進昔漢館陶公主為子求郎而不得何者非其人也今汝景進亦吾外戚而謹愿儒雅好學

華古齋鈔本

善言久為莖郎頗頗副時望故均慶澤擢轉名曹彼漢推公而吾獎善兩得其道不亦宜乎

卷之七終





徐公文集卷第八

東海徐鉉

張援可司農卿制

李得正授江都令制

潘處常可金部郎中制

景達檢校水部郎中制

景迪可檢校左僕射制

鄭廷樞可清江縣令制

艾鈞可江都少尹制

閻度可江寧府參軍制

NATIONAL CENTRAL LIBRARY, TAIWAN, R.O.C.

馮倜可秘書省正字制

李景述可虞部郎中制

趙丕可司農卿制

成幼文可主客員外制

李持可浙西判官制

喬匡舜可浙西掌書記賜紫制

查文徽可樞密副使制

顧彥回可浙西推官制

周弘祚可池州刺史制

鮑濟可虔州判官制

華古齋鈔本

閻居常可檢校司空制

韓熙載可兼太常博士制

張緯可句容令制

高越可水部郎中制

趙仁澤寧國軍都虞候制

高弼可元帥府書記制

孔昌祚可泗州刺史制

方訥可東都留守判官制

田霖可東都留守制

張師古可校書郎制

王崇昭可江西觀察銜推制

沈期可大理司直制

李匡明可中書侍郎制

瞿延祚可水部員外郎制

唐顥可監祭御史制

馮延魯可勅政殿學士制

林廷皓責授制

告天地文

祭世祖皇帝文

太府卿張掖可司農卿兼大理寺事

華古齋鈔本

書曰任官惟人又曰惟刑之恤朕服斯道因舉而行  
其官張掖為性端方處眾和雅貞亮足以幹事哀矜  
足以得情也更攸司弗易時用因于有慶期滿盡才  
命為大農俾掌廷尉嗚呼庶獄之慎不可忘也單辭  
而行不可為也伏念夜思晝行尚于刑措惟我求理  
敬之哉

權知江都令李得正授

勅四京令之重也其選惟一是必試可以進之均  
慶以寵之蓋欲慎厥官而安其政也某官李得正  
為長吏倬有能名東夏之理不易其操事簡俗便

子甚多之爰用加恩俾從真授勉欽朝獎無懈乃  
心可

和州司馬潘履常可全部郎中

勅先王之制官刑也過無所隱其肆大青也善靡有  
違無私之義于是乎在某早服時望更更莖即予在  
東朝列于賓席旋貳廷尉是奉邦刑偶違伏念之言  
遽貽一黜之命今朕祇嗣丕業誕敷慶恩豈以職事  
之愆遂忘樽俎之舊是用召自近郡陟于南宮勉承  
寵光以永無咎可

浙西判官高越可檢校水部郎中賜紫

華古齋鈔本

勅王者之建藩輔也必命重臣以臨之又擇賢士以  
佐之政成當遷留而增秩古之制也高越儒學淹  
雅見稱于時頃自南宮直于東觀筆削之言方勵弓  
旌之禮是求從事大邦率多婉畫有嘉合望爰屬  
慶恩俾正即仍行紫綬服我加等之命無懈盡規之  
心

安陸郡公景達檢校司空太府少卿

勅夫太上立德其次親、能兼之者鮮矣惟是具美  
屬于我朝某孝友首身貞幹為質守樞機而無悔居  
富貴而不驕藹然善鼓成此嘉器朕肇襲丕業廣章



慶恩矧有名臣近在宗屬是用假以空土列于亞卿  
仍進崇階弄亦優寵嗚呼行爲民則爾其勿忘爰克  
啟威朕不敢尚服我多訓永揚令圖

保定郡公景迪可朝散大夫檢校左僕射賜

紫

勅朕歷選列辟見其睦親名器之難必當慎簡信不  
可私于其屬也故我疏寵務先推公保定郡公景迪  
靜惟端方動必孝敬佩師反之訓成信孚之風宗室  
之間問望尤著爲我嗣服之始叶于立慶之恩爾其  
率循令猷惠迪前烈勿驕勿恃以永乃成

華古齋鈔本

左拾遺鄭延樞可清江縣令賜緋

勅夫邑令之有敵者入奉清列諫官之滿歲者出宰  
百里蓋朝廷憂民立政之意也某官早歷宦緒無廢  
官常擢參禁垣克服曩憲而南楚大邑長吏尤難命  
自周行徃宣朝旨仍加朱紱以示殊恩無易乃心勉  
修所職

浙西判官艾筠可江都少尹

勅天下之大建親分陝以尹之東夏之重選能設  
貳以維之茲用安民而政舉也某官艾筠識量純  
素學術通明奉我東朝周知其善輟借佳幕載揚

令名海隅之康苟有其力夫以亞尹之難如彼而有  
選用之才若此俾膺慎選不亦宜乎勉勵公方更施  
勤績

閩度可江寧府參軍

勅卿首明經閩度士子起家而預清級者蓋亦有之  
自非才地兼茂則不能先朝命而協特論矣以爾名  
父之子自炫不息學業履行寔淳于名屬乎出震之  
初成我多士之世俾掾天府以漸亨衢無忘益恭更  
揚令問

馮個可秘書省正字

華古齋鈔本

勅五品子馮個蘭臺圖書之府起家而預之自非有  
才孰克處此以爾早服嚴訓寔揚令名勵學檢身如  
恐不及成爾嘉器富我士林俾授初首以漸清貫無  
忘詩禮之學以益刊正之勳可

舒州司馬李景述可虞部郎中

勅王者用士其要惟公苟得其才近親何避其官李  
景述承茂勳之後秉素士之風頗有美名聞于戚里  
郡丞之任已久臺郎之位為宜俾疏慶恩改授清級  
無忘師友之訓以奉朝廷之儀

江州判官趙丕可司農卿

勅王者之正百官也黜其有過其肆大者也許以自  
新則邦典行而朝恩決矣基官趙丕謹行以履衆克  
勤以在公莖省踐更誠心不替故先皇獎用寄以  
準繩而靡違官常自罹常憲朕纘承鴻業庶布慶  
恩以其久列班行偶因迷謬特申涇澤俾授正卿  
勉勵乃心佇揚令望

江西推官成幼文可主客員外郎

勅諸侯之任命于朝廷而治職有勞奏課稱最者則  
當升閭籍補為省郎蓋勸能取士之旨也某從事大  
鎮于茲累年本以誠明濟之道敏論不阿諂政無頗

華古齋鈔本

邪一方允釐爾寔有力今予寵爾以立朝之位命爾  
以司藩之官爾其敬哉無忝我陟明之典

洪州判官袁特可浙西判官

勅袁特朕以閔輔之大控制要津出保傅之重鎮之  
以屏王室擇賢從之賢佐之以齊政經而特尹縣  
神州理甚簡便運籌盛府言必端詳協于簡求宜授  
斯任大閔之民固與洪無異而爾之振當與初不  
渝則官業允釐而朝獎無替矣敬服斯訓往勵乃司  
可

洪州掌書記喬巨舜可浙西掌書記賜紫

制

初奮匡舜朕以師傳之重敬而不違武遂便安俾臨  
閱輔而軍旅之事不可無佐奏記之任不可非才匡  
舜以高文受知以直道從事歷歲斯久私益居多故  
因其賓席之資如以紫綬之貴改轅東遠從吾上公  
無替初心以忝朝命

知雜御史查文徽可起居即樞密副使

勅秉記言之筆以侍左右受司聰之寄以典出納並  
居二職共可非才某官查文徽儒雅表文忠厚成賢  
早踐華貫時為名臣以南宮清望之姿當憲府雄極

華古齋鈔本

之任提綱有序而衆目以理正身自處而周行以清  
物論與之予用嘉尚居中理極不亦可乎噫為朕腹  
心注人耳目執節一懈悔咎隨之爾其慎之無忝吾  
命可

潤州丹徒令顧彥回可浙西推官

勅長人之吏親職為勞觀風之任坐籌為異均其  
所任是曰優恩某官顧彥回以清節士風著參王  
府以耆年篤行出宰齊民課績尤異自當優寵驅  
馳州縣非為所宜俾陟賓階奉我元老優游盛府  
足以光華

撫州刺史周弘祚可池州刺史

朕以將復淳風務先理道思得良二千石以安吾民  
倘副簡求迭授大郡斯蓋布政懋官之旨也某官  
周弘祚勛臣之子又有雅風自服佩恩華踐更事任  
訓齊武力能得士心緩懷邊戎克壯兵略俗阜秩  
滿序勞當選朕觀其才可謂良矣青陽名郡控制中  
流前所任者咸屬重望今以授爾其欽哉進爵升  
階式示燕寵苟勤節弗易他人未蘇考績兼勛吾有  
勳典

吉州判官鮑濤可虔州判官

華古齋鈔本

勅虔之為鎮俗雜地廣化不可一時生寇攘荏苒既  
平閭井里乂可以佐吾良帥而寧吾齊民者無聞某  
官鮑濤久俸列郡克舉官常從政以和理劇無滯况  
虔吉隣郡殺績素彰便道之官率舊為用副茲慎選  
誰曰不然爾其敬承無忝明訓

給事中閻居常可金紫檢校司空充廬州節  
度副使

勅王者推念舊之心申優賢之旨官序出處從其所  
安諒不滯于一方也某官閻居常執心冲粹為學精  
博修賢人之業多長者之言粵于纂承寔重舊德俾

掌駁議直于瑣闥而無妄之疾未痊貞退之請彌切重違誠願抑此朝恩俾佐藩方式使頤養全印紫綬邦土憲司併仲寵光以示優渥陟明之典當俟有廖可

虞部員外郎史館修撰韓熙載可太常博

士

勅某官韓熙載朕以同心之感同軌有期嚴恭禮祀仍從此始求所以節豐儉而振廢缺者屬於禮官慎選其人必在特彥以熙載學問精瞻辭氣亮直本以通識濟之奇文惟名與寔咸副

華古齋鈔本

是命故輟自東觀列于曲臺使代稱禮樂之盛吾寔有望于爾勉之哉

虞部員外郎史館修撰張緯可句容令

勅為政之要在乎安民長人之吏在乎慎選故吾用古道擇尚書郎而命之某官張緯學問該通辭藝精絕自東朝載筆石室抽文朝論藹然以為名士矧又洞識理体周知物情是為通才何遠不可王畿大邑既庶而富藉爾敏惠為吾教之仍假臺郎以中朝獎苟聞報政豈恡加恩可

浙西判官高越可水部郎中

勅多士之世副臺卽之送者前代謂之賢乃知三署之屬例無輕授其官高越早踐朝序嘗爲史臣當官有報聚學不倦頃屬上將出臨大藩數忝入幕之資脩視理劇之用府罷赴缺時名益高司川之秩俾從真授無忘職業以荷朝恩

左監門將軍趙仁澤可寧國軍都虞候

勅南藩之寄宣城爲最師勁而衆地近而雄故朝命列校以貳軍事所以重其威令也某官趙仁澤名將之子頗有父風在軍積年武略精練出寧大邑歸預禁營副予簡求俾隸宣部往綏乃績無替

華古齋鈔本

前勞

左司郎中高翊可元帥府書記

勅某官高王者之用師也必先以文告之命訓誓之辭故戎東之往記室爲重而朕前委受弟寔司邦政今命爾翊使軍書任才責功其意斯在矧翊嘗忝西掖尋復南省所歷之任藉有報今能奮雄辭而塞慎選陟明之典予豈忘哉

左領軍將軍孔昌祚可泗州刺史

勅左領軍衛甲仗宮城營造等使孔昌祚朕以長淮北偏隔閼戎夏惟彼泗口寔當要衝凡爲守臣罔不

慎選而昌祚以貞幹事以勤懋德周廬巡徼之政宮  
禁繁劇之司董齊典理靡有違者歷歲且久秉心不  
渝朕親其才可為邊將授以符竹付之臨淮爾其揚  
我武威修乃郡政登於考功之籍以塞任能之恩  
可

水部郎中方訥可主客郎中東都留守判

官

勅某官方訥朕以分陝之任非親賢之不可故迭用  
子弟以君守復以佩鵬之蓋唯訓導是務故慎選名  
德以從行而朕在東朝先皇命爾訥列我賓席恭煥

華古齋鈔本

文雅挹其風度將順規諷揖其忠誠尋又奉予愛子  
益固是道今所授任非訥而誰容曹正即留臺幕職  
往示兼寵爾其敬哉乃心不渝懋典寧忘

秘書郎田霖可東都留守巡官

勅某官田霖朕命愛子表正東夏管記之任樽俎之  
間惟與才行乃可是選而朕在儲貳則常知霖文藝  
直心倬有餘裕累參載筆之任近登秘籍之司列于  
王官頗協時望故授以留臺之職副茲托乘之求爾  
往敬哉無忝予命

前山陽縣尉張師古可秘書校書郎



初王者之行慶也。獎能振滯，赦過責功，如斯而已矣。其前為縣佐，以公事罷免，而聞其立身修己有足多者，故從其條瑕之命，升諸祕籍。之司往復，可官勿重而悔。

江州錄事參軍王崇昭可江西觀察銜推

勅某官王崇昭西南大藩庶政，繁會獄訟之理，欽恤是先，重輕一隳手足，無措必得朝士以典掌之。而聞崇昭可當斯任，往莅乃職，無忘益恭。

前舒州錄事參軍沈翽可大理司直

勅某蔭籍從仕，以儒術首身，遂闋史牘，早揚敷問，俟

華古齋鈔本

藩載筆亦懋，勤勞向事，主符寔司，綱紀州縣之職，非其所長。既失儀刑，遂從罷秩。今慶賞斯決，一肯成於復爾名籍，俾參棘寺，吾不記過爾，其自修。

前舒州刺史李匡明可中書侍郎

勅朕以不德，恭承丕基，思聞獻替之言，以自開悟。故以侍從之列，尤用簡求。矧乃職奉詔命，地參公輔，歷代精選，可虛授乎。基某以風度爽邁，克嗣遺徽，以文章弘雅，累踐清途。先皇器之任過，尤重。故其冠翰苑，掌天官，長憲臺，肅十里，靖恭于位，績用有成。舒人既康，執望未覲，宜加疏等之命，擢為鳳閣侍郎，敬之哉。

夫出為諸侯非不貴也入首三品非無位也持重足以鎮物納忠足以報我臣正不違予有望焉

徽州觀察推官翟廷祚可水部員外郎

勅某以外諸侯史入為尚書郎非推恩酬勞何以臻此聞爾宰百里佐康輿皆有政能宜當選任往祇乃事無忝予恩

大理司直唐霸可監察御史

勅某夫御史之列皆一時之清選而貴任所由漸也聞執心有常從事以直持刑甚平允當官有勤勞故升諸朝廷俾之察視爾其懋乃才用修我紀綱無傾

華古齋鈔本

側糾訐以為能無依阿顧避以自守勿貽爾悔以忝予恩

禮部員外郎馮廷魯可中書舍人勤政殿學士

勅侍從庶職摠同清要若乃參書殿之列倍切問之重使如綸之命式先人文無詢之言不入吾耳所寄若是其選可知某望與才皆副是任况東畿重府有理劇之用南宮禮典多伏奏之勤俾膺簡求必協虛佇夫前言徃行爾所祇服正辭謹議予之嘉聞無從非曩以忝多訓

藥州刺史林廷皓責授制

勅耻過作非言不顧行為臣如此在法難容某頃自  
歸朝頗推有勇俾之為將所以圖功及封疆多難之  
時車徒四出之際遂能激揚壯節 之師旅付以圭  
符而畏懦屢聞遁逃不暇震驚城守註誤軍謀當此  
之時已宜行法予以義深罪已功在止戈既以身以  
拜兵乃含垢而務德復移郡寄仍館使權苟奏課之  
有闕亦在人而何棄未終考績爰拔訟辨猶且累上  
表章屢言 隨洎遣制使明徵其辭乃自滌陽罷群  
以來為州移任之後侵漁公帑積數且多干犯詔條

華古齋鈔本

為罪不一証據明具詞理並窮殊不省非更為文過  
謂競斯養為耻以對獄官為羞欲蓋彌彰侮我何甚  
其武勇也既如彼其誠心也又如此倘猶私怨何以  
律人尚以君臣之間務全始終特從薄貶庶克自新  
勉荷寬恩無重而悔

告天地文

臣以寡昧叨嗣慶基對越上玄申養長樂側身恭已  
靡敢荒寧而聖尊后自夏秋以來寢膳違裕醫藥備  
竭禱祠必至數月於是有加無瘳憂勞之誠不知所  
措敢陳蠲潔仰告威靈伏惟精懇上通玄恩錫祐良

臣烏鳥之志憫臣柔棘之心使六氣惟和百祥荐降  
異于旦夕速就康寧臣內顧眇躬弗明于道方深慈  
訓之益欲報勿勞之恩蒸、之懷區、于是隳歷肝  
膽以俟鑒臨

祭世宗皇帝文

稽古靈命造圖伊始聖人既生萬物咸理立功格而  
高謝令問垂而不已通玉帛于無外執豆邊而萃止  
蓋百代之不易言皇猷之至美恭惟盛德乃聖乃神  
爰初備服舊邦惟新瞻顧函夏寔始經綸三驅示禮  
四載彌勳濟之以武守之以文降鑒回慮全國庇氏

華古齋鈔本

既戢兵而禁暴咸服義以歸仁功成理定返朴還淳  
群賢在位百受惟貞方將致宣王之薄伐焚老上之  
龍庭還師衽席檢玉云亭何祝壽之無感忽煖衣之  
在長嗚呼哀哉神祔軒丘化流南國率感義以孺慕  
共啣哀而膈臆日月以之匿曜烟雲為之改色痛輯  
瑞之長遠恨攀髯而不得嗚呼哀哉永惟下國覆嗣  
餘基奉天光而不早順文告以何違仰靈電之震以  
警其失賴陽春之澤以赦其迷既賓禮之加厚亦恩  
情之過私大信有十齡之固承歡無再稔之期覽訃  
書而慟絕捧遺賜以哽而嗚呼哀哉某同執于七月

遇八音于四海喬山之魁劍長掩灞浚之川源不改  
敢薦忠信敬陳脯醢庶有感而必通願降神而如在

卷之八終

革古齋鈔本

徐公文集卷第九

東海徐鉉

光穆后謚冊

封保寧王冊

追封許國太妃冊

蔣莊武帝冊

追封安王冊

追封豐王冊

劉仁贍改封越王冊

慶王進封陳王贈大尉冊

追封留從劾父冊

昭惠后謚議

光穆后謚冊

維年月日嗣國王臣某再拜稽首言臣聞體尊德而  
母萬物存乎尊位騰耿光而蕃百世係乎鴻名繼統  
廣業莫斯為重顧惟小子俱忝貽謀對越祖宗敢揚  
公議伏惟大行聖尊后妾任顯族皇英茂德作合元  
聖長發祥符東婦禮于儲闈止嬪則于四海孝心天  
賦惠問川流祚啟重熙尊歸理內率循陰教欽若皇  
猷順承利坤元之貞輔佐流周南之化慈撫公族仁

華古禮鈔本

懷六宮清淨廣于真風戒慎刑于外戚用能永錫繁  
祉弘濟多難保佑冲人克荷丕烈仰蒙慈訓方坎景  
福靈臺告稔永樂長遠罔極之懷觸緒荒蕪恭惟尊  
名節惠之典載考儒臣禮官之稱咸以為先大孝弟  
之懿肅雍賢德之盛昭映前烈垂示無窮列辟承式  
弗敢失墜謹奉玉冊珠寶上尊謚曰光穆皇后伏惟  
威靈如在鑒茲煇禮延九廟之積慶與二儀而長存  
嗚呼哀哉謹言

封保寧王冊

維保大元年八月丁未朔某日皇帝君曰稽古夷庚

祇協皇極建侯樹屏保乂王家用能乘運會昌盛世  
重光先哲所以啟後列辟所以時冕者也我思立爰  
宜有加焉咨爾二十弟其中和萃靈寬裕盛德戲必  
祖豆之禮學無城闕之游聰明睿智仰遵前訓孝友  
媿睦率由生知昭此玉音應於麟趾朕以不德稟予  
丕承文武之功期無獨享契龜昨土抑為舊章今使  
某官某持節冊爾為保寧王食邑二千戶敬之哉昔  
我文考對越上帝數佑下民克儉于家無縱于逸再  
造之業與世無窮予以爾有邦膺受繁祉今爾尚迪  
遺烈保終令圖無從匪契無狎非正耆老是聰訓典

華古齋鈔本

是師後寧乃封以永元吉

追封許國太妃冊

維保大三年太歲乙巳七月乙未朔某日皇帝若曰  
昔在祖后法象天明旁求淑女式敷陰教兼建內職  
以麗外朝故其先德之舉顯魂之命比爰庶尹無不  
及焉蓋敬終貽後之旨也咨汝故汝南郡君周氏恭  
儉執中明智資性頌諧法相入奉先朝絃縱之勤夙  
著于彤史湯沐之寵竟飾于泉扃粵予纂承祇稟茲  
訓家道既正國風以理仰蹈成式永懷舊人是用釐  
舉缺道追崇名教數昆吾舊宅太岳全邦申畫四封



以先懿德今使、某官某持冊封許國太妃嗚呼令  
問不忘盛典無替昭、復魂聞于此言

蔣莊武帝冊

維年月日皇帝若曰稽古皇極訓民事神詔大歸以  
崇正直之威棄大名以紀昭明之德性帶有數典禮  
不愆政是以和神降之福莫不由斯者矣若乃以死  
勤事沒而不朽沉光儲祚蔣帝有焉惟帝冥符靈氣  
孕毓玄造嘉猷雄略昭映前人在昔潛耀大川躍鱗  
下邑著艱難之節所以事君彰變化之神所以顯俗  
惟德是輔感而遂通建福會以敷時難豐功守德以

華古齋鈔本

享帝郊史臣執簡于無窮工祝正辭于不絕顧惟寡  
昧祇嗣虎鴻敢忘人謀以協靈既瞻言神岳作鎮皇  
州興運維新禎符丕顯而位極于炎昊名謝于惠康  
隆典未舉予用憚烏濮陽諸姬寔纂服之舊邦尅亂  
除害乃死人之盛業合為緝禮申告祠庭令使、某  
官持節奉冊追謚曰莊武帝嗚呼丹青懿烈光、  
如彼簡冊廟貌昭、如此永為民正無乏神主之  
望焉

追封安王冊

維年月日國王若曰稽古大猷啓迪來裔藩翰之寄

重事也不以親屬為嫌寶玉之分盛典也不以死生  
易節昔在有魏蒼舒早世降及我唐子雲無祿咸用  
追啟王社飾於泉高垂為憲章肆予遵舉咨爾某稟  
信厚之德持謙下之資在傳 勤為善最樂庶、孝  
敬之性恂、友悌之風及苴茅北藩授任殿省別六  
尚之名物參九伐之政令行以正直持之公平諸御  
知方群校競勸職修事舉朕甚多之爵止極于封公  
位未登於六事流光不待時望慊焉申予有慟之懷  
加爾飾終之禮冬御峻袂楚澤全封丕舉茂章永光  
餘烈今命使其持節冊贈工部尚書封安王嗚呼延

華古齋鈔本

吳之懷予用多愧問平之德人其識諸簡冊無戲丹  
青不泯昭、復魄亦克知之

追封豐王冊

維年月日國主若曰名器之重典冊之崇不以親疎  
為嫌至公之舉也不以死生易節歸厚之道也先哲  
彛訓我儀行之咨爾某挺岐嶷之姿稟山河之秀亦  
既就傳時惟老成迪祖宗之猷不愆不忘奉詩禮之  
學惟哉惟勤公室所推藩屏仗奇秀而不寔凋此妙  
齡天性所鍾永悼何已真王異數護塞雄藩舉為寵  
章飾彼幽壤今命使追封豐王嗚呼分以寶玉直以

白茅弗及國功猶足表德尚爾不昧知予此心

衛王劉仁贍改封越王冊

維年月日國主若曰忠臣之事君也歿且不朽王者之念功也久而弗忘故賢哲膺期風烈所及千載之下若旦暮焉矧先朝舊臣藩方賢帥雄名大節震耀區中粵子纂承敢獲寵咨爾故某命世英傑奕葉勲庸便蕃寵遇茂著載寔間者數自離衛鎮于壽春導德申威周不率俾國中步梗邊烽載驚介然孤城橫削險地威略所奮以戰則靡元恩信所加以守則稱國社稷是衛豈惟封疆嗚呼壯圖中奪而英氣動於

華古齋鈔本

二國奇表長謝而忠規流于百代肆我文考爰極寵章崇為帝師建以王社大名脩物無不及焉咨予小子敬想先正聞輦之感斯極飾壤之禮未行是用越於曩章再光贈典小隕大國會稽遺墟中畫四封永族旌懿烈今遣使某官持節改封越王嗚呼忘身殉國其至如彼慎終追遠其厚如此永錫繁祉子孫保之

慶王進封陳王贈大尉冊

維年月日國主若曰古稱王者之貴必有先也豈不以在原之助義切于邦家陟國之恩情均于存歿自

非贈飾之寵亭中敦叙之懷藉地前經式揚盛典  
咨爾某受天正氣為國宗英器量川停機神秀出縱  
橫之智發為事業儒雅之度播為文辭自錫壤後藩  
調兵蘭騎行令惟一撫下惟仁周廬不驚衣極甘寢  
天覆形於鍾愛時望極於維城景命不融儀表長  
謝壯圖大略嗟特運之難并遺之餘烈綿歲序而常  
在粵予小子祇荷丕基奉慈訓於長樂頌分器于懿  
親友予之恩追懷何已是用修嚴俾禮申告九原以  
王有文雅之稱故改封於陳社以王有重厚之器  
故歸建于上公光昭令猷永垂不朽今命使某云、

華古齋鈔本

噫花萼之游宛成今昔寶王之數遂隔平生尚想明  
靈鑒茲永悼

追贈留從効父冊

維年月日國主君曰立身揚名君子所以顯父母也  
慎終追遠王者所以厚風俗也政之大者其可忘乎  
咨爾清源軍節度使留某父贈鄜州都督彥柱行當  
于躬量勳于世修誠明而應物積善慶以流光是啟  
高門誕生賢嗣建節風雲之會致身藩翰之檣清寧  
一方表率群后歲勤職貢恭守朝經位崇帝師勳在  
王府向非稟訓有自膺期而生則功勳所昭何以及

此雖褒贈之典已賁于九原而督護之名未光于太  
府俾加綈禮存洽朝章今遣使云持節冊贈爾為  
潞州大都督嗚呼節鉞之貴命屈于生前典冊之崇  
禮符于不朽既足以光爾之有後亦所以表予之推  
恩昭、有靈知我斯意

昭惠后謚議

臣聞廣莫極于坤元則含容光大擬議著焉尊莫隆  
于王后則窈窕思賢咏歌發焉是以上德無名而稱  
謂流于百代至道無象而儀型表于萬方此因天理  
出於自然聖人所以無違者也矧惟節惠之禮百王

華古齋鈔本

盛典述德之議史臣至公誕昭耿光敢揚懿德伏惟  
大行國后生商遺烈安劉積慶淑質奇相惠問英才  
光映台華作儻公族紹隆藩閫載輯儲闈世子專寢  
門之禮孝心不墮大君以家人之愛大覆有加誠由  
肅雍之德協此睦姻之盛言內則者以為美談及屬  
運飛天尊歸配地嚴恭匪懈稟母儀于上宮慈積中  
率婦道于天下澣濯是服而六衣有煒環珮中節而  
九御有倫思脫簪之誠以成憂勤之政躬大練之飾  
以輔純儉之風陰教既孚王化茂遠方輿告變椒風  
永闕慟倍長樂哀纏紫宸皇極從稽塗將啟旌德

之歸彤管斯存若乃山河表德而文之以禮金玉其  
相而守之以恭垂訓以慈進賢以哲至于誦經習詩  
之敏審音知樂之明超然遠識憂絕千古勤行孝養  
下自從化故寬裕懷于六宮天資明惠學無不通故  
遺愛鍾於宸眷載稽具美寔先先烈謹恭謹法德禮  
不愆容儀恭美皆曰昭慈哲遠識寬裕遺愛皆曰忠  
仰惟寔錄足表鴻猷謚曰昭忠后謹議

卷之九終

徐公文集卷第十

東海徐鉉

武成王廟碑

蔣莊武帝新廟碑銘


武烈帝廟碑銘

重修筠州祈仙觀記

筠州清江縣重修三清觀記

武成王廟碑

下臣伏讀前史窮探政經莫不以兵戰為危事日干  
戈為凶器異達人之格論蓋曲士之常談君乃上考



洪荒遐觀擬象九疇垂範何嘗棄從革之功立緯麗  
天詎可論長庚之曜春生夏長非秋無以收成雷動  
風行非霜無以肅殺先王設教疇敢渝之垂衣裳以  
止其本為孤夫以申其用坂泉戡難所以見軒后之  
神明丹浦庇人所以成帝堯之光宅七旬來格本由  
舞羽之仁八百同辭始自葬枯之惠故修文廟堂之  
上者武功之始折衝千里之外者文德之形如仁而  
忘兵則西夏偃王以之而殞恃力而棄義則夫差羸  
政由是而亡乃知文德不修則武功不立功武不試  
則文德不昭相頌而成其揆一也故立其教者謂之

華古齋鈔本

聖大其業者謂之賢聖則應天順人西伯受代殷之  
任賢則開物成務大師有佐命之功當其偃息朝歌  
盤桓渭水量坂宇宙既履困而能通才剋生民亦俟  
時而後動雷雲之屯已今上天人之契冥符曆數有歸  
君臣相遇投釣而起同車以還尊為王者之師我無  
慚德加之百官之上人絕異言大笑哉聖哲膺期無  
得而稱已故能式遏亂略大拯橫流把白旄而誓師  
搃黃鉞而助斬解倒懸之困釋比屋之誅大統既集  
天保已定然後式廬表墓歸馬放牛申義風于夷齊  
授成事于旦奭宏開四履高視五侯及其德澤將衰



風流已遠猶使紀侯大去不遺九世之誓周室既早  
更賴一匡之業自非道充四表功濟三才孰能丕顯  
烈光若斯之盛者也其後聖人既沒真風漸漓戰國  
如焚群生殄瘁先王利器舉為爭奪之資闕里諸生  
率用縱橫之說遂使中都憤嘆聿興未學之詞柱史  
傷嗟始發不祥之論流遁忘返積習常生則戎武護  
之音將墜于地夫至公所以應群動上德所以綜萬  
殊達其旨則左右咸宜達其本則地張而失自漢參  
霸道魏濟嘉雄魏嗣十年荒哉七德國家參墟發命  
苞水膺圖群黎興後后之辭八表有宅心之地高祖

華古齋鈔本

奉天草政扇牧野之高風太宗屈己師臣躡渭濱之  
盛軌施其法則致其報入其國則思其人貞觀年中  
始于磻谿立廟玄宗祇君先訓奮發神謀平內難于  
女戎嗣鴻圖于代邸永言遺範重事嚴禋開元中詔  
京師及天下州府並立太公廟著良辰于上戊抗矯  
禮于虞庠而復歷選前修式崇配享得其體者參入  
室升堂之列蹈其迹者儼振衣函丈之容穆矣皇風  
煥乎甲令肅宗來朝走馬初嚴避敵之師九丘飛龍  
遂荷在天之命澆戈既戮商奄猶驕方資戡定之勤  
更舉褒崇之詔禮尊南面位極真王取其大誥之稱

以定易名之典歷代之訣文倫矣聖皇之能事垂哉  
故得重鑒孔昭群臣競勅諸侯供職夫夏同文中興  
之故配天齊古雖復運途興替時有安危造周之德  
既隆思漢之人常在烈祖沉潜剛克神武有徵靜氛  
孺于蕭牆功高庖正掃欒槍寸丹繳業茂着門由是  
四海樂推三靈眷命先復舊物洪惟至公大道將行  
皇猷累洽今上允文允武克長克君自出震見離發  
趾施令雷行天下豐宣中日信及豚魚仁沾行葦君  
夫尚齒尊賢之教宵衣旰食之勤制禮作樂之文逆  
朴斲雕之質固已紛綸帝籙掩映瑤編猶復勗北城

華古齋鈔本

謀疇咨庶政以爲五材並用廢一不可天下雖平忘  
戰必危是故簡萬乘之人中九伐之令六官聯事百  
度惟貞副君以介弟之尊當撫軍之任威而不猛動  
必以仁大元帥齊王明德茂親由諸王而宿衛副元  
帥燕王敷詩說禮以長子而帥師用能啟迪大中張  
皇下武其餘西京名將霧集星羅北府奇兵風馳電  
驚並列雲臺之像咸開長水之營地利人和思深慮  
遠域中無事則用之於進賢興功四方有變則用之  
于吊民伐罪故出車旣洛則像以長纓鞠旅衡湘則  
舉爲內地皆所以拯其塗炭之患息其沉闕之爭非

徒夸大兵威豈并土宇而已至于堂竹荏蒨之聚曰  
昭祖景之宗或粗舉先教或聊分偏校莫不啟角稽  
顛請命即刑史不絕書野無遺寇斯乃毅明文物之  
外廟堂帷幪之間思未半之功已倍矣加以爲而不  
辜讓德于天潔萊豈盛靡遺于時事春蘭秋菊遠被  
于無文乃顧戎貽式嚴邦政以爲三王四代之事固  
不從師前哲令德之人必將崇祀列聖盛典寔啟孫  
誅乃復舊章美作新廟于是伯宗建位梓人授規入  
瑞門而右迴旁大學以西顧瞰康莊而列屏因爽塏  
而營基他人之石成移中伐之材畢萃成之不日自

華古齋鈔本

此靈臺發彼方中寧斷楚室榮堂屹以特起高門豁  
其洞開延有籩豆之區階有賓主之位干戈在序鐘  
鼓在庭輝然觀藝之場藹爾致誠之地春秋二仲時  
和氣清醴醎交羞牲脔不疾鶉冠礪劍展告虔薦信  
之儀玉戚朱干儼象德達神之列中軍元帥出建靈  
旗六郡良家來登勇爵旆旒鏡吹桓、推轂之威金  
石絲篁穆、宴毛之序觀之者亂臣知惧此夫漢尊  
黃老誣蔡清淨之源秦用刑名徒有刻深之弊中庸  
之德其在茲乎嗟乎聖人沒而微絕玉澤竭而頌教  
息美斯路寢諸侯之事何觀吉甫清風衰世之音敦

尚宜若帝國赫奕聖作宏新人知鼓篋之方家識止  
戈之漸固可著之金石列在昂彙微臣覺愧常師用  
慚兼脩承明再入固無經國之才宣室徵還幸對  
受釐之間將使延州聽樂長聞雅正之聲與夫圯  
上受書世出帝王之佐敢揚丕訓敬勒貞珉其銘  
曰  
於維基命建用皇極寔有武脩以昭文德弗惠弗迪  
是糾是殛天地剛柔惟帝之則是則是效文王武王  
惟師尚父特惟鷹揚匡正天下綏爰四方徵禹之烈  
于湯有光肅、率性皇、表海簡禮從賢因民不攷

華古齋鈔本

難老曰壽專征為大決、之風至今猶在大道既隱  
明王不遭走虎爭逐頹魚告勞民君四履紛吾六韜  
我思古人心為切、天或爰民物無終否率此教國  
歸于聖帝自葛初征至牧乃誓君子萬年本枝百世  
鴻圖再造二聖重光亦既大賚寧惟小康六事允釐  
四維孔張夢寐卜獵咎嗟釣橫虎踞之陽龍藏之後  
爰作新廟畢崇明祀設桓交戟來門納陛崔嵬亭崇  
重深奧秘名光大告禮重真王侑神祀食入室升堂  
威儀文物容貌未章列聖有作茲焉不忘膠庠既成  
教義既明三湘即序百越來庭焉無南牧人怨東征

烈、政典洋、頌敎商郊車騎灌臺風雨漬用不沃  
威神若覩鏤金石以表德薦馨香而受祐春蘭兮春  
菊無絕兮終古

蔣莊武帝新廟碑銘

臣聞南正司天授宗祝史巫之職春官掌禮詔犧牲  
玉帛之儀皆所以別類人神統和上下三時不害力  
稽以之普存百物阜安薦信猶其多品用能舉明德  
而徵景福播和樂以致靈祇三五已還皆是物也若  
乃渾元宣氣小岳成形雲雨于是乎生財用于是乎  
取故有毳冕之服璋底之符或以肆瘞素文或以擬

華古齋鈔本

懸著法度舜聖帝也而有徧于之祀周武明王也而  
有惟爾之祈至于枋田高邑之都蒨蒨桑封之秩稽  
祿有羨蘭菊無虧大典竒編論之脩矣後王徂帝聞  
斯行諸金陵山者作鎮揚都盤根福地峙天險之次  
左瞰臺城之北隅陽嶺瞻包舉青林之苑隍崖石轉  
經營玄武之池絕嶽欽芬蔽虧日月深岩竒苑吐納  
風雲層臺累榭臨其嶺涌泉清池湛其下白鹿麇鹿  
騰其藪鴛雛孔翠栖其林豫章杞梓之材楠柚檣棗  
之寔結聖丹青之美錫銀金碧之饒固以事異假珍  
富兼諸夏登于軌物掌以虞衡矧復竒怪中潛網罟

上屬真人未應塵雜竇以祈年智士攸同指燭龍而  
建國亦何必嵩丘發峻始歸降神岷嶺騰精獨稱建  
福自時啟後代富靈游刺史還都即有栽松之地諸  
生肄業非無講學之場岫幌雲閑訪徵君于幽谷鹿  
巾霞帔集道侶于中林斯亦群帝之叅都先王之冊  
府者在昔霜鐘細品猶淹耕父之居反景微光尚  
駐長留之駕况乎皇州列岳宅位儲靈不有吉神孰  
司陰陽蔣帝享清明之氣稟正直之資寔九德之所  
生與五龍而比翼自西江考績謝聯事于玄夷北却  
申威輯棄功于黃綬于時祚終四百運偶三分失懷

華古齋鈔本

墜炭之愁家有剝廬之痛帝則勤勞徇物慷慨憂時  
既受張敞之俘即振李崇之鼓赤丸未盡抗漢節以  
忘生青骨難誣降北山而受享飛虫顯俗生民之舒  
慘焉依白馬耀奇平昔之威容如在故使中都之印  
式報陰功長水之營勞旌同氣廬宮改命非因介子  
之焚廟說崇壇註此鬼公之從自是光靈茂遠代祀  
綿長或昭德而降祥或言益而致罰黃旗紫蓋奉五  
馬之禎符朱甍碧階分高山之巨盜賢如謝傳猶繫  
草木之形親若始安亦假弟兄之助故得王封錫美  
帝服歸尊道炎昊以齊梅躡虞黃而接武事先典冊

鬼決幽遐任水木之遙遙顧高深而自改國家綠圖  
受祉黃鉞庇人分二牧于土中包九有于宇下雖十  
聯百里亞更守宰之權而四望五郊不易宗彝之數  
及威儀暫失彙昂中遷瀛海風迴坤輿幅裂而盤礴  
之際常奉周正封域之間獨為漢守衣冠舊族元洛  
遺祇咸趨懷德之御共克永嘉之亂終使皇天眷祐  
百姓與能克昌再造之基奄有六朝之地烈祖功踰  
嗣夏休濟哲而致中興皇上德邁繼文懋元良而恢  
下武格天光表懋率王之歌謠累洽重熙漸群恭之  
肌骨所以珍符提至靈命畢陳極金篋以標年畫璠

華古齋鈔本

紀瑞龍于六藝貫彼三墳矧復聖作無方神謀不測  
殷周損益文武地張制在先機申于後甲百史奉行  
而不暇兆氏日用而不知帝典恢弘天文貞觀樞華  
發藻決噴被罄丹浦非好戰之師兩階有誕敷之舞  
坐知十里廓清五嶺之氛役不踰時底定七閩之難  
國風玉澤自北而南樹立之權由来尚矣康無專享  
止榮藩屏之封穆帛不咸但著急難之咏未有極至  
公之舉正太帝之尊大義鴻猷如今日之盛者也副  
君膺則哲之寄有聖人之資由上德而貞萬邦用英  
才而提百揆履正繼明之業仰表宸謀持謙敬咨之

心甫懷庶品則有齊藩上奇行盤後而握兵符燕邸  
真王珥貂冠而掌宮禽周公則武王之弟夏啟則吾  
君之子故能緝熙帝載寅亮天工晏平仲之論和北  
宮子之謂禮自家刑國草偃風行上下之際既文華  
裔之情如一里蕙奇肱之俗款塞來王碧蒿素澹之  
灑除宮望幸后夔典樂已播董絃司馬進稱行陳祕  
檢功既隆矣德亦厚矣尚徃復而未止謙以尊政靡  
不修思無不及以爲無文咸秩訓誥之格言明祀是  
崇春秋之大義農祥晨正豐蒙四馳宸雲不而馨香  
並薦載行睿鑒爰顧遺祠詔曰蔣帝受命上玄奠職

華古齋鈔本

茲土力宣徃代澤被中區所謂有益于人以死勤事  
者也今歸位已極名謚弗彰缺典未申朕甚不取其  
以勝敵克亂之業爲民除害之功因姓開國追謚在  
武仍令有司修復廟脩制度焉于即舊謀新審形面  
勢農工告隙營室方中戒懸水以爲規或飭材而攻  
木埽垣之工榮立坊塹之仗星羅經術常夾靡雍王  
孫之草荆榛舊闕寧誅宋王之茅百堵齊興自歲而  
畢煥垣十里重屋四周樹文玉于庭中交校羅靡擬  
開明于闕外詭狀繫鬚約陞遙迤碧壘元州之石橫  
梁文矯雪披後渚之梅露朱戶之曠曠陽光不夕闕



深宮之靈霽對暮靄常霏堂上布筵楹間設奠管絃鐘  
鼓羅于下邊立盞盞肆于前再變之音克諧永貞之  
祝無愧神光倏忽襟服連蜷孔蓋翠旌君有來而國  
覲蕙肴蘭藉君有去而不忘用是高揖靈玄永司純  
嘏翹翹魑魅豈煩夏鼎之圖風雨雪霜無待桑林之  
禱則知民和而後降福事理而後下祈人祇之間如  
斯而已者也粵君先王命祀神道教人前哲全德之  
流九魁六宗之類或以公族視秩或以戶邑奉祠子  
晉之為帝賓真階匪極傳說之騎龍尾景耀未融斯  
皆地勢本高升閭易建詎有權輿五枝壤狹一同而

華古齋鈔本

能比敬軒堊分光堯日縱質文之造改代奉典章及  
聖哲之丕承更加崇飾故金蘭玉宇興王之統可尋  
兩騎五車受職之斯在雖將歷選安得同年昔者崑  
閩窮游尚紀白雲之什燕然薄伐亦陳玄甲之銘孰  
與宴貺昭彰壽宮宏麗水通懸圃萃氣色于閭門路  
接白楊煥丹青于駟野此而莫過後嗣何視微臣閩  
邑無功討論莫取思問神于先聖姑故事君獲罪于  
玄亨曷容媚竈惟于舊史想見英風適當罷役之初  
爰奉屬辭之詔西州作頌誠慚邑子見稱南國刊銘  
或望至尊所改庶使十八百國會執玉于茲嶧七十

二家配祀全此地其銘曰

茫、玄造萬物資始一經神位一掃人理先聖則之  
以著綱紀仰觀俯察上天下地高卑既定品物咸宜  
宣氣者山配地曰祇三公是擬九德攸司天作金陵  
蔣帝荒之岩、金陵作鎮上國陰林巨壑村生物植  
洞穴岩房逶迤詰屈隱士無言仙童不食洪惟廟貌  
奠此名區位重天孫植傾陸吾薛荔之服辛夷之車  
若自空桑來游下都翼、京楊馮、葦藪運爲多壘  
聿祈深福峻珍堅夷勳亡景福盼豐玄功威蕤帝錄  
皇唐膺命和悅人神崇名則舊受職惟新祥圖雜集

華古齋鈔本

禮典紛綸終全王土以俟真人再造延洪繼文光大  
陰陽不測天地交泰汶羽梯航鵬題冠帶咸民致力  
祭神如在猶防缺典乃顧遺靈永懷簡冊欽君昭明  
克亂除害膺茲大名亦有制度備于祠庭式瞻昏定  
昏定既正爰檢農時農時弗虧虞衡肅給般爾交馳  
加之磐斲益以章施新廟成既神居既寧我有常祀  
蒸餉薦腥匪采匪祈敬我惟馨三時不害大庖不盈  
昔在周家造于漢室徒騁驥駮虛羅甲乙純嘏弗臻  
斯歆愈失載返真風爰歸聖日五衢植木四照栽花  
馳烟驛霧晦景韜霞方介十巫何夏一車行觀吉玉

願折疎麻謝傳長逝王公不作獨我莊武先好睿畧  
尊墳無棘遠城有鶴刻此苔華永傳高霍

武烈帝廟碑銘

臣聞昊穹凝命玄化下宰司契牧民之重授以聖功  
益謙輔德之明顯諸神明玉燭景風之瑞所以報夏  
勤天時地物之故所以儆安逸是以古之聖人覩災  
而惧因眚而成撥亂反正之勳偃武修文之業延洪  
光大皆有幽贊者焉故禹奠九州受蒼水綉衣之命  
武師牧野接五車西騎之神或假靈于丘將三門或  
取象于長庚北路奇怪恍惚歷代有之然則崇業豐

華古齋鈔本

盛崇名紀號欽君天意丕顯隆功元一本一政之大  
者也茲我后所以削身修德久濟時化武烈帝所以  
禦災捍患光膺帝服人神合應豈不偉哉惟帝才冠  
生民道高振古登賢能于御老論昭穆于本朝若夫  
忠孝文武之風信智言之懿提綱崇節之績夷光  
靜亂之勤論道經邦之獻宮懸錫馬之寵忘身殉國  
之節驚冕顯俗之奇回已炳煥丹青鏤金石用能  
高標明祀大庇蒸民犧牲玉帛數有加于群望備物  
典冊禮遂傳于真王是知妙極無方數均不測告禩  
符於

華古齋鈔本

國家圖書館, NATIONAL CENTRAL LIBRARY, TAIWAN, R.O.C.

獨能雖通幽洞靈寔聖哲之

所務而問神語性非典冊之攸先故揚權而論蓋史  
臣之職也主上以功成弗處無德不報增封進歸敏  
有舊章乃下詔冊贈武烈帝偕名教禮也于是正南  
面之尊窮大壯之勢耽、新廟變、崇堂雉門兩觀  
之嚴左滅右平之制龍旂鸞輅雲罕軒懸兼三代之  
盛儀抗丘郊之殊禮與夫周人革命止陳玄牡之祈  
晉室主盟但用朱繆之禱報功之典不亦盛乎常州  
刺史何重貴初領前軍獨當強寇以忠貞為甲冑以  
恩信為金湯首挫賊鋒力全郛壘塞帷之任固以疇  
庸坐樹之風更成德讓皆足以光昭雅頌垂示來雲

華古齋鈔本

後之君子知天命不可以智欺大福不可以力勝幸  
災恬亂鬼得而誅肯盟奸好人將誰與覆車斯在殷  
鑒匪遠類委土以為師樹豐碑而記事下臣奉詔謹  
勒銘云

玄功不宰帝德無為化機莫運群動交馳必有神道  
鑿而董之董之伊何惟帝之職惚恍有象陰陽不測  
如岳降祥配天輔德保我蒸民莫匪爾極偉哉間傑  
多藝多才名馳八紘位重三槐祀典光啟王封肇開  
人思邵樹俗畏軒臺洪惟我后積仁累慶運啟再造  
功宣二聖金鏡在握璿璣以正陰陽既和人神交應

時災有數孰克違斯靈命自天疇能問之靈氣鬱鬱  
玄既冥期風雲鼓蕩厲氣殲夷蔣侯助順霍山啟道  
早晚匪遠誠明則到上曰欽哉享茲昭告帝服加尊  
大名紀號多壘既平連營既寧奕、新廟崇、百城  
民罔疵癘年斯順成庭有備物時殷頌敷福禍何常  
惟人所擇棄信毀義恃衆與力上帝不弔明神是殛  
勒石嚴祠告彼萬國

重修筠州祈仙觀記

筠州祈仙觀者東晉黃真君上升之地因為道館綿  
歷代祀立有增修國朝保大中元宗皇帝奉為吳讓

華古齋鈔本

皇再加營建金石具刻此不佞膏夫言意假象故歷  
朝修之形器有壞故資繕完之此觀當荆楚之要津  
寔郵傳之便道過賓稅駕游子解裝憧、往來罕或  
虛月加葺之後二紀有餘閑闕垣墉頽落且半道士  
羅自正絕攝真侶啟煥玄風以為道由人弘德以勤  
繼不飾不美人其謂何于是心謀躬行節用畜力授  
其徒之可任者會其士之好道者月省歲計經之營  
之即舊謀新興發補缺十有餘歲其績大成凡建聖  
祖殿黃真君殿各一區峙瑤壇乾洪鐘造橫橋于通  
津植茂樹而蔽野其修舊整壞者層樓重廊二十餘

間其取材也時其擇匠也良程之以壯督之以固統  
甌瓊瓊尚其容藻繪丹雘尚其麗帟不費工庸不  
勞煥然新宮峙此靈境君子是以知其也能夫神仙  
之事史臣不論豈不以度越常均非擬議所及故耶  
仲尼書日食星隕皆略其微而著其顯慮學者之致  
惑也又况于希夷恍惚之際乎然而載籍之間微旨  
可得書云三后在天詩云萬壽無疆斯皆輕舉長生  
之明効也及周漫而辟則事迹彰灼耳目不誣天人  
交感民信之矣于是通儒洪筆始著于篇至如許君  
黃君通幽洞冥窮神極妙迨前姻族與夫家人秉景

華古齋鈔本

齊超然絕俗故墟舊井真氣徘徊至其御而思其人  
仰其道而踐其迹斯觀之盛豈徒然哉鉉頃歲扈從  
南巡有事于游帷之觀二宮相距兩舍而遙使指有  
程瞻望忽及迄今一絕紀無日忘之會羅君狀其功  
績圖其形見托紀述欣然而書開寶七年九月二十  
四日記

筠州清江縣重修三清觀記

元氣既判天地乃位氣之清明靈粹者鍾乎洞天福  
地名山大川之間真聖之所居也景福之所興也然則  
游居走望乃建道館焉通都大邑往而在豫章之地

莫曰與區帶豫章之通川據西山之雄鎮鬱映磅礴  
神異所栖高真十二宸耀方夏方靈軌轍靡迤蟬聯  
保大庾成歲詔復高安縣為筠州析其北鄙為清江  
縣而三清觀負新邑之左瞰長江之濱形勝奇高壇  
宇巖淨闡諸故老云昔吳許二君嘗遊茲地夜觀清  
氣上屬於天相與嗟曰此非凡地當為神仙之宅及  
二君登晨之後邑人追感前言共葺茅茨歲時薦獻  
衆目為草堂道院亟闡紫氣事往名存暨季草樓人  
非郭是年世彌遠增修益崇開成中始詔賜號三清  
之觀自時厥後又踰十紀運逢治亂道有行陸中興

華古齋鈔本

以還百度咸復官得其守人盡其能道士吳宗元久  
迪玄風克堪道任以為朝禮之域馳歎所臨不飾不  
美衆將安仰于是月考歲計庀工飭材補廢扶傾無  
所不至建三清之殿造虛皇之臺設待賓之區啟飯  
賢之室氣華鏗之鐘勺魯樓之 茗亭回廊復道重  
深奧秘于是飾儀衛備器用肅然必浴煥然可觀大  
其誠至者其禮其守固者其事舉道





卷之十終

華古齋鈔本

國家圖書館, NATIONAL CENTRAL LIBRARY, TAIWAN, R.O.C.

徐公文集卷第十一

東海徐鉉

舒州周將軍廟碑銘

壽州刺史劉公神道碑銘

唐故德勝軍節度使扶風馬匡公神道碑銘

舒州周將軍廟碑銘

將軍諱瑜字公瑾廬江舒人也吳史列傳功炳于丹  
青皖城遺祠頌缺乎金石嗚呼皇天有造物之柄有  
愛民之仁必待聖人而後行王者有承天之德濟世  
之量必待聖人而後發故天人合應聖賢相頌民之

司命缺一不可雖復凌雲之御名非一木之材千金  
之裘非一狐之腋然其建大難運長策搃攬英傑私  
濟艱難亦一二人而已故草夏者九有之師而伊尹  
為阿衡翦商者三千同德而呂望為尚父秦為無道  
高祖誅之則鄢侯蓋于群后莽據閭位先武正之則  
仲華冠于四七漢宗失御孫氏奮發破虜討逆繼志  
勤王而將軍傾蓋于千載之期需足于百六之位策  
名江左宣力中朝殊勲盛列曠代齊契何其偉哉于  
時王業始基群兇方熾國難存及人心屢搖將軍情  
發于中義形于色履艱危之際貞節詠堅率振蕩之

華古齋鈔本

衆伸威方厲推誠以明大義故逆折游說之鋒屈身  
以表至公故肯定君臣之敬推赤壁之陣勢動九州  
建漢中之謀量包四海于是殫敵攝迹群生延頸姦  
雄之智無所施焉漢室之隆未可量也嗚呼天未悔  
禍國之不幸修途止于偏帥大命墮于巴丘流慟於  
當時遺恨于終古豈四百之祚歷數難移三分之基  
疆宇有限不然何雄才大略神授之如彼短命促齡  
天奪之若此忽于茫昧不可得而詳也夫英毅由于  
茂寔元功出于全德威稜所及非勉強之攸能績用  
斯存豈毀譽之可奪有吳為新造之國柴桑乃觀望

之師大帝非爭衡之才子布有私室之願將軍授袂而起橫戈以出魏蜀二主天下英雄或垂翅而宵奔或俯首而求敵降茲而往烏足道哉至于分財推宅之仁觀樂蓄音之妙知人先覺之哲存交服物之懷寔天縱其能亦行有餘力矣嗟夫民墜塗炭真主所以懼 天造草昧良佐所以驅馳非君臣同體不足以濟大業非帷幄共斷不足以制橫流將軍能沮幼生之談而吳主亦能拒敵國之間將軍能盡不世之策而吳主亦能破群疑之心故得不顯霸功若斯之盛當此時也如趙士之錄、漢相之觀、徒使有君

華古齋鈔本

林之會安能施一絕之維又况于市道之交署門之容哉此義夫節士所以感激于風雲惆悵于時運者也嗚呼微管之績既耀于中區盛德之祀遂榮於東夏歷世逾遠善慶彌彰翼子謀孫徙封移社而文庶繁衍故在舒庸召樹猶存魯堂無壞先靈不泯寔生太尉中書令西平恭烈王烏半十之運懸符祖德萬夫之望允濟時屯始為定亂之維終為佐命之老而仁風所被多在故鄉王與嗣子鄰皆節制廬江分仲子祚復刺舉蕩部過里門而載軾瞻廟貌而長懷命梓人以新其堂與督里宰以除其徑街教祝史以潔

其邊丘率宗族以薦其孝思肇建豐碑以永前烈懿  
哉象賢之美共理之勤民用绥和歲則大有長大不  
佞敢作頌云

皇天上帝敷佑下民既命賢主亦生賢臣若有將軍  
救時之化伏羲秉信資忠輔仁堂、定策審、忘身  
雄飛夏口橫薦江陵將軍猶生漢室不傾將軍既沒  
天下三分盛德之享嚴祠未湮壯夫擊節義士沾  
中猗歟舊國赫矣雲孫嗣勲慕服長戟高門壽宮  
有煥靈貌如存我紆蘭佩未挹犧樽懷賢慷慨用獻  
斯文

華古齋鈔本

大唐故匡時啟運功臣清淮軍節度壽州觀

察處置等使特進檢校太傅使持節都督

壽州諸軍事壽州刺史御史大夫上柱國

鼓城侯贈太尉劉公神道碑

聞夫郊圻內理收萬民者是日諸侯夾狄外攘守四  
方者其惟猛士然則安危異任文武殊塗故天下方  
爭韓彭英吳橫雕戈而震耀群生待理龔黃冠賈擁  
皂蓋以縱容及夫昭格寰區紛綸簡冊其歸一也代  
有人焉若乃摠是全護覃于奕葉流先受社潛齊累  
將之家崇德計功下視慚卿之族古難具美我則兼

之公諱崇俊字德修其先彭城人高祖升調補山陽  
淮陰尉遂家焉即為縣人也岳峻洪基海流送派陽  
城相土千齡俊伯之封沛澤中興兩代帝王之胤懷  
黃結紫論鼎甲以射衡刻像圖形誓山河而捧袂國  
史家謀拔卷可知頃者聖運中微群方暫擾驪山之  
北大戎興戲水之師踐土之庭天子虛河陽之召公  
路擁南陽之衆借歸仲家隗囂據隴右之圖坐論西  
伯勤王問罪吳太祖始定揚州賜朕專征昭皇帝遂  
加殊禮于是揚旌北討遷寇迹于淮濱關土西封謀  
守臣于諸將命我顯祖作牧鍾離乃固堡障之嚴載

華古齋鈔本

施犬馬之備軍無執政將期十萬之行師有現糧即  
聚九年之蓄方圖大舉已伏前戈永年不登未幾而  
歿長山群盜舊畏來公西域故營願從班勇復命烈  
考嗣膺使符不還渭水之兵誓奔龍門之托故麥城  
之戰斬獲過當汝陰之圍策勲居最先零委質關元  
國以無由獫狁驚蒐射郢都而不中疇庸錫羨建清  
淮軍以壯中權加禮慎終贈太尉公以光幽室既而  
鼓輦悽愴部曲徘徊家有遺思人思世德帝曰崇俊  
惟爾恭儉孝友誠明惠和任則中軍帥位則文昌長  
誕舉攸職于惟汝嘉濠梁之郊控扼遼裔惟乃祖金

克楚厥始乃考仁規克慎厥中肆予命爾克成厥終  
徃哉汝諧無廢朕命公啣恤奉詔墨經即戎鋪陳政  
經討閔軍寔思有以光大前緒播揚國風初二先公  
之理也屬洛邑再遷浚郊作梗偽新竊據仍延十五  
之期黃武開元始創三分之業犬牙之地蔓尾常搖  
鋒鏑縱橫車徒奔走推牙獸困尚逆匡復之謨頰尾  
魚勞未暇綏懷之術迨公之理也寇皆遠遁民佇息  
肩千里風從四方聳聽以為格物必在于立制也故  
藝貢賦以息貪暴之端暢刑章以極姦宄之極賞不  
虛投罰其必行以為富邦必在于務本也故使民以

華古齋鈔本

時相地之利持未熟之稻游惰自遷班冉易之田兼  
并兼絕倖以為邊寧不可以忘武備也故遠斥堠浚  
溝隍竹與木而靡遺膏與苦而畢給亭障屹峙軍聲  
隱然以為強兵必在于寔王畿也故招懷邊氓講習  
戎事游兵冀馬俱為無犯之容晉勇齊雄兼集選和  
之下歲棟精銳歸之京師其餘庶政常經門見戶曉  
斯可略而言也高皇帝禮均元老寵冠列藩受禪之  
初則進上公之秩肆類之際則委庶史之權言必見  
從無再却之奏君常高枕忘北顧之憂皇上欽奉重  
熙聿遵無改嚴從使因詔執事于清懷軍移壽春及

是復立定遠軍即命公為節度使仍以公少子匡符  
尚永嘉公主留侯恭印初躋上將之壇帝子吹簫即  
降玉姬之館禮優伯舅望重懿親于時公在濠梁十  
有七年矣米益皆序丞史當才閑閫罕爭舉蜂無傲  
朝廷以公能光前烈雅得邊情清淮之師道風仍在  
俾盛一家之美載嚴萬里之程改壽州刺史充清淮  
軍節度使節侯倏去鷄鳴傷父老之心長者負米虎  
渡息鄉閭之惠能事畢舉考功再期方將建大旆以  
風驅指函閩而電掃雲中鷄犬八公之迹徒存夢裡  
膏肓二豎之妖遂作春秋四十保大四年夏六月十

華古齋鈔本

有六日亮于壽春公署皇上剪鬚靡及穿壁方遂投  
綠沉之瓜悲哀竟日賜黃金之帶慷慨沾襟發朝三  
日中使護葬詔兵部侍郎李貽業持節冊贈太尉賜  
謚曰威即其以年秋九月十五日備鹵簿鼓吹葬于  
濠州鐘離縣大化里之原禮也前夫人李氏後夫人  
隴西郡君李氏皆太師趙忠懿王女也賴鄉仙李即  
開柱史之原參野飛龍遂紀宗卿之籍勲庸六鎮時  
高謝氏之門師範兩朝室有班姬之訓荃蘂蘭蕙映  
戚里以芬芳蒨葍疇蒙播婦儀而昭晰門內之理夫  
人有馬子八人二子幼長子節早亡次乾滁州刺史



次簡次策次霸時未任次符秘書卽或得公之政事  
或得公之兵鈐學禮學詩惟忠惟孝皆推酥酪之味  
咸有芝蘭之芳所謂積善餘慶世濟其美者也惟公  
山河龍鳳凝粹彩于神姿緯候風雲集淵謀于靈府  
議公家之事不以身為行將軍之全每由剛克卒祖  
禩之成業可謂聿修膺收伯之寵章訖無虛授所以  
始終匪玷福祿攸歸同族之間朱綸結軌季父仁瞻  
作鎮夏口第崇佑崇喜更典晉陵其餘將軍列侯中  
卽校尉銀黃照爛光浮通德之門珩珮陸離响雜高  
陽之里苟非自天攸相與國無疆其孰能與于此乎

華古齋鈔本

向使享大年數遠畧鴻飛鵬舉功未可量也天命不  
然能無永悼昔者荊州從事猶牽墮淚之碑太宰舊  
察亦有懷鉛之請况乎世功丕顯揭日月以高驥帝  
念惟隆會雲龍而下濟欲垂萬奕可不務乎微臣職  
典條綸詞非清潤持赤管以承認拂貞珉而投刃庶  
使虫、氓隸觀迹而長懷眇、來雲披文而盡信其

銘曰

惟彼陶唐有此異方自天佑之後嗣其昌侯遷魯縣  
帝隱芒碭騎那大族嵩華配長風、彭城興我選祚  
顯、山陽著我高祖高祖伊何仁而不過慶鍾令孫

肆未用武皇運中否諸侯起爭浚郟貼亂淮孺不庭  
吳王奮發受鉞專征命我顯祖守濠之城濠城巖  
峻濠兵驍勇顯祖帥之群兇震恐將軍下世邊焯  
亦聳乃命象賢荷時之寵荷寵伊何載大其功蠢  
梁冠言、頡頏是敵是俘兵無頓鋒爰有奇畧集  
于威公威公嗣侯不墜其訓戎事之陳民功是振  
為之中興典著之全泗上風移京師和順帝曰伯舅  
予嘉乃勛抒境則武安邦則文乃降王姬于爾慶  
門乃改乘轅于彼西軍西軍何在鎮彼衝霍威公  
未思式遏寇虐胡馬已遠將星俄落百身寧贖九原

華古齋鈔本

誰作明、天子剛嘗聞擊歲云秋止邊旆還、二藩  
士女泣浮漣而賢侯逝矣吾誰與歸黯、塗山湯、  
淮淩駟馬悲鳴滕公所聞甘棠勿翦召公攸勳是用  
刊碑永告來裔

唐故德勝軍節度使檢校太保同中書門下  
平章事扶風馬匡公神道碑銘

夫道被萬物處其中者是曰賢人功濟橫流讓其先  
者方稱君子施之則開物成務與廣業而同歸卷之  
則保族宜家垂令名于必大是以長沙吳芮繁祉邁  
于三雄南陽賈復貴寵隆于四 歷代以降靡不由

之迄于我朝則扶風公其人矣公諱仁裕字德寬共  
先扶風人子孫或從宦于徐方今為彭城人也粵君  
萬邦作又益有佐高之功因封受氏畬有却秦之績  
公侯必復閱西靡蓋起之威文武亦墜南郡被季長  
之德仔乎譜牒無佞闕揚曾祖某祖某皆以鹵介之  
氣當七豎之運不履王侯之事歸全父母之邦考某  
少負雄名為武寧軍裨將才高位下啟用弗彰累贈  
尚書右僕射傳曰有明德而不顯當代後必有興者  
故其餘慶集于我公惟公克稟粹靈夙彰奇應方娠  
而神旣協夢既生而異氣充庭宗族相驚里閭交慶

華古齋鈔本

識者謂之曰不意英物復鍾此兒天將啟之馬氏為  
不朽矣長而爽邁輔以博聞善無常師器以虛受及  
皇國中否赤縣淪災戰國縱橫爭求策士孔門堂奧  
半作家臣公負先見之明審擇君之義舉旗沛澤即  
授中涓定難京城仍參主簿而上方從歷試允懋臣  
功經綸草昧咨訪遺缺公親侍左右日奉謨猷能知  
四國之為且掌賓客之禮無伐善夙夜不離于公美  
則歸論議莫規其際出入二紀懋有一心車服以庸  
寵祿來假乃升朝序乃掌禁師以左領軍將軍兼提  
丞相之兵衛中令惟一任眾惟睦推以恩信先之勤

勞周廬既嚴軍事以簡考績稱最帝用嘉之遷檢校  
司徒送兼宿州賴史夫千騎之長可以圖功百城之  
權可以觀政中外迭履抑惟舊章即授楚州刺史本  
州團使使旬服之際邦賦是繁長淮之衝戎馬為急  
公奉揚玉略遵舉教條人不易方計日而治徽為右  
衛大將軍復領舊兵以衛相府董齊之器有踰于初  
明年改右金吾大將軍以扶風縣三百戶為封邑執  
金之職歷代推重綿祀虛位公首居之內訓却非之  
士外祭苛留之禁熊羆宣力鞞鼓無塵及上元曆內  
禪光啟建業寺府軍衛半存舊京委公留臺右師俾

華古齋鈔本

率東夏即遷檢校太保改右天威副統軍進爵為伯  
陝服從入公有力焉及參告類之儀益先求舊之舉  
寵開幕府遂領徐方進封郡侯定食千戶左輔之地  
王業所業基藩屏京師惟公攸賴乃移使節徃鍾京  
口公慈惠著于郡國威德洽于士心由是齊人向風  
期年報政加同中書門下平章事廬州節度觀察等  
使自南北分隔戎華交馳合肥之郊常制衝要故有  
台階之命以增閩外之威公于是謹斥喉審說令習  
組練之士則殺如馳馳嚴堡障之倫則勢若山立虜  
不敢犯邊是以寧而祭俗之方如南徐之理方當夫

護帷宸薄伐閩河渡江之誓既陳沂渭之舟已具嗚呼良圖未展早命不融春秋六十有三昇元六年閏三月五日薨于廬州公署上省奏震悼廢朝三日即即玄甲之數式擬鐵山之功給于官司臨以中使奉常以視履考祥之義循貞心大度之美詳協公論易名曰匡即以其年四月七日脩園薄儀衛葬于廬州合肥縣御裡禮也公娶同郡萊氏封彭城郡君麗穠李之華親承襲之職理內協鵲巢之咏從貴有魚軒之華某年日月先公而逝嗣子右弓矢箭庫使光庭東頭供奉官先祚閤門承旨先紹皆稟義方無衣

華古齋鈔本

遺烈家承膏梁之後而恭順克修職在綺紈之間而雅素自若君子謂扶風公其有後乎夫碑頌之設有自來矣琬琰之細既垂于苔華盤盂之微又參於儆戒君乃適今天眷忠存王家累輔翼之功而鍾鼎之報因缺享將相之賞而帶礪之誓弗渝時無間言沒有餘忠故其宗廟之祀金石之銘昭示來靈不可誣也小臣不學奉旨刊文庶使計功稱德代遠而愈信披文相質事久而楠芬峴首之懷靡盡昆吾之烈長存嗚呼哀哉其銘曰

蓋作朕虞夏曰元凱榮基締業明德攸在維趙于藩

封移族改祚寔刊山源長巨海因枝別代規涓未遷  
導德緯帳勤王蹈高流光龍社映後昭前懷黃結紫  
著簡成編誕發英材筆惟明懿昂角膺奇龜文履異  
博容泛爰入孝出弟運有屯蒙器無疑滯爰初發迹  
雲從潛泉濯纓職懾拊翼中涓良驥屐服忘歸在絃  
樞機言行無競惟賢遺德從君匪伊履屐勤茲前爰  
周旋陞戰居國必聞在身無擇帝爰允諧昨乃丕績  
惟彼淮泗殫以獯夷維此京浙續以邦畿檢執孔棘  
帝謂侯氏續服新息式司爾猷惠此廬國乃陟台階  
俾藩于北龍旂四牡鈎膺鏤錫命服有輝光毅載揚

華古齋鈔本

獮狄聶耳虫氓向方上像儀物下謚飛蝗梁木或顛  
通川有逝長城既巖哲人永瘁像著雲臺風存遐裔  
輟春盡思瞻山陽淚信結珠俗悲深上旻丹碑既刻  
列昂書勛祁連不泯庸器長存丕顯百代惟子有臣

卷之十一終



徐公文集卷第十二

東海徐鉉

茅山紫陽觀碑銘

池州重建紫極宮碑銘

唐故道門威儀玄傳大師貞素先生王君之碑銘

袁州宜春縣重建紫微觀碑文

舒州重建文宣王廟碑序

茅山紫陽觀碑銘并序

臣聞太初之氣其生也無始衆妙之門其本也無名





積而成形散而為器乾坤運之而兩儀位侯王受之  
而天下貞是故斷蠶煉石之功絕地通天之業衣裳  
軒冕之后干戈揖讓之君雖復遭逢異途步驟殊致  
莫不協契于神明之域飲和于道德之原廣無為之  
為執無象之象萬物恃生而不有百姓日用而不知  
其迹也則格天光表化人而成俗其本也則收視返  
聽全真而養身至其玉檢登封蘿圖啟後游神象外  
脫屣區中鑄金鼎而乘白雲登寒門立玄極闕宮清  
廟式嚴觀物之場玉洞金壇別啟下都之所由是靈  
符搜集真錄岐分三元八會之文潛通彷彿七映九

華古齋鈔本

華之室密擬形容足以徵福應于含生致孝思于時  
事聖人繼作靈今上御名相望故茅山紫陽觀者今上啟  
為烈祖孝高帝元敬皇后之所重修也爾乃星紀儲  
精下為峻極河圖著錄懸示禎期自道氣融明真科  
流衍治化宏開于赤縣符圖廣秘于名山而華陽洞  
天寔群仙之都會金陵地肺又三茅之福鄉左憑柳  
沂烟霞韻映布帶陽谷川原隱鱗伏龍靡迤鎮以雷  
平之隱鬱岡迴合浸以護軍之潭郭真人叩舷之池  
不遺留岸許長史煉丹之井自列寒泉白霧紫烟照  
映其上飈輪宿馭往來其間高真七人四處茲地其

後真白先生以玄德應世肇開耒陽之館以玉書演  
秘爰立昭真之臺堂靖疏基玄州之踪可擬生徒廣  
業白龜之迹斯存金鈕鳳羅代相傳授龍車虎駕世  
有飛昇及玄靖先生以冲氣含和体柔庚之歲計玄  
宗皇帝以尊師重道在軒后之順風由是天眷遐臨  
皇心默契惟新舊館再易華題丹鼎洞經潔修無僂  
芝沅龍閣投奉相望戶邑之民豈止奉明之縣樵蕪  
之禁寧惟柳下之坟故得雲物告祥芝英表瑞小周  
王之瑤水徒咏空歌異漢帝之猗蘭惟陳甲帳自茲  
啟後代有修崇上士名人時、解蛻雲翥羽蓋往、

華古齋鈔本

降靈皆著之金石播于謠頌嗟乎四時代謝天道盈  
虛雖九氣長存歷劫以資其融結而三階有象隨時  
因表其晦明則斯觀也將世運以行隆與皇圖而升  
降亦明未啟猶多間戶之悲白水方興始漸高門之  
慶孝高皇帝猶龍孕德指德垂陰應樞電之殊祥肖  
天中之奇表甘盤就學和光于百六之初庖正分官  
利見于九三之際賓門納揆有大造于當時彤爻旅  
弓光至公于四海由是法堯受命祀夏中興補西北  
之不周應東南之玉氣御明堂而輯群后輯瑞玉而  
觀諸侯既治定而功成史憂深而思遠乘奔馭朽不

以玉屋為尊，肝日宵衣，惟以蒼生是念，知無為之無  
取，體上德之不德，疑神姑射，瑞拱穆清，政舉其中事，  
至而應，愛民重法，敦本訓農，偃革銷兵，守好戰必先  
之戒，卑宮菲食，懼以人從，故之識，故得百寶效靈，三  
辰薦祉，遠無不雨，適無不安，少康光武之功，獨高帝  
錄，貞觀開元之業，更啟孫謀，今上承續德之基，法自  
然之道，變化無方，之謂聖神，武不殺，之謂仁學，洞精  
微，守謙光而冲用明，昭隱伏，休大度以包荒，動則庇  
民不矜功而尚智，靜惟修政，恒務嗇而勸耕，聞善若  
驚，每察秋毫之細，容先必照，寧遺行善之微，化洽風

華古齋鈔本

隨時和俗，尊常以天下者，烈祖之天下，憲章者，昇元  
之憲章，垂裕無窮，永懷罔極，衣冠原廟，木足盡思，鼓  
樂娛神，良非至敬，緬懷慕在天之駕，因嚴訪道之宮，  
尋屬長樂上仙，躍龍興感，載咏生民之頌，思弘十亂  
之功，乃春靈若誕，敷明詔發，虞衡之吏，集般爾之功，  
執藝駿奔，飭材廣至，果園之祭，供其齏，斷北郊之土，  
給其坊，墁乃新，祕殿祕殿，孔碩，暨其靈，窮屹其寧，薩  
璇題，立照以晶，熒珠網，交疏而窈，窕震，靛雷于滴，漑  
抱宛紅于楹，軒忽墮闔而陽，開乍霞，敷而雲蔚，儼若  
虛皇之御，穆然太上之容，疑馭氣以迴，際眇凌雲而

選觀乃立高門高門有仇擬金闕之觚稜洞朱扉而  
煥照龍章鳳篆以之題署霓旌絳節靈馬出入乃建  
兩序紛遙遙而重深乃起層樓邀蒼亭而顯敞北彌  
郭十之路南亘姜己之衢赫光影以燭坤麗丹青而  
慕野遠如神運恍若化宮每至日薄星迴歲聿云暮  
桐花萍合春日載陽赤城旋軫之初白雀會朝之際  
都人士女舉袂成帷襲靈風而共洽天和仰雲御今上名  
而方知帝力豈止百年猶畏獨識軒轅之臺三壽作  
朋永閔姜嫄之廟大哉至矣無得稱焉夫妙本太無  
名靈不朽挺窮神知化之盛然後顯通幽洞靈之微

華古齋鈔本

立尊道貴德之教然後致還淳反朴之理漸于人焉  
富厚被于樂為教詩告于太史為典冊著于豐碑為  
銘篆耿光丕顯其在茲乎爰命下臣敬書令德其  
詞曰

邈矣至道悠哉妙門曩、無物綿、若存是生清濁  
爰闢乾坤乃生之民乃作之君德盛惟皇功高曰帝  
訪道峒山求珠赤水下有和時稱至理三正循環  
鴻圖資始於維基命赫矣皇唐運啟再造天垂百祥  
玄德升聞既壽永昌時來白雲立于帝御穆、嗣君  
雄、下武禮極配天教先尊祖明發晝思優然若觀

敬佇仙游式嚴靈宇靈宇何在句金之陵丹霞夕映  
白霧朝凝重屋四注崇臺九層雲生窈窕日麗猷稜  
三秀交陰五便分徑丹砂流液玄洲玉靖柳谷恒烟  
雷池寫鏡彷彿九華依稀七蕪至誠則感有應斯來  
含真上容蕭閒逸才聽輪倏忽晨蓋徘徊浮恭認土  
方丈凝臺昔在聖人建言敷教救物以慈奉先以孝  
敬佩真契恭聞大道顯妙用于言象鼓淳風于億兆  
薦純嘏于無窮仰皇猷之克幼

池州重建紫極宮碑銘

域中之大曰道百行之先曰孝故孝心充于內道氣

華古齋鈔本

應乎外于是有聿修之德追遠之懷揚名顯親之善  
集靈徵福之舉用于邦國則臣節著施于家庭則子  
道光以之為政則民從乂以之薦信則神降福然則  
壇館之作焉得已乎池州紫極宮者本東晉之普明  
觀也浸之以秋浦鎮之以齊山北望陵陽膏真人飛  
昇之所南瞻九子膏徵君栖隱之鄉玄風徘徊精氣  
交感代有奇士君為殊庭既奉玄元之御因崇紫極  
之歸治亂迭運隆替不常戊午歲太子陳公始臨此  
郡歷塊垣而嘆息步道址而顧瞻役不徒興義將有  
屬公鳩水泐泐太丘舊族重以世亂避地徙后建安

祖德門風冠映圖謀王師拓境闕方即叙撫綏歸附  
旌訪賢能惟我嚴君首奮奇節芟夷逋穢弘濟艱難  
偏師所指無徃弗克故十年之間由裨將歷郡守登  
上公建齊壇功名之盛近古無匹王室多故邊城不  
寧復遣公督舟師率諸將萬里赴援三年轉戰并無  
遺策兵不頓鋒威行軍中勛在王府舍爵再命聿未  
是邦于是解甲釋兵頌條布政事從中興民用綏和  
會文賦詩彬、然有儒者之風矣俄公王妣國大夫  
人二問至公孺慕出次壘、永懷以為柔儀慈訓寔  
大吾族鞠育仁愛兼倍諸孫嘗藥弗親執佛且遺欲

華古齋鈔本

報之恩王事靡盬思所以薦祉于冥漠求神于希夷  
非曼山之宮必易遷之館然則琳房金闕瑤壇檜井  
迎列真之御資閭風之游仙經不誣勝事可作于是  
瞻星揆日飭用元徒散廡下之金出荆門之絹人百  
其力工薦其能易其傾頽凡以麗杜成于心匠不愆  
素期自某年月鳩工某年月訖事凡出錢若干萬某  
室若干間正殿當陽三尊負宸享列宿之位于東序  
設三官之堂于西廂嚴饋奠之室于民維所以盡時  
思之禮敬閒晏之亭于乾位所以極坐忘之懷尖棘  
雉飛霞馭雲蔚璇題行月煥城邑之晶光飛甍白日

壯山河之氣色如是則臧歎之駕不得不臨盼嚮之  
福不得不集想見武夷之會足申余伯之心至矣哉  
善慶孫謀無得稱矣常試論之曰神仙者君子之所  
歸也故真誥云至孝至貞之人皆先受靈職次為列  
仙歲登降其出明如人間之考績矣若乃盡忠于君  
純孝于親數忠于民歸誠于仙而不得與夫鉅芝朮  
醮星斗者同躋真階吾不信也曷哉夫子其惟有終  
鉉扈駕南巡致禮名岳假道過此仰瞻久之博我  
以文輒不遵讓其銘曰

華古齋鈔本

我經池陽池陽既康化以至道民知向方乃新開館  
以奉虛皇君子薦祉則惟其臧我登新宮新宮既崇  
深嚴耽、丹彩彤、九華散影十絕盤宮空若在岳  
宣如游風至道不頌玄閣甚適孝享誠敬奉時祖妣  
善慶純淑施于孫子三茅二許夫何遠已流芳金石  
永、千祀

唐故道門威儀玄博大師貞素先生王君之  
碑銘

原夫至道之先眇哉稀矣書契已降可得而云黃帝  
堯舜澄其源故垂衣恭己在宥天下伯陽仲元漢其  
用故建言立德萬章無窮赤松羨門神而明之故輕

舉上賓留侯商皓變而通之故解景滅迹順是以下  
莫不由之故有借坤瑞委利萬物于廟堂之上葛巾  
常帶全陰功于塵埃之外隱顯殊致趨合同歸其人  
有終其魄不死閻風玄圃群帝之系都赤城華陽仙  
聖之治所光靈盼嬰君在左右仁人君子往、至焉  
見之于貞素先生王君笑君諱栖霞字玄隱華宗繼  
世積德所鍾生于齊得決、之風長于魯習恂、之  
教七歲神童及第十五博綜經史闕童子靡敢並  
行東方諸侯為之前席而仙材靈氣稟于自然塵纓  
世網不可拘繫每名出獨往神氣感通奇怪恍惚衆

華古齋鈔本

莫能測天祐丁卯歲避亂南渡至于壽春感四海之  
分崩想八公之遺迹于是解巾名路委質玄門問政  
先生聶君師道見而奇之授以法錄是日彩雲皓在  
翔舞久之既而窮方士之遊游得東卿之騰境道無  
不在善豈常師又從威儀鄭君啟遊受大洞真法玄  
科聖旨動以咨詢福地仙源因而栖托誅茅穿徑枕  
石漱流身既退而名愈彰道已寂而節彌苦桑田自  
政桂樹自留烈祖漢高皇帝方在賓門寔未作鎮紫  
氣表真人之應青雲符好道之占君鵠書被微褐衣  
未見談天人之際講道德之源靡勞牧馬之迷自契



順風之問因從教請未止建康有玄真觀者陳宣帝  
為減於先生之所作也敎堂岑寂水木清華游鳥息  
鳥以遂其好每竹宮望拜丘謀秘詞叩寂求真必君  
是賴嘉祥靈應世莫得聞聖曆中興恩禮殊重加金  
印紫綬歸玄博大師烈祖嘗從容謂君曰吾不貪四  
海之富惟以蒼生為念君對曰夫古之聖人修其身  
而後及天下天下待一人安而後安今天子勤勞萬  
幾忘寢與食身且不能自治豈能治蒼生哉帝善其  
言以百金為之壽其識度亮直又如此烏今上嗣清  
淨之基尊玄默之化咨諏賓敬有踰于前而君茅嶺

華古齋鈔本

夙心老而彌篤此年抗表請歸舊山優詔卹之又加  
貞素先生之歸既而玉棺有命紫素告期葛洪見留  
不成大藥少君捨去先夢綉衣保大士子歲夏四月  
甲寅隱化于玄真觀春秋六十有二恩旨痛惜賻錢  
二十萬道俗嗟慕會葬數百人初君之處茅山也即  
良常洞之前相當平山之下披榛剪穢面壑臨流除  
地為壇表朝真之位因立設隧卜安神之室是時歸  
葬符風顧鳥六月發自京師泝淮而上時畿內久旱  
川塗可揭是日大雨洪注騰波却流驀長堤踰重堰  
飄然利涉人不知勞昔周王有樂水之朝宣尼有四

川之應校靈比德其殆庶乎君傳法度人教逾累百  
有若玄真觀主朱懷德名先入室道極嚴師首座孫  
仲之章表大德劉德光參受經

願垂不朽之風威儀王可

刊貞石鉉也不佞夙承教

遂而

誠心所感素交斯在銜

首之悲

以俟遠城之嘆詞曰

於鑠子晉上賓于天亦有全孫窮神体玄昔我來思  
世稱其賢今我往矣久謂之仙至道希夷孰其知然  
華陽洞府句曲風烟林芳橘葉地即芝田披文相質

華古齋鈔本

億萬斯年

袁州宜春縣重建紫微觀碑文

若夫聖人有作沒而不朽畏其神而向其臺思其治  
而德其樹故尊道貴德玄化所以無窮高山景行後  
賢所以不乏妙門光啟上士勤行書契已還煥乎丹  
青者可數邦域之內表厥宅里者相望時運與并人  
境交得教之大者其可忽乎袁州宜春縣紫微觀者  
蓋有晉鄧表真人上昇之地也左鍾山之奇峯右洪  
陽之仙洞崑崙千仞蔽虧日月窈窕百里畜世風雷  
迴岡曾鬱榮其基垌激湍登溪宣其氣象真靈之所

游集邑君之所走望皇統中吞下國尋戈齊臺盡傾  
魯宅多壞鹿中霞帔渺矣流離落高鞞帳剪焉湮廢  
而周德未厭漢中仍存舊物既湮墜典咸復惟茲靈  
境將俟其人道士孫去華植本康樂之川從師新吳  
之邑清心鍊氣絕粒忘形三十餘年其道彌固保大  
中自所居華林山館南游北鄉望佳氣之鬱蔥躡琬  
垣之靡迤慨然嘆息誓志終完于是面壑依岩披榛  
築室勤身而感物應迹以化人鄉閭風隨踞信日至  
節以致用時而命工二十餘年厥功克就紺殿特立  
重廊合迴闢朱戶以瞰野峙瑤壇而在庭至于像設

華古齋鈔本

之尊嚴伏衛之精麗厨廩之充切居室之清閒洪纖  
必周奢儉中度矣美蹟績昭哉素誠夫褒善稱代表  
秋之旨雖在遐遠人其合諸監察御史李君思義奉  
使宜春稅駕斯館都殿成今上嘉其秉心碑而揭之  
以求我文言意難盡強為之銘、曰  
表君之賢此州乃名鄧氏之仙此觀乃形春華麗  
絕真氣融明允矣奧壤居然福庭運送交喪地有  
遺靈美哉孫師興廢扶頌重閣金龕還飛火鈴烟  
霞散聚颺歎送迎精誠所感大道方行用刊樂石  
永告靈高

舒州新建文宣王廟碑序

鉉嘗讀文中子所著書竊觀其建言設教憲章周孔  
有道無位故德澤不被于生民然而門人弟子如房  
魏李杜輩皆遭遇真主左右大化元功盛烈亦云至  
矣猶以為禮樂不興未能行文中子之道嗟乎使顏  
閔之徒過貞觀之美舉聖人之業成天下之務豈不  
益大乎時運不並亨聖賢不世出可為長嘆息已矣  
夫太姜玄酒足以通神明而不能競造口之味大成  
聖門足以和風俗而不能高娛耳之聲五常六藝足  
以興國家而不能勝撻給之數釋菜合樂足以祈永

華古齋鈔本

年而不能掩福田之說李斯荀卿弟子也而為焚書  
之酷德彘文皇上宰也而沮王道之議况其餘哉故  
用兵以來郊庠鄉塾委而不修者有年矣皇唐中興  
之一紀天子乃崇學校養庶老舉六德教胄子旁達  
郡國靡然向風舒州古諸侯之封也其地廣其任重  
太傅周公奮勳碩望來領詔條武以貞師仁以行政  
動必首于前訓舉必順于人心前吏部郎鍾君頌登  
銓管之司寔參侍從之列論思典治必以名教為先  
洎從左官來為佐職神交主諾人無間然始一年而  
早曠作二年而百穀登三年而上下和既而教爰修

廢興乃嚴社稷則播植之功報乃祀奠畢則風雨之  
候時乃即饗堂謁先聖寢廟卑而將祀袞冕陋而不  
度政之大者烏得已烏于是凡工庸示儀制堂與戶  
瞻親乎大壯山龍蒸火煥乎有章重門以深之周垣  
以繞之俎豆升乎筵干戚由于序饒、衆賢是配是  
侑肅、燕毛以衍以梁間位之屬耆幼之倫惠澤漸  
于肌膚風教移乎情性惜其所治者百城耳推是而  
往何所不至哉鉉也不才放逆至此蒙地主之惠接  
故人之教博我以文宜無所讓屬從既具冠篇將畢  
會鍾君召還京師祖行之夕視草以送且曰敬教勸

華古齋鈔本

學非大君子不能行計功稱伐非大手筆不能任吾  
友紫微即韓君即其人也托之銘頌以永清風

卷之十二終



徐公文集卷第十三

東海徐鉉

宣州涇縣文宣王廟記

復三茅禁山記

宣州開元觀重造中三門記

紫極宮新建司命真君殿記

楞嚴院新作經堂記

攝山栖霞寺新路記

常州義興縣重建長橋記

宣州涇縣文宣王廟記

昔夫子祖述堯舜憲章文武扶東周于已絕極蒼生于既墜其迹屈而道愈大其人亡而教愈遠則生民以來未之有也其在禮典法施于人則禮之矧褒聖之禮其可忽乎然則中人不足以語上下士聞道而大笑故斯教也衰于戰國廢于嬴政漢魏以降續而復絕夫仲尼日月重昏于世非聖人孰能廓之故斯教也興于武德盛于貞觀極于開元理自然也兵興以來大化湮替先王禮器委頓于勝虜之門闕里諸生悽惶于絳灌之下矧殿祠宇其存哉何天之愛人不能遂絕皇統再造不藝始修太歲丙午重熙在運

華古齋鈔本

宣城雄鎮帝之叔父在焉故幕府之選殊重尚書郎吳君光輔奉詔佐兼部兼理于涇既蒞事乃被儒服謁先師闢荆棘歷堦垣以造于茅茨之間仰瞻俯觀喟然而嘆于是奉開元之成制采泮宮之舊章經之營之是卜是築惟新祕殿儼飾辟容入室升堂森然如在邊豆有位賓主由序表著咸列門衛肅然于是青衿儒服之子有從師觀藝之場鯢蓋鮒背之徒識養老慈幼之節欣、然其化之大者數越明年秋君奏計如京師因得其寔嗚呼聖人在上群才畢舉使三代之風達于邑里得不其偉哉予承君之教美君



君之志刊石記事置于祠庭後之君子無忘企及其  
餘理畝藉察庶獄闢汙萊過坡塘則有考工之史在  
故不書于時太歲丁未冬十月九日尚書主客員外  
郎知制誥徐鉉記

復三茅禁山記

華陽洞天金陵福地群仙之所都會景福之所興作  
故其壇館之盛薦享之嚴修奉之嚴樵牧之禁冠于  
天下其所由來舊矣聖曆中有司失其守望拜之地  
多所荒蕪若乃靈真翔集玄呪盼聖興復之迹必假  
異人天祐丁丑歲貞素先生王君棲霞始來此山恭

華古齋鈔本

佩上法徘徊地肺偃息朱陽永懷舊規期在必復先  
生潛德內映符彩外融名士通人道契冥會凡徧行  
之贈跪信之資悉奉山門以成夙志于是由良常洞  
至雷平山十里而近入于氓隸者畫贖之芻蕘不得  
輒至墟墓不得雜處藝樹蔽野植松為門川梁必通  
榛穢必剪建方壇于雷平之上造高亭于良常之前  
朝修有致誠之地游居有稅駕之所姜邑古陌秦望  
舊封肅然清光復如開元天寶之歲矣先是紫陽之  
右有靈寶院為真堂故臺鞠為茂草先生殫力罄資  
克復敝堂有開必先無遠弗屆都督武陵康王奉錢

百萬梁王造殿一區向道之徒咸助啟事曾未周歲  
惟新舊宮皆先生之力也昔大隗致襄成之駕庚桑  
化傀儡之人是知道心惟微其應如响時則有若道  
士經若虛協規同志是攝是贊幹事以恪感物以誠  
績用不愆斯莫伙賴先生以保大士于歲夏四月悉  
書大屋之數疆畔所經請命于京師申禁于郡縣以  
授茅山都監鄧君柄一能事既畢數日而化期命玄  
應昧者不知夫仙階感召諒非一揆若乃神清氣靈  
骨籙標映受之于天也心虛器冲玄德充蔚基之于  
性也昭真垂教啟煥靈運行之于勤也故策名紫素

華古齋鈔本

飛步黃庭流功儲慶必參相合然則先生之道其殆  
庶乎雖躡駕不留冥升日遠而高風可迺遺範在人  
進而紀之翰墨之職也鄧君企慕前躅見托直書已  
未歲秋八月日記

宣州開元觀重建中三門記

夫清淨玄默道之基也宮館壇墀道之階也生知者  
因基以成御名上勤行者升階而覩奧故君子德業玄  
挺仁慈積中必廣馴致之方乃形兼愛之迹情性平  
則和氣未誠明通則靈符集由是登正員之境入希  
夷之域曠矣無際董然太和斯寔興化致理之方還

淳反朴之本豈與方延方士尚秘祝求長生以自奉者同年而語哉宣州開元觀遠擬清虛獨標彤勝敬峰崇峻鎮其後句溪澄澈經其陽鍾一方淳粹之精結三素氤氳之氣當秦陵之尊道揭聖曆于華題藹爾殊庭居然福地及經纏百六數偶三災雖棟宇不渝而制度多缺靈踪必復有待而興上嗣位之七年皇室再造之一紀令儲后狗臧札之搢讓德承華休間平之賢提戎藩服首台師而握司律鎮京口而領宣城其為政也質以光正咨于耆老義以果斷仁發生民力不偷缺政咸舉而斯觀路門久廢遺址將

華古齋鈔本

無非所以敬教尊祖會昌建福者也乃命執事即從經度民多暇日府有羨財勤而不勞成而弗亟巨棟小立層簷翼舒六扉洞開方軌並入重廊助其迴合秘殿表其深嚴十絕之幡拂文楣而綉彩九龍之駉軋金鋪而振响璫之者有凌雲之氣經之者疑駕歟之游信足以勵上士之修進福蒼生于仁壽既而功宣納覽望集撫軍大壯之志斯成重離之位亦正貞符允塞盛德宜書道士孫洞虛素業淳深至誠敦愨發揚真迹啟迪嘉猷永為不朽之功願紀他山之石官臣執筆以謹歲時戊午秋九月

庚申記

崇極宮新建司命真君殿記

夫金闕琳房不可階而升也惟至誠能動之靈符景福不可企而望也惟至行能致之故君子行道于時宣力于國敷惠于民貽範于家此人之極致自天所佑也又况考集靈之地崇列真之宇薦納約之信勵行勤之誠然則希夷杳渺超言象之表矣有若故司空相國懿公承世功之緒龍重侯之業地親于副馬繼美于緇衣便蕃臺閣夷險一致中立不倚金石貫其心惟力是視風霜盡其節故四綜會府再踐中樞

華古齋鈔本

三殿方鎮一平邦土慎終如始沒有遺忠激楚之樂雖終通德之門不改嗣子大僕少卿俊等祇奉慈訓弗敢失墜以為公之純誠冲氣本道家者流而仁政令典近決于三茅之境高齋甲第夙隣于玄元之宮故栖神植福必先于是爾其治城峻址西州舊署志貞公之遺隴鄜文舉之故基九原可作勝氣如在乃相形勢補廢缺建司命真君之殿于宮之良維披真蘊以立程集國工而考藝瞻星揆日不勞而成崇高壯麗重深葺煥如也疑旒端簡負宸仍几穆如也珠璫絳節紛披于左右空歌洞章蕭寥乎晨暮真聖

以之而臨御純嘏以之而錫蕃賢人有後孝子奉先  
無以加于此矣鉉始以事分通舊從子弟之游終以  
禁掖具員陪僚屬之末及公之啟手足也復忝國士  
之許辱寄托之任知己之厚何日而忘短篇叙事蓋  
感遇之萬一也

楊巖院新作經堂記

君子才足以治劇惠足以安民見先致命以死勤事  
有一于此然後可以薦信于無方之神儲慶于必大  
之門噫楊巖院經堂之作也其庶哉乎平陽柴君諱  
進思字昌美故大尉中書令尋陽靖王之孫也少而

華古齋鈔本

與俊長而忠恪尤善騎射頗曉兵書靖王愛之出則  
典親兵居則專家政幹盡之美宗族稱之王薨始為  
公臣累遷旅師鴻圖再造金草浸威上以其材能可  
任故以為內晏副使兼輶建節將命四方盤根錯節  
所至皆治改鄧岳觀察巡官知永興縣事隸有小澤  
之征權莞之利歲終考績倍于前人還泰州軍事判  
官兼營田監監平蠹改決庶獄勞農督課潔己律人  
民不告疲公有餘利除勸農使監池吉二郡護武昌  
軍十里晏安上流靜謐會梁人入寇我武未揚東畿  
陷沒群情震駭命君為行營應援軍使率舟師數十

鼓行而東平難濟口復海陵郡于是淮泗之地殺勢  
始通乘勝長驅因逼隋苑前茅接戰群帥後期振臂  
奮身有死無二雖破竹之勢敢于垂成而東道清夷  
本由君之一舉也江都寇復歸葵京師天子閔焉贈  
左千牛衛將軍賻贈加等禮也嗣子殷前承旨廷過  
等棘心在夜荼蓼倍兼以為苴麻苫以飾哀之期有  
終燕嘗封樹追遠之禮靡盡復欲圖不朽之績徵無  
邊之福則金仙之教世之所崇宗旨在乎經文威儀  
存乎像設于是擇奇勝之地補缺遺之事經堂六間  
塑地藏菩薩像一軀几席什器之類華而脩精而固

華古齋鈔本

眈然其質煥乎其章深嚴足以遠世喧虛明足以味  
玄旨其金節之風也如彼其集靈之所也如此然則  
冥冥之祐綿綿之慶豈誣也哉予頃歲左官海陵君  
盡傾蓋之分感忠臣之事主嘉孝子之奉親刻石記  
事以聳善也援筆悽愴無心于文保大丁未歲春三  
月日東海徐鉉記

攝山栖霞寺新路記

栖霞寺山水勝絕景象瓌奇明徵君故宅在焉江令  
公舊碑詳矣高宗大帝刊聖蔭于貞石行宸翰于瓊  
題煥乎天光被此幽谷先是茲山之距都也五十里

而遠方軌並驅崇朝可至及中原今上御名亂多壘在郊  
野無牧馬之童岐有亡羊之僕義祖武皇帝潛龍茲  
邑訪道來游始命有司作是新路全椎既隱玉馱言  
還桐山之駕不追回中之道亦廢嗚呼聖人道逆必  
將不泯微禹之嘆夫何避哉保大辛亥歲時安歲豐  
政簡民暇粵有寺僧道嚴名高白足動思利人嗟亭  
候之不復閃行旅之多艱乃相與剪荆榛疏坎甯闢  
通衢之夷直棄邪徑之行迴建高亭于道旁跨重橋  
于川上鑿甘井以救渴立石表以指迷草樹風烟依  
然四望莽鬱臺榭肅爾前睹由是江乘之塗復識王

華古齋鈔本

畿之制矣予職事多暇屢游此山喜直道之依遵嘉  
二叟之不懈為文刻石用紀成功俾後之好事者以  
時開通隨壞完葺此碣有泐斯文未湮不亦美乎其  
年八月一日兵部員外郎知制誥徐鉉記

常州義興縣重建長橋記

聖人作川梁以濟不通舟車所及纒連棊布若乃形  
勝傑大名聞天下者亦無幾何陽羨長橋其一也夫  
英賢之所躋次邑后之所瞻望山川之精粹宅焉里  
城之神靈憑焉廢而興之圯而葺之豈惟脩政足以  
徵福是橋也徵之圖謀則後漢邑令表君創造國朝

永泰中邑令丘君新之其他無聞焉中興之初邑有  
義夫曰吳蒙吳道率以私帑脩加營葺人賴其利輸  
三十載丙辰歲國步中梗百越寇邊邑人敗之燒營  
而遁飛焰旁及宏梁半摧甲寅歲著作佐郎劉君來  
為邑長視其制度知非民力之所能濟乃狀其事白  
于有司上聞嘉之詔賜錢八十萬君信而好古寬而  
得衆耐虛借鼎甲餘慶後造策名政是以和事無不  
舉乃相與敷王澤因民心脩物致用程功撥日器利  
工善材良事時成辰歲久而裁明年暮春而畢長五  
十步廣七步對縣樓而直出跨荆谿而橫絕丹竅其

華古齋鈔本

錦狀偃蹇而虹舒崇高其勢邈蒼亭而山立朱輪方  
軌駟馬連騎營：市井憧、往來有衽席之安無厲  
揭之患昔者乘車濟涉聖人謂之無教橋梁弗修賢  
相知其不能以今方古勝負分矣夫書云考績傳載  
稱代庸、善、其可廢乎刻之貞珉以示來者庚午  
歲春二月十五日記





徐公文集卷第十四

東

海

徐

鉉

重修徐孺亭記

喬公亭記

昆陵郡公南原亭記

劔池頌

尤壘松贊

硯銘

野老行歌圖贊

四皓畫贊

國家圖書館, NATIONAL CENTRAL LIBRARY, TAIWAN, R.O.C.

許真人井銘

高侍郎画像贊

文獻太子哀冊文

齊王贈太子哀冊文

重修徐孺亭記

至矣哉天之愛民甚矣雖數有台亂而常生聖賢故  
得其位則功加于時外其運則教垂于後雖銷穀滅  
迹全身遠害不德而德普逃名而名揚擁舊築宮禮  
重于列國武閭表墓道光于無窮舉善而教政之大  
者也恭惟我祖炳靈南國舊宅界于仙館高臺峙于

華古齋鈔本

登陂孺亭之稱海內瞻仰名公良牧代加崇飾千載  
之下猶旦暮也頃為邦君非才敢我王度翦為魯上  
名御鞠為茂草噫百世之祀誰能廢之庚申歲始建王  
都辛酉歲遂遷清蹕肆覲群后疇咨先賢餘基未傾  
儒人將立既而昂湖在御桐壺錫壤丞相司空鄧王  
以茂親之重膺於陝之權思老成之典型仰高山之  
景行同言而信不肅而嚴乃命經營將從今上九  
成方起百堵未周甲子歲入東國鈞以武昌運帥侍  
中濟南公代司宮籥公致用以武從政以文祗奉肅  
規率由周禮再齊成制詳考舊基夾坎高而就平補

崖岸而增園乃崇堂與乃加葺繪右巖樽站之序左  
設危膳之區前臨康莊旁眺城闕平湖千畝凝碧于  
其下西山萬壑倒影于其中依然懸榻之場想見致  
躬之狀與夫洪崖之館絢采于烟霞昧王之閣奮飛  
于雄堞南州之物象脩矣前哲之光靈萃焉嗟予君  
子興一役建一事于時必可頌于後必可觀茲亭之  
作也都人朋悅過賓矚目紀于方國之史播于樂職  
之詩鉉也幸承燕翼之謀獲參翰墨之任俾垂不朽  
敢憚燕音

喬公亭記

華古齋鈔本

同安城北有雙谿禪院焉晚水經其南求塘出其左  
前瞻城邑則萬井纒連却眺平陸則三峯積翠朱橋  
偃蹇倒影于清流巨木輪囷交隲于別島其地豐潤  
故植之者茂遂其氣清粹故宅之者英秀聞之者蓋  
喬公之故居也雖年世屢遷而風流不泯故有方外  
之士爰御今上經行之室迴廊重宇耽若深巖水瀕最  
勝猶鞠茂草甲寅歲前吏部郎中鍾君某字某左官  
茲郡來游此豁顧瞻徘徊有懷創造審曲面勢徑之  
營之院主僧自新聿應善言允符夙契即日而裁適  
月而畢不畚不畎既幽既閑憑軒俯盼盡濠梁之樂

開竅長編忘塵隘之機川原之景象咸歸卉木之光  
華一變每冠蓋萃止壺觴畢陳吟嘯發其和琴棋助  
其遠郡人瞻望飄若神仙署曰喬公之亭志古也噫  
士君子達則兼濟天下窮則獨善其身未若進退以  
道小大必理行有餘力與人同樂之為懿也是郡也  
有汝南周公以為守有潁川鍾君以為佐故人多暇  
豫歲比順成旁郡行再雪之禮而我盛筵勝之時隣  
境興聞戶之嘆而我賦考槃之詩播之毗頌其無愧  
乎予向自禁掖再從放逐故人胥會山水窮將良辰  
美景賞心樂事有一于此宜其識之立石列文以示

華古齋鈔本

來者于時歲次乙卯保大十三年三月日東海徐  
鉉記

冕陵郡公南京亭館記

人生而靜性之遠也若乃廟堂之貴軒冕之盛君子  
所以勞心齊物屈己存教功成事遂復歸于靜用能  
周旋於道常久而不已者也有唐再造俗厚政和人  
多暇豫物亦茂遂名園勝概隱鱗相望至于東田之  
館西川之墅妻湖張侯之宅東山謝公之詩青谿賦  
詩之曲白楊飲酒之路風流人物高視晉賢京城神  
陽爰有別館百畝之地芳華一新舊相冕陵公習靜

之所也其地却據峻嶺俯瞰長江北彌臨滄之觀南  
撫新林之茂足以窮幽極覽忘形放懷于是建高望  
之亭肆游目之觀眺夕鳥于林外認歸帆于天末四  
山隱見而并列重城遠迤而進舒紛徒步而右回闢  
精廬于中嶺倚層崖而築室就積石以爲階土事不  
文木工不斷虛曠夕暎寂戶冬燠素屏塵尾樞几梨  
床談玄之侶此焉游息設射堂于其左湛方塘于其  
下虛楹顯敞清風爽氣籠其間倚岸繫迴紅葉翠苔  
蒨其浚至于芳草嘉木修竹茂林紛敷翳蔚不可殫  
記凡廡庫之室廚廩之區膏燕所資不戒而具每良

華古齋鈔本

良美景欣然命駕群從子弟結駟相追角巾藜杖優  
游笑詠觀之者不知其爲公相也古人有言朝廷之  
士入而不能出况于輕舄鍾之貴狗山林之心將相  
之權不能累其真肺腑之親不能象其適道風素乾  
豈不美欤又以鉉無事、之情有善、之志見徵拙  
筆用勒貞珉是時歲次辛酉冬十月有一日東海徐  
鉉記

劍池頌 并序

歲次辛酉月驪仲冬王人徐鉉揚旌銅柱之鄉稅駕  
劍池之廟慨嘆靈迹徘徊故墟或曰龍泉太阿安得

為寶出也不為當世之用佩之不免亡身之災天下  
固有虛名而無寔效者故愚以為不然夫聖人之于  
天下亦物耳所稟受者異故能與造物者並而為天  
下王是以聖人之作也天不受其道地不愛其寶同  
報相應同氣相求人謀鬼謀皆為聖人用無功無迹  
豈尋常所能識乎然則集陰陽之英粹山澤之精窮  
鑪冶之妙極錡銕之利宜其冥合玄造錫成聖功者  
也黃帝法日月滿而鑄鏡用能照燭怪魅辟除不祥  
大禹收貢金以鑄鼎使民知神姦以遠不若漢高祖  
佩斬蛇之劍以撥亂除害奄有天下是三者皆人力

華古齋鈔本

所為也咸能輔佐興運與時隱見其可証乎在昔三  
分叔世咸有昏德天命將改寰宇將同斯劍知之故  
靈發于下氣浮于上應帝王之符命騁識者之觀瞻  
亦猶伊尹負鼎于莘墟仲尼動色于魯相十載一會  
聖賢所以汲汲也向使晉武能誕若天意克明俊德  
判忠邪之路絕驕侈之心則賢能盡其才神靈效其  
用淳耀之烈可續七百之期不爽而王猷既鬱亂本  
既成百姓失望群龍沮色于是斯劍也委質張雷之  
鑑一世其憤遠迹劉石之醜復歸于潛其出也所以  
示神之不亡其去也所以示惟德是輔則其為用也

遠矣昔者周過其數秦不及期是知天命之精微可  
以人事而延促前哲論之備矣若夫精真之誠修于  
內感名之致應乎外自然而然有道存焉不可以智  
求不可以言達王者得之則三五之功其餘事耳然  
則天下至寶本非人臣所服變化無方神物之事也  
神物之事也忘身殉國忠臣之節也兩造其極求仁  
得仁復何怨乎廟在豐城故縣俯瞰池岸壯武侯雷  
府君之像祀焉去今縣四十里而龍泉太阿之廟別  
在中路棟宇綿久皆將傾頽邑人朱憚等洽重熙之  
化感百世之祀獎率同志惟新壽宮十載光靈煥然

華古齋鈔本

如在縣令蓋賓于射孫舉皆以文行之懿中賢良之  
遂接武連事忠此王哉推誠于民薦信于神風雨不  
愆耕鑿咸若先賢遺蹟其不泯也宜哉是池廣不終  
畝深不數尺父老云近歲旦暮往、有雲霧蒙覆其  
中恍惚之理不可測已今中興三葉聖政惟新豈非  
靈命孔昭玄貺將集天命不借弘之在人使臣司言  
敢告有位乃為頌曰

周室既衰仁獸來臻晉祚不融龍劍効精神化無方  
天命無親德之不建與運俱命歸潛厚載以俟真人  
惟劔之神惟賢之識湛、靈昭綿、廟食瑞氣常在



玄符靡測垂茲頌穀永、無極

九疊松贊 并序

同安郡南二十里古城南隅有松焉拳曲擁腫勢若  
九疊交柯聳幹無不蟠屈者其地高迥旁無壅闕莫  
如其何由如是或曰下有頑石根不得舒氣脈奮興  
故為此狀好事者以為盛觀焉予始聞其名今至其  
下睹之而貽曰嗟夫草木荒地稟天之和條暢秀茂  
固常也君乃原隰之宜失陰陽之氣遠柔脆之姿則  
離披枯瘁貞勁之質則抑鬱盤錯生理索矣獨有瑰  
奇之貌嗚呼失其所乎昔在太古君臣 名賢愚同

華古齋鈔本

域洪、洞、是謂太和際及後代聖人有作顯仁義  
建功名扶衰整弊不得已也于是有愛忠則象生焉  
其甚者飭行以矯時執方以遠俗考槃閭巷穀重王  
公上德喪矣獨有高世之行嗚呼荀孟屈賈之徒豈  
斯松之類耶感物徘徊因之為贊吁嗟彼松孰為而  
生天柱其佳屈折其形人賞我貴我非所營噫嘻淳  
風曷歸大道安行吾欲與汝各全其真作此好歌以  
告騷人

覲銘

他山之石是斲是治荆藍表瑩雲露含滋執蘭而

至唐鉛在茲言出乎身文以行之噫嗟君子慎爾  
樞機

野老行歌圖贊

昔在陶唐光宅萬國下或有知帝將何力鼓腹擊壤  
嬉游無極自然而然忘遠之遠中古道薄親仁懷德  
末世政亂姦充剋賊淳風不還可以嘆息丹青志古  
存諸往則嗟爾有位鑑茲玉式

四皓画像贊

君子道行必資共位邈哉四賢隱居救世皜皜之貌  
丹青假誌爾無素餐觀此知媿

華古齋鈔本

許真人井銘

長史含道栖神九天人非邑改井存焉射茲谷射  
別彼寒泉分甘玉液流潤芝田我來自西尋真紫陽  
君愛名樹如升魯堂敬刊翠琰永識銀床噫嗟後學  
揖此餘光

高侍郎画像贊

穆、清真不緇不磷文高學富道直誠純昭質已  
邈斯猷愈新丹青画象以永光塵崇音峴首瞻仰  
霑巾

文獻太子哀冊文

維顛六年太歲己未九月癸卯朔四日丙午文獻太子薨于東宮延春殿以其年十有二月壬申朔十三日甲申遣座于文園禮也象輅差階龍樓向曙肅伏衛以將引儼樽壘而不御主上感深守器念極賓天痛玉符之靡召悲銀榜之空懸詔下臣于信史載盛烈于瑤編其詞曰德

於昭我唐誕受帝祉膺邦惟新全問不已亦有積慶載生賢嗣年王之孫吾君之子越在綺紈芳若蘭蓀綠車表慶寶玉疏恩東平錫壤南昌啟藩耆老咨訪丘墳討論文以行禮時然後言敬爰表于天性信孚

華古齋鈔本

由于自然運屬重熙地惟明兩古尚達節吾先德讓剖符分陝居東作相封燕禮締副重業彙績著保釐道高宣亮敬亭南屏析水東馳是惟閔輔以衛京師乃移節鉞建此藩維擇其令典導以由儀仁董俗淳化洽風隨國步中艱文身怙亂鎮以高卧制之長筭取彼鯨鯢戮為京觀吳門載同輿詞從協天之眷命我豈矜功乃正皇統斯惟至公爰撫軍而監國亦納揆而登庸業茲盛而學茲廣望益高而禮益恭不言而信有感則通多壘以之而罷警四門以之而除凶反厚和于國儉致瑞符于年豐大亦艱謀胡寧不鬼

枉矢流蒼震之野耀火奄前星之次檢內豎之問安  
進浮丘而把袂九重增勳萬邦啣涕冥茫少海之波  
寂歷游雷之肆嗚呼哀哉感神聽之遠至嘆芳歲之  
云徂違太學之薰胃故佳城而下居建采章于綢練  
儼備物于室躬經武帳之列旄據青龍之鬱紆嗚呼  
哀哉若霧閉途窮陰殺節重雲之旭日如晦天壑之  
之層冰似雪指京口而不臨背都門而永訣萬日  
愁旌旆慘郡心感而茹蕭咽嗚呼哀哉瞻搖山之  
落木聽玄圃之迴風臺思子以何極宮長男而遂  
空集荆門之故吏會高嶺之悲翁淚淋浪而洒袂

華古齋鈔本

氣怨結而盈胸嗚呼哀哉歷遠古以遐觀考令猷  
于三善孰仁孝之昭著復功名之丕顯惟史筆與  
氓頌配天長而日遠寧騁驍于東田豈馭能于文  
送嗚呼哀哉

齊王贈太弟哀冊文 代喬侍郎

維年日月大業上將軍太師尚書令臨川牧齊王薨  
于臨川府之正寢主上追先皇托付之意表叔父遜  
讓之風乃下明詔冊贈太弟即以其年月日葬于江  
州某縣某鄉廬山之原從理命也銷幕夕陳虞歌曉  
引以兔園之賞館設龍樓之陛楯聞靈儀以愈遠窮

哀瑞而靡盡，愴永恨于宸襟。俾誕揚于令問，其詞曰

皇天眷祐，錫唐良輔。時惟宗英，尚自文祖。孝弟敦懿，機神穎悟。昔在中興，爰當就傅。申畫宛水，錫茲茅土。德望日躋，邦家是毗。鈞陳宿衛，宮籥攸司。於惟淮甸，寔始皇基。尊之以禮，董之以威。俗賦甘棠之頌，人歌樂只之詩。運屬繼明，業隆二聖。首輯瑞玉，來參天政。乃為左相，其班上台。乃封夏口，其賦千乘。赫矣元后，蒸哉古風。不私其子，天下為公。並命叔仲，奮茲顯庸。或踐我舊藩，或涉爾青宮。辭不獲命，處之益恭。昔鄭

華古齋鈔本

之勲推而更融，滅札之操久而彌崇。若太伯之讓，異周公之東。京江汝水，旋節從容。皇統既正，靈符允答。國步清謐，群生欣洽。復大道于三古，永文昭于萬業。越我嗣君，尊、親、極、以、呂望之高位，崇、以、貞觀之舊稱。賜書不詔，贊禮不名。曰予小子，寔翳叔父。維藩維翰，宗社之故。永錫難老，日新王道。謂天蓋高，命亦靡常。台階墮宿，河月沉光。勸東堂之哀臨，輟南國之春相。與聖賢而共嘆，獨天地之何長。嗚呼哀哉，知生若寄。臨凶奮于蜚炭，舉士庶而均哀。頌殷獻於無聞，嗚呼哀哉。歸虎節于王府，靡鳶旌于雉門。闕西園之

風月修維嶺之烟雲象輅迴分遵塗遠歸惟整分逝  
水奔窟及散分霰雪積中箱故分經籍殘嗚呼哀哉  
身殘壤存道悠運促贈今日之典冊閱當時之寶玉  
全大義以經國激清風而被俗昭遺烈于千齡寄玄  
堂于陵谷嗚呼哀哉

卷十四終

華古齋鈔本

徐公文集卷第十五

東海徐鉉

唐故左諫議大夫翰林學士江君墓誌銘

唐故秦州刺史賈宣公墓誌銘

唐故秦州刺史陶公墓誌銘


唐故河南方公墓誌銘

唐故筠州刺史周君墓誌銘

唐故朝議大夫太原王君墓誌銘

唐故奉化軍節度判官趙君墓誌銘

唐故左諫議大夫翰林學士江君墓誌銘



君諱文蔚字君章其先齊陽考城人也昔高陽恢若  
水之靈光有萬國伯益獲箕山之蕞克成夏功故其  
子孫延祚丕顯茅土錫胤圭組流光在漢者為孝子  
在宋者為忠宰在梁者為列將在陳者為詞臣長城  
既封淮水亦絕辭周粟而遠避鴛鴦亂而深藏從籍  
建安世為大姓至于我王考毗考秦皆以隱德清操  
垂為門風惟君嗣奕葉之賢有生知之異幼挺奇表  
夙韜殊量彈儒墨之秘奧窮文史之菁英閨里歸仁  
宗堂稱孝于時天下未一選方不寧公鄙尺鷃之為  
從黃鵠之舉類延陵之觀樂同太史之探書升名後

華古齋鈔本

造從事河洛衰俗難位天壤不支我烈祖孝高皇帝  
王業始于江東仁風被于四裔君杖策高蹈款閩來  
儀府朝肅以生風臺閣藹其增氣署宣州觀察巡官  
試秘書郎遷水部員外郎賜緋魚袋至國初建政北  
部員外郎知制誥于時天人協應獄訟仗歸舜禹既  
受禪遷立容員外郎中知制誥如故俄而拜真仍賜  
金紫今上嗣位大禮聿修從君為給事中判太常卿  
事時同執香會有司失職君與司門郎中蕭君儼博  
士韓君熙載協力建儀園行翕然由是祖功宗德之  
位定大行昭名之義允功署高廟與天無窮明年拜



御史中丞橋柱持平無所顧憚坐廷劾相寧其言深切貶江州司士恭軍初國朝自王羲之後曠數百年憲署之舉間無發職然未有危言激論如此之彰灼者也故樞右震悚朝野喧騰傳寫禪文為之紙貴人心既萌天鑑亦迴前所劾者或免或黜君就加營田副使頃之徵為衛尉卿俄拜右諫議大夫充翰林學士樞知貢舉出納恭命樞机靡失登進造士衡鏡無私聳禁署之清風著春官之故事薦賢之賞行及于台司曳杖之期奄先于朝露春秋五十有二保大十年八月二日卒于京師官舍皇上痛惜為之廢朝送

華古齋鈔本

死卹生一從公賜有司考行易名曰簡即以其年九月十三日葬于某縣某里之原禮也長子壽秘書省正字次子壽皆早卒今以從子翹為嗣嗚呼哀哉君心氣和平貌正神正雅好玄理有方外之期尤善詞賦得國風之体去華簡禮不以位望驕人憐才誘善不以威名傲物恭履堅正靡得動搖襟懷坦爽初無蒂介譎舌江楚怡然自足敦、色養蒸、孝心藹為詩云屈平若遇高堂在應不懷沙獨變魚此其心也江州節度使賈公榮以武立功以剛肅物事公如師傅親公如先帝時皆服公之重名而賢賈之樂善也

既歸京寓居公解無以家為二子繼亡一慟而已齊  
死生于夢覺遺寵辱于錙銖古之達者何以過此嗚  
呼凡我僚儔均哀共感入點妻之門聞覽伯喈之經  
籍睽落日以流慟愴秋風而沾臆企景行于高山勒  
哀詞于樂石其詞曰

高陽之裔伯益之孫辰矣君子載大其門爰翔爰集  
樂我樹檀飄纓幕府振簏西垣禮儀卒獲風憲攸端  
道行在時業隆自我吳、君人見義必果直指烈、  
宮隣瑣、死生以之何遠不可允矣天鑒明哉主  
恩乃還宣室乃入修門從容禁署恭勿王言得才

華古齋鈔本

為盛知人則難求尸宗伯載善其官人必有終古  
無不死嗟、君人風流永矣徐庶有母鄧攸無子  
闕里請生荊州故吏謂之何哉嗷其泣矣秋風落  
木逝水成川昨朝飛蓋今日荒阡一丘殘照萬古  
愁烟素車自反寶劍高懸高木分直道其蓋分  
何言

大唐故中散大夫檢校司徒使持節秦州諸  
軍事兼秦州刺史御史大夫洛陽縣開國  
子賈宣公墓誌銘

公諱渾字孟澤洛陽人也周光同姓即列國之諸侯

漢得名臣乃各陽之才子攀麟河北豈須方面之功  
借箸譙都自有良平之策流長朕遠德厚流光史不  
絕書後將必大當先天之內禪也我七代祖黃門侍  
郎平陽公曾寔演丕命及至德之中興也我六代祖  
黃門侍郎晉國公立寔贊大猷曠以古還一家而已  
五代祖孫衡州刺史祖琛河南家全皆有韜令世之  
量濟衆之仁大位不躋餘慶斯洽考邇以徑術擢太  
常第以才用為諸侯卿捍寇輸粟有勞王室于是佩  
金紫升朝廷上疏論邠寧節度王行瑜恃功恣橫生  
貶愛州椽又行瑜就優優詔徵還復出為常州刺史

華古齋鈔本

益鐵江淮留後屬宗社中絕官司解弛計吏未上哲  
人其善公有世德之資負夙成之器風神爽邁習術  
通明景福二年以學究一經射策高第釋褐京兆府  
參軍事遷秘書郎侍從南遷進修不懈天祐丁卯歲  
召先君憂服喪過哀宗族稱孝楚泗郡守宣城兼使  
虛左交辟三府馳名俄丁內艱感憂如禮藝祖武帝  
創基分陝側席求才素與公周旋即加禮命奏記書  
檄一以委之內贊謨猷外為詞令出應盟會入陪樽  
俎霸功光赫公有力焉十有餘年任用無間既而楚  
雲告變穆醴不陳已酬國士之知亦得退人之禮政

宣池觀察判官烈祖高皇帝受命中興不忘舊德徵  
拜秘書少監充儀禮副使遷中書舍人榮英翰林學  
士周煥奏命潤色王言公望無渝朝獎誦享保大嗣  
統拜兵部侍郎知制誥學士如故充永陵儀禮副使  
同執胥會大禮無違遠兵部尚書修國史考定郊廟  
之樂褒貶歸正擊拊允諧會六夷南侵天眷北顧命  
公持節使于契丹宣大國之威神得諸戎之要領及  
輅車還軫而控弦出塞矣報命稱旨特論具瞻于是  
避寵台衡就安閑輔除泰州刺史視事數月丕變土  
風今上疾還京保大六年九月二十一日卒于江寧

華古齋鈔本

官舍享年六十有八皇上軫悼再不視朝飾終之禮  
務從加等太常考行賜謚曰宣以其年月日葬于某  
所與夫人合祔焉禮也長子朝散大夫行大理司直  
彬次子泰州司倉參軍穆少子修等咸負當世之才  
皆為保家之主種德垂乾未易可量長女用文遠水  
部員外郎楊元昂不幸早世次日用柔遠膳部員  
外郎知制誥張緯次日用光遠進士姜某少日季  
芳尚幼惟公事業富壽昭映一時族望婚姻重灼  
當時自非天監與善孰能若斯雖大用未光而能  
事畢矣鉉以世親之舊執隨行之敬服義承教惟

公在焉刊勒論撰益感遇之萬一也其銘曰  
於惟茂族寔有世德七葉繼軌嘉猷允塞亶矣君  
子其儀不忒修詞立誠以匡王國言以文身兵由  
威克東畿之政為邦之則天地長在春秋代遷今  
朝喪善何日生賢蒿里誰地佳城許平永安舊里  
門館依然寢丘傳邑京兆開阡勒銘泉石以配青  
編

唐故秦州刺史陶公墓誌銘

公諱敬宣字文褒其先尋陽人因官徙籍今為合肥  
人也西京作相開國侯于是貽孫南國王盟長沙公

華古齋鈔本

茲焉不朽離邊黃菊解縣印以言歸嶺上白雲掛朝  
衣而不返光靈仗屬罔無得稱之丹青所存可略而  
言也高祖復右監門衛將軍曾祖琳建州錄事參軍  
祖成青州傅昌縣令皆天縱其能世濟其美常蘇君  
子屈迹于曉游縉紳先生折腰于州縣積善餘慶明  
德後興考推武昌軍節度使贈太師楚惠公雲雷今  
名御屯龍虎宴會橫珮戈而蕩寇功冠一時袞鷄尾以  
疏封禮優萬戶公即太師第四子也幼而岐嶷長而  
茂俊非禮勿動時然後言天祐中門墜起家太子校  
書遷至府長史賜緋魚袋丁先公夏時年十四孝心

昭感喪禮無違釋服除都官郎中賜紫金魚袋改大理少卿青氈寫直特推伏閣之勤丹筆將平人絕署門之嘆俄遠江都少尹趙張治劇由來表則之司淮海分疆自昔輕揚之地公履之貞固行以慮乎愛民則忠事長以順一圻欣賴三載有成遷大理御仍兼尹事烈祖孝高皇帝允釐百揆寔統六師爰求鄭國之良以貳楚人之廣奏請君判左右軍事丁酉歲先峇文禪禹迹中興徵舊德于犀角考官成于喉舌拜工部尚書今上嗣位加金紫光祿大夫檢校太保會閩人作梗王旅欲南截寔所資豫章為急改輟公副

華古齋鈔本

總判軍府及羽檄四出窮輓相尋民以悅而忘勞事有倫而無患嶺表既定洪人亦康復移死陵仍兼棣州刺史海陵郡司版之地邦賦最優歲比不登用民晉怨除秦州刺史公以清靜為理仁恕積中視吏民而如傷守法令而盡一餘糧栖歆無戾癸之呼白駒過隙感辰己之歲春秋五十有二保大八年夏四月十有八日卒于位上省奏傷悼輟朝兩日有司考行賜諡曰順即其以年月日權窆于東都明年月日葬于江都府縣里與前夫人合祔為禮也惟公冲和體質仁孝為基立身有常與物無忤尤善音律聞鼓而

而知樂頌好篇詠下筆而成章身後不留餘財所任  
必有遺愛未之作者斯亦難能嗣子秦州司倉恭軍  
崇昂崇諒崇倫等皆勤修令名夙奉成訓君恩靡替  
家法如初鉉在朝行寔唯舊好今從在宦仰蒙東道  
痛死生之已矣感意氣以何報延陵桂樹願保于不  
欺峴首刊碑終慚于妙絕銘曰

淮泥之靈衡霍之精必有賢傑為時而生乃伯乃仲  
乃侯乃卿望冠六事風馳百城人生有涯大命夙傾  
不見君子猶存此敬遠日既吉靈輅既行寂寞公館  
蕭條古垵哀一郡人泣涕沾纓嗚呼彼蒼不知福善

華古齋鈔本

之胡明

唐故金紫光祿大夫檢校司徒行少府監河

南方公墓誌銘

公諱訥字希仁其先河南人也從世從官徙籍新安  
夫派繁衍遂為郡之著姓迨公數世皆以儒雅進讓  
播為門風曾祖顯登州文登縣令祖亮左武衛兵曹  
參軍考毅榮王府司馬母聶氏追封河南縣太君問  
政先生師道之長女也公承積善之慶負夙成之智  
砥節礪行好學能文時然後言非禮勿動鄉曲之黨  
翕然稱之師陶公未守新安撫納士人署為郡吏

委以典籤恪恭詳敏甚稱所職歷事累政其志如初  
烈祖肇基王業元宗寔錄軍政管記之任勤擇其人  
聞公之名召致幕府王國初建署寧國軍節度館驛  
巡官掌都統表奏皇室再造慶賞遂行擢拜度部員  
外郎掌元帥表奏數歲以皇孫就傅命公侍讀講道  
贊德勵裨益之誠端已直躬盡表微之節俄遷水部  
郎中明年皇孫封南昌王東都留守以公為留守判  
官遷主客郎中叅贊政務事無違者改司農少卿依  
前充職明年王移任宣潤二州大都督復以公為浙  
西營田副使通判軍府六載匪懈在職交修繕官之

華古齋鈔本

賞詔命疊委累遷至全紫光祿大夫檢校司徒封河  
南縣男俄拜秦州刺史充本州屯田監院使正身而  
全志心為理公無遺利民自從風厲強敵深侵東京  
失守而州兵盡出人心大搖于是士庶老幼盡室南  
渡公自歸闕下坐是除名數年除歙州團練判官上  
曰戰爭之際吾豈以武勇青書生哉軍法不得不爾  
即召拜太子右諭德今上嗣位遷少府監丙寅歲正  
月十六日卒于京師美仁坊官舍享年七十有七上  
為之發朝一日賜諡曰定以其年某月日葬于某所  
禮也前夫人謝氏早亡繼室施氏封沛縣君長子前



宣州寧國縣主簿次子志鏡州文學公以名教為教以矩矱自任行必中五君無情容措紳之間推為純行公之外祖得道之士故公頗以朝禮修養為務鷄鳴而起力行不倦年俯悼邁休常康強及屬纊之辰無伏枕之疾斯亦力行之報也鉉也不佞早辱交契昔先君從事黜歛公遷任本部及公策名即署鉉亦忝官聯既熟其素履願垂于不朽附于史氏以永令猷其銘曰

聖人四教文行忠信惟公似之先有全問秉筆贊畫登朝典郡寵至若驚道喪無問年俯中壽官忝列鄉

華古齋鈔本

歸全委順終吉永貞華樹長在高臺自頌用刊圖石  
開此佳城

唐故客省使壽昌殿承宣金紫光祿大夫  
檢校太保使持節為州諸軍事為州刺  
史團練使汝南縣開國男本州周君墓

誌銘

君諱廷今上字正林洛陽人也岐山至德綿瓜蛇者  
萬邦各宅舊都守粉榆者百世簪組相繼譜牒存焉  
曾祖侃太常博士祖潛深州樂壽縣令避亂南徙因  
家廣陵考延禧明經擢第有吳之霸辟為淮南巡官

累官至戶部郎中與殷文公游貞公同掌文翰無祿  
早世故大位不躋君即戶部第四子也幼而岐嶷長  
而篤厚躬行孝弟餘力學文以蔭釋褐補弘文館校  
書試吏為池州司戶叅軍改宣州寧國縣尉烈祖在  
藩乃眷舊族聞君修謹復有史能因表為黃門長史  
寵以朱紱置之府朝又受禪遷通事舍人鴻業肇興  
王澤遐布贊導之任寔寄司聰護戎修聘觀風按獄  
受命而出動罔不減歷事兩朝任遇彌厚賞賜既數  
階勲屢遷而通事之任如故蓋惜其能也保大七年  
轉將作少監判四方館事浩穰之地尹正為難復以

華古齋鈔本

本官判江寧府事其間監諸侯之典者十通四方之  
命者三攝州府之政者六按枉撓之獄者四或敷惠  
于新附之俗或投身于危亂之地本于忠而後動忘  
而後存元宗嘉之以為容有使今上嗣位深惟舊勞  
特加金紫先祿大夫台州刺史常御壽昌殿視事中  
外之人咸得引見又以君為壽昌殿承宣出為忠義  
軍監軍泉州等州宣諭使旋遷筠州刺史本州團練  
仍使充容有使君以脩嘗艱危復迎逢暮懿辭繁劇  
恩旨不從丙寅歲十月二十二日終于京師某官之  
里舍春秋六十有六詔發刻一日賜謚曰某明年正

月日葬于某所禮也夫人天水縣君姜氏輔佐之勤  
率由婦禮訓誨諸子脩有義方子大理評事崇儉太  
常寺奉禮郎崇素及崇順崇信等皆儒謹能不墜其  
先鉅家世通舊常接姻妯娌沒成之分終始不渝何以  
置懷是用刊德其銘曰

噫嗟周君世濟其名展如之人克嗣厥聲受任幹蠱  
臨難忘身若中履約全和保真與物皆化萬古同塵  
松楸勿伐蘭菊惟新刊石表墓吁嗟善人

唐故朝議大夫行尚書禮部郎中柱國賜紫

金魚袋太原王君墓誌銘

華古齋鈔本

君諱某字某其先太原人也昔者諸侯供職起未運  
于懸玉儲后上賓示靈期于替史維王維岳肇剪育  
之崇基分水遂荒導沉渾之遠派其後金行云季貴  
種言還行者制禮樂于中土處者保丘園于淮左世  
齊之德鄉人所宗故今為廬江人也曾祖廬江令祖  
洪州長史皆有廉讓之風純粹之行得祿于仕不累  
于高考吳尚書左司郎中贈太府卿肖遠用之才獲  
友人之譽應星辰而列位道邁朝倫 河海以命官  
禮優贈典君則府卿之第三子也門風漸教天質孕  
和翼、服勤真保家之主惜、君訥多長者之言墨

妙筆精同稟于性奕思琴德咸是所長幼有全聞獲  
鍾慈愛及加冠之歲以門子叙資漢室孝廉方從令  
史晉時英俊更屈下僚晨昏之養有歸州縣之勞靡  
憚乾貞二年自黃州司馬遷洪州都督府別駕治中  
懋績屏星煥其增華公府見之佩刀由其受賜俄拜  
尚書度支員外再遷度部郎中皆判吏部兵部事夫  
當官匪懈伏閤之勤也照姦得情坐曹之能也前史  
所諱君皆則焉頃之以親累解官君雅好玄言風尚  
閑遠由是角巾私第閑閣却掃交游罕得見其面窮  
達不以介其懷用晦而明君貞以利高皇帝受禪之

華古齋鈔本

始卒復疏恩拜工部郎中轉禮部郎中寓直中書省  
預聞機密彤廷弘敬禁垣清切絲綸之出充言于是  
惟行樞机之微省樹由其勿洩方將振鱗漢渤驤首  
雲霓而生也有涯仁而不壽昇元六年夏六月二十  
有二日卒于建康翔鸞里之官舍享年五十有一嗚  
呼哀哉君孝于事親弟于承長和以接上廬以在公  
胥吏臣僕靡不被仁妃之惠家人妻子未嘗見喜愠  
之容學古觀書如恐弗及卹舊敬老周知其疲三德  
聿修五福斯缺即世之日遺愛存焉卜遠不從旅殯  
京邑後四歲春二月五日嗣子延紹延貞等始脩大

葬之禮定于江都縣某鄉里從先鄉府君大室與夫人李氏合祔焉禮也銘以世鄉之舊承子妻之知怨明德之不常痛祖行之斯在退食自公薄送于哉刊樂石以爰允無令明之不虧嗚呼哀哉其銘曰

汾川濬、淮源風、興我宗今世濟其美家餘其慶生我公兮靖恭正真言行名節存南宮兮與義相扶知命不憂永考終兮刊城之在蜀國之陽焉鬣封兮道不虛行有令之子遵遺風兮

唐故奉化軍節度判官通判吉州軍州事朝

華古齋鈔本

議大夫檢校尚書主客郎中驍騎尉賜紫金

魚袋趙君墓誌銘

君諱宣輔字仲申其先天水人也累世從官不常厥居曾祖全真工部員外郎滕州刺史祖倚太子校書考台歙州海寧令君即海寧府君第三子也生于廣陵長于江左幼而俊敏博綜群書尤喜身法之學烈祖輔政方申明紀律君以是中選釋褐補江都府文學直刑部明年改信州司法叅軍蔡獄詳刑歸為詳鍊久之台赴闕以本官權叅元帥府法曹事踰年改大理評事元宗嗣服之初精心庶獄權要舉不附已

者因中傷之君坐黜為饒州司士叅軍明年王師伐  
閩護軍查公表君才可繫使以本官判軍司事時頓  
兵深入自冬涉秋經來馬蹙車之途暫飛芻挽粟之  
役事集師寇君有力為師運加朝散大夫行常州義  
興令推誠率下民用協和丁憂去職復為江州錄事  
叅軍時連帥謀凌溢浦以屯舟師詔從之君以無益  
戎備而勞民力乃指陳利害抗疏極論上甚嘉之即  
命止役由是遷大里司直通判蘄州軍州事明年遷  
檢校水部員外郎充建州觀察推官通判軍府事會  
越人規邊使間誘建民將以為亂君庶得其寔盡策

華古齋鈔本

誅之優詔褒美賜衣一襲遷檢校屯田員外郎三年  
徵拜守水部員外郎判度支時師旅存興軍食不給  
命君為沿江催運使輶傳所至轉輸如流朝議以姑  
熟后歲旬之間寔供億之始徙君為當塗令踰月復  
徵為主客員外郎判大理寺賜紫金魚袋始君以理  
官得罪至是上知其無私故復任焉守官循理挺然  
中立轉工部員外郎仍判寺事今上嗣位上疏論時  
政以為刺史縣令親民之先而考績掄材未盡其理  
上深然之遷朝議大夫戶部員外充宣徽常潤等道  
安撫使以刺舉無避為權臣所排宸鑒昭明故得無

啓使還以本官判兵部事廬陵群盜充斥州兵不能  
制上憂之亟命君為奉化軍節度判官判吉州事轉  
主客郎中擒姦擒伏充舉其職其年秋九月七日過  
暴疾翌日終于郡之官舍享年六十有一明年春二  
月歸葬江寧府其所禮也夫人查氏吉王府長史昌  
之女工部尚書文徽之妹婉淑之德閨房之秀內助  
著美士林所推子七人長曰鈞袁州新喻尉次日錯  
樞密院承旨次日鍾舉進士次日銓前國子監三禮  
次日鍾鉞鎮皆國子監生女一人遣秘書省正字周  
希定君有孝弟之性聞于宗族敦然諾之信稱于朋

華古齋鈔本

友守己有常事君不論位未達而知足雖祿優而彌  
貧其當官持事也必盡己所長不為利回不為威惕  
故屢失大臣意然好直之士亦以此多之鉉久歷近  
職聽君操行直筆聳善以告後人故銘其墓曰  
英、趙君松茂蘭童應用以法歸身以文道直詞正  
心平氣託如何不淑今也為塵金陵仙鄉古多名人  
歸骨于是與善為隣泉臺不曉龍壘樹空春勒銘挂劍  
慷慨沾巾

第十五卷終







徐公文集卷第十六

東 海 徐 鉉

唐中故書侍郎光政殿學士承旨昌黎韓公墓誌銘


唐故守尚書刑部侍郎喬公墓誌銘

唐故建州觀察處置等使陳公墓誌銘

唐故校檢司徒苗公墓誌銘

前虔州寧都縣令包府君墓誌銘

唐故常州團練判官檢校尚書左僕射劉君墓誌銘



唐故印府君墓誌銘

唐故御史中丞包君墓誌銘

唐故中書侍郎光政殿學士承旨昌黎韓公

墓誌銘

公諱熙載字叔言其先南陽人傳稱武王之穆詩美韓侯受命晉以六卿升降漢以三傑重輕至東晉末征西從事延之以忠義之節戰難亡之運避亂遠徙遂家昌黎餘慶流光最爲累衍曾祖均太僕御祖殷侍御史考光嗣祕書少監尚青觀察使故又爲齊人公秉夙成之智負不羈之才文高學深角立傑出

華古齋鈔本

年甫弱冠游于洛陽聲名譁然一舉擢第同光之亂藩郡崩離公以國難方興家難仍御名瞻烏擇木杖策渡江烈祖孝高皇帝納麓在左側席時彥得公甚喜賓禮有嘉于時有吳肇基庶事草創公以俊邁之氣高視名流既絳淮之徒非容亦季孟之間弗處以校書郎釋褐出爲滁和常三州從事公亦怡然不以屑意詠風月游山水而已中興受命上嗣撫軍以公有七子之才膺回友之拜徵爲祕書郎掌東宮文翰元宗深器之又踐位以爲虞部員外郎史館修撰賜緋又以大禮繁疊加太常博士時有司議孝高廟宜

梅宗司門即中蕭儼上疏論之公與給侍中江君文蔚協同其議凡書疏論難皆成于公手由是廟號尊謚定于一言君子以為真博士也頃之以本官權知制誥初公但以文章際會未嘗與政及其當維新之運感知己之恩未及聽政章疏相屬或駁正失禮或指摘時病由是大為權要所嫉竟罷其職丞相宋公朝之元老格過地高公又廷奏董與詞旨深切天子優容之而用事者滋怨旋貶和州司士參軍數年移宣州節度推官徵還復為度郎部員外郎遷郎中史館修撰賜紫俄拜中書舍人從時望也公雖才識優

華古齋鈔本

瞻而質性疏散凡在位者道復不同于是深居移病罕與朝謁時兵興之後國用不充公援古酌今請以錢為幣時獻封者甚衆元宗獨以公議為長即拜戶部侍郎充鑄錢使今上踐位改吏部侍郎兼修國史初鑄錢之作也自今上踐位改吏部侍郎兼修國史初鑄錢之作也自宰執而下相與沮之故百司不供久未能就上為之曉警事理親加督責而公猶不服其怨常因對見殺色俱厲因徙為祕書監不踰年復拜吏部侍郎新錢既行大濟經費詔賜錢二百萬拜兵部尚書充勤政殿學士次晉公少而放曠不拘小節及年位俱高彌

自縱逸擁妓女奏清商士無賢愚皆得接待職務既  
簡稱疾不朝家人之節頗成竟易雖名重于世人亦  
訝其太過上不得已左遷太子右庶子分司南郡于  
是謝遣送樂車車首路留之未幾復為兵部尚書學  
士如故是時歲比旱歉立上夏勤公復論刑政之源  
明防救之術又上格言五篇手詔嘉納即拜中書侍  
郎充光政殿學士承旨初上選近侍數人直宿禁中  
常御光政殿台對夜分乃罷故命公此職以寵異之  
霖雨之望方深鐘漏之期遽逼春秋六十有九庚午  
歲秋七月十七日沒于東鳳臺里之官舍上省奏震

華古齋鈔本

悼為之涕流有司奏當輟朝三日于批天不慙遺碎  
我瑚璉辭章乍覽痛切孤心嗟乎抗直之言而今而  
後殆不得過半聞聽者乎可別輟朝一日贈右僕射  
平章事仍官給葬事士庶聞之知與不知莫不為之  
悲嘆有司考行易名曰文靖即以其年九月某日委  
于某所禮也夫人隴西郡君李氏生簪纓之族有李  
桃之芳內則有先夜川先逝繼室北海縣君蔣氏長  
子疇為奉禮郎早卒次子伉為校書郎聰慧夙成無  
忝世德次日佩曰份曰儼曰從曰濤曰俛女四人或  
作僂公族或為尼出家嗚呼哀哉公之為人也美秀

而文中立不倚率性而動不虞悔吝聞善若驚不屑  
毀譽提獎後進為之毅名片言可稱躬自誦誦再典  
歲舉取寔去華故其門人多至清列屢從謫遂殆乎  
委頓俯視權倖然不降心見理尤言事無避凡章  
疏焚稿之外尚益綽軸為審音妙舞能書善畫風流  
儒雅遠近式瞻向使檢以法度加以慎重則古之賢  
相無以過也俸祿既厚嘗賜常優忘懷取適不事生  
計身歿之日四壁蕭然衣衾櫛櫛皆從恩賜詔集賢  
院編其遺文藏之秘閣凡所開卷可知也鉉與公鄉  
里遼夏年輩相懸一言道合傾蓋如舊綢繆臺閣契

華古齋鈔本

詞末句脫七四字

關江湖區之心因而獲雪一生一死何痛如之援  
毫返袂識彼陵谷其銘曰

猗嗟韓公有蔚其文俊才絕俗逸氣凌霄高名直道  
玉振蘭臺猗嗟韓公大賦忠規君臣之際言行俱危  
其身可奪其節寧虧猗嗟韓公庶亦能伸松寒益茂  
玉焚始真乃感則王乃為大臣送往事居不緇不磷  
嗚乎韓公胡為而然閱此相印歸于夜泉茂陵遺簡  
京兆新阡斯不文朽此別休天邦正已笑牙絃勒銘  
圖石永識

唐故朝請大夫守尚書刑部侍郎柱國賜紫

全魚袋喬公墓誌銘并序

士有放懷夷曠介然中立外物無累于心沒茲不遺于道吾友喬公常從事于斯矣

公諱正舜字重元廣陵高郵人也曾祖譚祖泰皆不仕考鴻漸本縣尉家世清恭州閩稱之故其子孫必有與者公少好學善為文弱冠游京都詞藻典麗容止都雅烈祖輔政見而器之補秘書省正字丞相宋楚公初獲進用位望日崇聞公之名辟置門下每為文賦詩咏輒加稱賞由是名譽日洽而卿士大夫皆前席待之累遷大理評事司直監察御史七田員外

華古齋鈔本

自微遠上自多難是公家

即從宋公出藩為江西浙西掌書記府公告老歸九華山公乃升朝為駕部員外郎未幾守本官知制誥就遷祠部郎中書舍人典掌樞機周慎靜恭凡十餘年值邊境倣擾師出無益詔旨親征中外憂懼公上疏極諫坐沮撓軍勢黜居臨川頃之宋公獲譴又以故吏為累由是累年沉廢今上即位徵為水部員外郎改司農少卿判太常寺轉殿中監修國史拜給事中權知貢舉又兼獻納使遷刑部侍郎自自徵還數年間連歷清望蓋舊舊直道上簡聖心至是以老病不堪朝謁聞上知其家貧詔以二卿之秩養疾士

申歲九月二十有三日卒于京師濱江里官舍享年七十有五遺命以周易孝經置棺中太常考行易曰貞即以其年冬十月二十有三日葬于江寧縣某所禮也夫人太原縣君郭氏代公玄孫晉陵令喻之女也餘慶所傳門風甚高婦德母儀聞于宗族一子僧孺秘書省正字早卒孫諶亦為正字公之為人寬簡真率常以詩酒自遣不以勢利萦心毀譽說鬼之詞聞之晏如也從事楚公府始二十年凡為楚公見知者皆說讀傾側公獨淡然無營守政不諂故但以文義知賞未嘗任用烈祖下詔公御舉可以親民者

華古齋鈔本

皇朝通志卷之九

楚公所薦非其人烈祖甚不悅謂給事中常公夢錫曰吾望其薦匡弼也常公及中書侍郎韓公傑載妓楚公如侏而與公善常相謂曰宋公誤識亞元誠可怪也公之歷任奉法循理似不能言者及其臨危擊節抗詞忤旨侃然有古人之風黜官奪祿甘貧守約凡五年不移于言色均然道家之流也故能享老壽保康寧歸全委順斯可貴矣公臨終歎曰舍弟往候之怡然言曰吾性矣君兄弟可各為一詩哭我翌日復告門生曰吾已得徐君兄弟許我詩餘無事無事矣其忘懷死生也如此嗚呼祭酒之禮已隔死

生挂劍之言永昇亨壤故以二章為誌閉于九原所撰集七十餘卷編記之任囑于門人此不脩書也其詩云

舉世重文雅夫君更質真曾嗟混鷄雀終自異緇磷詞賦離整容封章諫諍臣襟懷道家侶標格古時人逸老誠云福遺形未免貧求文室得草埋玉遂為塵靜想忘年笑莫思操武晨連宵冷杯酒分日掌絲綸蠹簡書陳事遺孤托世親前賢同此嘆非我獨沾巾

錯詩云

華古齋鈔本

諸公長者鄭當時事、無心性坦夷但是登臨皆有作未嘗相見不伸眉生前遠意無過酒身後遺言只要詩三日笑談成理命一篇投吊尚應知

唐故左右靜江軍都軍使忠義軍節度建州

觀察處置等使留後光祿大夫檢校太尉

右威衛大將軍臨穎縣開國子食邑五百

戶陳公墓誌銘

公諱德成字仲德其先穎川人也帝媽餘烈侯滿崇封盛德之祀暨于百世光遠之慶蕃衍于萬國故我洪胄代雄建安王室中微閔方萌立綱羅英異弘濟



艱難我曾祖茂新祖涵皆以雄才勇畧奮揚忠烈將  
領之任生表其義勳贊護之名次垂于錦壤父誨檢  
校太慰兼侍中建州刺史忠義軍節度使謚忠烈殊  
勛大節有信史豐碑存焉公即忠烈公之長子也鍾  
粹和之氣衷冲淡之心通習孫吳固其家法皓好墳  
典乃自大資就傳之年已著名譽先公剖符劍浦威  
信洽閩諍子之節寔有其力弱冠為本郡裨將先公  
以身守邊郡心存本朝累表遣公入宿衛即擢拜右  
千牛衛將軍充殿直指揮使恭命畏法身修擇交先  
公每言違事常咨訪于低遣公上啟默識強記數奏

華古齋鈔本

嫻習元宗甚嘉之累遷右靜江指揮使值淮上兵起  
王師不振公屢上書自奮詔隸西北而行營以舟師  
趨濟難破其屯遂入海陵與諸軍會勸兵固守強  
敵日益公連戰破之虜獲千計圍兵既遁乃涉長淮  
指下蔡別率戰艦分擊浮橋三中流矢神色自若自  
秋徂冬且戰且前凡五進軍壘皆以衆寡不敵之勢  
當輕倖卒至之師臨難忘身每戰必捷而元戎遂統  
逆逆携叛群帥失道公全軍而還遷右宣威軍節度  
侯制曰獨此一軍之衆堪為百戰之師其見稱如此  
數月為和州刺史又為左天威將軍廟廡明年改池

州刺史是時疆場甫定閭井未全公奉法循理正身率下庭無滯訟吏不生奸鐵軸于牆無忘水旱之備輕裘緩帶常為峴首之游賦詩紀頌衆然可述元宗南狩從主石脾上每登臨置酒必命公陪侍訪山川之形勢問風俗之美惡應對詳敏咸有條貫捧觴上壽進退由儀求解印毫蹕優旨不許今上嗣服屢表乞還徵為右大德軍都虞候舊制常以舟師為下軍至是詔旨以南國之用尚于舟楫今而後知非是乃簡練精銳置龍翔軍以隸親衛命公為龍翔都虞候舟師之重自茲始也會先君來朝卧疾邸第公親侍

華古齋鈔本

醫藥躬執煩辱容貌瘠損衣不解帶客至問疾者不知其已貴也及丁憂制哀毀過禮扶護靈柩歸于建安詔起為歙州刺史本州團練使視事三載其理如初秩滿復為右龍翔諸軍都虞候遷都指揮使每仲秋講武訓兵仲冬而畢進退歸令由公指顧威容嚴整觀者肅然頌之又為虔州巡檢使使知州事五箇之際地廣民悍內據谿洞外接蠻夷告訐效教習以為俗于是中以刑政示以嚴明廣視聽審情偽吏以微文出入者皆面詰其狀莫不惕息而退契為之草人以之和于是沒溝隍嚴壁壘出帑以助費日農隙

而傷功凡書勞考績此其昭也尋拜池州觀察使以其秩居虔州上以建安之地人思舊德且欲以畫錦之盛顯公之能乃除忠義軍節節度建州觀察處置等使留後公以遠奉歲久無以私為抗表來朝因辭不拜改右威衛大將軍充左右靜江都軍使又轉光祿大夫檢校太尉奉以建州之祿歲計千萬甲第廐馬賜與優渥俄而被疾自識終期申告理命倫有規度中使問疾但曰世受主恩未有以報惟此為恨耳又親問門史草遺奏既成自益兩句曰苟游岱之有知必結草以為報上省表震悼手詔答之公猶捧

華古齋鈔本

詔向闕稽首流涕士申歲秋七月十有二日卒于建業濱江里之官舍春秋四十上痛惜之至再不視朝贈安南大都護遣中使監護葬事皆從官俗有司考行易名曰烈即以其年九月葬于某所從理命也夫人信都郡君刁氏故昭武軍節度使能之女容德之美閨房之秀宜家睦族先此門風子情孝及聰慧修詞好古以蔭起家授著作佐初必大之妻共在于是嗚呼哀哉公生于戎馬之際長承鐘鼎之業修文習武全孝賞忠風格端莊襟懷貞直嫉惡獎善如恐不及穆親念舊無有所遺先人之膏公私畢俗出入數

載家為之貧在公之餘手不釋卷篇詠詞筆皆傳于  
時近代儒學將惟公而已凡四典藩郡皆有借留去  
思之美民到于今稱之由是恩顧特隆委遇無間修  
途方騁大年不登知與不知皆為悲嘆鉉與公非故  
特以道義相期雖復出處不齊班序致隔金蘭之分  
始終不渝復門流痛惻生死之永別圓石表墓患陵  
谷之靡常亦公之遺言以此見托豈非慷慨之氣思  
振發于知己哉故為銘曰

龍泉之靈武夫之莫生我儒將棄茲全石臨戎有勇  
察俗有敬為臣之勤與世有程位過建牙秩恭掌武

華古齋鈔本

才寔膺時忠惟得至鬱此雄圖溢然中霞謂天蓋高  
不可以翹悲哉俊氣永已荒丘鳳臺遺館梅嶺窮秋  
樹惟挂劍地即眠牛餘芳不泯淮水長流

唐故檢校司徒行右千牛衛將軍苗公墓誌

銘

公諱延祿字世功其先上黨人昔者楚多淫刑育始  
逃難晉賴謀主苗受其封高門之慶雄視梁郤綿  
瓜瓞翼、孫謀存諸簡編可以揚推延洪于我七代  
祖中書舍人延嗣老大于我六代祖太師晉御源流  
繁衍蔚為甲族中朝喪亂後裔播遷履迹淮楚之間

今為盱眙人也先公諱隣生于兵戈之際長習旗鼓  
之用遭遇英主建功立事出為泗州防禦使入為靜  
江軍統軍世卿之禮衰而復振公即靜江之長子也  
弱不好弄壯而有立身雄畧之量不以驕人秉剛直  
之節未嘗許物持重善戰然識寡言時輩推之以為  
君子初先公奉王畧領偏師南破山越西定江楚東  
絕滄海海捍徐戎多不解拳兵不重刃公年甫弱冠  
寔忝共間掌旗斬將所向披靡宣力用于君父舒壯  
氣于風雲然而職以序遷蓋歸美于先公也烈祖孝  
高皇帝中興大業曠咨舊人命公領泗上精兵入為

華古齋鈔本

宣威軍裨將六卿之選以翼京師八屯之權是首宿  
衛歷紀受任一心靡渝今上祇嗣鴻圖蓋宣朝寄提  
千牛之士以為心膂假五教之秩以崇班列會侍中  
燕王以帝子之重兼鎮兩藩詳求命卿以事大國俾  
公提步卒屯宣城凡甲兵壁壘之事皆聽于公夙夜  
惟勤燥濕生疾春秋六十一保大九年十月七日卒  
于宣州公署上省奏傷悼為之罷朝送終之禮有以  
加等即以其年十二月二十七日葬于江寧府縣里  
禮也夫人王氏淮南裨將唐之長女也先公負游俠  
之氣有征討之功勇冠三軍力制奔虜夫人麗桃李

之質襲蘭蕙之芳婦禮律修遺訓無墜君子以孝  
慈率教夫人以嚴正克家閨門之理寔有內助以保  
大八年五月一日先公而逝今始祔焉子全學全  
瞻全節全義全海皆有父風苗氏為不朽也銘本自  
世親早為姻族嘆侯封于李廣發哀詞于杜葛刻葬  
琰于荒阡擬高陵于深谷其銘曰

才之後分將之雄位之侯兮嘉禾中天難謀兮人云  
亡川既逝歲將窮素車兮丹旆白草兮青松悲雄心  
與壯氣斬荆棘兮蒙籠

前度州寧都縣令包府君墓誌銘

銘序  
錯銘

華古齋鈔本

昔者鄭都弟產知懷仁之有誠孔門慟淵見福善之  
無驗遺恨千古可勝言乎君諱詠字義修其先延陵  
人漢大鴻臚咸之後也曾祖章祖及皆眷戀本土卒  
于縣寮考洎遇故侍中寶之亂乃去仕唐吉州長史  
入吳終和州暨陽令政有遺愛故家焉今為暨陽人  
也君幼而岐嶷長而學問孝敬自律名利弗嬰安貧  
怡然綽有餘裕順義末丁先府君憂泣血絕漿杖而  
後起朝廷獎勸善政砥礪淳風即起君為暨陽主簿  
秩未滿移知含山縣令先是兵興之後循吏用稀君  
簡法舒刑約廉敦信縣無通事吏不能欺位官七年

清嘯而已送授知慶州寧都令西楚之地南際殊隣  
本之以蠻貊之風因之以牧豢之衆長鯨之戮雖久  
頌鼠之刺猶繫君下車考政經察人病矯異俗均地  
征常為諸邑之最吏民上書借替期求真命者無虛  
歲矣而懋賞弗臻成功輒去解印之日單車即塗君  
素多疾至是增劇以己亥歲秋九月十九日終於歷  
陽別程里之私第享年四十有一以其年冬十一月  
六日塋于本縣本鄉許思里祔先君長史之塋禮也  
君前娶潁川陳氏後娶樂安花氏皆良字之子淑德  
不棄二子曰德容德均二女皆佩鵬羽角之歲君天

華古齋鈔本

姿貞吉立性和雅尊敬師友敦睦親姻移之于官故  
所至皆理而位不忝於朝籍年不登于下壽能無遺  
恨乎鉉兄弟少孤長于舅氏親承撫卹勉以進修門  
戶不傾君之力也嗚呼涓陽之贈已矣寧追逝川之  
嘆哀哉何極故拂貞珉記述遺德庶深谷以徒遠見  
清芬之未泯其詞曰

懿哉華族鴻臚有聞家餘厥慶世濟其文祉祚鍾積  
寔生我君推君之生姿性天成清譚變馬寶思凌雲  
道光表式才中銓衡爰職縣符政閒務舉旋綏二邑  
鳧飛鸞舞天亦難謀俄悲物故驚波易遶陽露難收

荒郊落日

華古齋鈔本

人無間言二十年間累遷檢校禮部尚書充崇賢殿  
使及轉俯代謝衆或將迎君侃然正色有死無二游  
說之詞不得入權利之勢不能動于是閔豎希旨以  
飛語中之坐除名流池陽郡明并有唐受禪烈祖嘉  
君盡忠亟召之還除長州長史悉還其官階曰宅未  
幾又改州和長史聽歸廣陵舊居初元宗方在膠庠  
吳帝使君召拜郎中賜以章綬自爾至于為相每朝  
謁必先見君而後入及元宗即位召至京師復命太  
夫人入禁中如貞穆之時謂曰吾受吳朝恩禮不敢  
忘也今猶數夢讓皇帝執臣子之禮吾親當時近臣



惟夫人兒為長者帝意親之今復得在吾左右良足慰也君聞之遂稱足疾不任趨拜上仍賜茅以居之歲時賜膏甚厚時使親近諭旨竟不能移上乃加太夫人封邑召君受命于朝固辭以疾上嘆息曰此子至孝今以其母故召之不來是必然矣此亦古人所難吾何為奪其節耶久之以君為常州團練判官不使之任優其祿而已今上嗣位加檢校右僕射君家承鐘鼎之富少居綺紈之職時逢革故年甯壯室而遂閉門却掃高謝人間改一色養怡自得姻睦以之肅穆士友以之景仰名節終始清風邈然丙寅歲

華古齋鈔本

夏六月某日終于建安某坊之私第春秋五十有九初君室太夫人于茅山良常洞之西因自卜塋地即以其年月日葬焉禮也前夫人張氏早亡今夫人吳氏富有柔妾之賢能從伯鸞之恭大妾玉映令聞蘭薰子昭嗣女某等善慶所鍾家聲不墮爰敬哀感在禮無遠嗚呼令人其必有後鉉家世通舊復連懿親常以君抗節遺世既近代之孤標而元宗推誠贊善又列辟之難事是以激揚薄俗垂示將來乃為之銘

曰

忠于事君孝于養親逢時有道以義衛身隱不絕俗

居能保真我永終吉誰為古人地勝之原小茅之麓  
左盼 同前瞻柳谷乘棘新吹松楸再卜令閭昭顯  
流先似續刻此苔華永芳蘭菊

唐故印府君墓誌銘

君諱某字某其先京兆人也因官徙謀遂居建康曾  
祖知章無祿早世祖某官考某官君幼而勤學長而  
力行孝弟著于家庭信義行于州里弱冠明經擢第  
釋褐太子校書下里之行時輩推許會上國喪亂遂  
南奔豫章連帥鍾公見而悅之辟為從事豫章府變  
始歸建康升邑史移親舊氏沒君慨然悲世難之未

華古齋鈔本

已感宦路之多艱于是抗志衡門息機世表樂山水  
寡言笑極談不過經籍之事足迹不游御相之門篤  
好六經歲誦再編雖憂慘疫病未嘗廢也故、烏修  
善如不及向、烏與人無間言保大而宣夏四月日  
考終命終訓勵諸子倍有嚴誠如魏顆之命無莊舄  
之吟春秋六十有九夫子徐氏通儒書有婦德先公  
而逝即以其年月日合葬于某所禮也子崇禮崇榮  
舉進士崇簡明法及第為舒州司戶參軍秀茂之業  
聞于場中咸以為印氏之門其後必大諸子以我宗  
之所自出故銘撰是求銘曰

於維穆氏代有君子恂、君人亦既克似退不立聖  
進不朝市体道若貞全高茂蓋俊造之學施于後嗣  
昭、令名與召無已

唐故銀青光祿大夫檢校國子祭酒御史中

丞包君墓誌銘

君諱諤字直臣丹陽延陵人也粵我長源發于夏后  
分封交代著于會稽司農而後代有賢哲轉徙旁郡  
遂家延陵種德流先世為大姓曾祖某丹陽令祖父  
潤州錄事參軍考伯和州歷陽令業官之美播于流  
頌公以廣明庚子歲生于丹陽長于戎馬之間遂好

華古齋銘本

包君墓誌銘

金鼓之政氣質慷慨而孝事于親材用敏幹而慎于  
畏法命不我與事多無成高皇帝兼提六師以輔王  
室署君牙門右職將進用之君以歷陽府君喜惧之  
年辭歸就養因隸歷陽軍中自是服勤祇從多在外  
郡家貧援募仕不求聞三十餘年有勞無過養心知  
命以保遐齡交泰元年春二月日卒于鄱陽舟中春  
秋七十有九夫人危氏故賀州刺史韓德卿之女也  
婦道以順家政以嚴內慎有光六姻是則于三人曰  
會宗曰頴曰銳皆敬述先志勤修令名歸奉靈輓俯  
就成制卽以其年月日葬于江寧縣某里禮也某感

深自出名謝貴甥載悲涓陽之詩永痛西州之壟故  
書道懿以鏤貞珉其銘曰

猗歟府君世載其文有道無命與俗同群伐耕得祿  
全和保真享壽八十下從先人乃整歸脞秦淮之濱  
乃卜玄宅句金之陵不可不識封丘勒銘德、餘慶  
永、芳塵

徐公文集卷十六終

華古齋鈔本

徐公文集卷第十七

東海徐鉉

岐王墓誌銘

故平昌君孟氏墓銘

故昭容吉氏墓銘

唐故鍾氏太夫人太原縣太君王氏墓銘

唐故太原府君夫人彭城劉氏墓銘

唐故隴西李氏夫人墓銘

唐故文水縣君王氏夫人墓銘

岐王墓誌銘

天地之靈氣發為賢人邦家之積慶鍾于公族其或  
富老成之智促陽子之年感群情者自出于天姿無  
莫敵者非由于事業是以蒼舒軫悼于魏祖表行曰  
哀夏王鍾爰于明皇錫名為一中興在運代有傑人  
見于岐王矣王諱仲宣今上之第二子也文武儲慶  
日月輪祥寔太妃之子如魯桓之貴天姿秀發神機  
內融亦既免懷未遑就傳問安長樂視膳寢門承歡  
爰于瑤極友弟于朱邸成人之量元由生知三歲受  
封為宣城郡公假大司馬之秩維城之望日以光矣  
不幸御名疾甲子歲冬十月二日薨于閤內年四歲

華古齋鈔本

主上痛幼敏之異極天慈之懷詔輟朝七日冊贈司  
徒追封岐王既而感上聖之忘情遵先王之從儉節  
哀簡禮以原古風即以其月十有八日脩鹵簿鼓吹  
葬于江寧府某縣某里之原有司謚曰懷獻禮也惟  
王以極祿之年蘊金玉之度異迹昭灼可得而言至  
如禁中娛侍常在左右或異宮一日則思恋通宵翌  
旦未明必親至御牕頃奉顏色然後即安其安也如  
此上每罷朝稍晏莊色未迴王則儼然侍立不妄言  
笑頃天顏悅澤則趨就膝下怡、稚戲不失其儀中  
官以上之鍾爰也漸于驕故撫字之方咸克于爰每

加教誨過于嚴厲而王凜然祇畏初不懷容過或見  
上乃啼而自悔其敬也如此始二歲上親授以孝經  
雜言雖未盡識其字而每至發端止句之處皆默記  
不忘至于寢疾近數十言矣時聽奏樂必振袂擊節  
咸中律度工人試中變其曲王輟止之曰非前曲也  
雖周卽之顧何以加焉其慧也如此受封之日見于  
內教音詞宣卽容止閑習觀之者咸嘆重焉其敏也  
如此凡玩好之物竟有欲者瞬目賞譽未常求索或  
識其意持以與之必再三推却不肯卽受其毅也如  
此上曰昔人謂王勣為神仙童子今此兒近是予及

華古齋鈔本

其薨也悼念之甚曰吾見他人賢子弟猶惜之豈惟  
父子之性乎中宮哀痛至于加疾自非英姿感動孰  
能禁此哉議者以爲列宿淪精高真降迹表瑞王室  
今復還矣嗚呼凡我臣庶暨于藩戚瞻飛蓋之何期  
慨神理之難測寧盡美于稱贊庶慙芳于冊簡詞臣  
奉詔謹勒貞石其銘曰

粵我仙源流光慶延公族之異性王生焉禮詩仁孝  
斯之謂賢夙習非學生知自天既與之智胡奪之年  
瞻庭蘭川顧掌珠捐蓋冬寒氣京兆新阡鼓吹蕭  
旌翩、阮逸躅于稚齒閱藩房于夜泉已焉哉庶彰

塋之一夢豈汝世之無傳

嗚乎庭蘭伊何方春而零掌珠伊何在玩而傾珠沉  
榻澤蘭瑣芳馨人為沮恨我若為情蕭、極野寂  
重高與子長訣揮涕吞酸噫嘻哀哉

又銘一首

至尊所作上有庭蘭掌珠之句謂得此興之寔遠矣  
其意發為斯文親 宸翰批于紙尾足以厚君親之  
義行孝慈之風是用勒石永光泉戶謹記

故平昌郡君孟氏墓銘

太歲癸卯五月十九日大行皇帝諸妃平昌郡君

華古齋鈔本

歿于大內之別院享年四十有三嗚呼哀哉昔天保  
未定大東啟其疆魯道有蕩三桓紀其政是始孟氏  
代為強宗德厚流光之符祥發慶曆之效宜乎未裔  
生此淑人曾祖某祖造父及皆以含道居貞適世無  
悶克家垂訓式永門風郡君麗窈窕之容秉肅雍之  
德游依漢水氣兆河間乃膺八月之求入預良家之  
選壁門受職彤管服勤恭順之心奉坤儀而得禮明  
惠之皆導宮教而無遺爰屬造邦遂崇封邑路履之  
後柔芳載揚既而十載上仙宮車晏駕歸道弓于萬  
國感餘香于九御沉哀共極美疹獨縈不延幽室之



期重恻上宮之念嗚呼哀哉即以其年六月日葬于  
江寧縣安德鄉德信里之原禮也青島既吉覆芥斯  
營永光列女之畫紀他山之石詞臣奉詔謹勒銘云  
風  
杏、平野蕭、一丘原松積霜龍吹臨秋吁嗟淑女  
于此藏舟委貞質兮學夜奉靈駕兮仙游惟惇史兮  
未泯豈餘芳兮不休嗚呼哀哉

故昭容吉氏墓銘

天子建內官必先念德九嬪掌婦學以教六宮是故  
壺則成風漢濱流化者矣昭容吉氏麗瑤姬之質高

華古齋鈔本

班女之文治絲枲以服勤宮功有序徹菜盛而舉職  
祀禮無愆用能妙簡皇心光膺盛典頃錫粉田之賦  
因開左輔之封嗣服之初日不暇給視月卿而命秩  
近正朝恩閱逝水以成川俄悲異物春秋三十有二  
保大三年秋七月二日薨于別宮皇帝悼之廢朝一  
日遣奠之禮有加等馬即以其年月日葬于上元縣  
龍城鄉之原禮也昭容諱某字東海朐山人也曾祖  
徵卽州龍陽縣令祖堂壽陽縣令父彥輝海州懷仁  
縣令咸膺鄉里之選屈從州縣之勞有利物之能不  
享其位垂積善之慶克茂其宗著籍金門移家戚里

里昭映悖史不其美哉詞臣奉旨式揚懿德庶使高  
深自改長延丹砌之恩金石無虧仰魁望臺之念其  
詞曰

吉甫作頌穆如清風儲慶炳靈寔生昭容史曰明智  
詩肅雍內則以理柔芳有融閨川宵奔烘膏晚城西  
陸移景涼風殺節度殞流骸遺車成烈苔華不磨蘭  
菊無絕

唐故鍾氏太夫人太原縣太君王氏墓銘

夫人太原祁人也因官從籍遂居豫章自緱嶺肇基  
晉陽錫壤光靈繁祉蔚為大宗主組晉櫻與世升降

華古禮鈔本

聖曆中否我亦不彰故祖考某皆蘊道若身流謙毓  
德夫人有金玉之質桃李之姿柔順睦姻以奉慈訓  
織紉組紝聿厲家風宗族里閭莫不稱羨先公司徒  
續戎嗣服寔臨我邦夫人誕昭四德之華用光九女  
之送門內之理

華古齋鈔本

屯田郎中既拜而夫人疾亟交泰元年春二月十八日卒于京師嘉瑞坊之官舍享年七十有五即以其年月日歸葬于洪州某縣某里之原禮也嗚呼富壽戩穀文所以祐善也金石銘謨世所以垂範也二者無愧可謂賢哉鉉早奉世親晚連姻好景行懿德敢用直書銘曰

猗山不傾清淮不湮故我王氏寔生今人衛姬之智孟母之仁光昭祖禩垂慶來雲西山之陽章江之濱靈仙攸宅松檟相因遐壽全歸以反吾真

唐故太原府君夫人彭城劉氏墓銘

夫人麗窈窕之容蘊幽閒之德孝敬肇于天性明惠  
本于生知先乎六姻是謂賢女初我大父殷考遇皆  
立功興運蔚為將臣婚姻之盛冠彼當代故夫人既  
并歸于我府君諱承進壽州節度使相國公之第  
三子也二族斯睦百兩是將婦禮之嚴家道爰正府  
君性疎直喜賓客理劇如簡不以世務嬰心行已取  
適不以家財為重鐘鼎之族化為草瓢夫人雅性寡  
符怡然自足慈和待物恭儉歸躬子弟以之而克家  
僕御以之而服教及罹遠首之痛誓全柏舟之節采  
芬方遠景命不融春秋四十有九戊午夏六月某日

華古齋鈔本

終于京師濱江坊里弟子某等俯就成制歸奉靈輅  
即以其年月日葬于某鄉附府君之塋禮也茲幸恭  
請婚獲從外姻載陳執紼之儀乃奉懷銘之托敢書  
懿範以錄貞珉其詞曰

嗟淑女兮仁慈肅雍伊君子兮亮簡疎通合二姓兮  
五侯之宗垂內則兮素士之風悲秋霜與久嚴權女  
蘿與青松念先塵之倏忽獨天長兮無窮

唐故隴西李氏夫人墓銘

夫人諱某字某其先太原人故左司郎中贈太府御  
諱潛之孫今太弟洗馬喬之第三女也伯仲世父皆

踐歷臺閣柳揚報寔相糾以孝相者高以讓之蘭桃  
李閨庭紫然夫人襲主組之英發為秀色鍾媿睦之  
氣凝為淑性柔而有剛愛而不驕紅組之玉翰墨之  
妙稟自天性能必過人及長歸于李君一名倪故楚  
州刺史諱承嗣之孫今禮部尚書度之少子也舅甥  
之故齊魯之正好合之美潘楊之風夫人 睦族  
率由典禮不恃舊以廢職不矜能而怠敬門內之理  
清穆然嗚呼嚴霜春零薜華朝墜享年二十有五某  
年月日卒于京師某里之高居二族悲慟六姻悽愴  
仁而不壽古則有之以其年某月日葬于江寧縣某

華古齋鈔本

鄉里之原禮也東海徐鉉以世親之舊寔維私之敬  
執佛永悼刊石為銘、曰  
天之命兮不可知生此賢女兮鍾淑姿媿于盛族兮  
昭令儀與之才兮不與之壽永凋落兮若時儼黼黻  
道靈輻小江村兮長江濱千秋萬代兮草離、空餘  
初月如蛾眉

唐故文水縣君王氏夫人墓銘

夫人諱皖字國香其先太原人今為廬江人也祖潛  
左司郎中贈太府卿考坦禮部郎中皆以貞幹純懿  
見稱于時夫人麋芻蕘之容秉明慧之性幼失所恃

事繼親以孝聞在家不違于姆師移天不失于婦順  
初先姑之治也嚴而有惠通而得禮夫人觀型稟教  
莫不率循故三十餘年門風家法凜然如舊世尚靜  
退不樂世喧怡逸之任要職也夫人憂形于色及其  
居貶所及收然忘貧此其所以為異也雖門族素盛  
而世塗多故祿賜所入調給無遺豐約同之親疎如  
一至于澣濯之儉組紉之勤藜藿盡敬儒玄勵操環  
珮中節始終不渝少善秦教長亦捨棄每晨興誦五  
十言而已享年五十五歲八月一日終于京師薨  
澤里之官舍其年十月二十三日歸窆于西山洪崖

華古齋鈔本

卿鸞園里從先姑大室禮也有子曰爽直女曰神華  
林華嗚呼鬼常以体道委命為懷而情之所鍾不知  
其慟啣涕秉筆庶不民其載壘為銘曰  
猗嶺之靈生此淑人洪崖之渴寄此新墳生與道俱  
從與仙隣總一精爽豈或為塵嗚呼吾信積善之必  
爾故德限于斯文



國家圖書館, NATIONAL CENTRAL LIBRARY, TAIWAN, R.O.C.

華古齋鈔本



徐公文集卷第十八

東

海

徐

鉉

御製春雪詩序

後序

御製雜說序


北苑侍宴詩序

文獻太子詩集序

翰林學士江簡公集序

蕭庶子詩序

成氏詩集序





御製春雪詩序

臣聞堯尚文思書有詠言之日漢宗儒學史稱好道  
之名所以澤及四海化成天下其後迂濶王道蕩淫  
淳風正始之音缺而莫備字音字畫之句不接與詞玉融  
曲水之高無別聖作將興古義允爲昌期我皇帝陞  
下常武功成右文業黃明踰日月不以聖智自居忌  
揆靈天不以才能格物其或南董有澤東作無憂氏  
思秋稼之娛物茂久蒸之禮慈寧在鑄調振橫汾天  
籟發音嘯非聳曉乾文垂象寧隔仰瞻信可以暢列  
聖之謨猷變土人之耳目者也于是歲陞作噩序首

華古齋鈔本

青陽玄鳥司啟之明晨白獸稱觴之節日有唐中興  
之一紀皇上御曆之七年地平天成時和歲稔衢樽  
之味普洽玄風擊壤之歌散為和氣同雲竟野朔雪  
飛空急勢隨風影亂東郊之伏凝華接曙先浮元會  
之延星躔既移玄壘乃啟太第以龍樓之盛入奉垂  
旒齊王以鳳浴之榮來參 几霞軒結轍葦履齊趨  
惟陳韶夏之音無取魚龍之戲喜油、之既洽顧奕  
、之方呈筆落天波言成帝典七言四韻宣示群臣  
乃命太弟太傅建勛翰林學士給事中朱軾常夢錫  
翰林學士中書舍人段崇義游簡言史部尚書晁陵

郡公景運工部尚書上饒郡公景遜左常侍勤政殿  
學士張義方諫議大夫勤政殿學士滿蒙常魏芬駕  
部員外郎知制誥喬舜主客員外郎知制誥徐鉉膳  
部員外郎知制誥張偉光祿卿臨汝郡公景遠鴻臚  
卿文安郡公景游太府少卿陳留郡公景道左衛將  
軍樂安郡公弘茂駕部郎中李璿等或魯元首之歌  
或和陽春之曲如葵心之向日似蟄虫之向雷門  
二十一篇咸從奏御皆所以美豐年之兆中萬物之  
情非徒載笑載言一吟一咏而已昔者白雲之唱七  
萃驅馳黃竹之詩萬人吹餞玉猷且塞後嗣何親孰

華古齋鈔本

若偃仰大庭優游六藝初筵有秩而六宮不移夜漏  
未央而百官已事被之樂府授以史官煥乎文章無  
得而稱也有詔為序以紀歲御批云篇未便否酒醒  
為之序以紀天慈過聽猥屬微臣徐樂上書徒慚慕  
入其日內晏臣安國作序幸首冠篇狂簡僅成兢憂  
同措謹上

後序

昔者漢宮故事著成王員表之圖魯殿宏規絕黃帝  
垂衣之象用能昭文昭物雖十世而可知如玉如金  
更百玉而不易况乎天統建寅之首皇猷景洽之晨

上瑞方呈宸游載穆拱北極而衆星咸在祝雨以而  
萬壽無踰明皇花萼之棣風流不泯德祖中和之節  
雅頌常垂寔奕世之耿光焉中朝之盛觀固當騰之  
竹帛飾以丹青襲六藝以同明與天文而共亮皇天  
事重雖普照博望疑思敷古道以致君法前經而作  
前彰施之象煦如就日肅不違類萬國式瞻若奉衣  
裳之會群臣仰止似聞輿馬之音盛德形容于斯大  
備者也初外朝既罷內晏方陳赴召者上自副君造  
于咸豆銅壺已晏聖藻爰飛或逶迤而載歌或臨詠

華古齋鈔本

而不作既而有詔出赤群官臣建勛義方鉉等聞命  
在前援簡先就因承中旨入奉斯筵而兩省衆篇翌  
日咸集故奉和者二十一首而侍宴者十有四人前  
序缺遺被令重述謹上

御製雜說序

臣聞軒后之神也畏愛止乎三百唐堯之聖也倦勤  
及乎毫期文王之明夷也又象周於六虛宣父之感  
麟也褒貶流于百代乃知功利之及物者與形器而  
而有限道德之垂憲者將造化而常新是故体仁者  
必懇于五言務遠者必勤于弘道然則封泰山告

七十二家正禮樂刑詩書一人而已大矣哉五教之  
難也有吾基命長發祥符舊初重甄斯文不墜皇上  
高明博學濬哲文思既承累聖之遺仍就甘盤之學  
鴻才倚倚理絕名言默識泉深事符影响自祇膺眷  
命欽君重熙庶大孝以享時風勵惟精而勤庶政宥  
萬方而罪已休百姓以為心俗富刑清時安歲稔其  
或為楸暇豫禁禦宴居接待待臣宵分乃罷討論墳  
典昧旦而興口無擇言手不釋卷嘗從容謂近臣曰  
卿輩從公之暇莫若為學為文為學為文莫若討論  
六籍游先王之道義不惑不失為古儒也今之為學

華古齋鈔本

所宗者小說所尚者刀筆故發言奮激則在古人之  
下風以是故也其高識遠量又如此焉昔魏武帝有  
言老而勤學而所著止于兵書矣大帝亦云學問日  
益而無闕述作風化之旨不其愈歟屬者國步艱  
兵鋒始戢惜民力而屈己畏天命而側身靜慮凝神  
和光戰懼而或深惟遠古遐考萬殊慎時運之難并  
鑑護猷之可久于是屬思天人之際游心今日之間  
觸緒研幾因文見意縱橫毫翰炳煥縹緗以為百王  
之季六樂道喪移風易俗之用蕩而無止幅心埋耳  
之鼓流而不反故演樂記焉堯舜既魏晉已還授受

非公爭奪萌起故寧國延促焉三正不修法襲無效  
甘心于季世之偽絕意于還淳之理故論古今厚薄  
焉戰國之後右武戲儒以狙詐為智能以怪藝為迂  
濶此風不革世難未已故論儒術父子表愛之情君  
臣去就之分則褒申生明荀息俾死生大義皎然明  
白推是而往無弗皆臻大地之深心聖聖之宏意禮  
樂之極致教化之本源六籍之微詞群疑之互見莫  
不近如指掌煥若發蒙萬物之動不能逃其形百玉  
之變不能異其趣洋洋乎大人之護訓也夫大工不  
能獨運故有道無時孟子所以咨嗟有君無臣鄭公

華古齋鈔本

所以嘆恨無乎斯民有幸大道將行舉而措之域中  
則三五之功何遠乎爾臣又聞將順致美鋪陳耿光  
布堯言于萬邦稱漢德于殊俗蓋詞臣之職也若乃  
向明而理負宸而朝慶賞刑威豫游言動則有太史  
氏存焉又若雅頌文賦凡三十卷鴻筆麗藻玉振金  
相則有中書舍人集賢殿學士徐鉉所撰御集序詳  
矣今立言之作未即宣行理冠皇墳謙梅雜說臣鉉  
以家侍禁掖首獲親睹有詔冠篇勒成三卷而三卷  
之中文義既廣又分上下焉凡一百篇要道脩矣將  
五千言而並久與二曜以同明昭示孫謨永先冊府

謹上

北苑侍宴詩序

臣聞通物情而順時令者帝王之能事感惠澤而發頌  
歌者臣子之自然况乎上國春歸華林而霽宸游載  
穆聖慈先飛雷動風行君唱臣和故可告之太史播  
在董炫帝典皇墳莫不由斯者已歲躔己巳月屬仲  
春主上御龍舟游北苑親玉舊相至于近臣並儼華  
纓同恭曲晏時也風晴景淑物茂人和望蔭嶠之欽  
釜祝為聖壽汎潮濤之清淺流作天波絲黃與擊壤  
齊敲皦竽共君恩並醉乃命即席分題賦詩辱恩雲

華古齋鈔本

飄天詞綺煇文明所感蹈詠皆同既擊鉢以爭先亦  
分題而較勝長景未暮百篇已成自揚大雅之風豈  
在道人之職奉詔作序冠于首篇授以集書藏之金  
匱謹上

又獻太子詩集序

鼓天下之動者在乎風通天下之情者存乎言形于  
風可以言者其惟詩乎粵者書契肇生雅頌乃作建  
朝廷邦國之際其用不窮更治亂興替之時其流不  
竭六義浸遠百代可知君天玉公大人若尊復正其  
行道也無迹其成務也不辜所以可則可象有功無

親君無詠言何以親德周文陳王業之什台穆糾宗  
族之篇聖人輯之皇猷備矣子桓振建安之藻昭明  
摛象作之英休有古今理無用舍大機神筆于天性  
感發由于自然被之管絃故音韻不可不和形于蹈  
厲故章句不可不節取譬小而其旨大故禽魚草木  
無所遺連類近而及物遠故容貌俯仰無所隱怨則  
可戒美則不誣斯寔仁者之愛人智士之博物王室  
光啟人文化成上去剛詩綿二十祀其用益廣其制  
益精絕其流元結以周咨王言帝典炳蔚于藻烟才  
子詞人充溢于圖牒若乃簡煉調暢則高視前古神

華古齋鈔本

氣淳薄則存乎其人亦何必以苦調為高奇背俗為  
雅正者也殿下挺生知之哲有累聖之資道冠三才  
學兼百代虞犀齒胃騰敷于就傅之年侯社錫圭底  
績于為邦之際隨城封壤人歌名伯之棠浙右控臨  
時賴京師之潤戎機鞅掌曾不勞神閒館娛游未嘗  
釋養深遠莫規其除喜愠不見于容惟奮藻而搦華  
則緣情而致意鍾山樓月登臨牽望閣之懷北固江  
春眺聽極朝宗之思賞物華而頌玉澤覽穡事而勸  
農功樂清夜而宴嘉賓感遷塵而閔行役沉吟命筆  
顧盼成章理必造于玄微詞必闋于風教或寓言而

取遠終持正于攸歸著于簡編凡若干首及玉帛未  
覲玄圃歸尊臨飛閣之華池即游雷之講肆斯文開  
作盛德日新蓋曠代之宗莫寔一時之師匠以鉉事  
塵贊論常典然綸謂可言詩因令視草聽鈞天之奏  
徒欲動心酌滄海之波惟知滿腹歎抽絃翰式能頌  
敬謹序

翰林學士江簡公集序

士君子藏器于身應物如响成天下之務者存乎事  
業通萬物之情者在乎文辭然則日月不知人亡政  
息瞻之則眇然在羲軒之上臨之則肅然若旦暮之

華古齋鈔本

問自非遺文餘教則作者之道或戕乎息矣嗟夫天  
地長久英靈超忽鄴中才子與樂事以俱淪江左名  
臣及玄譚而共盡清流可挹勝氣猶生閩簡以淩涼  
撫素編而慷慨斯文未喪何代無人濟陽江公鍾川  
岳之粹靈休角犀之奇相芳蘭十步本自天資建木  
千尋非求外獎弱齡聞道夙歲馳名竹箭稱美于東  
南未充王府天馬擅奇于西北入奉粟黃于時聖曆  
中興賢才間出公從容冠蓋之際頡頏臺閣之間文  
高學深識優理勝虛襟接物簡易多通正色當官直  
方無擾定祖宗之大難功補神明瑞風蕙之直絕氣



懽姦充身可屈而名不奪用即行而舍即藏故叢林  
三年雅懷自若承明再入時望彌高人無間言道亦  
光矣嗚呼運逢上聖年在中身人之亡云空嗟殄瘁  
死而可作誰與同歸詩所謂乎胡不萬年傳有云古  
之遺愛者也昔襄陽孟浩然年五十有二疾發背而  
亡公豈其後身歟何合符之君此惟公以進士權第  
以詞賦馳名事藩邸參管記之司登朝藉專掌綸之  
任奏議表啟時然後言詩筆歌頌和者彌寡絕文場  
而遠驚橫學以孤飛徂南北之清規畫古今之變休  
優游兩制不亦宜乎然而初無簡編文乃亡逸嗣子

萃古齋鈔本

起門生王克貞等或搜諸經笥或傳于人口或焚  
禱之外或削材之餘彙聚群分凡得十卷授之執  
友以命剋篇鉉屬近情親官聯述茲每西垣景晏  
北第風清忘形樽俎之間得意登臨之表西江東  
海俱為賦鵬之鄉北門右掖並對受釐之間嗟乎  
相如既往空存封禪之書季子云來但有心期之  
劍寢門流慟已隔生平都門長送遽成今昔遽托  
言于夙契中永悼于斯文用是援毫悲吒存諸梗  
概云耳

蕭庶子詩序

入之所以重者情也情之所以通者言也其或情之  
深思之遠鬱積于中不可以言盡者則發為詩之  
貴于時久矣雖復觀風之政缺道人之職發文質異  
体正變殊塗然而精誠中感靡由于外莫莫華擬發  
必自于天成以此視其人察其俗思過半矣此大澤  
宮選士入國如教其最親切者也是以君子尚之蘭  
陵蕭君江左之英詩苑之精其為人也樂易其處世  
也靜嘿忘形衡泌之下若節或馬之間其道日新其  
名益震諸侯庶左王府交辟今晉王殿下樹藩作相  
樂善愛才幕府初開君寔首冠由與校書 儀曹郎

華古齋鈔本

出入兩宮宦無私授優游多士交必正人每良辰  
美景登高眺遠莫不存于心府勢利不及于笑  
談含毫授簡唱予和汝其情淡故畧淫靡之態其  
思深故多清苦之詞大雅之士何以過此鉉與君  
為友哉將二紀其間聚散窮達罕或辜君淡成之  
懷始終若一靜言投分想見古人丁巳歲撫王高  
讓承華出分陝服君以官省舊德復踐初筵撰行  
之夕俾予視草鉉也不佞無足揚君之美欲徒申  
別恨叙交情故作斯文冠于篇首以誌不忘云

商

成氏詩集序

詩之旨遠矣詩之用大矣先王所以通政教察風俗  
故有采詩之官陳詩之職物情上達王澤下流及斯  
道之不行也猶足以吟詠情性黼藻其身非苟而已  
也若夫嘉言麇句音韵天成非徒積學所能蓋有神  
助者也雖君章謝康樂江文通丘希範皆有影響發  
于夢寐今上谷成君亦有之不然者何其朝合鸞犬  
夕咏風雅雖世儒積年之勤曾不能及其門者耶迨  
予之知已益數百篇笑覩其詩如所聞接其人如其  
詩既賞其能又貴其異故為冠篇之作以示好事者

華古齋鈔本

云戊戌歲正月日序

卷十八終



徐公文集卷第十九

東海徐鉉

送謝仲宣員外使北蕃序

送贊善大夫陳翊致仕還鄉詩序

送張佖郭贄二先輩序

送武進龍奕明府之官序

送劉生序

游衛氏林亭序

送謝仲宣員外使北蕃序

自昔新者盜國撓我中州建武開元越在江左日月

之照不及河洛之地者四十矣主上方恢遠略弘下  
武聖作明覲有闕必先故使僞邢失政胡馬大入山  
泉又覆羗渾沸騰五州遺紙二京故老引領南望庶  
幾撫予天子聞之憫然故命大司馬賈公使以觀變  
儀曹郎謝君副焉儀曹別予應曰美哉是行蒼生之  
福在斯舉矣始及子同者予弟又與子同府交道深  
矣今子將之絕域無以為贈請贈以言夫格天地充  
四方莫先乎禮昔我太宗文皇帝草莽隋一字內函  
已濟物虛心納諫故四夷君長歷代不賓稽首闕下  
可謂德矣教明文物垂三百年絕而復續可謂禮矣

華古齋鈔本

苟使踰百千代之有國家者猶當企聳下風奉行不  
墜况中興之嗣君子周秦宮闕是本朝二宅貞觀德  
禮是本朝家法若棄之而不念委之而不修非天子  
之意也主上躬行于內而使二君順之于外今強胡  
入貢中原無主聖人不能違時、至不可失也子其  
勉之哉思聖意禡人心犬羊百萬以攻戰為事不可  
以威武服也酋豪聚首以姦詐為常不可以智力勝  
也子其將之以德慎之以禮衣冠餘緒必觀先于使  
臣一覲漢官威儀必感泣頓服宅心南向苟或不爾  
是絕蒼生之望也可不慎歟鉉自束髮從宦則聞長

者之論盛言為戰國者必以觀道子視商周以降誰  
非戰國寧有以權道躋太平乎而言以人棄故事與  
額違今子王府元僚居可言之地遠使上介當可行  
之時勉之哉故人之願蒼生之望在此而已行矣文  
昌春風二月征途萬里舍游晏之樂就鞍馬之勞征  
虜亭下南朝送別之場臨滄側茂弘思洛之所叙離  
懷古亭無情乎矧輅車所經觸緒牽思渡長淮則想  
清流映月之景過睢園則思愁雲零雪之興望葦泺  
則傷麥秀之詩指唐昔則感大風之歌緩懷之暇彈  
琴詠詩以祛鬱陶之慮運軫在適不復多陳聊序鄙

華古齋鈔本

志爾

送贊善大夫陳翊致仕還鄉詩序

夫進退之機大易稱首止足之誠玄文所宗君子動  
必乘時故言行而事立靜惟休道故身貴而名全然  
則知之非艱行之不易去聖既遠引年益稀是以古  
之明君爰有成式重辭祿之士優懸車之禮貴飾寵  
秩靡限常均所以崇德尚賢激貪厲俗者也皇風所  
我有其人太子洗馬陳君翊江浙兩臺鄉閭獲譽栖  
逢下位而散聞自高便蕃寵任而祇畏日積時方多  
難寄切司聰將命無私臨事能斷盤錯必解風而不

俞及少海告符搖山表慶天下之本既正四郊之壘亦罷于是咏遂初之賦次高謝之懷京口之西先有別墅前臨廣陌却枕長江田踰二頃桑都八百戴仲若軒懸之地不遠風烟蒲真又鹿迹之鄉依然川域誅茅築室素欲終焉其所缺者飛泉而已常因暇日策杖尋岍爰有道人指示名溜百步之內一迳懸流其清可鑑其味如醴紫崖漱石除慮蠲疴信山川助其好高亦心府資其坐澹既而挂冠請命伏閣陳詞優詔嘉之竟允其請錫金紫之服并贊善之資輕舟東浮盡室而去副君執手流涕似宜都之別弘景群

華古齋鈔本

公供帳祖餞若都門之送二疎知與不知莫不稱嘆殿下調高雅頌文動星長賦詩一章以寵行邁掩鄴中之舊制流樂府之新聲足以厚君臣之情敦風化之本德綉纓色丘壑增華自周行之人與觀光之士靡然投贈絮爾成章遠北河梁之篇近擬白雲之集夫其貞退之節樂善之風寔通義之所臻亦咏歌之盛觀也鉉名恭望苑迹本騷人敢言能賦之才盪奉言詩之賜故序纓則以冠于篇首云爾

送張必郭貢二先輩序



君子所以章灼當時焜耀未商者必曰進士擢第哉  
尉釋褐斯時也中朝令法雖皇不移者也自聖曆中  
興百度漸貞能興此美者今始見張郭二生矣則知  
九仞之勢千里之行凝雲逐日未可量也鉉也不佞  
生于先賢之後進在二子之前此美不兼可以嘆息  
然有事同而時異請試論之噫詞場湮廢五十年矣  
故老之言議殆絕後生之視聽懵然今百辟有司達  
于郡國文徒見趨走公府中一尉耳焉知其餘哉而  
二君子調高才遠年少氣盛將以俊造之業自重青  
人以既廢之禮又將以堯舜為之道為用議政于俗

華古齋鈔本

吏之間如是將與時大乖矣嗚呼彼衆我寡或者難  
以勝乎君子之道無施不可舒之彌四海卷之在掌  
握日磬見奇于彼馬元楊知名于水壺彼二人即公  
輔大器也豈以耻辱為累哉愚願二君子反己正身  
開懷載耀無望人以不知無人以不能如斯而已矣  
今天子重文好古諸生懷才待用所以蒼生未蒙福  
者上下之勢中有間耳大易之義物不終否、極必  
泰、之時在上者其道下降在下者其道上行君臣  
相合然後事業遠矣吾以為斯道之復不遠吾子其  
勉之句曲仙鄉廣陵勝地多難將拜春物將華琴棋

詩酒足以為送贈言之旨盡于斯焉

送武進龔明府之官序

古人有言士君子志意既立名譽不聞蓋朋友之過也嗚呼予于龔生有之矣始予居猷恂之地生已為赤縣尉嘗竊議謂生宜參謀垣憲府之任而未果拔茅之志遂為賦鵬之行生不旋踵亦左授大長用武之地朝廷置建武軍于其所使為將者治之習兵與儒其志不通也處長與佐其勢不均也軍市之征日困于民王澤之流不被于俗及生之至官聯始舉刑煩革弊丕變舊風踰年告歸舉邑之民相率送道不

華古齋鈔本

聽其去乃潛匿佛廟室中省臺筆索而獲烏杖之上車擁之而還竟不得已中夜而適異哉遺愛之風若此考功之吏弗聞丙辰歲予避兵于池陽遇生侍親郡中勉之東下是時甘泉有烽火之急天子下哀痛之詔予謂生必自致青雲之上以解天下之倒懸而出入三年始為武進宰噫朋友之過予嘗試論之曰才不才在我用不用在時道之所存其人乃責功名寵祿何足笑哉苟澤及于民教被于物則百里之廣千室之富斯可矣與夫楊益之徒坎壈巷垂空言于後世者不猶愈乎行矣龍夫生苟有良田何憂晚歲

贈言之要其過此乎

送劉生序

彭城劉生為南畿今天官侍郎昌黎公作序以送盛稱故歷陽宰楊員外光儒之為政以最之鉉與楊君有姻深知其內行君清簡仁愛心無遠莫自妻子僕妾及家屬吏民接之無親密之隔求之于形骸之外蓋真純之氣充而感召之應遠氏之好競者皆相與言曰衆若器訟必撓吾員外矣嗚呼其古人乎今劉生才俊于楊學優于楊觀其政績等然生猶有耿介不平之氣觀吏部之勗子與予之贈言蓋為是也子

華古齋鈔本

其乎心藏用昭然與道合在古人上矣矧西山神仙之宅也旌陽其遠乎哉僕因倦談生停已久故推楊員外以論之九月二十七日中書舍人東海徐鉉序

游衛氏林亭序

建康西北十里所有迎搭湖水木清華魚鳥翔泳昔晉元面渡靈漿交近于斯今中興建都人烟櫛比于是其間百畝之地宮率皆衛君澣水之所也前有方塘曲沼之所後有鮮原峻嶺之奇表以虛堂累榭飾以怪石珍木悅日之賞充其中待賓

之其無求于外庶子王君論德蕭君贊善孫君與  
上臺僚常游焉賢衛君也陶、孟夏杲、初日虛  
幌始闢清風飄然班荆蔭松琴奕詩酒登降靡迤  
規臨貽蕩然、然不知世與我之異矣嗟夫天生  
萬象物貴遠其性君子有屈身以利物後已以先  
人或行道以致時交或劾智以濟用世斯所以有  
貴乎自遠者也朝市丘壑君得中道焉下雍道汗  
智者無益于事山資弗給歸未從每尋幽遠勝何  
遠弗屆一踐茲境杳然忘歸凡我同游皆為智者  
徵文紀事其有意于壬子歲夏五月祠部郎中知

華古齋鈔本

制誥徐鉉籌踏慨嘆之所作

卷之十九終



徐公文集卷第二十

東海徐鉉

百官奏請行聖尊后冊禮表

賀德音表

謝詔撰元宗寔錄表

謝賜莊田表

為蕭給事與楚王書

又代蕭給事與楚王書

復方訥書

答林正字書

谷左僊虞士書

常夢錫行狀

薦虞士陳禹狀

冊秀才文四首

祭文獻太子文

與中書官員祭江學士文

祭韓侍郎文

祭王即中文

祭劉司空文

百官奏請行聖尊后冊禮表

華古齋鈔本

文武百官臣某等言伏奉制旨以聖尊后冊禮奉令  
旨俟百日後上進者仰承嚴命固合遵行但以事有  
未安理須陳奏中謝伏以歷代以來嗣極之主禮之  
大者尊奉上宮倘或正儀未行庶事莫敢先舉所以  
陛下裁膺冊禮即下制書長樂歸尊已先孝禮百司  
承式將撰吉辰及金輅言還六宮即叙惟憂典禮已  
屬稽違遽覩綸言倍聽慈旨在茲麻之次誠極感傷  
然吉凶之儀本無妨碍歷觀前代編考儒臣法度具  
存事体至大况渙汗之澤普及諸侯簡冊之行使當  
相次未修大禮交儉群情伏乞陛下再稟嚴慈俯迴

聰允臣等幸塵有位庶免曠官冒濫晷旒無任云

賀德音表

文武百官某等言伏覩御札崇尚儉約克己庇民節  
省服用去金玉之飾減嬪御屏蔽色供進珍羞製作  
奇巧中禁賜與內門費用並從損廢以緩征徭宸翰  
章明德音流布凡百卿士至于兆民歡呼感動百倍  
常品中賀臣聞文武之政方冊存焉知之非艱行之  
不易故自三代以降繼體之君有師保之訓以制其  
情有諫諍之臣以救其失及其行也猶未臻焉豈有

華古齋鈔本

發自宸衷出于獨斷乾文昭煥至德宏新聳勳四方  
如此之盛者也伏惟陛下重熙撫運下武膺期翼  
小心乾、夕惕庶畏所感人神罔弗和仁明所加細  
大罔弗理然猶方謙訪道虛已求才日照天臨小藏  
海納休唐堯之仁以親九族極虞舜之孝以奉上宮  
率天下之尊以承顏問安舉四海之富以扇枕調膳  
德既充矣化亦孚矣然後卹小民之艱食閔群吏之  
急徵息澤度之征釋公田之禁崇足用之本近取諸  
身致九年之儲無求于外斥靡曼之色咸遂物情除  
珍玩之錫率由舊典去淫巧以急用罷私積以歸公



生人之耳目惟新風俗之澆淳立變先皇帝貽翼子  
之訓垂聖人之資言有所未宣行有所未達陛下奉  
揚先志推而行之數年之間盛美斯倍向若非陛  
下之孝思廣遠無以見先帝之聖作惟哉親乎煥  
乎不可得而名矣昔者成湯用歲旱而罪己周成動  
天威而責躬成能即致時雍永錫繁祉豈若陛下春  
秋方富中外方寧制于幾先行此難事宗社之降  
靈可見邦家之流祚何窮率土之濱孰不幸甚則  
臣向所謂知之非難行之不易陛下既能行之矣臣  
又聞行之甚易終之莫艱願陛下慎而守之則登三

華古齋鈔本

邁五夫何遠耶臣等幸塵班列無補盛明徒慚充位  
之譏但賀蒼生之福措詞有盡順美難周臣等無任  
云

謝詔撰元宗寔錄表

臣鉉伏奉詔諭以元宗皇帝寔錄命臣修撰才微任  
重恩厚責深拜捧然倫若臨冰谷中謝臣聞握圖御  
宇既憲章于在昔創法垂統亦啟佑于後昆然則至  
德無名玄功無迹惟日用而不竭豈淺局之能量是  
以良史之才歷代為重以南董之直而無聞于成編  
如遷固之能而不絕于浮議則知鋪陳王業昭灼皇

圖求之當仁豈易輕授伏惟元宗皇帝紹中興之統承累變之基大孝邁于有虞仁恕逾于漢祖愛人節用得孝文之風重學崇儒有建元之烈東京則光武章明以夏勳立政魏室則太祖陳王以文藻化人保是全功允昭聖德對越上帝敷佑下民二十年間煥終如始陛下嗣膺寶曆欽若大明以累聖之資輔生知之哲導揚休命啟煥昭謀故得畏軒后之神史延王室配文王之祀永奉明堂必將著以丹青播于金石斯為重任宜在鴻儒如臣者章句末流記問微學遭逢之下塵玷司言豈意天鑒不遺宸慈過聽猥加

華古齋鈔本

寵寄及此非才進退莫違任公失次然臣祇事先帝常忝近司冰玉澤以滋深欽皇風而永久報大君之學德誠有愚心剛作者之清塵其如公議戴恩愈極揣分竊驚永識津涯徒知慶躍

謝賜莊田表

右臣伏蒙宸慈念及缺乏特降宣告為置莊田且仍于少府監賜熟米二百石望外之恩莫知所自撫躬拜命終懼且驚伏以臣稟性顛愚觸塗踈幸緣際會早玷清華祿秩之資既為過量吉凶之備皆沐優恩空費栢梁寧禪海岳但以家傳清白族有羈孤雖

君常然慚過下蓋亦闇于世務非敢竊效古人伏惟  
陛下明極燭幽仁深廣覆親加寵論曲軫殊私昔者  
諸葛蔣田不聞君賜孫弘脫粟尚獲時識如臣非才  
何以致此辭讓則有辜憫惻祇受則更覺貪饕徒承  
推食之恩轉積素食之愧乾坤之施無可上酬螻蟻  
之軀惟知畢命

為蕭給事與楚王書

世事推移長途北闕遠離軒砌二十餘年追念生  
平有覩心目伏承大王英謀奮發妙略宏施長驅  
伐叛之師克正尊宗之罪奉天朝之正刻慰全楚

華古齋鈔本

之謳歌成功上簡于帝心惠澤遠敷于疲俗風猷  
所及慶快同深儼早被恩私今通信問欣躍之極  
倍萬長情

又代蕭給事與楚王書

儼聞君子退人忠臣去國舊君有父服之禮交絕無  
惡殺之嫌以義始終古今一也某受性無術闇于事  
機佩師訓以周旋忘時態之險易追維疇昔受遇先  
王國士之知何常暫忘某復曳裾侯館委質府庭松  
楸所依兄弟少長大義若此乃心如何而世事推移  
諫言交構忠信獲罪干戈日尋某雖不才非敢愛死

過君以求名則不忍苟生以失節則不能誠恐叢爾  
之身終為執事之累所以仰冒嚴禁逃還故鄉出晉  
國以悲歌向西河而下泣子鮮去衛非欲立朝梁鴻  
違吳本朝自質光皇帝恩深善貸義極倏懷采卿曲  
之棄妻以荆岑之遺璞遂得服勤州縣歷職朝廷始  
望初心豈將及此但封疆曼隔玉帛不尋奕世君臣  
一朝胡越况三州之父子羨五部之弟兄外覩交朋  
俯慚侵章每春秋代序霜露交零飛江南之群鸞嘶  
城北之朔馬悲興觸緒淚落沾襟自分沒身長懷永  
嘆而天將厭亂人或與能大王以命世之姿允清家

華古齋鈔本

難聖上以左仁之舉大齊橫流車書既同冠蓋相望  
方承大王念幼蘭之逐客哀叢棘之離人煦以恩光  
感之意氣乘軒食肉有若平時始聽音塵猶疑夢寐  
且悲且慄五情無主苟非大人之德不以細故介懷  
則惠好所臻孰能若是某人聞善父母者必推錫類  
之感善兄弟者必廣棠棣之風故能冠功生氏道濟  
天下大王英謀遠略弘量深仁上國仰其嘉猷全楚  
被其渥澤如其昔年事分曾無壘介之嫌今日支離  
合在昭蘊之數况東西一体道路無虞倘蒙閱以懸  
旌全斯大造兄弟子侄并許還朝存者荷二天之恩

沒者釋九泉之恨則生死骨肉未可此量溼肝墮肝  
寧中萬一某以學古為家業以感義為素懷空言虛  
詞且非說客皇天后土寔鑒此心猶覲拭玉張旃或  
從行人之末俸禽執贖重趨典客之傍丹龜獲中微  
願斯畢雖復身填溝壑猶望魂魄如歸攬筆陳詞悲  
來橫集

復方訥書

鉉以疎拙之性頑滯之資削于人曹無足比數然以  
荷先人之業猥踐清貫謂性聖之書頗識通方累朝  
舊恩慚于肌骨至于行道濟物立身揚名報國士之

華古齋鈔本

知成天下之務當不自揆頗常有心故膺耳目之寄  
當津要之路侃然受任不以為憂而與才心違命與  
運背言出而不能悟主身廢而無足救時三年之中  
百艱脩壁干戈擾于內地焯火照于闕庭奔走道路  
容身靡所當此時也苟得耕于南畝齊于下民以斯  
終焉尚為幸也而副君將聖王道漸亨博求遺賢以  
濟多難贊論之任首及非才拜命以來翻自憂愧何  
者儲君踐納荒之重而處于承顏之地有從諫之善  
而立于無過之場徒欲持稊米以寔太倉秉燭火以  
助羲御恐不足以副上德之舉塞故人之望也但當

正身潔己徇公滅私使內不愧于本心外不違于所  
學而已閣下德我太甚期我太深歷陽郡佐白君至  
京辱既手札慶譽優渥最勵殷勤知己之情無過于  
此然此日副君之垂顧乃昔時閣下前席題品之所  
致也緘藏佩服何日忘之今難兵少寧蒸民未泰項  
踵利物斯寔其時閣下高卧已久群望頌懌宣室之  
名在斯不遠勉慎興居以副翹企區區之意運用面  
論不宣某再拜

答林正字書

十二月日復書正字足下辱既長牋詞高旨遠循環

華古齋鈔本

循環捧讀欲罷不能見顧之深良足愧也吾子以老  
成之智蘊救世之心一言悟主俯拾初筮雖位未充  
量然升聞特達超然獨異亦古之所難也推是而往  
其道可知鉉也不才猥廁先達雖識不能見之未兆  
才不能濟之于己形然而振天下之公議舉天下之  
公器推轂後進心無遠莫矣哉不下于昔賢吾子異  
日當知之不妄古今之變安危之勢忽乎微哉未可  
一二以言語盡也謹俟暇日當接餘論聊奉還答伏  
惟鑒悉徐鉉白

答左偃處士書

日月東海徐鉉答拜稽首復書處士足下鉉讀聖人之書探作者之意出處語嘿信非徒然故高卧堯舜之代不為肯時濡足楚漢之際不為趨利嗟夫天下兵起百年于茲立功名取富貴者有之貞苦節安徒步者何寂寞而無聞也愚嘗疑庶耻之風于是乎絕而足下負磊落之氣高清肅之才褐衣韋帶賦詩自怡介然之操其殆庶乎德一人尚未識其所謂惟韓君叔言知之以鉉愛奇好古者也故屢稱足下之行亟誦足下之詩相視欣然以為今猶古也然鉉才名地望遠謝韓君故望廬息心不敢當隱君子之厚

革古齋鈔本

顧足下德我太甚忠然而來咫尺之書則古人之道在其中百篇之詩則作者之序冠其首先以溢美之贈益以謙先之詞發絨收玩不能自己又念昔之隱者消轍物外絕迹時人今足下高蹈如彼自屈若此得非以吾道久否思發憤而振起之子鉉誠淺劣才不足以堪願契素交歲寒然後盛集續當歸納不宣鉉再拜

故朝散大夫守禮部尚書柱國河內縣開國男食邑三百戶賜紫金魚袋常公行狀  
曾祖不仕祖泓邠州宣祿縣令考修成都

府戶曹叅軍京兆府萬年縣洪固鄉曹貴  
里常夢錫字孟國年六十一

公字量坎弘識度宏曠質重有氣博學多聞初舉秀才值世亂不克隨計西州群后互征交辟累為秦隴諸郡判官岐王茂貞據有扶風傳國二世承制除公寶鷄縣令兼監察御史是時京洛屢變幕府驟更公審擇木之所宜乃瞻烏而求止烈祖肇基王業物色異人得公甚喜授大里司直今上初秉機務慎求賢從公寔與烏允寒時望既授禫遷殿中侍御史改禮部員外郎寓直中書與聞機用慎詳敏冠于當時烈

華古齋鈔本

祖深器之擢拜給事中封駁奏議無所顧憚由是始為當塗者所疾今上嗣位恩禮甚優公以發跡之初四海瞻望幾微所慎宜在斯時盡規極言如恐不及于是大忤權貴貶佐池州明年徵為戶部郎中復拜給事中仍充翰林學士知貢舉天子以典司詔命最宜親密乃別置直正院于內庭以先朝選授公為稱職俾以內任專掌是司秋霜之操歲寒不易凡敢言之士皆依賴焉甲辰歲諫臣皆貶公亦罷院事公深惟君臣之義思全進退之禮稍儲伏臘將卜優游又除吏部侍郎領御史臺事上復置文理院為司聰之



寄以公為文理院學士承旨公以椒蘭不雜絳灌方  
隆從容中道守正而已明年以疾固辭乃還戶部尚  
書領商州刺史上以公聞望夙重足以坐鎮雅俗強  
起令知省事而病久不復公私廢失為宰相所劾坐  
貶鏡州上以羸瘵憂之詔留東都以便醫藥踰年小  
愈徵為吏部侍郎翰林學士改禮部尚書戊午歲冬  
十一月方與客談命然而逝主上念藩邸之舊追立  
亮之誠罷朝悲悼贈送優渥以嗣子方幼詔中使監  
護其喪惟公誠純性剛文高學富詞賦典亮而執筆  
甚稀名理精覈而吐論甚簡多識故事洞明政体自

華古齋鈔本

昇中元至保大之初便蕃忝勿有犯無隱門絕私謁  
出則詭詞獨見先覺邈然靡及政先古義而時方  
尚推論舉大体而人爭捷給彼眾我寡故不能克主  
恩方重莫果歸田之心世路未夷竟鬱瘳時之用  
耻為狷介之行以邊礮察之名言伎樂飲醇酒怡然  
自得聊以卒歲款手足之際無呻咄之聲古之達  
者正當此耳至以名法之學獲選立門固非良史之  
才曷託賢人之德庶為寔錄以傳之

此與門

生樹  
丕作

薦履士陳禹狀

右臣伏覩國家博采群才搜揚片善其有上書言事者猶有可取必加甄錄廣納之意遐邇知恩然臣嘗竊觀之率皆淺近至于采取金寶檢權賦租製作舟車斬伐材木巡察閔禁收捕寇攘既利害相參亦虛寔略半食祿者衆成務者稀若乃先王教化之源朝廷刑政之本謂之過濶竟爾寂寞得人之盛未可致也去夏有布衣陳禹詣獻納院上疏獨與衆異其言曰五常之教不立度量之器不均人口江鄉之民存不事之以禮亡不祭之于室斯寔有意于教化而不汨于流俗者也臣于是訪其為人則鄉曲無過延之

華古齋鈔本

與語則靜默寡詞倘使行顧其言才副其識則古之循吏何以踰之顧陛下以親民之職試其為理考績之際自有常科臣忝忝預銓司顧慚則哲謬忘妄論俯伏兢惶謹奏

冊秀才文四首

自三五以還文質迭變百王之法六籍煥然及周室既衰諸侯異政賢俊之士分軌並馳至如管仲霸齊之功商鞅強秦之令申韓之名法孫吳之戰陳李悝則務盡地力墨翟則崇尚節儉此其尤著者也蓋百家之說雖其道不同奉而行之皆足以致理于大大

服膺聖道必盡幽深試論其中孰得周孔之旨可為  
當今之用者悉心極慮以著于篇

夫君者民之表也天下取則焉故慎威儀定其聲  
氣時其冕令審其好惡以此示之未有不化者也  
然而唐堯在上日用而不知聖祖立言親譽者其  
次夫如是則寂然不動淡乎無為使蚩、之民何  
所則象而能革其淳偽驅之仁壽哉舉要立中必  
有其說

昔太公理齊因其俗故報政違而後世強伯禽為魯  
易其俗故報政違而後世弱然則商辛淫虐之風不

華古齋鈔本

不可不去也周家仁學之風化不可不被也修舊者  
未見其遺善之遠革故者豈傷于惟親之義違違之  
效強弱之由願聞嘉言以釋斯惑

肉刑之法明王之制著于周禮垂憲無窮何故三  
苗行之以為虐秦人奉之以為暴漢文除之以為  
仁乎自魏晉以還議論間出理竟不決法竟不行  
豈時運之變有殊將聖賢之才或異願聞歸趣以  
正古風

祭文獻太子文

越惟上天降鑒我李文昭武穆神孫孝子赫矣護訓

昭哉圖史以濟時屯以永千祀恭惟盛烈仰屬尊重  
惟精惟一克長克君有信孚之風以睦公族有孝敬  
之德以奉天經避寵崇讓以正流俗主留分陝以樹  
風教鬼下之政為民慈父平戎之績為國長城聲多  
士之耳目煥萬古之丹青儲帙既正鴻猷允塞雖主  
器而納揆更承顏而養德四海無波百官成式光昭  
興運允谷靈心宗祊之所托者重蒼生之所望者深  
何國步之已衰怨神儀之永沉陽光為之而晝晦萬  
籟為之而哀吟惟恩信之所洽孰憂傷之可任其等  
迹脩三千義深凡百或運自朝廷或仰由推擇或方

華古齋鈔本

列于宮府或嘗陪于賓席分曹著位有先後之差辱  
顧推誠無高卑之別徒歲月以滋深愧涓埃之靡益  
今也徒御分散斬埤聞寂推傷于望苑之前慟絕于  
華池之側寔邦家之不幸豈史臣之空惜嗚呼哀哉  
寢園斯啟遠日將從儼象輅以惟白建鳶旗而旒紅  
聽寂歷以無覩視杳冥而遂空撫躬吊影涕雨歸風  
款寫誠于邊豆庶寫恨于心胸願質天之下降鑑水  
慕之無窮嗚呼哀哉尚饗

與中書官員祭江學士文

維年月日廣平游簡言隴西李昭業清海張縉東海

徐鉉謹以清酌庶羞之奠敬祭于故翰林學士江公  
君章之靈軫、玄造茫、萬有若明若晦為天為壽  
類子不幸仲宣無後豈同槩之能量寔令名之不朽  
惟公之生俊德高名一日十里三頃五城乃邦之彥  
乃時之英藹然其閭存此風教惟公之沒音容倏忽  
二子繼天高堂結髮有女垂髻摧心裂骨門館秋風  
階庭夜月哀絃中來云誰能過問言固陋夙奉光塵  
廟朝之舊豈無他人西垣並入禁署相因二十年中  
心同道親曾無間隙菲或留磷貽業不才依仁仰德  
晚獲同舍因成近戚形忘累遣情深分茲杯酒痛餘

革古齋鈔本

欽光陰一擲豈料飲游遽分今昔綿在三川論交早  
年才力工拙詞場後先與之報償借以騰鶩徒欣  
踐迹敢曰羞有他鄉肯會舊分依然倍成感嘆轉奉  
周旋鉉寔後生幸為同族聯事之好友于之睦以道  
相許以義相勗官路迤邐天涯韻逐千里關山他鄉  
心曲自帝里歸周行並復稅駕未安捨我何速嗚呼  
君章魂游何方非巫陽之可招非祖洲之可望平時  
笑語舊日顛狂何夢覺之不識何悲歡之不常惟四  
友之分義成終天之感傷雖小公之無托豈延陵之  
可忘有敬在御有酒盈觴死生之會終于此堂頌公

如在來為我嘗長歸有痛送淚無行薄奠云畢哀情  
未央嗚呼哀哉尚饗

祭韓侍郎文

維開寶二年太歲庚午九月己亥朔七日乙巳東海  
徐鉉謹以清酌庶羞之奠昭祭于故中書侍郎贈相  
國昌黎韓公之靈天祐下民必生賢人數有治亂道  
或亨屯君子處之全名保真窮不易節達不私身嗚  
呼韓公與道為隣其本也忠其動也仁折而不撓屈  
則能伸懋此成績揚于上庭名聞天下道合明君宜  
若張公上應台星宜如衛武享茲百齡如何不淑與

華古齋鈔本

世同塵域邛遺忠感深紫宸點妻之衾賜從御府季  
子之印佩入泉高知與不知孰無悲辛嗚呼哀哉其  
惟不佞早奉光容傾蓋之交縫綵相從公之知我如  
我知公何義不協何言不從寧悞觸鱗之忤豈防羸  
角之凶先歸後笑無初有終霰雪既消陽光乃融海  
郡山城幾憐煦沐南宮西掖近見搏風豈主恩之可  
報幸吾道之非窮今也歲月逾邁悲歎一空平生氣  
宇夙昔心胸極視聽而無所與造化而冥蒙露泣門  
柳霜凋井桐物感于外悲來自中生曷表德絮酒申  
恭願自魂之降鑿庶丹懇以斯通

祭王即中文

維年月日朝議即行秘書省秘書郎直門下徐鉉謹  
以庶羞之奠昭告于故即中文人之靈惟靈五身行  
已之規理節奉公之節聞于士友著在官司今以啣  
悲豈容繁迭代思傾歲獨奉深知獲承子妻之恩追  
序通家之舊難和二族出入十年情不間于初終義  
寔敦于骨肉去歲天恩舉善右掖登賢幸以王事僅  
同省垣不隔陪侍靡違于旦夕與居常在于見聞雖  
無光益之期且慙因依之望豈謂悲歡迭代光景頃  
史才周旬歲之間命今上御名終天之痛追攀靡及哀慕

華古齋鈔本

何窮嗚呼哀哉昨聞訃之初方當卧病不得親臨易  
菁躬奉遺言徒念淚于漳濱但痛心于夜壑嗚呼哀  
哉家存餘慶念屬帝心有後之期自符公議不孤之  
任豈在他人嗚呼哀哉故國方遠良時未卜王畿未  
寓殯日將臨霧昏而丹旄俄揚日落而德帷蕭索涼  
風助慘行路同悲瞻望靈筵酸辛無地敬陳薄奠少  
道深懷彷彿明靈一賜臨降尚饗

祭劉司空文

惟靈氣稟冲和志推蕙潔白璧蘊字尹之美朱弦含  
清越之音操行純深性克全于天爵襟懷弘遠譽早

輿者集  
播于人龍項自奮迹清朝策名近侍既保後凋之節  
終諧貞退之心道因損而益光名以謙而更著優游  
自得忠孝全歸求之古人我復何愧某等幸承事舊  
况預姻連眷分過私襟期莫逆歷歲時而彌固經夷  
險而不回挹淡水以無厭仰高山而何極今則佳城  
將啟遠日有期光容有隔于重泉賦筆聊申于薄奠  
仰惟貞魄俯鑒丹誠尚饗

卷二十終

華古齋鈔本



徐公文集卷第二十一

東海徐鉉

奉和御製雪

豐登盈尺瑞物象九門深壁照環丹砌梅花滿上  
林茶香偏自得酒力記難禁別有寒郊外銀映  
玉岑

奉和御製打毬

上閑精習涇涇駭玉鏤花鞍錦覆駿金埒無塵初色  
露朱旗向日自生風雷傳畫鼓偏增氣星度飛毬欲  
映空共道宸游因習武凱歌猶似奏平戎

又五言

彩仗映花鶯，春庭散曙烟。  
毳飛皆應手，馬驟不須鞭。  
似樂飄雲外，祥風起日邊。  
籌多不虛發，制勝在機先。

奉和 御製春雨

祁、甘雨正當春，草樹精神一倍新。  
自洒農郊偏長麥，後飄花檻不驚人。  
各隨官仗環青輅，晉逐皇恩下紫宸。  
霖後樓臺更堪望，滿園桃李問松筠。

冬至日奉和 御製

吹律政知寬，迎長物倍安。  
初陽殊勝臘，積雪更依

華古齋鈔本

漫： 寒庭寔羅千品珍，行薦百盤群臣同侍聖。  
不嘆夜

奉和 御製寒食十韻

朝陽散宿烟，登望思悠然。  
善影晴偏暖，雲容晚更鮮。  
共惟時景好，不惜歲華違。  
旋試嬌駝步，新調寶瑟絃。  
宮花紅照耀，御水碧潺湲。  
歌吹清連夜，輜輶麗滿川。  
依林張陸幕，夾道建鞦韆。  
仙樂表天上，祥光起日邊。  
游絲輕舞，芳草綠芊芊。  
聖製如春色，周流編八埏。

奉和 御製歲日

運曆三元正昇平太古同五侯皆輯瑞四海盡占  
風聖政乾行內群生壽域中撞鐘元會罷朗見日  
升東

二七言

正伏臨軒萬國來漢儀周禮盡堪哈光浮雲蓋青龍  
轉香透椒花白獸開慶賜應時均億兆卜年從此數  
京埃群臣共感文明運况是天言誠懋哉

奉和 御製上元燈

幔亭高敞九門前銀箭達、夜漏運明月靜添華燭  
影和風時度御爐烟朱輪綉轂車轂接玉勒金羈馬

華古齋鈔本

首駢一曲雲諒飛聖藻萬方歌咏仰堯天

奉和 御製烟

春晴纖霧映斜陽暮、偏能覆水御濃似慶雲同護  
郁薄如輕素自飛揚橫堤新柳真成画樓對這山正  
好望誰見朝元香案上龍旂交影共騰驤

奉和 御製暑中書懷

浴殿晨開氣象清虛亭金井鏡鑿鳴陰成楊柳千絲  
奈涼入襟懷一扇輕寒水乍沉朱李熟董猶長有好  
風生高樓更梅頻臨望堊並行歌麥隴青

奉和 御製聞早蟬

綠樹陰、愜豫章早蟬清韵遠還收喚回晝夢和宮  
漏引起微涼助麥秋禁柳烟中飛乍覺御溝聲裡聽  
偏出群生逐性哀章悅從此人間不識愁

奉和 御製夏中垂釣

物茂時平日正長翠華停馭昧方塘文竿乍拂圓荷  
動頓尾時翻素葍香唇賞只應從暇豫聖恩寧肯間  
沉翔吞舟自是貪芳餌猶笑成易一面張

奉和 御製殿前松兼以書事

長松修幹列冰明虎盼龍盤氣貌靈風度乍聞琴韻  
巢高初見在儀形枝龍陞戟寒生檻葉帶爐烟翠滿

華古齋鈔本

庭澗底山頭各生植托根爭似在青冥

奉和 御製扇

齊紈新製月輪全蟬雀分明彩翠鮮  
敕賜自符仁主  
竟揚風頂假手中扇暫遮樓日霞光透半掩歌唇寶  
鬢圓一曲春詞精比興好將金石奉雕鐫

奉和 御製棋

制法精微自帶堯勢如天陣布週遭  
沈思迥覺忘千  
慮妙訣終須附六韜急劫未分香印  
匝一枰初滿月  
華高御詞仍許群臣和  
愁殺中山玉兎毫

二

常嫌群藝用心粗不及茶枰出萬途妙似孫吳論上  
策深如夔益讚訂護靜陳玉檻連琴榻容映珠簾對  
酒壺聖智縱橫歸掌握一先終不費多圖

奉和 御製早春

群生遂性得天真陽景無私發秀白堯曆永從新律  
正皇恩散作萬方春華林日麗紅苞拆太液冰消綠  
浪新天意分明故昌運岱宗即看報群神

應 制賞花

上林春暮紫英開組雋成帷蔭玉階艷迥晨光隨步  
武香和輕吹透襟懷生成澤廣時芳茂魚水情通樂

華古齋鈔本

韻諧禁禦年、陪睿賞何時梁甫春燭榮

和陳處士在雍丘見寄

衰薄喜多幸退公誰與閑高人乘興去相望兩程  
間春箔有微雪登樓無遠山清談勝題贈何日杖  
藜還

送易舍人之陳州

尼父淒惶地離情向此偏家貧聊復爾道在肯徒  
然詩景明松雪御山隔水烟三年須赴召莫恋毫  
頭眠

送阮監丞赴餘杭

楊柳依、水岸斜鷓舟東去思無涯坐臨棋局延明  
月行米詩題對落花虛白亭中多宴賞錢塘湖上剡  
烟霞風光到處宜携酒况復餘杭阿姥家

送容州程員外端州吳員外

士生東道義公論重才名美哉雙白壁高價等連城  
昔在南國時折桂常抗衡今為北朝客適藉齊振  
纓連鏡遠炎徵並命典州兵地遠乃寄重無為憚遊  
征俗雜則才難當在通其情投香與還珠前哲有  
遺教君看奏諫者接武趨承明慘袂贈斯言斯言勿  
兒輕

華古齋鈔本

和穎川賈監軍

別離情緒兩難任消遣惟應有醉吟舟、光陰玄鬢  
改勤、書札舊情深涼宵夢寐清淮月永日徘徊玉  
樹陰野在乘軒無所用角巾何日返中林

和清源太保閑居偶懷

朝退閒勞落葉天道心真氣本仙源簾前風月澄秋  
景門外輪蹄任世喧茶罷早寒生北戶酒醒菊黃滿  
西園時人自有思齊者踐迹觀形不在言

又和寄光山徐員外

早年南國日追隨冠蓋晶熒佩陸離匪石心誠徒自

許浮雲踪跡信難知官閒從飲狄頭酒地僻誰同敵  
手棋門館舊恩今更重高齋遙挂謝公詩

和徐秘書

年少支離奈命何悲秋懷舊苦吟多龍泉有氣終難  
掩荆玉無瑕豈憚磨偶會良工收杞梓莫將閒夢挂  
烟蘿他年得路搏風去肯念今朝煦沫麼

送汪處士還黔歛

孤雲野雀任天真乘興游梁又遠秦興盡却歸南國  
去黃山何謝武陵春

和翰長聞西樞副翰隣居夜晏

革古齋鈔本

開筵別有隣居興卜夜應憐禁漏長舊友不期爭命  
駕新姬憑罷剝傳觴香烟結霧籠金鴨燭焰成花照  
杏梁京邑衣冠多勝賞鱸魚爭敢道思鄉

和清源太保寄湖州潘郎中

老大離群一倍愁谿山風物且淹留醒成春酒誰斟  
酌抄得新詩自校讐莫似牧之矜曠達須教子重讓  
風流思門舊分知難忘題取新詩上郡樓

送南華張主簿改縣丞

遠去莊生邑還臨孔父鄉仍聞舊隱處近在武夷  
傍道氣年長儒度風日以先何時看解組歸去事

仙方

和白州錢使君上元夜侍宴

御宴宵陳敞百層君恩芳景而難勝風傳天上九成  
樂月映樓前萬樹燈醉捧玉觴疑夢寐靜臨丹檻似  
飛騰目觀謝守憲中詠自呢瀛洲是滙登

送蘇州梁補缺

軋、朱輪道路長帟丘山下刺春光軍城舊是吳王  
國郡守曾為諫署即祖席咏歌金玉振下車條教惠  
蘭香青雲舊是高飛處三載徘徊亦未妨

和金州錢太保春雨

華古齋鈔本

濛、膏雨達空迷點高圓紋水繞堤柳葉喜如初醉  
舞花房愁似宿粧啼烟籠麥隴連天閣雲映漁舟掠  
岸低燕使解分天子念一篇騷雅懋蒸藜

送高秀才

龍門一上嫌輕進闕塞西游自愛山從嶺春歸林影  
密津橋人靜水聲閒如今正得幽尋興他日青雲不  
易還

送施州單員外

精全百煉始知難何似仙枝兩度攀名遂鳳書歸故  
里身從鳥道入巴山詔宣遠俗皇恩厚惠洽齊民利



刀閨珍重加飡順風土歸來高步七人班

送宣州張員外

故國干戈後憐君得意歸倚霞橫郡閣犀燭照漁  
磯天迥青山遠江平白鳥飛此行同衣錦况是老  
萊衣

和筠州談鍊師見寄

共難崑崗火誰如玉自分寂寞人境外蕭索數峰  
雲真錄終年秘空歌偶得聞應憐霸陵上衰病故  
將軍

送吳郎西使成州

華古齋鈔本

所向皆為道避征豈足辭中華垂盡處別路正秋  
時高閣蘭臺筆閒吟板屋詩良工無棄物珍重載  
寒姿

送下博陳員外

曠望叢臺路飄飄楚塞人琴臺無故舊何計免沾  
巾

送淨道人

北阜與西山前期夢寐間羨師乘興去應擬此生  
閒喬木人誰在鱸魚我未還歸心寄秋水東去日  
潺

鄴都行在和刁秘書見寄

征袍結束從宸游邊上塵清見戍樓柏殿賦詩知是  
幸茂陵多病自堪愁清漳出咽長流恨銅雀荒涼哉  
換秋深羨高眠全道氣姓名應已在丹立

和吳道人見寄

戎服非吾事華纓寄此身謬為金馬客本是釣鄉  
人引領梁園雪揚鞭鞞路塵知師亦多病擁褐待  
陽春

和復州李大保酬筆

處、良工事筆鋒宣毫自昔最稱雄因思南國中箱

華古齋鈔本

學額入蘭臺掌握中委質幸歸駉玉匣格詞曾侍充  
園宮一篇鹿菴真閒暇共仰才多道不窮

送剡員外東遊舊治

百歲猶強健知君即地仙孤飛下華表太息問桑  
田故吏今誰在高名昔共傳伊予亦遺老相送一  
潛然

送王監丞之歷陽

嘆昔曾游屐江邊故郡城青襟空皓首社事似前  
生綠綬君重信華簪我尚榮年衰俱近道莫話別  
離情

送阮歆丞之靜海

聞子東征効遠行，春色黯離魂。中途數棹尋吳苑，西向登樓望海門。鳴合曾嗟經歲謫，靈光空念歸然存。陵遷谷變今如此，為我停驂盡酒樽。

送周員外之達州

之子敷王澤，迤邐蜀棧東。願條有餘力，對酒與誰同。身占賢良籍，家傳道德風。遠民思靜理，即此是陰功。

送長社胡明府

黃綬繫未穩，桂枝香尚新。琴堂寧久次，諫署正求

華古齋鈔本

人皎，涼秋月飄。清路塵元常有遺翰，求作蓬中珍。

送表姪建師歸鄱陽

故鄉未忝世親稀，中表相尋只有師。惆悵離懷向何許，鄱陽湖上葉飛時。

送秘閣周員外知復州

景陽山水舊知名，珍重詩人建隼行。未免簿書勞利刃，肯貪烟月縱高情。楊雄閣下諸生送，陸羽門前百吏迎。聖代群賢皆得路，三年傾首望鵬程。

送爭道人東遊

身服竺乾教心為鄒魯儒觀風遊稷下訪古入中都  
短景程途遠寒原店舍孤東州多俊造能賞碧雲無

送李道士南遊

雲水李道士曾為中貴人倚紈終不戀松蘿白相  
親雲氣蒼梧晚芳華紫蓋春飽瓜老猶繫惆悵望  
行塵

送國子徐博士之靈州

才多造世用學者不違處新詞八詠樓更汎汾陽  
浦行當應列宿且復施甘雨高齋閒坐時清談孰

華古齋鈔本

為位

送錢副使赴陽發運

一杯寒食酒珍重送君行花影恭陽渡春風浚水  
聲泛舟無廢事聘驥有修程應用方無暇何須捨  
別情

寄張階州

儀甫秉忠信神明自來舍絳淮雖不容蠻貊皆從  
化榮名任紛糾道性常閒暇傳語當途人無為芳  
嘆叱

送文懿大師淨公西游

乘興西游誰與同一囊詩稿一枝巾欲把蘆花蓮花  
社却訪南山紫閣峰懷古有時應悵望尋幽何處不  
從容閑中風景常牽夢老卧聞曹轉政慵

奉和武功學士舍人紀贈文懿大師淨公九  
首

舊國荒涼成黍稷故交危晚似琉璃高人獨喜湯師  
在手把新文數道碑

其二

滿卷文章為世重出塵心迹少人同騰、自得修真  
理不管浮生覺夢中

華古齋鈔本

其三

文似春華鋪曉陌思如泉涌注長江詩情道性如無  
夢頻見殘燈照曙窓

其四

縈已心源超世表却緣詩句有時名初聞行業如耆  
宿及見容顏是後生

其五

只有閒情搜景物不將容髻惜流光京華才子多文  
會衆許清詞每擅場

其六

惠遠禪師名素重維摩居士空皆空群公競有詩相  
贈組綉珠璣滿袖中

其七

南朝人物古猶今只恐前身是道林處、徑行常自  
遠不妨談笑不妨吟

其八

往、冥搜宵不寐時、任性晝仍眠高情麗句誰偏  
重聖代詞臣李謫仙

其九

霜髯病叟掩關高禪客相尋有故情每憶江南初識

華古齋鈔本

面至今猶得愛才名


咏史

京服多椎豪游服相追隨青牛中甸車白馬連環羈  
珩珮競照耀紳組奮參差騶鳴行人駐倏若流風馳  
名園不問主下輩輒成嬉秦宮錫雕盤光祿假羽也  
洙儒善為優却郭有名姬坐客應餘論顧盼成恩私  
鹵簿留園門誰何不敢識歸來卧華堂瑣寔承文榻  
武夫堂庭階壁璫攢榮題列燭正晶熒噴香常送遠  
明朝入君門衣侍白玉墀開言迎台旨群公默無為  
乍請考工地亦拜沐下兒吹噓枯槁生指顧千鈞移

回瞻狗名士探介爾可施朱雲折檻去梅福棄官歸  
寂寞揚子雲口吃不能辭著書述聖道徒許俗人嗤  
漢室已久懷往事垂于茲眇然于載下慷慨有餘思

卷二十一終

華古齋鈔本



國家圖書館, NATIONAL CENTRAL LIBRARY, TAIWAN, R.O.C.

徐公文集卷第二十二

東海徐鉉

送曾五館歸寧泉州

常憐客子倦征岐，誰似曾郎得意歸。  
曉鎖石渠封簡冊，手持仙桂拜庭帟。  
舟橫劍浦凌清瀨，馬過猿岩點翠微。  
却笑遼東千歲在，下來空嘆昔人非。

送樂學士知舒州

憶在同安郡，誰知是勝遊。  
仙山常獨往，騷客自忘憂。  
暫別經多難，芳生已白頭。  
羨君驅荷旆，兼得激清流。  
民俗長如古，風光最稱秋。  
短歌聊抒意，為我謝





沙鷗

送煥大卿解官侍親

聖朝無事九卿閒蕩、東門采服還舊日高名齊汲  
鄭今朝至行似曾顏更憐艾鬢垂玄髮猶恨深居遠  
舊山老雀乘軒真自愧徘徊空在稻梁間

代書寄泗州錢侍郎

起部行兩綬煥、刃有餘既為侍中郎又復專城  
君無久恋鈴閣早應還直廬浚川春水滿珍重寄  
艾魚

寄舒州樂學士

華古齋鈔本

皖伯臺前綠樹春吳塘初下碧溪分舊游風景長  
牽夢送羨高齋望白雲

送吳丈使之長安

幕府清資新雨露高陽舊第久塵埃百年遺老知誰  
在應喜遼東雀下來

和譚鍊師見寄

一別高人世事多歸山岐路轉蹉跎定知上藥延衰  
齒每憶玄談養太和任道人生如夢寐也從時態起  
風波錦囊真錄這相許只待聽輪史一過

和錢秘監與邊諫議南宮同直贈答

送上詩題共筆床樽前酒興話高陽心清自覺官曹  
簡院靜先知節候涼南國少年推貴重東堂前輩讓  
賢良好看雙鳳追飛處胡粉新塗紫界牆

送周郎中還司

憶在廬山始識君當時惟擬共眠雲那知身計閱前  
定却向人間逐世紛紫閣峰前欲獨往銀臺門裡難  
離群青囊舊有登真訣莫遣閑人取次聞

太師相公輓歌詞

名廊舊憶漢儲師富貴優游自古稀四序不能違代  
謝九原誰可與同歸精神恍惚騎龍尾功業紛綸在

華古齋鈔本

虎幃惆悵鳴珂洛陽道素車丹旆奉靈衣

其二

風流安石在東山曾許從容妓樂間傾蓋美未能幾  
日逝川東去不知還北邙原上寒雲結鄭國門前曉  
月彎祖奠欲收賓御散滿衣零淚掩衰顏

送贊寧道人歸浙中

古里夫差國高名惠遠師君恩從野逸歸棹逐凌  
澌舊訪雖無念牽懷亦有詩因人過秦望為致李  
斯碑

和元少卿送越僧

塵機息盡一真僧惟有林泉捨未能蓮社故人今暫  
別稽山舊隱與誰登時清豈覺前游改道勝寧辭白  
髮增送羨高齋吟望處孤雲野雀是親朋

代書寄譚鍊師

朱山松桂翠連雲中有清虛小隱君  
家養丹砂存正氣靜披瓊蘊誦真文  
壻虎金石心長在圭組烟霞路  
自分憑仗鄉人傳尺素山前鷺起  
白羊群

送鄭先輩及弟西歸

春晚維山路華光滿翠微憐君持  
却桂歸去著萊衣故國哉人在浮  
生萬事非唯當拭病眼看子九

華古齋鈔本

霄飛

送高先輩南歸

卿國悲前事風光屬後生名從天  
上得身入故都行草色初裁綬鵬  
飛不羨程自憐枯朽思相送剝  
含情

送嚴秀才下第東歸

世胄今為旅多才懶自營坦懷君  
子道惜別故人情歸棹春潮滿郊  
居海月明雄文不輕售須待最  
高名

送周味道秀才東歸見別依韵

庭幃芳夢想孤棹度江關駿馬猶價荆藍且抱還  
晚花紫綠服踈雨映家山頻見春官說明年待鑄  
類論

送曾秀才

淦水神仙宅仙山夾縣栖吾孫好詩句歸咏故鄉  
秋紫竹逸書幌紅蕉拂釣舟東堂有平路莫謁外  
諸侯

寄玉筍山沈道士

珍重江南沈鍊師未曾相識久相思已全真氣能從  
俗不墜風家善賦詩玉筍共游知早晚金貂回顧覺

華古齋鈔本

噫多慚書札送相問更望刀圭換白鬚

和錢秘監旅君秋懷

秘監踈朝謁門前長綠苔未愁玄鬢改且喜素秋來  
獨坐翻棋局閑行繞藥栽涼風入書幌時動水沉  
灰

其二

閒靜無凡客開樽共醉醒琴彈碧玉調書轉太玄經  
酒熟看黃菊詩成寫素屏晚來蕭洒甚小鳥下中  
庭

送元道還水西寺

李白高吟處師歸掩竹閑道心明月靜詩思碧雲  
闌綠樹寒凌雪飛泉响隔山自慚丘壑志皓首不  
知還

送李秀才歸建安

昔聞武夷士皆是帝曾孫李君即其人命舛道常  
存愛子已折桂華組耀閨門吾身可拂衣綠服歸  
丘園捧觴慶北堂共樂不可言清溪環出居遠岫  
橫前軒彈琴咏招隱芳意飄若蘭老夫無此分何  
必於彈冠

和李太保寄刁秘書

華古齋鈔本

名位雖早道自先訟庭無事俗平康簾開尚覺琴林  
暖院靜偏聞酒瓮香養性已知無病染持齋惟恐有  
名彰主人莫訝睽違遠十旬由來有鳳翔

又和刁秘書寄李太保

百里臨民自可憐青雲何必藉階緣家貧聊欲資三  
徑政簡無非草太玄處眾忘懷均物我程才不器任  
方圓江湖相望真堪喜聚散悲歡盡偶然

送坊州賈監軍

聖主欲東封憐君四護戎鄉心經霸岸詩思有邗  
風舊業今成旅朱顏已變翁忘懷一杯酒閑夜與

誰同

送李補缺知韶州

南國求良牧中朝報諫官君恩偏念遠臣節豈辭  
難騎影過梅嶺溪鞍上朝離曲江宜訪古韶石好  
憑欄詩景緣情速民心逐政寬長翁尋舊分爲致  
葛洪丹

送修武鄭主簿糾郡梓潼兼寄王舍人八

韻

杖策辭清洛驅車向梓潼  
才乍展叱馭氣方雄  
暫割趨庭恋將伸糾郡功  
詩情衡岳雪別酒懣

華古齋鈔本

寒風山水秦關外烟花錦里東  
府公名素重語掾道仍同  
坐嘯新知洽隨行舊分適當  
令從此去不復教文翁

和李秀才雪中求酒

雪英飄洒燒虛廊曉景况、朔吹狂  
銀闕晶熒標帝里桂花紛揉認  
仙卿少年風味新吟動老吏襟懷  
萬事忘自倒空樽酬唱絕書帙聊  
得泛寒光

送李著作之濠梁

謝客乘輅去清和景物初  
淮流宜映月濠上好觀  
魚吏事應微撓吟情自有餘  
偏州莫留滯東觀待

軸書

育院鎖宿聞呂員外高麗贈送

聖化今無外征途莫憚賒揚帆莫子國駐節管寧  
家去伴十年在歸途八月槎離情恨華有持此待  
跋麻

代書寄宋州錢大監

衰朽短煩暑慵將病共侵北時企足東望一披襟  
祕監清樽滿平臺綠樹深年來書信少何以慰  
離情

送錢先輩之茂州

華古齋鈔本

子莫東南美未參第一流從容持片玉談笑運前  
籌霸石連雲秀蕙前帶月秋可憐行樂地况從板  
與游

送阮洗馬之全州

望苑迴先馬山城駐使車塗塗值歸雁頻寄北來書  
親登玉堊休十首

吳歌楚舞玉詩新華燈蘭焰動鱗臺前共道明如畫  
醉裡惟愁夜向晨

其二

倚席金爐香正燃銅壺銀箭滿初傳天迴星月送燈

燭風過棧臺度管絃

其三

雙闕重闈夜不闌  
金車寶馬曉應還  
亭、朗月臨瑤  
帝灼、華燈照玉顏

其四

火樹燈山高入雲  
紅筵翠幃自成春  
游女有時還解  
佩青樓何處不留人

其五

帝京風景不曾秋  
萬戶千門夜更游  
玳銀鞍連綉  
較晶熒珠網挂瓊鈎

華古齋鈔本

其六

夜未央明月光  
熒煌九華燭交影  
照歌梁

其七

敲麕誰披倚  
簾歌聲和夜漏  
火樹似花朝

其八

星漢斜梁無涯  
明月十門雪銀  
燈萬樹花

其九

撫雲表吹玉蕭  
艷舞迴羅袂  
香風閃步搖

其十

日照花七香車  
歌舞平陽第  
經過趙李家



和李秀才端午日見寄

角黍菖蒲酒年、舊俗語未衣君自樂白髮我何  
堪靜味瑤華句閒思玉柄談報之長命樓祝慶在  
圖南

送清道人歸西山

常憶漱甘醴洪崖藥臼傍今未眇如夢此景未曾  
忘圭組老無味林泉路更長羨師從此去當著扣  
雲房

送張學赴西川

右蜀分憂輟近臣翩、旒節下青冥單車惟載文檄

華古齋鈔本

石夙駕長先使者車已有清風馳棧道猶酣別酒過  
長亭他年報政徵黃入留取文翁舊典刑

和李宗諤秀才贈劄員外

性僻時難偶神清壽有餘曾施卓魯政

劄累宰劄縣皆有善政

舊講老莊書賤吏襟懷曠貧猶勢利踈聖君將就見  
慎勿買小姑

送德明道人還東林

每憶曾游處東林惠遠房老來情更重師去興何  
長湖曲泉聲咽松深露氣香題詩寄楚老惆悵不  
成章

送馮中允使蜀

莫笑嗒然一老翁百年交分向家同今朝倒屣迎王  
象舊日清談賞阿戎玉壘無辭輅傳送金闕初喜姓  
名通青城山下送仙客為說心丹未報功

送新除國博徐員外知婺州

憐君盡室泛安流職重官新未白頭楚老歡迎歸  
舊里春風留戀過揚州送時肯更嗟庭樹禽咏還  
應上郡樓殿仲文沈隱侯宗堂故人知外少動、書札便  
離愁

送望江張明府

華古齋鈔本

之官別是榮詔許侍親行溫清自為樂烟波不美  
程山留丹灶室俗有故鄉情無使十年後空傳趨  
舍名

送廖舍人江南安撫

上天本愛民治亂當有時傷嗟江表人三災迭擾之  
如何遭盛明不能免流離玉澤限遐遠孰云天聰早  
賢哉廖夫子盡忠不顧私朝聞青蒲奏暮見輅車馳  
愚聞奉使者受命不受辭但使民瘼瘵無憂國賦虧  
貞觀笑割股文侯論治皮學古平生事行、當在茲  
贈言聊執手頷子副心期

送陳使君之同州

太守驅征旆，翻西過閩水。容先臘至，膏雨迎春還。綠樹游沙苑，高樓看華山。從來京輔地，出入盡宗班。

和少元卿雪

朔風飛雪徧，遠天為瑞偏。宜在臘前，有客棹舟將命。友何人，高卧共梅賢。瑤花散亂，紛臨帝玉樹，晶熒爛。滿川閒想，冰容比君子，始知姑射有神仙。

送顧道人還西山

嘗憶洪崖間，穿雲路萬尋。曾經照玄鬢，朱得却朝

華古齋鈔本

舊老去，馳莊蹠年。未有越吟，羨師從此去。舊隱翠微深。

送歷陽方明府

方被召當授京官，辭乞侍親。除歷陽令，歷陽予外氏舊邑。

古縣橫江北，絃歌似武城。善辭金馬召，欣著綠衣行。舊感吳山邑，離愁浚水聲。外門廬在，相送哉重情。

送李著作之漢陽

聞道驅征旆，行至漢陽初。程微雨，齊滿路。落花香遠，宦心常遠。青雲去未妨，惟餘親戚分惆悵。上河梁。

賦二首

牡丹賦

伊牡丹兮灼、其華擢秀暮春交光倚霞其氣則胡  
香楚蘭其麝則湘娥越娃向日爭媚迎風獻爛如  
重錦燦若丹砂京華之地金張之家盤樂縱賞窮侈  
極奢英艷既謝寂寞繁柯無秋寔以登薦有皓本以  
蠲病其為用也寡其見珍也多所由來者舊矣孰能  
過其頽波

感舊賦送鄭毅水西使

兩受威蕤駟壯駿、送子于行闕中陝西惟天道今

華古齋鈔本

回復嗟人事分推移昔百二之形勝今尋常之藩維  
龍池閣道徒處所驪山仙館空在兔豈憐感舊之遺  
老心如灰分髻如絲喜使者之得人美大君之拔奇  
察為政之善否求斯民之痛癢庶吾奮撰鬱澄清之  
志致國風貞觀開元之時



徐公文集卷第二十三

東海徐鉉

重修說文序

韻譜前序

韻譜後序

故兵部侍郎王公集序

文房四譜序

張氏子集序

鄧生詩序

進士廖生集序

國家圖書館 NATIONAL CENTRAL LIBRARY, TAIWAN, R.O.C.

廣陵劉生賦集序

重修說文序

銀青光祿大夫守右散騎常侍上柱國東海縣開國  
子食邑五百戶臣徐鉉奉直郎守秘書省著作郎直  
史館臣白中正翰林書學臣葛湍臣王惟恭等奉  
詔校定許慎說文十四篇并序日一篇凡萬六百餘  
字聖人之旨蓋云脩矣稽夫八卦既畫萬象既明則  
文字為之大輅載籍為之六轡先王教化所以行于  
百代及物之功與造化均不可測也雖復五帝之後  
改易侏體六國之世文字異形然猶得篆籀之跡不失

華古齋鈔本

形類之本及秦苛政散隸肆興便于末俗人競師  
法古文既絕譌偽日滋至漢宣帝時始命諸儒修倉  
頡之法亦不能復故光武時馬援上疏論文字之譌  
謬其言詳矣及和帝時申命賈逵修理舊文于是許  
慎采史籀李斯楊雄之書傳訪通人考之于賈逵作  
說文解字至安帝十五年始奏上之而隸書行之已  
久習之益工加以行草八分紛然間出返以篆籀為  
奇怪之迹不復經心至于六籍舊文相承傳寫多求  
便俗漸失本原爾雅所載草木魚鳥之名肆意增蓋  
不可觀矣諸儒傳釋亦未精究少學之徒莫能矯正

唐大曆中考李冰陽篆迹殊絕獨冠古今自云斯翁  
之後直至小生此言為不妄矣于是刊定說文修正  
筆法學者師慕篆籀中興然頗排斥許氏自為臆說  
夫以師心之見破先儒之祖述豈聖人之意乎今之  
為字學者亦多從冰陽之新義所謂貴耳賤目也自  
唐末喪亂經籍道息 皇宋膺運 二聖繼明人文  
國典燦然先被興崇學校登進群才以為文字者六  
藝之本固當率由古法乃 詔取許慎說文解字精  
加詳校垂萬百代 臣等愚陋敢竭所聞蓋篆書埋替  
為日已久凡傳寫說文者皆非其人故錯亂遺脫不

華古齋鈔本

可盡究今以集書正副本及群臣家藏者脩加詳考  
有許慎注義序例中所載而諸部不見者審知漏落  
悉從補錄復有經典相承傳寫及時俗要用而說文  
不載者承 詔皆附益之以廣篆籀之路示皆形骸  
相從不違六書之義者其間說文具有正體而時俗  
說變者則具于注中其有義理乖舛遺疾六書者並  
序列于後俾夫學者無或致疑大抵此書務援古以  
正今不徇今而違古若乃高文大冊則宜以篆籀若  
之金石至于常行簡牘則草隸足矣又許慎注解詞  
簡義奧不可周知冰陽之後諸儒箋述有可取者亦



從附益猶有未盡則臣等粗為訓釋以成一家之書說文之時未有反切後人附益互有異同孫面唐韻行之已久今並以孫面音切為定庶使學者有所遵從食時而成既異淮南之歟懸金于市曾非呂氏之精塵賈臣聖明君臨冰谷臣等某、謹上

韻譜前序

昔伏羲畫八卦而文字之端見矣倉頡模鳥迹而文字之形立矣史籀作大篆以潤飾之李斯變小篆以簡易之其美至矣及程邈作隸而人競趨者古法一變字

華古齋鈔本

義浸謬先儒許慎患其若此故集雅之學研六書之旨博訪通說考于賈逵九篇作說文解字十五篇六篇而字字書精博莫過于是篆籀之體極于斯而其後賈勳以三倉之書皆為隸字隸字始廣而篆籀轉微後漢及今十有餘歲凡善書者皆草隸焉又隸書之法有刪補補缺之論則其說偽辨可知矣故今字書之數累倍于前夫聖人創制皆有依據不知而作君子慎之及史缺後文格言斯在若乃草木魚鳥形骸相似觸類長之良無窮極苟不折之以古義何足可觀故故重之後玉篇切韻所載習俗雖久要不可施之于篆

文性者李冰陽天縱其能中興斯學贊明許氏煥焉  
發焉法古背俗易為埋微方李許之香僅存于世學  
者殊寡舊章罕存秉筆搦管要資檢閱而偏傍奧密  
不可竟知尋求一字性、終卷力有功倍思得其宜  
舍弟楚全特善小學因命取叔重所託以切韻次之  
較韻區分開卷可觀楚全又集通釋四十篇考先賢  
之微言暢許氏之玄旨正冰陽之新義折流俗之異  
端文字之學善矣盡矣今此書止欲便於檢討無他  
其他故聊存詁訓以為別識其餘數演有通識焉五  
音凡五卷詒諸同志者也

華古齋鈔本

韻譜後序

初韻譜既成庶求餘本改、警校頗有刊正今復承  
詒校定說文更與諸儒精加研覈又得李舟所著切  
韻珠有補益其間有說文不載而見于序例注義者  
必知脫漏並從編錄疑者則以李氏切韻為正殆無  
遺矣前序猶為學者殊寡而今之學者益多家畜數  
本不足以供其求借穎川陳君文顯任當守土寵列  
侍祠習武好文憐才樂善見人為學如己之誨子弟  
焉因取此書刊于人牘使模印流行此之信實省功  
百倍矣噫仁人之用心也因躬自篆福庶祇來命序

之子後以記其由雍熙四年正月序

故兵部侍郎王公集序

君子之道發于身而被于物由于中而極于外其所  
以行之者言也行之所以遠者文也然則文之貴于  
世也尚矣雖復古今異体南北殊風其要在于數王  
澤達下情不悖聖人之道以成天下之務如斯而已  
矣至于格高氣逸詞約義微音韵調暢華采繁縟皆  
其餘力也邠邠王公負英俊之才稟耿介之氣世濟  
其美為時而生道文麗句冠借伸而傑出純誠直道  
歷夷險而安貞故能奮厲羽儀抑揚教寔振清分于

華古齋鈔本

臺閭決仁政于藩垣潤飾典謨銓衡人物主恩時望  
終始不渝載籍所尚何以過此鉉頃歲未自江左會  
公西造三峯客有以拙文示公者大相知賞擊節而  
喜曰此人必能知我及召還京惠然見尋亦以舊文  
為既觀其麗而有氣富而有体學深而不僻調律而  
不浮尋既反覆如回于復生矣由是傾蓋甚歡恨相  
知之晚也是時天子方闡文明之化開俊造之場網  
羅郡才待以不次公則首冠綸閣標表朝倫前達後  
進莫不推仰猶以為古道未盡復已用未盡伸身在  
談宴屢形詞色論者頗以踈競為識愚以為不然夫

夫古之君子莫不汲、于遼時教、于救世汲長孺  
漢之賢卿也而有積薪之嘆李令伯晉之名卿也而  
有中人之詩其所仰憚貴勢豈畏流議緘詞含意從  
容自合者不得已也如公則內無隱情外無飾貌過  
事輒發胸然豁然此真趙魏意氣之士豈為兒女之  
態哉上方注懷而公寢疾十旬既滿即卧內拜兵部  
侍郎其恩禮如此嗚呼流運不停儀表長謝伯牙之  
絃已絕延陵之劍徒懸公平生所為文未嘗編錄至  
是諸緝倣斷簡得二十卷注授故人鉉也不才無足  
延譽善、惡、敢言褒貶之能一死一生相連交朋

華古齋鈔本

之分後之知我者庶斯言之不誣瑞拱二年夏六月  
徐鉉序

文房四譜序

聖人之道天下之務充格上下綿亘古今究之無倪  
酌之不竭是以君子學然後知不足也然則士之處  
世名既成身既泰猶復孜孜、于討論蓋亦鮮矣昔魏  
武帝猶嘆于朱伯業今復見于武功蘇君矣君始以  
世家文行名貢春官天子臨軒考第首冠群彥出入  
敷載翱翔青雲綠衣朱綬光映里閭其美至矣而其  
學益勤不於老成以此為樂退食之室圖書在焉筆

東坡集  
硯低墨餘無長物以此四者為學之所資不可斯  
頃而缺者也由是討其根源紀其故寔參以古今之  
變繼之賦頌之作各從其類次而譜之有條而不紊  
既精且博士有能精此四者則載籍其焉往哉愚亦  
好學者也覽此書而珍之故為文冠于篇首以示諸  
來者

張氏子集序

觀夫賢人君子稟清真之氣應期運而出故生而岐  
嶷幼而敏慧既成而身國士之器既立而為天下之  
用康寧壽考繁衍流祚此其常也君乃秀而不寔仁

華古齋鈔本

而不過聖前所以興百代所以遺恨斯則神明恍惚  
萬化茫昧自古乃爾吾將奈何嗚呼張氏子秀而不  
寔者也子名舟本字叔相今戶部員外郎洎之長子  
也年七歲博覽經史日誦千言十歲能屬文詩賦議  
論成于俄頃十二著禮上下二篇舊君吳王見之而  
嘆曰此子天假之年他日必為國器矣乃至梁京翰  
長李公昉閣長李公穆皆引之登門特加禮過其道  
日以光矣其風儀標格蕭然朗徹觀者謂之玉人予  
甚重之以為四科之後也故改其字師德于時天子  
敦重文學親考英秀海內士子靡然向風咸謂子必

當振鱗附翼一舉凌邁而介然特立淡然貞退求聖  
賢之微旨以養親修心為先復探釋老玄言讀華陽  
諸真經飄然有脫落塵滓之志而况于菜名乎不幸  
羸瘵逾歲遽從天折年十有六諸公聞之無不憫惜  
予以事舊之學鍾情特深故求其遺稿集而為序又  
又常覽前載見古之人如子之人物敏俊詞藻趣尚  
而從茲無祿者皆歎契真錄脫為列仙此乃靈篇奇  
紀非史筆之所當言矣但用遺慈父之追念耳其草  
隸遺迹及他著述皆藏于家此不備述辛巳歲冬十  
月序

華古齋鈔本

鄧生詩序

古人云詩者志之所之也故君子有志于道無位于  
時不得伸于事業乃發而為詩咏南陽鄧君少而從  
吏服勤靡盬時命不偶淹翔未遂養心浩然不以為  
憊遇事造景輒以吟咏自怡悔吝不及終始無累至  
于皓首未見愠容家貧晏然惟詩稿盈篋太原王君  
武陵鍾君好文樂善皆序而伸之愚亦與君有姻故  
復為之述嗟夫士君子樂道自娛貞節沒蓋斯可笑  
悠、世利曾何足云子其聶之無易爾守而子歲秋  
九月丘散騎常侍徐鉉序

進士廖生集序

端拱改元歲春官庀職後造造畢集有廖生者忠然  
及門以文十五軸為贄觀之則博瞻淵奧清新相接  
其名理則師荀孟之流其文訓得四傑之體閱其年  
則既冠矣履晉之功往而未止也詢其爵里則閩方  
茂族組綬變葉善慶之所及也他日與之語則風骨  
清粹識度淹雅咸以為遠大之程何企而致不幸遇  
暴疾數日天子逆旅士君子知與不知莫不為之悲  
嘆嗚呼以生之詞藻俊秀蓋天假之也而促齡早世  
又天奪之也然則神理玄邈聖人猶不復論予當何

華古齋鈔本

言哉會其友生米其遺文著于編簡因為之序以示  
方米夏四月辛卯徐鉉序

廣陵劉生賦集序

楚人孟賁于常謂予言其叔父工為詞賦應舉入洛  
贄文于學士李公琪公為之改定數歲時中書舍人  
姚公洎知舉謂人曰孟生賦李五為改了不煩更看  
也遂擢上第孟還鄉從事郡事亟歷危難唯以李公  
所改文綴于衣中日吾家但存此足矣賁于每自喜  
其家門美事嘆後未之無人今廣陵劉生奮衣衡門  
振藻文圃詞瞻而理勝行潔而言方求己若不足好

問如不及予之名不迨于李公何能發于子乎聊為  
所聞以答子勤學之志冠篇于首以伸我進與之志  
心噫子家貧親老必將圖登龍之舉不暇從冥鴻之  
游文明之世群才畢舉煥重足以全孝靜退足以知  
命此前途之務也子其勉之

卷二十三終

華古齋鈔本



徐公文集卷第二十四

東海徐鉉

送潘湖州序

送刁桐廬序

送高紳之官序

送王遵序

送葉元輔秀才序

送珠詞五首

安金藏画像贊

參政李公真贊



王芝贊

方竹杖贊

筠州三清觀道遠亭銘

虎溪銘

龍山泉銘

晁錯論

伊尹論

出處論

送潘湖序

士君子所以貴于衆庶者以其能理民也理民者莫

華古齋鈔本

若二十石其地廣其勢重仁以字之義以斷之文以行之信以成之于是乎漫游暇豫以平其心遵其和數者缺一則不足以爲良二十石矣吳興名郡新被大化延頸企聳以佇德音以成德之才之道將明主憂勤之旨而頌詔條當下車政成待箴諷咏况蘋洲害溪天下勝絕緩轡縱權嬉游其間發之以詩歌參之以出思名教之樂何以過斯豈惟吳氏歡康固亦我曹企慕閭長隴西公敦義聳善賦詩寵行懷文之士靡不間作視衆君子之詞知成德之爲人矣某辱事奮之尤者是用冠于篇

送刁桐廬序

陶彭澤古之逸民也猶曰聊欲絃歌以為三徑之資是知清真之才高尚其事惟安民利物可以易其志仁之業也元賓長官生鐘鼎之族履綺紈之間懿文敏行角五傑出雲心雀態肅然物外而世祿所及初筮莫從策名蘭臺高直官尚桂兗解綬至于再三終以地連肺腑時屬憂患勉從事出入十年及時移世改自以為獲平昔之志矣而物有萬殊命不我與昔之朱紫盈門今則群從無所死矣昔之金玉滿堂今則簞瓢不常給矣乃慨然曰紫其身而忘其宗得

華古齋鈔本

為孝子于是濯纓清流投迹名路行此高峻泚于桐廬暮春三月飲談都邑傳曰人之所欲天必從之常聞桐廬江浙之勝景也朱張顧陸遺墟適馬王謝任沈舊迹存鳥山水林壑應接不暇夫以天下之廣而首獲此邑非天從子之欲乎將惟新之化撫思乂之俗道在于已事至乃應該接于物全行莫違彈琴咏詩角中蠟履雅是而往所至必安朝市丘壑復何有異他日豈失為東方曼倩離群之思亦宜裁柳埜夏自爰無傲自談

送高紳之官序

高生以俊造之科中聖明之選清秩解褐尹縣南荆  
少年得遂其道光矣復能追步前哲求以言贈惠也  
不佞試為子妄言之親大閭里之民皆能用大之道  
分地之利仰以事父母俯以蓄妻子重生畏法蓋真  
性也其所冒昧詐鳴由吏擾之也吏所以能擾之由  
賦役之煩也賦役之煩由為政者從諛也夫君之與  
下民其勢曠而不接故設守宰以代一人之耳目焉  
爰百里之寄當以百里為己任民之舒慘由乎己  
之廢達存乎大率是道也其何性而不可此老夫平  
生之所守吾子以為河如哉

華古齋鈔本

送江進序

士君子懷適于己有志于時講學以聚之修詞以發  
之不苟且于名譽不陷獲于貧賤見之于江生笑生  
家世從宦知而孤才托迹于詩侯之門主人武夫不  
知其善輕田文之下客棄衛青之舍人迨予季氏司  
貢籍先日將涖職悉出群士所贊文共詳之首舉一  
通乃生之文也相與驚嘆曰此子文甚高而名甚晦  
是必守道寡合者也即與之上第既而主人大慚構  
造誣謗布于用事者由是久不得調予時恭典選事  
抗疏論事始得為嶺隅一尉生亦怡然不以屑意整

歸者集  
佐二邑皆有善教及至天朝復幹郡掾考績稱最遷  
秩新都白髮青袍忠然訪別君子曰士之處世不欺  
閭室不羞小官游心于自得之場措身于無過之地  
以此行天下雖靈詔可也况右蜀之城列仙之都風  
景融和小水奇秀一時之過誰克知之行矣自愛無  
假費詞冬十一月序

送葉元輔秀才序

君子依仁據德讀書為文欲于求己汲于待問  
蓋將以行適濟物勸身存教然而有不滿者為人主  
側席求賢懸科取士味且不類日行忘食蓋將以盡

華古齋鈔本

一國之才成天下之務然而有所遺者焉此古人所  
謂離合之由運命之謂也君子審其若此故退而無  
悶進而不矜豈以無可奈何之命而撓不可奪之志  
聞者愚及諸賢品第首士于南宮其間高等者于數  
年之中登第略盡今所遺者惟葉生而已苟有良田  
何憂晚歲先後之間其與哉何哉葉生若下蕪洲清  
風朗月一時勝賞湖况復故鄉惟恐子青雲之志不  
得嘯傲于其間耳煥夏自愛無假多談己丑歲益夏  
日序

連珠詞五首

背時則棄不必論貴賤之殊適用則珍不必論精粗之異是以淳風既反抵金墜于山林考室已成間況塗于米葬

其二

運不常偶休道者無憂時不常來抱器者無滯是以霜露既降徂來不易其自弓矢載棄童澤不踰其利

其三

道不可權行終則道喪情不可苟合久則情歇是以兵諫愛君、安而忠信已失同舟共濟險、夷而取舍

華古齋鈔本

白珠

其四

先王之道或拙于合變之謀萬乘之權或輕于衆人之力是以時違革命夾齊餓而呂望封運偶愛才降淮強而賈生揚

其五

有用于物雖遠弗遺無功于時雖近猶棄是以搜楠在野見米于良工蒿艾在庭不容于雜凡

安全藏画像贊

心腹腎腸所以為人安公感激合此求仁既已共

亂不絕厥身肩壽高位惟天所親皆爾百世仰之  
魁新

參政李公年二十八真贊

金玉其相君子之容廟堂之器多士攸宗謀先惟隆  
道合雲龍絕景橫驚千霄直上黑頭三公風流宰相  
人共爾瞻惟肖之像

玉芝贊

天地祥和之氣交感化成鍾于人事為仁孝鍾于植  
物為芝英故以孝行感必芝草生以類至也宜君易  
君延慶先君從籍來占臨淮清節孝終日莖其郡君

華古齋鈔本

茹荼泣血廬墓依喪中罔極之哀盡憂居之禮閭里  
率化生植効祥乃有玉芝產于瑩域摧本數十燦然  
叢倚柯條交構玲瓏朗壺椽枝俯映間以葩華雪英  
碧蕊紛敷灼燦客有好事者聞之而來蓋耳目所及  
圖象所紀未始有也予與君寓甚適而熟君伯氏聞  
君家世積善餘慶果生孝子且有奇應以振淳風昔  
天台之琪樹唐昌之玉蕊皆以珍麗見頌詩人比之  
于此曾何足云乃為贊曰

英、玉芝生彼瑩墳柯交離婁楊葩數紛神之應斯  
其意託、瑩帝君子莞然四瀆孝子潔白孝德升聞

撫翼亭衡振衣衡門磊曾爾度以永後昆

方竹杖贊

彼美者竹確乎貞堅峻節無撓虛心体玄用之扶老  
可以窮年所不足者其形乃圓誰謂奇標產于已焚  
削成廉稜挺然端直既方既勁斯為全德會吾素心  
寶爾無極

筠州三清觀道遠亭銘

羽客吳君心馳竊冥興隆道館陟降真靈綽有餘裕  
建茲幽亭下臨曲池甘露清冷環植嘉樹群芳蕊馨  
俯臨長川滄波帶霧前睇似山奇嶂翠橫游者忘歸

華古齋鈔本

居之休寧君子修道物境與并必有福地居為殊庭  
勤行不已可禁層城我聞其風用作斯銘

虎溪銘

遠公晏居虎溪之陽將遊順禮步武有常斯酒我遠  
猛鷲為防其閑不踰其道彌光湯、碧流與名俱長  
咨爾後學鑑之勿忘

龍山泉銘

建康城北有鷄籠山鳥傍帶湖溝却臨後湖未元  
嘉中改為龍山湖曰玄武祀瑞也雷次宗之儒學  
蕭子良之西邸遺踪可識爽氣長留東麓有泉極



清而甘水平不增減道人今隱構精廬于其陽酷愛  
此泉以為靈液因思前作皆有銘贊而此獨缺常欲  
補之無何夕次于松下恍惚若夢見一人玄中素衣  
謂隱曰此泉已有銘矣因徵其文即高吟四句吟罷  
不復見觀其詞意無以加也予聞而異之因篆于石  
其詞曰  
原發石中派分壺外如醴之味與時而在

### 晁錯論

晁因讀李觀所為文見其論晁錯盡忠于漢而袁盎  
以私讐陷之景帝過聽可為王者之羞誠皆然日以

華古齋鈔本

愚觀之則盎之罪一也夫二子者才識度量不相上  
下遭天下初定文帝勵精求理能用善言故盡忠論  
事並獲聽用而皆欲功名在我莫肯急病而讓夷故  
相與為敵非素有父兄之讐也及七國兵起而錯遽  
欲按治袁盎晁知已之計謀其吏不聽而止盎聞之  
而恨遂反譖錯焉然則忘公家而務私怨其罪先在  
錯也夫古之君子為而不有功成而不居付物以能  
任之才故能成可大可久之業今二子冒道家之所  
忌以智能為身榮故終于相惡是知道不可離也如  
是夫

伊尹論

伊尹放太甲論者惡其臣節請試論之太甲在諒陰百官聽于伊尹太甲不者蓋居喪之禮有缺修身之行不周伊尹訓而周念慮不堪繼統故徙于成湯之墓使其親見松柏切感慕之心追思王業知艱難之迹三年之制才終伊尹乃迎歸于亳非謂絕其大位幽之別宮也古之言質故與放逐同文亦猶君臣交相稱朕下告上亦為詔也霍光憂昌邑王淫亂而不敢有異謀田延年盛稱伊尹廢太甲以決大事宗社之故不得已也本非如霍光之廢昌邑也聖人舉

華古齋鈔本

至公于前姦雄躡陳迹于後非聖過也魏晉之後更相傾奪皆引堯舜揖讓為詞亦當不可罪堯舜矣禹天下于益、知天下歸故故不敢當苟天下歸益、則為王亦無愧也如今太甲遂失德天下歸伊尹伊尹復何辭哉惟天下未忘成湯故伊尹復奉太甲固無傷于至公也夫古之有天下者不一身處其憂患而億兆蒙其富壽天下既理則辭之巢由是也天下不理則受之湯武是也後之人徒知從天下以奉其私故比于騎獸不可下步驟之相遠如此豈可一概而論哉

出處論

人之為貴與天地參者也是則有四人為食為民天  
故農為政本工致天下之器用商通天下之有無此  
三人者交相養者也而士人者無所資于人而坐受  
其養何也蓋為之君師而司牧之教其不知卹其不  
足安其情性遂其生成為之立上下之節正長幼之  
序缺一則亂故魯哀公曰信如君不君臣不臣父不  
父子不子雖有粟吾得而食諸是則資三人之最切  
者也故享天下之祿而無愧及世之衰也上之道不  
被于下、之情不達于上億兆困窮無所告訴在位

華古齋鈔本

者鬼不及物徒以富貴為身資君子耻之故逃之而  
隱於陵為農輪南為工弦高為商如此者不可勝數  
是皆 之人也不肯無功而微利故任力而自食  
以免貪冒之罪非其所欲也不得已也而後之人不  
本其意以為高尚之士柱楛軒冕執糠稷位若爾則  
伊臯稷契曷足貴哉或曰伯夷叔齊當文武之世曷  
為棄之而窮處也答曰聖人一致而百慮殊塗而同  
歸天下至大非人所能兼也力之所及擇處一焉當  
是時十亂協心以著翦商之業沛然有餘力矣故夷  
齊不復措意于其間至于正君臣之大節垂百世之

大統則十亂不能兼也故夷齊以是為己任焉方如  
扣馬而諫左右欲兵之太公曰此義士也扶而去之  
夫以夷齊為義則明己之不義矣故歸惡于己以成  
立義之志是太公知夷齊之心也夫積德累仁之聖  
因八百諸侯之心以滅獨夫之紂盛業如此而義士  
猶耻之不食其粟乃知以臣伐君之惡也大矣則後  
之帝王罪未及桀紂諸侯之德未及文武敢有規竊  
者乎故春秋之時周室微弱不絕如綫以桓文之強  
大不敢自用乃糾合諸侯以尊王室則夷齊之功所  
及也迨至秦漢興替之際君子濡足授手之時而南

華古齋鈔本

山四皓隱居自若夫四皓者知漢高之寬仁神武有  
三傑輔之足以安天下無待于己故也及太子之危  
留侯不能止于是棄然而起以救其失君夫出處之  
分高尚之名皆不以屑意功成不有超然而去于時  
有應擢者與四皓俱微應獨不至時人為之語曰南  
山四皓不如淮陽一老彼應生蓋知四皓足以安太  
子無待于己故不出也不然豈獨潔其身乎斯皆大  
人君子至公之舉而淺苟者輕為褒貶不亦傷乎

卷二十四終



徐公文集卷第二十五

東海徐鉉

大宋李公德政碑文

大宋新建上清太平宮碑銘

大宋重修蛾眉山普賢寺碑銘

巫馬大夫碑銘

江州彭澤縣修山觀碑

大宋推誠宣力翊戴功臣金紫光祿大夫檢  
校司徒使持節齊州諸軍事齊州刺史充  
本州防禦使河堤等使閔南兵馬都監兼

御史大夫上柱國隴西郡開國侯食邑一

千九百戶李公德政碑銘

臣聞四岳疇咨帝堯所以先宅惟良共理漢室予以  
隆興然則運曆冥符風雲交感必有則哲之后乃有  
稱職之臣用能遠肅邇安刑清俗富其或久于其道  
課最于時行邊接按部藉其能群史萬民浸其澤流  
芳金石舊典存焉公名漢超其先隴西人因官移籍  
今焉雲中人也柱下史之真源克昌啟後前將軍之  
壯氣不隕其聲世有哲多為名將脩諸前載可以不  
書昔者同光之季莊公失馭公烈考諱霸德定典親

華古齋鈔本

衛力毫乘輿奮不顧身有死無二忠顯于國慶鍾于  
家及公之貴詔贈左監門衛將軍夫人石氏追封本  
縣太君道不虛行沒而可作有後之報斯焉豈誣公  
方幼而孤毅然特立英果之氣出于天姿遠大之期  
志為時用年未弱冠自奮從軍始負羽于魏侯復策  
名于鄆帥有周受命選入禁軍夫忘歸之鏃非違蒙  
無以宣其利絕影之駿非造父無以騁其能

今上當歷試之辰受有征之任妙選比校公首預焉  
上黨之役名書勳藉奏發劓之力起漸陸之程及春  
命有歸飛天在運攀鱗之効捨爵攸先乃掌甸陳式

嚴徵道恩感洽著而七萃知方夙夜惟寅而九重甘  
寐暮歲考績較然可稱

皇上以文武之任中外唯一有和之衆略必著撫俗  
之能有衛社之勤必堪守土之寄越建隆二年拜齊  
州刺史本州防禦使爾乃海岱封圻虛危踵次歷下  
屯兵之地夙表要衝東陵聚衆之鄉素稱恭桀公以  
簡易濟之強明恕已以兼容正身而可象先之以孝  
弟故其民和則爭訟息而囹圄虛矣示之以誠明故  
其民信則賦役充而儲粟寔矣農時不奪故曠土闢  
而生殖滋闢市無征故百貨通而財用足於是舉典

華古齋鈔本

正國容樹門反玷以備制度高閣厚垣以待容使蒸  
肴折俎以晏嘉賓推牛醜酒以享軍旅出于私積無  
以家為近悅而遠懷家至而戶到一年而宿弊革載  
稔而新政行郡縣肅然清嘯而已由是知董戒之用  
可移之于頒條露冕之風可推之于護塞乾德二年  
詔公以本官充閩南兵馬都監坐都南際河間北壤  
守方之要慎衆為難至則遠坵堠審籌全養士如子  
戢軍無私威被風馳亭障山立絕窺邊之虜有狎野  
之農而都郡大事亦皆聽命千里之內若指掌焉二  
職交修七載如一開寶如二年召赴京師大言褒聽



復遣還郡而戍士思慕祇俗像憑故其年冬再為開  
南監穀公負凋僅之氣茲沉厚之謀民已安而政益  
修邊既寧而脩益謹績茂而不伐寵至而若驚君子  
知福祿之攸歸鄙人感惠澤而思報于是條史之屬  
耆艾之徒相與上言願旌不朽且曰任賢使能天子  
之明也計功稱代九王之典也非有理世孰揚頌鼓  
優詔嘉之克遂其請昔者考父脩墻之頌非曰君恩  
當陽沉水之文真成自伐豈與情欣洽令譽升闡播  
樂石于無窮等高山而可仰永惟懿美足煥文明爰  
命下臣勒銘記寔其辭曰

華古齋鈔本

茫、禹迹畫為萬國建侯守立民之極提封且千  
屬城以百惟威惟懷有典有則威懷如何君子時中  
典則伊何三代同風以使則悅以令則從率是古  
道茲惟李公濟水之南東陵之下伏生荒堯盜跖  
狙詐狂嗟我茲恭熟聞道化至魯猶遠尊周靡暇李公  
未思富之教之政先休要物必由儀衣犬無撓晨羊  
不欺歸民影附末俗風移天下雖平四方是守桓  
、虎旅懾爾戎醜藉蕙資是率是糾道合舞十威  
行戴斗郡政即成邊城就清旒、比屋肅、連宮夫  
懷其忠人竭其誠欲報之恩思去頌報明、大臣知

人善使舉必至公義無虛美用建隆場永昭信史  
錫爾介福施于孫子晉稱規首漢紀燕然風流不  
續寥落千年猗與良牧無愧前賢高深自改蘭菊  
常傳

大宋鳳翔府新建上清太平宮碑銘

臣聞洪荒代序太極流形肇判而猶通萬類交馳而  
未別巢居血飲孰知王者之尊物魁神姦尚作生民  
之患于是聖人繼統大化宏開畫八卦而序四時奠  
丘山而分九服衣裳軒冕未章之制以庸勳植飛潛  
性命之宜畢遂高卑既位幽顯既分蒸嘗膏榮致其

華古齋鈔本

恭完宗祝史巫紀其秩攝或觀其道而設教依于人  
而後行通其變而不窮感于物而遂動未始有極無  
得而名其或數偶三災德如二季民懷慈惠帝念疇  
咨必有靈符允歸輿運易著與能之旨傳稱觀政之  
徵史遷之論至哉左氏之書詳矣我國家受命之隆  
如日之升御六氣而平泰階麗大明而照萬國清亂  
畧于百王之季及淳風于遠古之初大瑞呈祥群靈  
受職粵

御曆之元祀有神降于鳳翔府藍屋縣之望仙鄉其  
象其不形其言可紀蓋玄帝之佐命曷強之官聯真

位分于紫微靈職分于井鉞其稱述則儒玄之奧旨  
其敷演則穰禴之嚴科教義之深也則孝友嫺睦之  
行興烏威力之大也則魍魎魑魅之害除矣由是秦  
雍之地尸而祝之

太祖神德皇帝聖智淵深睿謨因心默識方且奉天  
時而答靈心握玄符而齊七政故得

皇猷允塞庶績其迎舞兩間而四隩未同正九伐而  
庶邦承式得遺珠于象罔協吉夢于華胥乃知玄告  
之不誣駿命之如响豈止五車兩騎未為牧野之祥  
赤帝素靈出表芒錫之應而已哉

華古齋鈔本

今皇帝千年應運二聖繼明恢大業而惟新浸深仁  
而累洽如周王之翼、若夏后之政、聖無方先幾  
靡測雲門大度緣六代之昭敷覆下淹中未百家之  
精義酌而不竭者嚮樽之味仰之彌高者垂象文之  
玉澤既流頌敷無斃而復念深獲后義切勤民睿眷  
春臨

皇威電掣大禹會諸侯之地盡入提封宣王逆獫狁  
之鄉率從稽服舉無遺策從不逾時聊存討侯之官  
已載橐鞬之器琮圖之盛也如此珍符之至也如彼  
深惟胎製益驗昭明而豈報未嚴壽宮不度非所以

光敷景况垂示方來者也夫庸、祇、為政之要元  
元本、致理之端蓋神之命受于天、之造始于道  
是用歸誠衆妙訪制昭臺中畫福鄉聿崇仙館緬維  
虛皇之真境參以聖曆之嘉名

詔立上清太平宮于所降之地爾其星分玉井邑時  
金城終南峻極鎮其前渭水清深紀其後鮮原靡迤  
援漢皇訪道之臺佳氣鬱葱對闕令栖真之宅物皆  
茂逐風而罔絕人盡淳和舟輿不用瞻新宮之為狀  
也崇墉燎野倅闕凌空秘殿雲高俯軒楹而轉眩修  
廊絕直步欄宇而中疲極丹青黼藻之工務銳臺壁

華古齋鈔本

璫之飾玉几正御瑤壇在庭 帝座既嚴衆真畢饗  
虎中霞帔之士霓旌絳節之儀空歌洞章揚其音紫  
烟素雲散其彩蹇歎之馭標縹于太虛氤氳之氣元  
被于群有至矣哉元后之德與天地合真人之應將  
富壽并亦何必定邦鄒以卜并禪岱宗而探象者也  
大金石之刻雅頌之興所以示民不佻求啟歆後况  
予尊道貴德廣清淨之風窮神知化超言象之表是  
宜告于太史副在名山爰命下臣式揚丕烈勒石于  
銘曰

上天之載無臭無教恍惚有家氤氳化成寄以神理

發為昭明惟德是輔惟皇作程赫矣元后悠哉遠古  
或有靈既貳昭天祚龜出清洛鳳臨玄扈赤宇興光  
玉書授禹降及商亮造于郟岐天之所啟神亦格思  
姓玉有秩馨香孔儀奕、宗祀子孫保之道德下衰  
質文不復俗限楚夏運遷水木時嘆陵夷民嗟慘毒  
必有真人應圖受錄

皇哉帝宋大極橫流出自蒼震類茲九疇垂衣卷  
領端拱疑疏永言建福式協人謀有煇明靈降從  
玄極致

帝之命親政之德用薦忠信寧惟恭稷藉陋惠蘭帳

華古齋鈔本

非甲乙運鍾二 聖慶洽重先誕數一德奄有八方  
時文載郁戎武惟揚通出受職崇宇儲祥乃卷珍符  
本乎至道肇建仙館是彰玄造前望終南旁瞻豐鎬  
決、平原榮、新朝瑞帟特立秘殿宏闡九華之室  
方丈之基平鏡列闕直為昭回煙炯遡前姑射遠哉  
聖靡不通道無不在靈揚既穆祀典無改福爾蒸黎  
格于四海月刻日珎永垂千載

大宋重修娥眉山普賢寺碑銘 并序

臣聞聖人闡化必有胥附之資賢士膺期必有不朽  
之迹是以顏回默識冠師門于洙泗之濱尹喜受經

應真氣于峭壘之右故得千載之下好學之徒入其國而知其教思其人而愛其樹聖賢相遇有如此焉在昔像教權輿能仁命世綜百重而貫群動歸向如流窮絕國而亘諸天感通若响爰有法王之子來從普勝之方憑翼真乘導揚宗極行人悲之願綜十智之因從我立名斯為上首又慈航既渡慧炬分華乃暨眾真俱乘佛勅乘六牙之瑞獸降右蜀之靈峰將以協井絡之會昌鎮金方之勁氣猶且潛而勿用明而未融暗持摩頂之仁陰臨含生之命故使神嬰青縷肇建國都路開金牛始通華夏沉犀息豢李太守

華古齋鈔本

之玄功嘆酒救災乘而書之妙用郡開學校文翁廣洽于儒風樂播中和四子誕揚于帝德藹爾褒斜之域穆然周漢之民非法力之仗憑豈人謀之獨得其後金人既應白馬斯來神開顯俗之徵家識致誠之所于是祥符煥爛靈變紛綸或則銀色浮空與朝陽而共麗或則瑩光並列將夜魄以供明 聖眾盤旋真容隱見奇踪萬狀不可勝圖瞻之者耳目咸新聞之者身心共肅一方欣願歷代修崇遂于白水之源特建普賢之寺金土交運開闢不常白毫之相存法鼓之音靡絕大以導江遺迹天漢各區必

有道之見歸豈三分之能久

太祖神德皇帝文修內禪武定中區正御揚九伐之威遠俗致七旬之格約蜀王之土貢受劉禪之驛車重鈕坤維還銘劍閣于時

皇風初被行俗尚繁游魂篁竹之間假息荏苒之際匪輕刑之可禁顧先甲以徒勤金地寶坊浸成藪澤油衣瓦褐漸致流離妖禽既就于焚巢紺宇終悲于聞戶雖復葺其撓棟繕彼坑垣而陞序猶早基高未廣

尊歸皇帝長君嗣統二聖重熙覆物以如天廓昏而

華古齋鈔本

比日聿修成業欽若靈心尺書徵懷德之君折蕪定畏威之地盡炎洲而極玄朔尉侯徒存亘日域而決流沙車書莫二然後勝殘去教反朴斷雕包干戈以虎皮鑄劍戟為農器定大度雲門之樂舉庵中櫻下之儀慈惠仁董時和俗阜天地應而慶雲甘醴律呂調而玉燭景風猶復成而不若勤則有能一游一豫表上度之惟常必躬必親亦度庶民之有望

鹿樞冰霜之盛誠

皇綱畢舉睿思彌精以為象外微言無生妙理修于心則圓通無滯被于物則福應未臻足以助王道之

和平致蒼生于仁壽而申明  
詔歷選精廬惟此峨眉獨標殊勝天真人皇論道之  
地楚狂接輿隱景之鄉二江雙流洪源奔注沱潛之  
川回環暖岳玉壘銅梁岷嶓之阻况禪杖擢秀來自  
祇園法海餘波別疏定水慈氏所鄉疇能發之亟哉  
聖謨符此玄覽五年春申

命中使率將梓人伐石于他山下瓌材于邃谷或  
子未而肆力或神運以標奇模制度于鸞岬極莊嚴  
于花界耽、正殿翼、飛甍玉梵丹楹金鋪瑣闥洞  
戶愔陰陽之候中宸變寒暑之威揭以瑞帟繞之周

華古齋鈔本

塵鑄洪鐘之萬石貫猛簷之十鈞桀孽凌空鑑旬震  
野其後則層樞入漢飛陛連雲彩檻離婁冠餘霞而  
上出璇題均璫綴列宿以旁迴神明之臺不足以語  
其高天梁之言不足以於其麗燦金為宇萬大藏之  
經秘于上逾五百函乾銅為像擬普賢之容設于下  
高二十人味其文則如來之宗旨可得而觀禮其相  
則菩薩之威神于是乎在將使三蜀之地一切有情  
皆冲氣以含和盡草凡而成聖則知大雄之教漸于  
世也深焉

元后之仁利于民也至矣昔者軒皇訪道歷襄野以



猶述漢帝祈年拜竹宮而無得恭惟盛美允屬  
皇猷若夫事以頌宣言以文遠作而不記後嗣何觀  
爰

命下臣式旌不朽其銘曰

允矣象教洪惟法王如何不竭比日同光有情新應  
無遠弗彰化自八國教馳萬方爰有大賢是稱達者  
異境齊致同教協雅聞道莫逆瞻顏不捨乃演真乘  
未儀東夏娥眉之阻群帝之庭作因作鎮栖真宅靈  
普賢至止潛耀千齡爾未我覩我疇爾形徑教既享  
神明乃作瑞相顯海圓光敷霍萬變凌嶠百靈溢聲

華古齋鈔本

信士歸依與人駭愕崇、梵宇于此宏開時遭未運  
數偶三災焚如魯廟傾若齊臺淳風必復

聖日斯迴赫矣

皇圖亟哉二

聖混一區宇受天明命與物皆春得人為盛式序九  
疇迭修三止

皇帝曰咨、爾西人助我神化共歸正真為爾祈福  
轉茲法輪禪林則舊寔剎惟新秘殿耽、高門奕、  
修廊四注層樓百級尊經聖像金文寶質妙善周圍  
福釐繁錫乾光俯燭慧炬朝暉同開壽域共闡重昏

龜珉之伍杜宇之魂來是妙果俱登法門明一夫君  
照臨下土墜典咸修靡神不舉彼都人士或歌且舞  
揭此豈碑永傳終古

亞馬大夫碑銘

大夫與忘子賤俱事仲尼迭宰單父宓子恢上聖之  
道舉任賢之明故有鳴琴之化大夫勤以繼德身親  
其勞故有戴星之明從歸師則同行道則背其故何  
哉夫天下至大也萬物至衆也至大者不可以一概  
量至衆者不可以一術治故君子出處語默在仲變  
化一致而百慮同歸而殊塗其要在存至公于百代

華古齋鈔本

不私榮名于其身而已若夫上德無為玄功不宰知  
人則哲付物以能功成身泰神全理勝與夫勞身焦  
思矐瘠胼胝勝負之間較然可見狗名之士皆奔走  
之則將有智小而謀大行適而志遠推是以往天下  
必有受其變者子期知之故就而為其節制並分聖  
人之休以極萬物之變動伯禹之力師文王之勤夙  
興夜寐不遑啟處仲尼識其志故譽子賤而不識子  
期以此防民而西晉王夷甫之徒猶祖尚虛浮望空  
署白以亂天下則子期之慮不亦遠哉夫君子道積  
于躬惠加于物事至而慮時動則隨功之豈約視事

之細大力之勞逸像時之險易致理而已何常之有  
焉舉成績而較優劣難與言智矣決、舊國籍、遺  
芳舊俗不偷頌報未泯行太守事彭城劉君名察望  
高持憲寄重頒條以師古之學舉時中之政訟庭蓋  
簡祀典成修永懷前賢願紀貞石銘也不佞承命為  
文其銘曰

烈、先聖先、衆賢升堂入室体道同玄其用無方  
萬化齊焉其教無窮百世賴焉文王既勤大禹盡力  
英、子期服芳繼德夙興夜寐自強不息苟利于後  
惟變所適李世道薄務華喪真居簡行簡不躬不親

華古齋鈔本

亂由是生俗以之淪思我子期亡已為人謔言舊鄉  
魯道之首邈哉二賢左右先後同焉皆得通則能久  
千齡旦暮敢告邦首

江州彭澤縣修山觀碑

混元資始玄造權輿道以久而化成模既散而為器  
聖人在位修之于天下則有明堂清廟表訓民事神  
之方賢者貞遁修之于其身則有名山福地焉朝真  
降靈之所小大則異矣宋致惟均江州彭澤縣有修山  
焉瞰天險而高標抗廬峰而特立氣雄而勢聳翠積  
而光寒峻屹深岩風雲蓄洩茂林蔚谷材用蕃滋游

居之所走望真隱之所栖息考諸圖謀昔靜節先王  
游憩之地也杉松交影猶懷種柳之風山水清音尚  
想素琴之意遺德所及仙祠以興梁大同元年有白  
曲道士尉文光靈氣夙成陰功將滿遐擇勝地以恢  
妙門聿來此山益廣基構制度無缺標題載光起二  
年封君白曰登晨舉邑咸親人民未改魏故載運寬  
衣則殊在貌如故稅駕之地甘棠永存故今有討駕  
池焉而山中丹竈香爐松壇石室儼然奇迹君奉晏  
君歷代嚴恭有如旦暮吾狄梁公履虎不吟絃歌此  
邦企仰仙游重加崇飾又塑高宗大帝聖像以仲送

華古齋鈔本

往之誠朔望朝拜不失常禮復以錢五十萬為致因  
園尉廩所資至今猶賴李唐之世臨川宋震未為邑  
宰極地得藥易藥合用建尉真人之室于東序設像  
以奉之秩滿還御遂入麻姑山為道士是知清心冥  
契玄鑑孔昭青天白日孰云其遠道士謝又能早參  
真籙夙負時名開館重場脩常踐歷空談秘訣老詣  
精微克享修齡言歸廬岳郡侯敦請付以修山闡教  
之心勤行匪懈棟宇之制日以增嚴端帟吃其亨隆  
周廡粉其回合煥然蒸僧高齋深清澄之氣攸充  
汗漫之游斯在戊寅歲謝君解化弟子王有昂繼之

金石之刻金曰其宜鉉也欽羨真猷因為之頌其詞  
曰

大道混成修之乃真必有勝境以居異人而楚之域  
玄風所臻邈哉修山栖靈降神陶令高石射師仙鄉  
狄公元王橋、三賢十祀齊教是相是宅載徑載營  
疏此翠嶽列為殊庭響像玄圃規模赤城瞻之者肅  
慶之者寧心之所至道豈虛行刊名翠琰永告諸生

卷二十五終

華古齋鈔本

徐公文集卷第二十六

東海徐鉉

揚州新建崇道宮碑銘

洪州奉新縣重建閨業觀碑銘

洪州西山重建應聖宮碑銘

驍山靈泉觀碑銘

洪州延慶寺碑銘

揚州新建崇道宮碑銘 并序

有天地然後有萬物有萬物然後有君臣有君臣然後有教化教之大者當由其本則大道是已夫道積

積乎中動合于真故能舉堯舜周孔之法奮禮樂刑  
政之用若道不在焉而守其遺廬則在周于是棟樑  
仁義翰鬪于是槽柏古書矣夫孝本同心而宗廟盥  
盪所以致孝也道本動行而宮館壇墀所以尊道  
也為政者有能原聖人之旨以垂憲崇列真之宇  
以為誠其殆庶乎廣陵大藩四海都會制度之盛  
雄視諸侯土德既微三災斯御今上井邑屢變城郭  
僅存

皇宋膺圖史造區夏雖天寔輔德亦世而後仁  
今上嗣位之六年

華古齋鈔本

詔太常博士孫君邁佐理斯郡君服膺古訓得意玄  
閔以為教之不興民將安仰于是相奩噬之地即清  
曠之墟創朝修之宮奉玄元之御當崇墉之左次俯  
合甍之東涯出俸錢以易置運心匠以經度班倅方  
集畚鍤既興未及僨功移典秋浦同敬之應千里非  
遠太子右贊善大夫潘君若負儒雅之才韞恬淡之  
量允膺朝選代撫斯民庶政交修能事畢舉惟茲聖  
宇既有成規于是揆日庇徒克終懿績若乃殿堂陞  
楹之制閤閣果臝之列或躊躇而閒宴或窈窕而曼  
延睥睨肅穆伏衛紛繹搖太霄之佩植紫苑之節樹

洞陰之磬扣豐山之鐘欲若經閩風而歷琳房飄如  
排玄雲而挹丹霞風亭月觀之地紫氣浮空歌臺舞  
閣之基芝英擢秀學者假筌蹄而有得游者甘樂餌  
而斯留焉然福鄉丕變浮俗既畢雲構乃揚  
王庭有

詔賜名曰崇道大矣哉

聖主在上墜典咸修自成喂囁之區何假崆峒之間  
是宜刻于樂石紀在方書某也素為道氏常學史氏  
以文見為所不獲辭銘曰

大哉道源湛然常在其質無象其功不宰君子得之

華古齋鈔本

勤行不怠勤行伊何啟煥重塲乃闢隙地築乃宮墻  
我、高門屹、崇堂祀事孔明玄儀載光淮海惟揚  
九州之隩敎氏伊何富庶而敎夫仰靈構人知至道  
咨爾三方是則是效崑岡北峙刊水南通  
聖日麗天真氣盤空煇、煌、魂、熊、道氏作頌  
永播  
皇風

洪州奉州縣重建闡業觀碑銘 并序

道之為体也大、則眾無不容道之為用也柔、則  
物莫與校南方之強也故冲氣之所萃異人之所生



增館之所宅景福之所興相乎域中南楚為盛先聖  
之論豈誣也哉洪州奉新縣閨業觀者按方志西晉  
邑人劉真君之故居也真君字道誠以經明行修仕  
至刺史郡守金行不競仁獸非時知幾之賢有道之  
士卷懷而退修之于鄉玄德陰功昭受靈既故真君  
辭張邠之祿追茅許之風單車還家勤行不息以永  
嘉二年八月十五日舉族上昇謁爾福鄉依然舊址  
錦帷乍降玉馬長留後學仰瞻若仲尼之闕道民思  
慕如召伯之甘棠梁大同元年乃建為觀爾其豫章  
垂蔭洪井儲靈華林蒼翠當其陽西水清冷環其域

華古齋鈔本

煙霞韜映竹樹青蔥雖然人境之區自是仙游之地  
載祀四百朝市三移封之間英靈不泯鹿巾霞帔之  
士往、莫升縉紳遊振之流時、傑出存諸舊史是  
歸名都上德既微群方構難城有覆隍之患家有撓  
棟之凶乃春殊庭俄悲聞戶而瓊蘊之所秘霜鐘之  
所懸峙爾麗譙儼然對峙有道門都監余守貞者剪  
除宿莽草創精廬苦節忘形五十餘載修心以化俗  
傳法以度人入室弟子龔紹元吳紹甄皆能肅奉真  
科祇稟遺訓惟鄉人之善知歲計之有餘高士胡君  
名仲堯延慶晉櫻息机丘壑師黃老之術以虛方寸

躬曾閱之行以睦閨門博施濟衆斯謂智 以為  
集靈之館祈福之場陋而不度民將安仰于是檢時  
屬役即舊謀新詢謀僉同既信威在增湫下為奕壇  
易早室為崇構棟宇之設則因大故基制度之中則  
考于經法凡殿堂門闕屋室廚廩延袤周備殆且百  
區三尊衆真羽儀侍衛精嚴肅睦不可為狀復瑞帟  
造廣庭恍然如從汗漫之游即瑤階瞻玉座竦然若  
未武夷之會既而息徒已事日吉辰良明祀以告成  
功精意以答真佑舉紫旄之節搖太霄之佩然九華  
之燭奉空洞之章星斗迴光烟雲改色青天白石夫

華古齋鈔本

豈遠哉于時胡君以嫺睦之行慈惠之澤里閭稱舉  
郡國拜聞

詔書褒美特加旌表揭以雙闕蜀其進香江楚之間  
以為盛事是知玄風之被俗

聖政之化人變魯至道見于今矣夫如是則可以傳  
芳金石垂裕昆雲俾予好道之徒益勵齊賢之志云  
爾其銘曰

大道無名得之為真橋、劉君如哉其神遊爾侯社  
上為帝賓維梓之地甘棠之人峙此仙祠章江之瀛  
華衣未歸桑田已改舊井誰深高臺尚在不見芝英

猶芳蘭蒞佳氣鬱葱如將有待徒羨胡君州閭之英  
世味適肥家傳義毅歸誠玉闕奉誓金籙易此頡構  
化為珠庭乃春福鄉寔維南楚閔館相望馳輪交午  
真圖祕錄惟仁是與刻石貞珉永歸終古

洪州西山重建應聖宮碑銘 并序

先儒有言曰山者宣也宣氣生萬物者也然則崇岳  
巨鎮蓋氣之雄者也其間靈峰奇岫又氣之粹者也  
是故帝以會昌神以建福感而生聖賢宅而為洞天  
奇怪恍惚非尋常所能測已西山者作鎮荆楚雄視  
衡正勢靡迤而崇高氣清虛而和暢動植滋茂樵隱

華古齋鈔本

安閒物軌之洪崖先生所居于此洪井之右澗水之  
濱喬木森羅古壇猶在長阜回抱是謂鸞岡北隅特  
高仍有伏龍之跡唐乾元初山人申太芝上言其地  
有異氣

詔于此立應聖文宮抗玄元正殿于其前塑

肅宗聖容于其上煇垣觀闕仰法于紫宮路門納陛  
取規于丹禁光靈煥爛薦獻精嚴上士勤行守臣位  
職 杖之盛莫之與京廣明已還三災在運望拜之  
地鼓而莫修遠東之在已還律縣之人已老甲辰歲  
有道士王守玄者嶺山仙裔茅嶺名流受命藩侯未

晉道任剪荆棘于高閣之址構茅茨于陸棟之基不出焦光之廬自化庚桑之俗善言彌遠馴致其功二十許年克甄舊制入室弟子劉得淳氣冲貌肅節古行高俗恭以居次謙和以接物既嗣其業遂成厥終又十餘年締造云畢凡內外殿宇百有餘區材用良善工藝堅密其藻飾也不踰奢儉之節其廣袤也足展朝修之儀祕致深巖靈壇博敞辟容穆若列侍參然鐘磬在懸芬芳具薦燦旭景于軒檻延夕月于堯題蕭寥空洞之音希夷颺歎之御遊哉真境無得而名鉉在弱齡服膺至道先君頃參戎乘常值斯邦依

華古齋鈔本

然棠樹之人自是桐鄉之邑乃以庚申歲遷奉松楸卜兆于鸞岡之陽敢言折臂之祥願占維桑之地明年復以

王事再至山中祠虛皇于游帷之宮投龍簡于天寶之洞所經靈迹寔契幽尋又是山有寶光初至之夕即見于中窅之上下至山麓倏忽聚散狀如野燎而精明眩目不可正視洞中有盤石、有三藥曰端午日未曙前常有擣藥之迹餘序在焉水流至此甘香如蜜取以灌漱心府莹然斯皆載于舊經親所履視者也此山登晨之士接武焉洪崖焉之冠列仙之墟

連屬而洪井為之宗然則閩風玄圃之在人間者也宜其篆刻金石永齊亨壤鄙儒不佞敢為作銘  
銘曰

江之右楚之區峙靈岳為仙都洪井高崑岡陽建清宮應真符登而興神之扶宮既成道既行校三官朝百靈集景福薦

皇明復淳化遂嘉生億萬年流頌報

號山靈泉觀銘

蓋聞遠古洪荒既表大庭之車皇猷炳煥亦尊軒后之臺是知聖哲相用比千年于旦暮質文迭用歷三

華古齋鈔本

正以循環斯之謂至公斯之謂不朽頌教所作冊府存焉若乃天地絪縕陰陽孕毓神阜天府莫為王者之舌靈液甘泉出奉聖人之用丹甕不炊而自熟溫谷不焚而自然神妙無方所以存而勿論蕩襄難老所以酌而不竭胡夫西都舊園東井垂芒於南太乙寫其精洪河清渭均其潤湛然神井冠此崇山據九州之膏腴備萬衆之湯沐固可以蹄筌衆壑吠滄百川猗歟無得而稱已在昔唐之方有德也粟金壺之道訓交羊角之禎符奄四海而為家綿六葉而愈盛教宗玄默心寄竊冥卷領恬澹哉致華胥之俗鳴鳶

再節常從汗漫之期與馬之音朝行而夕至玉帛之  
會天動而雲臻孝惟奉先仁不忘本乃于山之北址  
建華清之宮玄元之御當陽而玉臺五聖之像列侍  
而星環別館離宮連甍接棟朝元長生祀其躋霓裳  
羽衣播其報至誠所通化假來應太平之運五十斯  
年三代以來未始有也及夏庭北暮戲水擬災因室  
之亂雖平厭世之游遂往金臺露掌但有餘基樂水  
雲謠聊無嗣响而巍然真宇儼若清都同光中初殄  
國讐永懷舊物載齋戒制肅奉玄科因改命曰靈泉  
之觀芝泥龍簡時修精禱之儀錦雲鳳羅歲度勤行

華古齋鈔本

之士是知豐功盛業將歷運以有遠道捷玄閱與虛  
元而共久累朝宣奉五絕于茲素雲紫氣以常潔白  
崔青牛而狎至國家朱光繼統綠字膺圖受白環于  
崑山得玄珠于赤水雖三奉父老猶牽望幸之心而  
九服茲恭重觀闋元之日信皇天之輔德諒百祿之  
咸宜道士武又玄冲氣內充仙才外挺紀綱道任啟  
煥靈場薦享惟嚴羽儀若舊琳房浴殿如清暉之時  
巡降節朱福想舟輿之下降幢、御路奕、宮牆或  
乘輅建節之賓或觀藝探書之客陟瑤壇而增肅瞻  
玉座以長懷蓋仁風之所被者深故遺德之所加者

遠是宜播為雅頌告于神明敢搗紫素之文恭鏤苔  
華之玉其辭曰

天地之氣宣以名山陰陽之英馳為溫泉聖人用之  
益壽延年同出于道同謂之玄妙矣伊唐蒸哉六葉  
河圖帝錄鴻勳大業大秋孔明真符爰接靈蓋亭、  
芝房輝、歸功

聖祖過享清宮周垣繚野及宇凌空孝思不墮道德  
惟公希夷有象盼靈宣通教有推移世分今昔此爾  
雲構依然聖迹蕩、修林易、神夜倍物莊嚴百祥  
繫錫至哉欽德教此坤珍配靈上藥薦祉真人冥升

華古齋鈔本

自遠遺烈長新思玄之老頌德之臣冥懷靡所用勒  
貞珉

洪州延慶寺碑銘

蓋夫名區勝境真靈之所徘徊通邑大都游若之所  
走望故其府朝之制度里閭之延袤宮廟壇墀之肅  
禮禮薦享之嚴無不及焉必可觀也豫章古郡通楚  
要津萬靈所宗百寶攸集龍劍之氣炳耀于列星金  
冶之精騰光于峻岬飛錦帷于仙館植鐵柱于重陰  
方志所傳奇踪可見而故老復言

晉元帝既即位之歲郡人有耕于東湖之良隅者獲

佛像焉其高三尺其狀殊異守臣上啟

詔立寺以慶之自是歲紀迭更薦無奉絕至唐大和三年

文宗皇帝以夢寐通感特

詔修崇有僧普願者率勸衆力創造飛閣極高明之制盡臨觀之室瞻仰之徒勝賞仍在會昌沙汰旋更殘夷時有寺主僧神確躬奉瑞容瘞于堂下大中改削將復修完像遂埋沉求不可得而靈迹所在群心未忘咸通二年建師嚴謨表請重建因紀誕聖之節署為延慶之寺子未之力靈構如初廣明中巢寇亂

華古齋鈔本

常群盜蜂起三災所及寺復焚如光啟二年廉使王師甫即其故基又加營繕自時歛後百載于茲市朝倏更興廢不及名人上士增飾相因國家命有寰宇普恢教法人識修心之旨家懷祈福之誠此邦之人素多尚信十里之地類致豐穰戶有餘資家多暇日監寺僧智清勤行其道時有其庸推誠以化人節用以戒務峻其卑卑俾其傾頽改作正殿及廊廡共七間踈檻廣廈雕甍藻梲窻洞戶珠網金鋪塞產鴻紛深沉煥爛鼓政恪矣能事畢矣觀其康莊旁達閭分綺位西則崇山隱天烟霞韜映于其上前則平湖



摘望魚鳥翔泳于其中雖復觀雉接連車馬回合  
蕭然人外自遠世紛信于栖息之場習靜之地也  
僧契緣攝贊其事不朽是圖伐石為碑以文求我  
銘曰

至哉玄覽妙矣坤珍疑為異像以佑斯民靈心所  
格精舍攸因其神或隱其迹寧淪廢興在運故煥  
由人有美清師勤行其道彼都人士服義承教率  
是衆力完斯廟貌秘致亨隆層軒竊窅勝事精嚴  
丹誠至到名山雄、大江溶、丘侯之國十里之  
封靈場隱軫通氣明融神明所相有感必通刊石

華古齋鈔本

法宇永播無窮

卷二十六終



徐公文集卷第二十七

東海徐鉉

洪州西山翠巖廣化院故澄源禪師碑銘

大宋舒州龍門山乾明禪院碑銘

大宋故天雄軍節度行軍司馬易府君神道碑


銘

故唐大理司直鄂州漢陽令贈衛尉少卿樊公

神道碑

洪州豐城縣李司空廟碣文

洪州道正倪君碣文



洪州西山翠巖廣化院故登源禪師碑銘

聖人設法賢者學之有能極深研哉剖疑祈帶不背  
本以矯激不治波而流宕世人宗俯時君褒異斯可  
以為君子矣禪師名無斂姓吳氏連江人也昔太伯  
瘦讓肇啟南藩至德所及流光百代子孫蕃衍吳越  
為多主今為著姓烏累世隱德鄉曲推重道氣鍾粹  
而生禪師幼異常童不染俗態年七歲從普安雪峯  
真覺禪師默識微盡得要旨而復博考徃行幽尋勝  
迹江浙諸郡靡不徑游先達推稱後生請益結轍連  
袂虛徃寔歸禪師以道貴冲周性復虛靜所止之處

華古齋鈔本

學徒數千人輒復捨去晚歲止廬陵之禾山其名益  
彰李唐先主召見之特加禮遇俾居廬陵之祥光院  
嗣君踐祚優禮有加賜號登源禪師命移處豫章之  
上藍西山之翠巖院是皆都邑之勝槩高人之游集  
自非宏行淳德不能群情師送后之綽有餘裕雖身  
在岩谷而恩注帷宸存省問遺使者相望享壽七十  
有七建隆元年春二月五日終于翠巖院甘露被樹  
數日不晞皓窟盤空三周而去門弟子用西域之禮  
葬于縣之吳隅封于其上恩旨褒飾名其丘曰大醫  
道俗孺慕會其葬者萬數鉉也趨舍異術敬塵致賤

于時釋氏方盛師門互啟嘗侍嗣君晏語從容上言  
曰古稱千里一賢、猶比肩也今歸長者十數無  
乃多于嗣君深以為然因曰唯登原禪師其殆庶矣  
無幾何以家門請禮請告至山會歸已沒瞻仰遺像  
爰迹行事乃信名不虛得亦表君之知臣今來京都  
復與師弟子鑒琛相遇琛師志性端慤修習精勤肅  
奉成規博採衆藝慈惠救物時之稱之明詔賜歸慧  
覺大師錫以紫服朝恩決于累世是教門之榮觀也  
于時禪師委順三十矣年琛也思廣銘頌庶永遺風  
以鉉常學舊又見來直筆君夫褒善稱伐翰墨攸

華古齋鈔本

先載瞻西山寔寄松檟敢抽我私思以告彼九原  
銘曰

允、東越武夷之區時生異人與古為徒禪師出  
焉俊邁且都翫、南楚西山作鎮真靈所宅教法  
斯振禪師居之允矣今問道無不在法非可名理  
起言象俗仰風教豐碑載勒勝氣長存猗嗟未  
者用此為程

大宗舒州龍門山乾明禪院碑銘 并序

小岳極天莫雄于瀟霍川瀆化地莫重于江淮盤薄  
縈帶中畫郡國幅圓數千里舒皖居其陽真聖之所

躔次景福之所興作必有高士未闡妙門以導精粹  
之氣以恢淳和之俗則龍門山乾明禪院所以建也  
是山東去郡九十里蓋滂岳之一峰山有龍井郡人  
膏榮之所靈應昭哲因以名焉深岩洞岫風雲之所  
畜泄湧泉清地璿碧之所隱見涼風爽氣五月可以  
披裘修竹茂林四時未嘗易葉游方之士至輒忘歸  
有曉導禪歸者家本宜春勿捐俗累從師訪道歷抵  
沅湘探幽洞微得聖人之宗旨清心鍊行踵前作之  
風教向道之徒靡不宗仰乾德五載始來此山顧瞻  
林泉有懷栖息邑人宋仁瑗毀其隴畝以奉晏后而

華古齋鈔本

整臨流誅茅穿徑遠擬閔令草栖之觀近同焦光竭  
牛之廬歲計有餘善言未盡應廬江人侯霸大施資  
賄以奉經營數年之間蔚然崇構複廟重屋瑣窻洞  
戶葦以丹葭駢以璧鏞所以重威神也黌堂講肆踈  
楹高座皓壁月皎層軒震舒所以敷道義也前則端  
幃瞰野旁則修廊納陛廚廩充物屋室閒安秘經藉  
于石房息徒侶于奧寢棟宇延袤凡二百楹蓋精誠  
之所憑寔邑里之勝概也

今上嗣統像法大興徒步神京對揚雲陛恩  
主嘉賞賜歸乾明禪院龍題鳳篆降自慶霄聖日天

光與乎幽谷大道之行也時與地并斯郡山水奇絕  
動植茂遂民情淳朴聖迹回環非明主至仁不能恢  
清淨之教非禪師至行不能化僞偏之人示之以精  
修祐之以哉穀變魯至道夫何遠哉鉉頃歲讀居此  
地過三載閭里之見待也孚風物之慳志也深冥  
得喪之懷無憔悴之色及今三紀未嘗忘諸會禪師  
狀肇興之由圖不朽之作受簡束筆故然化焉爰作  
銘曰

教必有象待時而行道無不在因地而靈滿岳雲崇  
晚川清冷鬱佳氣宜為福庭有美遵師為人由已

華古齋鈔本

人應物感風行良止闢此叢薄化為金地雲構中開  
靈光四起

君恩啟煥真聖回翔劉雷永遠接軫齊芳玄符靡  
測福應無方刊茲樂石用配無疆

大宋故天雄軍節度行軍司馬易府君神道

碑并序

府君諱文贇字廣美豫章高安人也任者有晉春陵  
令

其世

祿種德則故老家謀詳焉曾祖暉祖崇皆不仕妣鄒  
氏追封范陽縣太君從子貴也君符彩奕邁質性深

沈少遠時亂靜守家法剛而無犯勇而有節鄉曲之  
譽藹然于時有是功臣劉公信節制豫章訓兵選士  
聞君名而召之君謂所親曰大丈夫當立功立事以  
大家門吾聞劉公剛毅個僅有英雄之量必能中吾  
用也乃杖策從之甚見器重委以禦侮授之親兵出  
為爪牙入為參侍外封略中清寇攘十年之間遂  
升右職劉公物故唐室中興君于是策名周行入典  
雜衛于時戎事甫定國谷載穆君止于村俯士衆恭  
守官常時其寒燠均其勞逸勤志徽道廉察何留不  
於出位之思甚得為將之体自宣威軍裨將累遷至

華古齋鈔本

左右天威軍都虞侯自檢校右常侍至檢校太保及  
淮甸倣擾都邑震驚以君為雄州刺史充建武軍使  
其理所即廣陵之天長縣也據衝要之地有十氏之  
衆綏懷訓練其俗用和會周世宗親提六師志平江  
右于是豪泗携叛揚楚推陷君城小援絕堅守累旬  
世宗使降將郭廷謂臨城招諭君曰棄命以苟生不  
義勦民以全名不仁吾處中道而已乃間道表于本  
朝脩陳形勢且論遠慮近旨嘉納論以割地之謀君  
即開城請罪世宗聽芳數四錫賚加等即授衛州刺  
史封太原縣子充大雄軍節度行軍司馬皇宋啟運



優獎有加改道州刺史進爵為侯君以近絳老之年  
有卻克之疾表求致仕優詔不許勤懇固請聽歸臨  
淮郡私第春秋七十有五開寶元年秋七月考終命  
三年九月葬于盱眙縣義和鄉西嵩里北園山禮也  
夫人會稽縣君謝氏亦江左之魁族作配君子克昭  
令儀歲管之勤夙彰于婦德湯沐之邑晚從于夫貴  
訓導諸子脩全義方鍾違首之痛哀而知禮受高堂  
之養嚴而有慈春秋七十有六太平興國二年秋七  
月終于臨淮私第某年月日合祔焉禮也有子五人  
曰延貴延祚延壽延儀並克荷先業勤修令名或參

華古齋鈔本

藩郡或幹內職皆先夫人而沒惟第四子延慶獨稟  
粹和服膺儒教孝弟之至梅于州閭承顏先意伴曾  
閔之行居喪過哀有二連之風廬墓絕漿義感生植  
嘉木連理玉芝成叢遠近聞之莫不驚嘆由是自前  
臨淮令拜大理丞及夫人卜葬遣副赴臨為有司所  
勅有

詔勿問曉解秩家居惟府君之生也臨或以恩信理  
民以慈惠事君全其節處身由其道故垂此家法推  
為慶門是生孝子以永世祀美矣哉鉉聞風而悅之  
故勒銘于神道其辭曰

於維易氏忠義之門德厚流光顯于後昆後昆之賢  
生我府君休道自居壯圖不郡數耕而嘆負羽從軍  
赴、和門勇爵斯設靜則嚴重動則奮發臨難忘私  
履危全節名遂身恭考終無缺克、泗川永閑佳城  
哀、孝子載感坤靈君恩貴寵樂石刊銘百代之下  
常流淑報

故唐大理司直鄂州漢陽令贈衛尉少卿樊

公神道碑

公諱階字仲明京兆萬年人也昔者虞仲垂孫謀之  
慶肇啟我封山甫昭補職之勳寔大吾族或則游聖

華古齋鈔本

門而稱達者或則魁仙藉而歸真人豐沛功臣經營  
于大業而陽外戚左右于中興傳祀百世流光萬國  
而我之占籍世茂而京樊川之居抗常杜曾祖登以  
七世同爨孝德升聞大中制恩特加旌表我、石闕  
至今存焉祖備濮州司戶叅軍考諭先化補池州至  
德全時天下已亂因家池陽終潤州金壇令公中和  
純粹形器夙成好學之勤本由天賦至孝之性不墜  
家穀始及弱冠併遠恬特絕兼泣血哀感州閭負土  
成坟終喪廬墓言于道者以為美談于時唐祚淪胥  
宗室稱制江淮之地不失舊章公以射策高等補潤

州丹陽尉試吏之課書考為優廬陵之民古稱多訟  
加以敏藉遠制亂獄滋皇守臣上言求極其變有命  
擇堪其事者聞公之能因而命之公既至乃相立土  
之次瘠瘠祭大家之眾寡未古之制酌今之宜創為新  
規眾皆悅服而復出械繫之者窮而造之辭雪當死  
者數十人使還議賞增秩進等遷壽州壽春縣主簿  
既而廬陵之政日理南楚之人聳觀久之以公為先  
州光山縣令加大理評事猶以前效也于時南北分  
裂縣臨敵境有爭桑之女多探丸之吏比閭之眾罕  
常寧居公于是糾集義勇分守要害推以恩信濟之

華古齋鈔本

強明三載之中一邑用入遷池州石埭令縣有大姓  
侵撓細民歲比不登俗乃大困公繩之以法董之以  
威豪右震悚相與逃匿于是啟請出官粟以賑之絕  
省力役以濟農功慈撫仁董視之如子歲豐俗阜政  
用成就加大理司直旌能政也秩滿遷鄂州漢陽令  
未幾遇疾壬子歲某月日終于縣之正寢享年五十  
有七以丙辰歲某月日葬于池州貴池縣永春鄉保  
靜里之原禮也夫人王氏鴻臚卿滔之女軒冕之族  
閨房之秀室家垂訓惠問風行長子若訥不事王侯  
自全高尚次子知古才藝畢給際會昌期踐歷臺省

交修繁劇今為右諫議大夫河北轉運使揚名之業  
方茂顯親之教遂優公累贈秘書丞戶部員外郎銜  
尉少卿夫人封琅邪縣太君惟公生而岐嶷長而學  
問窮九經之奧旨綜百氏之微言率是古道施于為  
政行之以直守之以廉事親以孝飭躬以禮士元之  
器命屈于生前滅孫之忠慶貽于身後君恩飾懷世  
祿傳家咸京之舊表未埋秋浦之豐碑復立俗有道  
愛吾無媿辭其銘曰

南山崇、樊川溶、蕭高之烈補衮之功百代之後  
沈先不窮美有孝德先生我公猗歎我公顯允君子

華古齋鈔本

持此利刃行于百里有患于民何必貴仕棄慶于後  
何必在我慶霄之澤自葉流根歿中佃生駕魚軒  
二子殊志俱大吾門優、兔谷英、諫垣九嶂之下  
貴池之口覆斧馬鬣金鷄玉狗民即桐鄉碑如峴首  
江水長流令名同久

洪州豐城縣李司空廟碑文

先王之制以勞定國以死勤事皆得祀之然則非通  
幽洞靈之士有驚愚顯俗之迹亦不能臻此也李君  
諱承壽字大用其先隴西人中葉因家遂官上黨先  
君諱福避亂擇王末遠維揚于時唐室萌離諸侯角

遼吳武王喬柏文之舉我先君效閔張之用推鋒略地所向無前功加于時慶鍾于後終淮南節度副使鄧岳招討使君即招討長子也幼而與俊長而雄勇年始志學即從義旗善撫士卒生知韜略屬若鷹隼疾如風電時稱虎子敵畏馬兕以功累加檢校左僕射為橫衝裨將天祐丙寅歲從招討使秦裴平章豫叙功為最新附之地屬郡未賓明年命君領偏師平餘盜戈船先進群師後期山越霧集弓矢且盡同玄冥之沒若杜畿之沉享年二十有三請將嗣事通識克清迎君之喪寔于洪州豐城縣楊子洲惟君夙齡

華古齋鈔本

挺秀畫忠死節識與不識雜然推奇而英靈盼鑿若在左右如鄭人之驚伯有類吳俗之畏子文于是耆艾相率啟求立祠于墓側公議僉允因贈司空水旱禱祈無不即應鄉邑之際頻歲豐穰湍瀨無虞疫癘不作而君之家門亦康寧蕃衍焉及今七十年矣雖神道恍惚不可俗論而忠誠報應良足為勸猶恐年歲綿邈流俗失傳或見操于越正將受識于淫祀媿孫仁昭頌以事寔勤于貞珉鉉素與君諸子游復連姻戚披文相質所不獲辭初君之長弟諱承昂為吳王之愛婿故國人咸謂君為伯氏而忘其官稱焉今

用明白之銘也曰

嗚呼李君勇且有仁生狗國難沒為明神南楚之郊  
章江之濱祠堂奕、像設恍、薦信以寔降祐于民  
龍泉太阿校靈比珍衛斗之氣終天不渝

洪州道正倪君碣

君諱少通字子明其先十乘人也末葉避地徙居巴  
陵淮洞庭之餘波襲九疑之秀氣儒風繼世貞節自  
持垂慶炳靈仙才是出君風骨秀整襟懷坦夷幼挺  
高情即依道襍弱冠遊舉未游九江悅廬阜之名區  
得童君之故靜種杏之地榛莽森如慨然永懷誓復

華古齋鈔本

靈構誅茅築室練行修身闔然而彰千里斯應于時  
唐運告謝宗室代興江左被玄元之風二葉恢清淨  
之教君以清心苦節升闕于朝癸丑歲賜錢三百萬  
即所居建太一之觀于是疏鑿舊章草創新規悅以  
子未成之勿亟十有餘歲清宮煥然凡建四殿五堂  
重門兩序內外棟宇搆百三十區像設儀衛莫不稱  
是力闢汙萊為良田者五百畝而餘賢之費有餘手  
植松杉成茂林者千餘根而甘靈之祥再降由是牧  
守嘉尚道俗依憑為本州道正乃知太一觀事享壽  
九十有一體力康莊淳化元年秋八月八日子時怡

然而化容貌如生初君自擇葬地于蓮花峰下即以  
二年春正月寔為君性質沖淡不耀其光表率教門  
正身而已嘉賦咏善鼓琴龍鳳之形皆由手製山水  
之搯自合天和所居之觀俯通城郭登山之容必先  
造焉君將迎接待高卑如一絕迹朝市成樂林泉六  
十餘年慎終如始門人弟子先以慈孝為訓有君李  
延照蔣守龍等近四十餘人皆以孝行為時所稱親  
弟德規同學弟謝又能等協力同心其復靈迹並先  
早世今謝君弟子王省昂嗣膺道任師孫錢知素繼  
知太一觀事師門之盛論者美之鉉頃歲扈從南巡

華古齋鈔本

與師欵接旬日傾蓋之分有如素交錢君以論謨見  
求不當為讓其銘曰  
太一董君上帝之賁遺方眇邈會迹荆榛倪師慷慨  
復未清塵種杏之地林光再新異世神交豈其後身  
莫升自遠代劍非淪瞻言華表誰見千春刊銘翠琰  
道契攸親





徐公文集卷第二十八

東海徐鉉

泗州重修文宣王廟記

邢州紫極宮老君殿記

洪州華山胡氏書堂記

江州新建尚書白公祠堂記

洪州始豐山興玄觀記

金陵寂樂塔院故玄寂禪師影堂記

撫州永安禪院記

潤州甘露寺新建舍利塔記

重修宓子賤碑陰記

泗州定平縣傳燈禪院記

泗州重修文宣王廟記

昔我先聖有周公之才無文王之時故憲章其道以垂萬世精神冥契文則夢之是知千載旦暮蓋其道同也自是以降鴻儒碩士敷暢微言左右大化專一之志通于神明咸夢宣尼以著名寔斯文間作來者不誣國家彰灼神功在宥天下禮樂刑政舉百王之  
中典謨訓誥用三代之式文學之士靡然向風臨淮徐君名某字某弱而好學壯而有立行敦于族黨名

華古齋鈔本

聞于州閭修辭立誠躬儒者之業博施濟眾秉義士之規隨計春官再不中選會長子宗孟郡亦舉秀才君以為名不可多取即欲退而求志無何夢游淮上忽有淪胥之厄眾君子極之而置于宣聖之堂儼然達掖之容君奉緇帷之會寤而神聳益用兢懷聞者竒之勉以西上明年春冕旒臨御親較群才崇朝之間父子俱捷蓋古今未之有也君嘆曰

天子廣孤平之路杜請謁之門先聖知之是用敦勉斯寔至德感兆鄙何有焉思欲昭答靈心不顯玄貺

惟茲泗上雄視百城學校之制我不在後王業伊始  
天下初平舟車輻輳之都郵傳旁午之地邦君丞掾  
日不暇給茲誦之所窺戶聞然君白于公府願補缺  
政于是出家積鳩園工即舊謀新瞻星揆日乃建路  
寢乃立應門闢講論之堂設東西之序廣袤合度奢  
儉中規像設增嚴繪素加煥凡祭器制度皆圖于垣  
墉俾夫觀藝之徒橫經之侶若今識古虛性寔歸三  
代之風由斯而致也錄事參君張君濬綱紀之任夙  
夜惟寅嘗與同僚及斯而嘆曰

振舉發缺公力未遑當屬于好

華古齋鈔本

事君子非徐君不能也及茲歸締構如宿契焉是知  
善人之言同弗向咎夫聖人之教也與天地常存將  
陰陽並運恍惚玄應昧者不知今徐君服之而成大  
名感之而臻介福咨爾後學可不勉歟金石之銘其  
無愧矣于時歲次己酉癸卯二年秋七月記

邢州紫極宮老君殿記

昔者老君伯陽憫大道之既隳傷周室之既微以為  
清淨無為道之本也非建言不能盡其意安上治民  
道之用也非設教不能永其成乃著書于函閣以明  
清心之要授禮于仲尼以開垂世之統由是教義之

被于民如造化之漸于物賢者識其大不賢者識其  
小出入戰國經歷薄俗君、臣、父、子、民列于  
今受其賜則二聖人是賴焉故孟享明祀格于高縣  
雖百世不能易也邢州紫極宮者唐開元中所立老  
君像則琢白玉以爲之真室所憑功用殊絕眸容奇  
表儼然君存瞻仰之徒莫不增肅王室剝亂郡國崩  
離三晉之郊戎馬孔棘崇墮落乃移像于北極殿  
之西偏數十年間不絕如線皇宋膺運百度惟貞道  
風載揚真侶咸萃女道士陳休元江左名族夙挺玄  
符不從象服之華自結鳳羅之誓勤行匪懈真氣日

華古齋鈔本

滋乙亥歲伯氏從宦將之俱至傀儡知化汗漫與期  
郡守賢之授以宮任亦既涖止慨然永嗟嘆崇構之  
傾頽悲尊位之蹂雜程工度費即舊謀新知州事避  
公思恭仙瓜分源諫垣舊德嘉其偉志助以俸金郡  
僚而下欽然風靡即宮之西序建老君殿三間材用  
必良工藝必精廣袤中規奢儉合度旭景昇而丹彩  
煥清風襲而爽氣生肅然仙都復覩靈境粵某年月  
奉玉像而起烏霓裳致虔羽蓋成列凡筵嚴肅香  
燭必分鐘磬咸和烟雲改色非至誠感召孰能臻  
此者乎鍊師之家奕葉從公清白垂訓仲光前鹿

邑令省躬秉直行俗退而居身孝先邗州書記長  
參學古入官和以接物積善之報宜生仙才鉉知  
二君歲久故美其事而記于石某年十月十二日  
記

洪州華山胡氏書堂記

士君子承積善之慶服聖人之道治身修身義之本  
也風行于家德之充也教被于俗人之周也疇克其  
舉吾其與之豫章屬邑世雲舊里山水特秀英靈所  
躋安定胡君籍于是君名仲堯字先輔奕葉儒學輝  
聯簪笏曾門標舉煥列宿之華祖德韶映載少微之

華古齋鈔本

耀至于我先人少好左氏春秋之學研哉索隱儒者  
宗焉及君之長克揚其業言斯出矣身則踐之揖讓  
周旋之儀孝友嫻睦之行修乎閨門之內形于群從  
之間少長有禮絲麻同爨鄉黨率義人無間然君以  
為上古之風可以馴致六經之旨可以化成也乃即  
別墅華林山陽玄秀嶂下構書堂烏葉室百區聚書  
五千卷于第及遠方之士肄學者常數十人歲時討  
論講席無絕又以為學者當存神閒曠之地游目清  
虛之境然後和粹內充道德未應于是列松植竹間  
以葩華涌泉清池環流于其間虛亭蘭閣昂峙于其

上虞者無數游者忘歸蘭亭石室不能加也又按  
園謀云昔陶立公李八百皆修道于此是知人境相  
得其道乃先勤而行之古猶今也鉉欽羨其事道  
阻且躋故述斯文以垂不朽

洪州新建尚書白公祠堂記

大丈夫處乎若莫據德依仁豈徒潔身將以濟世故  
著于事業發于文詞而後功績宣焉教名立焉蓋有  
其實者必有其名是以君子耻沒世而名不聞也若  
乃格于穹壤漸于冥冥大則藏于金匱石室之書細  
則誦于婦女稚孺之口則古今以來彰灼億以未有

華古齋鈔本

如白樂天者不其異乎故神明相之攸居不傾慕民  
懷之餘風不泯士大夫神交道親君旦暮焉尋陽古  
郡昔公謫宦之所俾祀二百市朝屢變而司馬聽事  
之室巍然獨存斯蓋異矣聖運先啟崇古尚文三代  
之風傳達萬里禮部郎中江南轉運使張去華述職  
按部聿來是邦珥節城闈攝齊堂奧以爲先賢所合  
邑里具瞻與夫元規之樓惠遠之社崇飾祇薦我何  
後烏太子中允知州事梁君翔贊善大夫通判州事  
羅君咸皆叶規同心相視莫逆政有餘裕府君多羨  
財即舊謀新創爲祠宇傳萬廬山之遺像奠于北墻

棟宇深嚴門序奧秘肅然廟貌想見其人凡游居之徒仰高山矜遺韻薦誠親藝結轍于斯禮不云乎禱祠古之卿士有益于人者親樂天之文主諷刺垂教化窮理本達物情後之學者服膺研精則去聖何遠其為益也不亦多乎尸而祝之固其宜矣某昔嘗遊廬岳獲拜儀形今塵騎有違聞締御今上喜儒宗之不墜嘉使者之得人故作斯文勒于貞石某年月日某記

洪州始豐山興玄觀記

聖人之言道無不在若乃域中歸其大萬物恃之生

華古齋鈔本

洪化玄造無得而稱已至于顯神道之教擬方外之朝反之于身以固其本清心鍊氣保精蓄神餐霞茹芝修用者珠軌御風乘景游集者無方蓋真階仙品之有差故洞天福地而區別奇篇所託靈境可尋據章始豐山者按圖謀第三十七之福地也爾其亨隆塞產千霄蔽日凌空瞰野之勢峯巖窈窕蒸雲泄而儲神宅怪之奇陰林修幹材用之所生也周飛滿激流利澤之所及者遠紫烟白霧隱映而紛霏靈風爽氣蕭寥而披靡醴享之數歷代相因爰有興玄之觀是為薦誠之地土德季三爰造興市朝貿遷堂構

隱垣哉嘆連城之崔常栖楚暮之烏君夫真氣所憑  
神靈攸相物無終否道不達人道士聶紫庭襲土司  
之地矣追九仙之風契以勤行為志業以訪古為師  
貧歲在亥移來游此觀顏瞻祠宇燥慨傷懷徒侶敦  
請遂膺其任積行所應至誠易通游居之人莫不信  
奉以為興作者古人之所慎因循者前哲之所宗足  
俗制度何必侈大于是補其缺而葺其外室其隙而  
扶其傾集瓦甃專埴之工加朽鏝丹覆之飾瑣寬鏤  
檻朱戶金鋪沉深靡迤虛明漆堯百年舊製一旦惟  
新日就厥功十稔而已己不病于費人不知其費用

華古齋鈔本

修此真、其烏姓又以方志漏略碑頌埋沉使來者  
何所宗仰謂予為好道者故求我以文是用直書以  
觀成績淳化元年夏六月記

金陵寂樂塔院故玄寂禪師影堂記

士有切問強記以修其內和光退節以晦其外而人  
自仰之名自歸之不知所以然而然見之于玄寂禪  
師矣師名澄玘姓陳氏番禺人既生而孤天骨奇秀  
岐嶷之態有異常童瑞岳靜念如學道者七歲復失  
所恃母臨終以托其姑曰此兒幼有奇應法當出家  
倘果斯願吾無恨矣年十一遂詣本郡從師十七歲



韶州南華寺正度于是造詣先達請益質疑歷游名山無遠弗徇不違類于顏子起予同于卜高丁未歲來止舒州山谷寺編閱經論師門之學無所不通然未嘗為人言也是時季唐二葉像法大興凡聚徒講學者所在奉之以為長老禪師狗狎鷗之志慕爭席之風雖衆與若而群望自集道俗敦請抗志不群郡守周公因人之心封章上啟嗣君嘉賞以詔書命之周公延至郡齋親為致禮師不得已乃攝齋即座音詞宣朗寮吏爲目士庶咸敬還處精廬宴居如故丁巳歲避難南渡止于廬山嗣君召至建康景徵乃至

華古齋鈔本

送處名寺成數講席思禮優渥賜歸玄寂禪師時之名流無不景仰至于誘進後學開導真詮激勸排憤皆得所欲乾德五年冬十一月終于建康龍光禪院春秋六十有一後主遣中使護窆贈送甚優葬于都城東南隅鳳臺鄉門人弟子廬于墓次誅茅構宇遂成道場嚴設靈儀式親遺受鉉頃自禁掖故逐舒庸閉門却掃不與人事時游滯岳因獲親止容貌閒暇議論平淡言意相得有若舊交雖漸方外之期自叶忘形之契一生一死已隔當年谷變陵遷復悲陳迹弟子嗣昭等永懷遺範願勒貞珉因過斯文庶申夙

分年月日記

撫州永安禪院記

教之大者其行速利之博者其報豐自三代以還百家並駕災靈之後釋氏特隆經法之盛參乎先聖祠宇之設廣于虞庠不知所以然而然非言象所及矣撫州郡署之左一里而近有禪院焉乾符中署曰寶國天祐中改名永安安方志失傳莫知肇興之始高人造屨咸為宴坐之場大徑像之所居忘芬之所薦必將據郡國之形勝龍川源之氣象斯郡也搃楚越之都會斯院也浸漳汝之清流逸少康樂江左名士

華古齋鈔本

而墨地經基介乎北閭麻姑南真丹臺上列而仙壇閑館峙于封域閑閣相望鐘磬交音神靈之所依憑烟霞之所輝映其棟宇之壯也則赫、乎顯敞耽、乎深嚴黼藻成文磨礱盡妙曾樓對峙修廊四通列講肆于崇堂安衆士于奧室動有擊蒙之益靜有寧休之娛儲峙必置器用必給四方學者至輒如歸考績程功則任持禪師義豁之力也豁師道學精詣慧心朗悟以濟衆為務以興教為懷少遊名都歷訪先達晚栖臨汝自闢師門甲申歲來詣京華褐衣請見對揚玉宸躬奉天言論難所及辭義响答

聖恩嘉福賜以紫衣登門之徒莫不增肅齋師以  
斯院制度崇麗修奉尊嚴金石訣如何以示後惠  
然見願求我以文辭讓不獲因爲之記某年月日  
某記

潤州甘露寺新建舍利塔記

維皇宋二葉改元五祀潤州丹徒縣令王紀改築縣  
墻掘地得石函驗其刻文梁大同五年道人法序鑿  
真身舍利于此函中銅龕一龕中銀合一合中銀瓶  
二舍利七粒仔焉而銅龕復有刻文則唐貞觀十二  
年再加營奉掌役焉者張遇獲之以獻遇也感貞應

華古禮鈔本

之在已念妙門之可修因投郡之慈雲寺削髮爲沙  
門易名閨真精心苦行誓復前迹廣募衆施疇咨協  
心數年之間克果其願即以端拱元年夏四月八日  
遷致于郡之甘露寺東隅建浮屠焉獻狀而求求志  
其靖粵聖人在上欽若靈心政無不修神靡不舉玄  
眈交感坤元效珍用能使幽瘞之質煥然景彰審萌  
之逆蔚然雲構然則澤及微隱福祿含生其可知也  
是郡也揚州之都會京口之重鎮六代之風流人物  
綵萃于斯三吳之山川林泉肇發于此高深自改氣  
象常存是寺也北固山之陰崖贊皇公之遺迹崢嶸

飛閣迴瞰滄江遠遙若房周行數里構植之作遠通  
故真師因人之心相地之勝獲此空隙建茲崇封材  
用工役必求善良規模制度必據經法其高七十八  
其周二十步八隅堂上五盞凌霄冠星珠于觚稜海  
日先照圖雲氣于芬 宿霧常栖中巖睥睨肅然月  
滿芳繪靈變煥若霞舒游若之徒莫不稱嘆予嘗見  
釋氏子為此役者多矣如真師者其步道也淺其居  
處也早上無許史之托下無猗陶之助苦節以感物  
積微而著功不混民不愆素而能事以立亦可尚也  
故嘉而志之端拱二年二月一日記

華古齋鈔本

重建宓子賤碑陰記

單父縣宓子賤舊碑賈至文梁耿書天寶十四年  
四月柳載建始致于故縣北隅琴堂之上先化二年  
以縣為郡署縣令李知傑移理于今所碑亦隨徙措  
置不謹風雨所摧折為數段扶置垣墻之間及今八  
十年矣皇宋撫運書執大同人文化成清淨為理縣  
令毛君名庶哉越自江左來撫斯民見賢思齊好古  
博雅以為宓子之化人猶不忘賈君之文世共稱賞  
若棄而不修非所以訓民事神也于是再建陸竭重  
書舊辭以鉉常學象稿見求運筆梁氏之迹本自非

工仍為倒薤之勢非入書之正也而又字體詭俗文詞舛誤今以賈氏集校而正之遠擬秦李斯改為玉箸立于宓君之祠庭事之宜也以改作之意附于碑陰云太平興國五年正月二十日記

邠州定平縣傳燈禪院記

乾維巨屏寔曰邠邠其地險固其氣剛勁被宗周信厚之澤咏王業艱難之風是故人知徽福之方俗嚴慈氏之教精廬靜宇隱麟相望定平縣傳燈禪院者帶位署之左方據郭邑之勝勢四面環其趾湮水盈其胸却倚崇岡爰據龍尾之蹄上寒瀉澗仍有天河

華古齋鈔本

之稱藹爾鮮原鬱然佳氣昔居唐室之季四海崩離中和四年有禪師從一者挺秀宗門從師臨海避難高舉擇地遊征萬里而未稅駕于此相其爽塏有志藍袒群心翕然助成其事買地築室者咸集橫經覽履者亦繁十年之間百堵斯建守官嘉尚請命于朝景福二年詔賜題署天光所及通譽彌高一公化去弟子佐範克嗣其業範之弟子知信復繼其任守之以恪加之以勸感召益多法事增廣殿堂像設靡不莊嚴儲峙器用無乏供億而經典猶缺講誦弗聞以焉居今識古者存乎書觀象得意者存乎言金匱石

室之宏規名山京師之故事此而不務何以爲能乾  
德四年秋肇啟精誠指期繕寫邑人石遷等聞風而  
悅叶比其謀日就月將惟力是視卷以細畧貯以琅  
函邑人高元奉其家山以脩稽室采伐之備夫後未  
克成而暴雨壞室山溜奔激屹然巨石自至院前取  
以給用完契匠心雖廬岳神運之殿石頭後渚之梁  
感通冥符無以過也既而信公復浚以屬弟子全熙  
熙也遵行弗敢失墜而民非兆萬俗空倚陶漸以化  
之靜以俟之二十許年猶未訖事會中使王君名素  
分權莞之職督閩梁之征歸餘于終率額衆力于是

華古齋鈔本

間讀几間即日鳩工俾下帷鑿壁者得肆其勤研精  
索隱者不愆其義真風不泯介福未臻像高四世之  
勳垂本宗百代之憲宜共篆刻金石永示方來知予  
有好善之心專稽史之學求我以文是用直書歲次  
壬辰淳化三年春三月記

卷二十八終



徐公文集卷第二十九

東海徐鉉

大宋左千牛衛上將軍追封吳王隴西公墓誌  
銘

大宋右千牛衛上將軍隴西郡公墓誌銘


大宋故殿士贈太子少師李公墓誌銘

大宋故尚書兵部員外郎江君墓誌銘

大宋故尚書戶部郎中王君墓誌銘

大宋故陳留縣主簿贈太子中允李府君墓誌

銘





大宋左千牛衛上將軍追封吳王隴西公墓

誌銘 并序

盛德百世善繼者所以主其事聖人無外善守者不能固其存蓋曆運之所推亦古今之一貫其有享蕃錫之寵保克終之美珠息飾壤懿乾流先傳之金石斯不誣矣王諱煜字重光隴西人也昔庭堅贊九德伯陽歟至道皇天眷祐錫祚于唐祖文宗武世有顯總裁祀三百帝王淪胥宗子維城蕃衍萬國江陞之地獨奉長安故我顯祖用膺推戴淳耀之烈載光舊吳二世承基克廣其業皇宋將啟玄旣宴符有周開

華古齋鈔本

先太祖歷試威德所及寰宇將同故我舊邦祇畏天命敗大歸以稟朔獻地圖而請吏故得義勳元后風行域中恩禮有加皎懷不世專用天王之禮自越常均鄙仔紀侯之國曾何足貴王以世嫡嗣服以古道馭民欽若彝倫率循先志奉蒸嘗恭色養必以孝賓大臣事耆老必以禮姑處服御必以節言動施舍必以時至于荷全濟之恩謹藩國之度勤修九貢府無虛月祇奉百役知無不為十五年間天眷彌隆然而果于自信急于周防西隣起釁南箕構禍投杆致蕙親之感乞火無里婦之辭始勞因壘之師終後塗之

山之會太祖至仁之舉大賚為懷錄勳王之前致歿  
焚謗之廣度位以上將爵為通侯待遇如初寵錫斯  
厚矣

上宣猷大麓敷惠萬方每侍論思常存開釋及飛天  
在運麓澤推恩擢進上公之封乃加掌武之祿侍從  
親禮勉諭優容方將度越等奏登崇名數嗚呼閩川  
無合景命不融太平興國三年秋九月八日遘疾薨  
于京師里之第享年四十有二

皇上撫几興悼投瓜珍悲痛生之不造俾沒而加飾  
特

華古齋鈔本

詔報朝三日贈太師追封吳王命中使准葬凡喪祭  
所頂皆從官俗即其年冬十月日葬于河南府某縣  
某鄉某里禮也夫人鄭國夫人周氏勳舊之族是生  
邦媛肅雍之美流咏國風才莫女師言成閭則子左  
十牛衛大將軍某襟神俊茂識度淹通孝弟自表于  
天資才略靡由于師訓日出之學未易可量惟王天  
骨秀異神氣清粹言動有則容止可觀精究六經旁  
綜百氏常以周孔之道不可暫離控國化民發跡施  
全造次于是始終不渝酷好文詞多所過作一游一  
豫必以頌宣載笑載言不忘經義同曉音律精別雅

鄭窮先王制作之意審風俗淳薄之原為文論之以  
續樂記所著文集三十卷雜說百篇味其文如其道  
矣至于甄文之善筆札之工天縱多能必造精絕本  
以剛隱之性仍好三乾之教草木不殺禽魚咸遂賞  
人之善常君不及掩人之過惟恐其聞以至法不勝  
姦威不克愛以厭兵之心當用武之世孔明罕應變  
之略不成近功堰王躬仁義之師終于亡國道有所  
在復何愧歟嗚呼哀哉二室南峙三川東注瞻上陽  
之宮闕望北邙之靈樹秀茂、今迥野下冥、分長  
暮寄不朽于金石無有傳于竹數銘曰

華古齋鈔本

天鑒九德錫我唐祚綿、瓜瓞茂、高土高孫有慶  
舊物重覩開國承家茲吳跨楚喪亂孔棘我恤疇依  
聖人既作我知所歸終日靡佞先天不違惟藩惟輔  
永言國之道或行隆時有險易蛇止于棘虎游于市  
明、大君寬仁以濟嘉商前哲釋茲後至亦遺亦見  
乃侯乃公沐浴玄澤迴翔景風如松之茂如山之崇  
奈何不淑運極化窮舊國既封新所啟室人詭之謀  
卜云其吉龍章驥德蘭言玉質遡爾何往此焉終畢  
儼青蓋分袂、驅素虬分運、即隨路兮徒迢望君  
門兮永辭塵九原之可作與惟嶺兮相期垂斯文于

億載將樂石分無虧

大宋右千牛衛上將軍隴西郡公李公墓誌

銘

公諱從善字子師隴西成紀人唐室之諸孫元和之  
近屬譜牒詳悉此不具陳若夫天祚之德大運有時  
而極積慶之祀百世無得而踰必生克肖之賢以承  
有後之應保姓受氏公寔宜之昔者土德既微群雄  
角立維我

顯祖奄宅舊吳延祚四紀傳國三世公以天屬之愛  
膺寶玉之封始在膠庠已有名望姿儀秀出文學生

華古齋鈔本

知仁孝極于事君謙抑形于下士中外之論翕然稱  
之由是受任六官交修庶職彌綸舊典咨訪老成恪  
居無違所至皆理于時

聖人出于中土正朔及于四方維我先君祇畏天命  
受盟請吏息民弭兵王帛交馳剋蓋相望公親則介  
弟位則中台獨奉綠綸留參槐棘元戎駟牲方建節  
之權玄冕九章奉侍祠之列朝獎既厚臣誠益恭後  
凋之節無逾萬頃之陂自若故得全名節于危疑之  
際保恩于終始之間環衛進遠寄任增重盤根必  
解師律以貞十有餘年其志如一嗚呼修途方騁景

命不融春秋四十有八雍熙四年秋九月九日薨于  
通許護軍之解

詔數朝一日賻絹百匹即以其年冬十月十三日薨于  
于開封府開封縣吹臺鄉蘇里村于太夫人凌氏之  
塋禮也前夫人徐氏繼室周氏並早卒皆有肅雍之  
德窈窕之容宜家治內盡其規魚軒象服昭其盛于  
十四人仲頌仲翔仲行仲華仲雅仲穎仲亨仲簡仲  
彬仲文仲猷仲玄仲義仲端女十四人慕英懿鄉春  
蘋蘊蘭止容茂節祥仙惠昭如賓道榮鳳兆幼貞閨  
秀季貞或孀于盛族或待禮而未行惟公生于深宮

華古齋鈔本

特稟異氣謙而得禮和而執中容納直言賓延素士  
經歷夷險雅度不渝大年未登終古同嘆鉉也登門  
斯以辱顧珠深永惟知己之恩願表為陵之谷為之  
銘曰

真源引派仙李垂芳寔生我公金玉其相非禮勿動  
出言有章忠信以濟終焉允臧三代之姓倭焉為庶  
九萬之程遠然中路吹臺北峙浚川東注不植刺草  
長瞻寧樹大雅君子隴西公墓

大宗故處士贈太子少師李公墓誌銘

序

道之泰也。賈人振衣而濟物時之否也。君子括囊以獨善，其有修之家而享教于俗，無其位而博施于人，角立傑出，蓋亦難矣。公諱某，字某，庭堅遺德百世流，光源長派，遠蕃衍郡國。今為常山真定人也。祖某贈太子少保，考某贈太子少傅，公即少傅第三子也。幼而岐嶷，長而純孝，承顏先意，寔稟生知七歲，丁太夫人憂，泣血絕漿，殆于毀滅，宗族驚異，謂之神童。事兄與弟，人莫能間。先是唐之叔世，燕趙多虞，故我先人累世貞遯，公亦奉家法成樂丘園，躬稼穡敦本儉以足用，百年之業是享，素封既而天下兵興，生民益否。

華古齋鈔本

公盡出私財以均有無為食，以救飢歎嗟未之諂，焚券以周乏絕，非市義之求，遠迹之人全濟甚衆，懷仁向義者撫之既無矜色，背惠棄信者接之亦無愠容，襟懷曠然，莫窺其際，慈愛惻隱，視人如傷，昆虫草木無所大闕，故閭里老幼風俗以和，崇儒尊道，墳籍未嘗釋手，喜酒好客，醒醉必與之同，常以為芳華易凋，光陰不駐，發于吟咏，以寄其情，藜杖角巾，所至皆遠是非，擾若蚊蟲之過前，愚如蠹若螺贏之在側，至矣哉古之達者也。聞運未有晉失御，獫狁孔棘，公挈家南渡，居于昨城，伯氏飛龍府君時在滎陽，召

公同處廣順三年夏六月 日終于鄭州私第享年  
四十有三夫人清和郡太夫人張氏以謝女之淑德  
徇萊妻之高節宜家理內全聞藹然姑性嚴諸婦皆  
悚夫人順而得理勤而無怨晨夕參侍獨被深慈凡  
飲食藥餌須經夫人之手然後即御長妣亦頗嚴厲  
夫人事之如姑或被責誚怡然致拜由是閨門之內  
不肅而成及罹共妻之哀更全孟母之訓諸姑稍長  
教以文學為之擇師友為之致經籍凡學舍賓館之  
所適者輒衣食損簪珥以奉之躬截髮之患俾其親  
仁引斷織之言戒其中登故諸子皆立門戶如初越

華古齋鈔本

建隆二年秋七月十日終于鄭州私第享年四十有  
五長子格大理評事次子至吏部侍郎兼祕書監史  
部以文學冠時擢高第于  
聖鑒以才業膺世參大政于中樞以疾告復罷復為  
少宰

天子祕

御書于中禁命之專掌式恢文教時人榮之先是少  
師之萎也世猶多故禮或有缺及夫人之祔也塋地  
適隘介于群冢之間君子曰非安神之宅也即以端  
拱元年冬十二月十三日改卜于鄭州管城縣某鄉

里原禮也鉉鄉里遠達教壘致聆竭未京師獲與文  
部游視于公高門之盛知臧孫有後之由公之行定  
皆聞于輿論或得于家老撮其大略而已不能備舉  
也金石之紀宜在鴻儒鬼然見顧辭不獲命謹為之  
銘曰

天生賢人以佑生民生民數奇賢人隱淪修之于家  
富以其隣里閭率化宗族歸仁樂天和命全和保真  
鳳皇于飛以况嘉偶伯鸞之妻士行之母婉淑宜家  
嚴慈啟後金鈎鵲印魚軒紫綬令聞無已流光不朽  
刻此貞珉高文共久

華古齋鈔本

大宋故尚書戶部郎中王君墓誌銘

君諱克貞字守節其先太原人也嶺山之冑本同原  
長淮水既微枝分派別所居占籍吳楚為多今為廬  
陵人矣曾祖某不仕祖某贈吉州別駕考某屯田郎  
中君弱不好弄幼喜屬文風骨峻整器度閒雅年未  
及冠名聞于時自唐室之季詞場道喪江左延祚復  
覩舊章翰林學士江君文尉典司春官詳求藝苑取  
人至寡較文尤精君一舉握第首魁諸子時人以為  
追踪于元和之際矣明年以秘書省正字釋褐寓真  
樞近專掌文翰之位措詞典雅叙事詳悉守位以慎



當以勤由是二十餘年累遷至中書舍人樞密副使  
未嘗他任求之前載亦為異矣及末葉多故時政浸  
衰唯君守道中立不及浮議迨宗國淪喪策名天朝  
自太子中允歷戶部兵部二員外郎禮部戶部二部  
中興漢晉襄梓四州事皆以寬簡為務仁愛推誠當  
時之不名臣僕長孺之擇任長史是故民以之睦政  
以之修端拱二年自梓潼還至京九月十八日遭疾  
終于興州之傳享年六十明年某月日葬于揚州  
某縣御里禮也夫人隴西縣君李氏早亡無子女一  
人許遠監鐵使諫議陳某惟君有文雅之用有周煥

華古齋鈔本

之誠言行相顧光塵不異奉職無廢舉在私無惰容  
歷夷險而不回保終始而無吝初君始從鄉薦予已  
與倫誥謬為先達屢屬請益及予消長在運而君全  
石不渝古人之風于斯在矣已悲深谷更閱逝川發  
為哀詞識彼泉戶銘曰

猗嗟夫君心冥氣純矣、達士置、詞臣不愆于位  
有鬼于民無悔無吝不緇不磷吉往凶歸道悠運促  
旋自九折復于左轂駟馬悲鳴市人行哭渺矣彼蒼  
云何不淑德、邗水隱、崑岡慈親臨奠令季持喪  
旁羅宰樹下闕玄堂部原掩藹雲日冥茫痛光塵兮

永已念蘭菊兮徒芳

大宋故尚書兵部員外郎江君墓誌銘

君諱直本字子建尋陽人也廬九之地時生俊才忠壯之族世著南國未業堙替與時行隆儒墨退讓垂為家法曾祖晁祖塏考陽皆不仕伯父夢孫與先君同隱廬山以經學大義自娛伯父後膺宰府之辭自求弦歌之任報政罷去復隱舊山孝友貞清鄉里推服先妣李氏方娠夢神人授以直木一本寤而生君故取名焉幼而穎悟生知經義七歲以神童擢第未幾丁先君憂主性孺慕宗族稱嘆故、色養無復宦

華古齋鈔本

情學古屬文惟日不足爰及弱冠遂以詞藝知名其為文清淡簡約自為品格尤長于古風詩家若凡二十五年親友數喻乃從常調釋褐太常寺奉禮郎轉江都縣主簿直以事上不失其勤恭以率下畢舉其職民從其吏服其能府尹陳玄恭縣令路傑皆恃才傲物獨推重于君以為不如也政江夏令其理如初鄧帥何休武勛致位性復慕桀亦加優禮異于餘人嘗視君舉止過緩車服朴野輒怡然而笑每青諸寮為曰君草梅為儒生不學正令也秩滿改蘄州黃梅令議者以為屈君以鄉曲俯接欣然而往踰歲遷歛

州縣縣令會宗屬封建妙選府察授君記室之任處  
平臺複道之地列瑤簪珠履之間清節素風凜然不  
改正詞直道動必盡規府公甚重之十有餘年累遷  
至水部員外郎賜緋而記室如故庚午歲府公奉使  
天朝留鎮充海授君恭寧節度判官檢校金部員外  
郎數年遷司門員外郎判刑部

今上元年加朝奉郎先君贈大理司直先妣追封隴  
西縣太君視事三載求外任以自致

上以君恭勤詳慎宜久其職拜兵部員外郎仍兼刑  
部享年六十有四居常康寧微病數日奄從物故時

華古齋鈔本

太平興國五年十二月二十八日也即明年二月十  
日妾于開封縣汴陽御豐臺里禮也前夫人封氏今  
夫人太原縣君王氏皆有窈窕之質幽閒之操叶此  
貞節蔚其門風長子敬京北府醴泉縣主簿次曰月  
成用明月澄用康用平用文用寧女二人曰慕昭用  
貞君生于季世 全素業性純貌古行潔文高守道  
安貧非禮不動未嘗忤俗亦不隨流真所謂鞠躬君  
子者矣夙慧之性稟于天姿年十餘歲侍伯父食不  
過園蔬而已伯父戲之曰吸白薤之美淡而無味君  
應敬對曰薑紫茹之蒂饒爾有報人知其當大成也

予始聞其名晚乃識識而察言觀色重其為人蕭秀  
見選予所薦也亦既稱職頗常自多丙寅歲與君俱  
年五十歲日會飲酒相與賦詩君先就曰學易寧無  
道知非素有心予遂不復作也君有文集二十卷嗚  
呼契闊夷險嗟年髯一生一死孰克忘情聊存挂  
劍之期故有刊銘之作詞曰

嗚呼江君世濟其名生今之俗為古之人閨門侃  
鄉里恂其寔如秋其花如春握蘭有裕伏閣惟勤  
考終歸全邈焉清塵委于所沒古稱達者後水長原  
夾門迥野徒挂寶劍空馳白馬勝氣如存逝川不舍

華古齋鈔本

勒石垂芳千載之下

大宋故陳留縣主簿贈太子中允李府君墓

誌銘 并序

府君諱某字廣途其先隴西狄道人仙原帝系蕃衍  
萬邦隴西一族獨為昂甲中葉從官因家雍丘今為  
縣人曾祖巢祖禮皆不仕考洪蔡州長史府君清明  
稟氣才智夙成幼而屬文已洽時譽既志學通左氏  
春秋未剋即為講說橫經請益虛往寔歸微言與義  
別為編錄年二十三舉進士再不中第後唐天成初  
宋人驟為大宋正見而器之曰王室多故吾道未光

得祿而已何必是也乃表為屬吏委以成奏丞相鄭君珏奇之特除秦州汝陽主簿奏課連最改冀州南宮主簿于時期運告謝河朔多虞君內撫疲羸外洽軍旅氏安事集郡國稱之澤潞節度侍中馬公聞其名辭為管記薦章連上制命弗臨君知命之不遭乃謝病而退閉門却掃以名教自娛親友敦喻復詣京師直道而行烏徃無吝又為興平河東二主簿秩滿以常調當遷時皇運肇啟多士徇名君之次子巨源已從鄉薦獲知于尚書陶公君謂人曰文人才高運吾遭此下位區、一辜未足為光孰若復佐近畿以

華古齋鈔本

便吾子之舉事不亦可乎乃除陳留主簿乾德六年春三月四日終于縣署享年六十有八夫人追封琅邪郡太君王氏緱山仙以河洲懿婦道以順家人用嚴睦族惟和訓子由義以乾德三年月日先逝俱權殯于縣之乾明寺至雍熙五年二月日合葬于開封府開封縣吹臺御蘇村禮也子五人長巨舟早亡次巨源擢進士第今為都官郎中監鈇副使次巨載以疾家吾次巨川巨卿及二女皆早夭惟君懷恬淡之性秉貞介之規孝于奉親仁以睦族雅志宗道餘力攻文有孔墨之志無管樂之過淹翺末路從容自若

所至之處輒構茅齋延高士談宴終日無倦客嘗謂  
諸子曰吾志在大名非欲夸世欲行吾道耳時命不  
偶古則皆然汝輩宜勉成吾志也而巨源果能奮奇  
菴提高科際會

聖朝奮翔臺閣長才利刃應用忘疲追遠之澤偏于  
泉卜宅之儀由于禮積善之家斯在大名之應何慚  
仁人孝子二者兼之鉉向風斯久傾蓋甚敬不朽之  
文惠然見托賢、善、翰墨之位也故未家牒勒于  
貞珉其詞曰

才高位下古寔有焉積善餘慶神寧台梅邈哉李君

華古齋鈔本

一時之賢其身則屈其道斯全餘慶伊何寔有全子  
事之以孝養之以禮賡輅同載佳城雙啟九原與歸  
三廟而禮遺愛被俗沒而不忘貞珉頌美久而彌芳  
阡如京兆地即桐鄉綿、瓜、瓠、永、流、光



徐公文集卷第三十

東海徐鉉

故唐慧悟大禪師墓誌銘

故唐衛尉卿保定郡公徐公墓誌銘

故唐水部郎中崔公墓誌銘

故汝南縣太君周氏夫人墓誌銘

大宋故亳州蒙城縣令曾君墓誌銘

故唐內客省使知忠義軍尚公姜道銘

故鄉貢進士劉君墓誌銘

故唐慧悟大禪師墓誌銘



士有佩服聖道闡揚師訓進不累于軒冕退不滯于丘樊務勤身于濟眾不養高以絕俗其惟仁人矣大禪名冲煦字大明姓氏和昔者帝堯先宅天下我祖世掌天官保姓受氏冠冕百代在漢則調鼎之重在晉則專車之賢末葉湮沉後居因始先君從郡蒙王氏南據閩方今為晉安人也大禪師生稟異質幼挺禪機年十有五詣鼓山興聖國師出家即具戒品博覽經史雅好文詞郡多俊秀咸見推仰證無為之理演不言之教綽為先達瑞然妙門居城北之昇山于時王氏衰淪亂臣專恣淫刑飛語虐及善人大禪師

華古齋鈔本

策杖去之遠臨川令郡中書令宋公齊立作鎮南楚頗尚空玄闡師之來遠加延納言意不合拂衣而行下至池陽郡守王公繼勛鄉國之舊賓禮甚隆時重唐二葉像教方興嗣君聞其名台與之語移晷而罷眷矚殊優命后光睦禪院復遷長慶道場俾與儲貳游寔羽翼也後主即位恩旨加隆特賜法智禪師之號廬山開光禪院者嗣君所創真容在焉命大禪師后之精嚴修奉之儀以中罔極之感吾教年台還建康止報恩禪院加號慧悟大禪師名其所化曰智度堂精廬禪北選勝而履禮袂之教有踰于前出則后

奉先道場入則后爭德內寺開寶七載夏六月復疾  
旬餘乃與大眾論元生之理十九日清旦上疏告辭  
後主遣使問之至則化矣享年五十有九住法四十  
四年即其月二十五日從西域之禮水靈骨葬于鍾  
山之陽禮物官給中使監護至某年月日弟子有才  
遷于廬山某所遵理命也大禪師風骨秀整机神超  
悟博該衆藝綜以玄談王公大人咸所欽尚鉉非學  
釋氏者不能言其道業徒以傾蓋之分久要不忘今  
于京師復與才公首會才公以文藝精敏見重于時  
永惟嚴師之義願刊不朽之迹嘉其偉志為作斯銘

華古禪師本

銘曰

慧悟禪師釋門之奇有文飾已有道膺時生延世寵  
沒有遺思歸身翻九江之清涓壺峰勝蓮社餘基  
門人稟訓遠神于茲衰翁懷奮勒銘誌之蘭菊無絕  
高深與期

故唐衛尉卿保定郡公徐公墓誌銘

公諱迪字昭用東海人也仁義之曾蕃衍萬邦別族  
于太史者十家因封而占籍者四郡而有鄰之邑鉅  
人寔多著于前編可以揚厲唐室云季天下崩離江  
淮之間獨為漢守惟我大父首從義兵受遺戡難同

伊尹之相太甲字孤立後如有度之保少康故得勛  
銘鼎鐘世享茅土連姻合族與國存亡考諱如詢焉  
江西節度使公生于郡解方孩而孤四歲免喪即加  
五品之服幼學就傳遂踈百里之封立朝侍祠恩禮  
優渥自太子中允累遷至衛尉卿天姿嚴肅常持謹  
下之禮世祿隆盛每存恭儉之規不請非聖之書自  
為保家之主思不出位時無間言始終如一出入三  
紀嗚呼星迴日薄棟折榱崩命有所懸義無苟免享  
年四十有六開寶八年冬十一月二十有八日没于  
難明年春三月塋窆于大塋之側至某年月日始脩

華古齋鈔本

大英之禮卜祔馬大人王氏張氏劉氏皆早世並南  
朝之名族享小君之命數壺儀婦順彤史存焉子太  
素太初太冲等皆修令名不墜前訓故能以倫胥之  
後具飾終之禮奉先之孝時以為難宗人永懷是有  
紀述銘曰

於維我宗昭時顯庸積德垂範爰生我公出第入孝  
爽心直躬生能業官沒不忘忠是有慶重鍾于令子  
不墜其訓美之以禮謀卜謀筮維桑維梓神道永謚  
流光不已未者難誣斯文用紀

故唐朝散大夫尚書水部郎中崔君墓誌銘

并序

公諱致堯字用之其先清和人也周室大風肇洪源  
于公望漢庭明月抗忠節于季珪德厚流光謀孫翼  
子冠蓋之盛莫之與京高祖翼亮有唐回至丞相曾  
祖蠡不仕祖壽吏部員外郎考億建州建陽令值天  
下亂因而家焉今為建安人也君少而不羈長而好  
學介然如石非禮不行御曲之名籍盛于世季唐嗣  
業博采時才君以御族之秀獻書求試補江州彭澤  
清流二主簿改建州浦城軍判官所至有教應用不  
暇再為建州將樂令其地岩險其民曠悍寇攘亡匪

華古齋鈔本

率以為常公能以嚴明信其刑賞行俗咸革比戶安  
居遂獲貞幹之稱又遷紀綱之位改常州錄事參軍  
建考善最擢拜殿中丞遷虞部員外郎郡國之政多  
使業治忘身殉節綽有能名無何都下受兵群師入  
援以君為水部郎中寔掌軍饋既而時運告謝宗社  
淪胥諸侯之師莫不捲甲君與其部將南趣建安中  
途衆潰遂沒于難春秋君干嗚呼興亡之數聖賢不  
能免忠義之節顛沛必于是不然何以見伯夷首陽  
之風王蠋布衣之操也夫人吳氏克有婦德能緝素  
風藐是流離不墜門閨子惠寔定等皆稟庭訓成修

詞業寬在舊國以進士擢第入朝為潁州沈丘尉復從州里之舉

皇上臨軒親試又擢高科為隨州觀察推官所謂善人必有餘慶某年月日憲等始備人矣之禮歸奉重樞寔于某州縣鄉里之原禮也鉉素熟君行學因銘墓為銘曰

嗚呼崔君百世清芬忘身殉國斯為貞臣種德垂訓斯為慶門先故國哉高墳沒而不朽用勒斯文

故汝南縣太君周氏夫人墓誌銘 并序

華古齋鈔本

夫人諱某字某廬江舒人三國時吳將公瑾之後公瑾委于舒之宿松今子孫奉祠者百餘家雖降在敵畝而生時俊傑烈考諱本幼而過亂自奮從軍吳王創基功冠諸將李唐建業位列宗臣官至中書令封西平王夫人即王之第幾女也天姿玉壺淑性川停孝德內融柔儀外映既并歸于徐氏府君諱即唐相司徒公珣之第幾子也于時江左方盛二族齊榮婚姻之貴雄視玉謝而夫人雅性謙謹率由禮經至于蘋藻之嚴佩環之節幹澀之儉織紉之勤必以身先罔弗由道宗睦親族人無間言府君仕為閭門副使

欽中少監早卒四子皆幼夫人提携教訓親授經書  
及其出就外傳已通孝經論語矣性曉音律而尚雅  
教善綠竹而精琴瑟習孝經而宗玄言齋居誦誦未  
嘗懈怠雖閨門之內常以慈撫而家人之節有若嚴  
君故其門風肅然先業不墮豈非天和充已而道氣  
感物者歟春秋四十八開寶九年正月二十一日終  
于建康瑞里官舍其年二月葬于江寧縣鳳臺鄉妻  
侯里長子某亦為諸司副使及入朝為京兆府禮泉  
令陝州錄事參軍公府交薦遂升閩籍太子右贊善  
大夫一人始以子貴授汝南縣太君至是朝命復追

華古齋鈔本

更加榮馬次繼宏舉進士第次繼字次繼宗初夫人  
之亡也會宗國淪覆寔多之事不暇如儀至太平興  
國某年月日繼宗等始政定于某所祔大塋焉禮也  
鉉也與西平諸子身為交游及相府宗黨復敦事舊  
故得以門內之理為隨道之銘傳於無窮斯為寔錄  
銘曰

侯藩之子相門之嬪道高萊婦德幼陶親倚欵彤  
管永世芳塵生榮茂長何必眉壽粉田啟邑斯為  
不朽令子承家斯為有後孤卻降替二族依然陵  
谷選質松楸附焉謂天蓋高福善胡慙勒銘泉戶

蘭菊線、

大宋故亳州蒙城縣令賜緋魚袋曾君墓誌

銘

君諱文照字知章其先魯人百行之先岳為家法子  
孫蕃衍不墮其報未葉因官徙居南楚今為廬陵新  
淦人也祖朴考福皆不仕君生稟異氣卓然老成六  
經之旨有若夙習于是江表之地唐室猶興憲文物  
不失舊物君年七歲應州里之舉以神童擢第選滿  
補江州東流尉遷清安句容二尉皆以清白敏惠承  
上率下和而有正能不自啓連考殊尤擢為吉州太

華古齋鈔本

和令桑梓之地瓜李多嫌君閨門之內素修童艾之  
情已信而復臨事能斷盡公無私由是暮年政成就  
賜朱紱會宗國淪覆舉族入朝授亳州永城令舟車  
輻輳之地郵傳勞午之途盤根錯節發硯靡滯事無  
愆素民不苦勞上疏論以一邑之衆供列郡之賦指  
引利害較然可分  
詔特許免其縣稅般夫歲省萬計改蒙城令其理益  
精頃之河南大蝗獨不入蒙城之境于是吏民相率  
詣闕借留優

詔褒美許留三歲會

王師北討君督本縣運輸深入虜庭危而後濟既還  
遇疾以熙雍三年四月终于永城傳舍享年若干初  
君之赴選也予過之于建康察言觀行知為良士因  
以表甥女姜氏妻之有子六人女八人君之從仕世  
途故多王事靡盬不遑顧私雅志未伸中路早世惟  
第三子乾度再舉進士名聞場中有後之慶當在于  
此即以某年月日歸奉靈柩歸葬于某鄉里祔大室  
焉禮也嗚呼姻舊之故豈無他人援毫濡涕識彼陵  
谷銘曰

有患于民死事以勤嗚呼曾君永世清芬仙山之

華古齋鈔本

陰章江之濱考終歸全下從先人刻茲琬琰垂示  
後昆

故唐內客省使知忠義軍檢校太傅尚公表

### 道銘

公諱全恭字子初其先清河人也粵若天監代商文  
王受命涓濱卜獵尚父膺期寔始華宗誕彰餘慶在  
漢則丘園之盛德在唐則藩屏之名臣蕃衍豫謀著  
之家譜祖慈潤州館驛巡官因家焉考公為昇州牙  
將為郡守馮鐸使于淮甸與吳武王議疆事抗詞奮  
厲誓不辱命明年而馮氏兵敗羣衆歸于廣陵吳王



得之甚喜曰汝為馮公詬我真義士也今事我無易  
爾心即以右職履之賜與甚厚由是感激知己竟死  
事于鄱陽以故三子皆得叙錄累贈右千牛將軍公  
即第三子質性端慤容貌矜嚴吉人寡詞非禮不動  
季唐有國公仕為客有承旨先主器之時加任使凡  
所授職皆與先達長者侔勤以繼之所至皆理累遷  
至館驛副使嗣君即位轉閩門副使還客省引進使  
凡時命制獄多命公與焉循理持平甚獲時譽宣布  
詔命出納必信監護師旅威惠得中不從諛以取容  
不矯激以忤旨故考績無玷而主恩益深累遷內客

華古齋鈔本

省使後立即位兼領閩門使遂領婺州刺史初國之  
戈船皆屯于石頭城之後廬龍鎮下命曰龍安軍旅  
之重任也于是復兼龍安軍使明年改潤州監軍使  
權領州事善于為政大洽民謠諭歲徵還遂領饒州  
觀察使兼左龍衛神武護軍公固辭兵柄闕領之地  
岩險遼遠鎮守之寄常以為難又命公知忠義軍兼  
建州事位政三載建人安之會都下受兵羽檄相望  
公調發軍寔應接舟師弁命之衆道路相望猶以不  
瘦身先憂憤成疾朝廷方命公為節度觀察等使留  
後檢校太尉使者未至甲戌歲冬十一月二十五日

卒于公署享年七十以十二月二十三日葬于建安  
縣某鄉某里前夫人蘇氏繼室安樂縣君孫氏皆早  
卒子三人審元審庸審能公以忠烈之風履親近之  
職守以周國齊以法度身貴而志遜祿厚而持廉凡  
同列者使于諸侯率多貪求浸以成俗公獨泯然無  
取出入垂橐士君子以此重之及邦國淪胥豪右降  
背向之聚斂者剪焉無餘惟公令嗣克家門俗如故  
識者知有天道矣鉉少參近歲與公常接笑言道義  
相期有若寮舊敬歷永已慷慨長悲惜其風猷思有  
論謨昔裴子野之卒湘東王為誌矣而邵陵王又銘

華古齋鈔本

于羨道羨道有銘自此始也故仰前躅追而銘焉銘  
曰

表海之慶世載啟殷展矣君子心純道貞恭職軒陞  
申威禁營將命四方宣風百城哀哉不淑永矣忠誠  
奮國永泰交情死生濡毫頌美愴、雷纓

故鄉貢進士劉君墓誌銘

君諱鵬字仲翔其先彭城人也炎靈之裔業衍萬邦  
占籍廬陵蓋重世矣高祖况祖珍皆不仕父雄嘗從  
九江辟司兵掾自免去職閨門之教不肅而成有三  
子君其仲也質性純素智識職敏年十有五則知屬

文未及弱冠馳名矣至于事親孝事長弟與朋友信  
接鄉黨讓動不違禮居常慎獨故州里者蓋與時之  
名輩推重焉郡舉茂才擢升上第明年而宗國淪覆  
君慨然知時之不利也于是閉門却掃為學益勤以  
為今之文人率以詞賦取名先王之教化蓋蔑如也  
乃撫天下之務論古今之變著法語八十一篇大抵  
宗尚周孔以質百氏之惑視其書如其人矣皇宋二  
聖崇古尚文郡國俊秀親臨覆考君以詞場舊望復  
為本郡升聞予與翰林學士賈公承

詔考第于南宮賈公重君之文以為古人之俊也乃

華古齋鈔本

第為高等而君徇難進易退之節稟外敏內慧之容  
及其 庭復不中選退還鄉里篤行如初雍熙三年  
九月卒于家享年四十有三嗚呼有才有時命不我  
與自古同嘆何勝道哉遺文集 不朽之謂也即某  
年月日葬于本縣化龍鄉析桂里之原禮也君娶郭  
氏先十日而亡子師望文綺皆得父風其有後矣二  
女長適太原郭方次遠隴西李某師望以予為父之  
知己也故千里歸訴求誌其墓云詞曰

嗚呼劉君江楚之英才識兼茂時命難并沒于白屋  
聞此泉高立言可法何必淳宋刻茲貞石永爾高名

卷三十終

華古齋鈔本

宋故金紫光祿大夫左散騎常侍上柱國東海縣開國伯食邑七百戶責授靜難軍節度行軍司馬徐公年七十六行狀

公諱鉉字昂臣其先東海郟人也周德之衰僊王以仁義所歸者七十餘國乃遷于江淮之南會稽太末里有廟存焉積慶所鍾全嗣蕃衍故自烈考以上皆生于會稽公所撰政卜合奕烈考太夫人于洪州西山墓誌詳矣公與弟錡高烈考即世年皆幼稚太夫人撫育教導曾稟生知咸以雄文奧學克振令譽公未弱冠以應釋褐為校書郎直宣徽北院機命文翰

寔專司之以煥文稱

先王即位以本官直門下有賜緋試知制誥辭連典  
雅智效勤恪

副主初拜祠部員外郎知制誥後親受命草詔無所  
經據不根事寔由是敷議

寺左遷泰州幕職途中詩云浮名浮利信悠々四海  
干戈痛

主憂三諫不從為逐客一身無累似虛舟滿朝權貴  
皆曾忤遠郭林泉已徧遊惟有恁恩心不改半程猶  
自望城樓謫居三年

華古齋鈔本

嗣主知其無罪徵復本官仍知制誥公餘力攻篆書  
度越陽水而與李斯為等夷著質論十四篇極利政  
之要盡君臣之義並傳于世斯不朽矣文章議論與  
故贈揆相韓公同志齊名時人謂之韓徐及江淮之  
中建州也而福州與越人拒命不服使陳覺馮延魯  
招撫之未報遂擅興兵攻取時軍帥不一聽而無上  
又出不以律象敗績而退乃歸罪二使將誅之時陳  
覺之使國老宋公之所舉也于是上表待罪蓋欲救  
解之遂械二使以歸聽命公與韓公議赦此二人則  
萬姓謗讟之然歸于

上二使首領之患在于齊丘身國容奸斯為巨蠹遂  
同上疏極言其罪追正刑書免協衆心式沮狂計  
嗣主親批答疏畧曰昨陳覺之行寔太傅舉之及師  
敗之後事下有司太傅無救援之詞有自訟之表以  
是之故得不誨惡何老先朝舊臣國家元老不惟舉  
人偶失可得言直是謀之不臧亦未有加罪之理  
昔魏武帝乘降劉琮之勢將兼并吳國張昭時居朝  
右為吳老臣一旦勸請其君臣妾于魏此謀不以為  
拙曷以為拙乎賴周瑜單力爭而止及魏師之敗昭  
亦晏然自處吳大帝亦不之責彼二子若懷憤排之

華古齋鈔本

竟戮之久矣此際長流遠郡乍為庶人五木被身一  
家狼籍永從流放與死何殊卿等憂國情深除奸意  
切諸所引徵批答未殫公與韓公同表謝略曰伏讀  
批答曰卿等憂國情深除奸意切是  
陛下知其奸也又曰永從流放與死何殊知  
陛下必不用也既知而棄雖在何為公事君匪躬嫉  
惡好直危言危行始終不變率此類焉尋徵拜中書  
舍人公常誘掖後進苟有一善必延譽之潔已請益  
者亦誨導之不懈士子歲翰林學士江公知貢舉始  
以進士王克貞等三人及第盡復舉場之故事獨由

左右贊成之江公即長興三年盧華下及第者  
嗣主因問北朝取人何如卿此來江公對以北朝公  
薦私為相半若此未惟以公道選材寔無有此事  
嗣主甚善之中書舍人張緯聞之以為皆入朝及第  
不本江公之意甚啣之時宰執皆非名第同力欲罷  
此科遂下

制輟應舉馬明年公兼判文選院遂首言此事逸復  
不可遽止乃以進士張仲尼鳳賦未視老子猶  
龍賦郭賁無鼓樂賦印葵石城虎踞賦寫之以進遂  
下

華古齋鈔本

制云去歲所司上言暫罷貢舉本難久廢况以經年  
其諸色舉人並宜依舊解送自此不復發矣公之為  
文長于典雅直而不迂以理勝為貴其武成王廟碑  
序末云微臣學愧常師用慚兼備承明再入故無經  
國之材宣室徵還幸對受釐之間將使延陵聽樂長  
聞雅正之教圯上授書世出帝王之佐蔣莊武帝廟  
碑序末云微臣潤色無功討論美取思問神于先聖  
始欲事君苟獲罪于玄亨曷容媚灶唯于舊史想見  
英風遺當罷役之初美奉為辭之詔西州作頌誠慚  
邑子見梅南國刊銘或望至尊所改又銘末云謝傳

長逝王公不作獨我莊武 迂辱略斯皆披文相質  
立言邁俗豈惟情見乎詞而已哉時江南興建屯田  
楚州常州尤甚聚斂培克之革侵奪射利民不聊生  
言事者累諫弗聽洎國老宋公上疏主者聖執不易  
于是命公往察訪一如親行可興可廢悉以便宜從  
事後奏公既行而群黨已切齒矣楚州應非理還入  
屯田之產業盡還本戶百姓誰諱感泣如釋控行次  
至常州亦如楚州廢置協比衆鬼之徒構以擅作威  
福徵還私第待罪蒼蠅貝錦膠固織組詰難問狀不  
容自理鍛鍊深刻將置大辟其貶

華古齋鈔本

制乃張縉所草末云尚以年齡方壯文學甚優持丞  
曩章宜從流放于是長流舒州時弟錯位右拾遺集  
賢殿直學士亦貶秘書郎分司東都公前左遷泰州  
弟亦貶烏江尉及流舒州親及臨江相送韓相有詩  
云昔年淩斷此江湄風滿征帆淚滿衣今日重憐鵲  
鴝羽不堪波上又飛分在同城三年唯游覽勝境披  
玩典籍尤攻吟咏情性未嘗以得喪憂芥于方寸撰  
周將軍廟碑文宣王廟碑喬公亭記九疊松讚皆是  
志之文刻于白石及疊移饒州未登途而

周世宗之師取舒斬公遠携家榜小舟由皖口歸昇



州公賦詩未云一夜黃堂照官後本初何面見曰豈  
其情發于中不顧言之太直如此明年授太子左諭  
德未幾復知制誥拜中書舍人通署中書省事時  
周世宗弭兵好修待

嗣君以優禮異數凡章表性復討論潤色多公所為  
及

世宗崩祭文寔公視草

嗣主嘉賞時人傳寫為之紙貴侍

嗣主姐于豫章護喪歸建業

後主即位官職如故而詢問訪謀無改

華古齋鈔本

嗣主之道其知舉也不獨考其文章必先察其德行  
故難于得人出群拔萃者最稱吳淑復以子妻之其  
所問策五道盡時務政理之要

後主並親答焉仍俾詞臣志對之

後主以尚書省綱條地祭官司怠棄積習已久思公  
正之人以糾劾提掖之徒公為尚書左丞踰月而罷  
以尚書右僕游公判六師拜公為工部侍郎知制誥  
翰林學士尋以憲署暗職法史舞文非委清直不能  
嚴肅拜公御史大夫而佞用訛勝吾道不行于是奉  
身而退拜兵部尚書知制誥翰林學士以先奉命修

嗣主寔錄乃專以屬辭此事為務

後主每有著述必令公兄弟視草而後編錄故雜說  
公為之序文集第集賢舍人為之序彼昔之二龍兩  
驥烏足以方茲舍名造

王師之吊伐金陵也公急為讓吏請使于

天朝以釋

後主之前事辨疑分謗且服罪降名以鄙入為請乘  
不墮變世之國祀已行遂拜右僕射同參左右內史  
事及覲

太祖數奏忠懇執議誠信雖不得請

華古齋鈔本

太祖亦甚嘉嘆美其束節無撓既復

命自以不能副

後主之望雪泣固讓不受其新

命烏身從

後主歸朝授太子率更令

皇上登極素知公之文學優賸久司教令特授直翰  
林學士院拜給事中侍從

聖輿下并汾襲偽據之地巡狩魏博遂入寇之虜中  
威權德因壘懷未告至策勛詔示填委雖翰林諸公  
盡照帝之載而公亦據有力烏數年拜右散騎常侍

慶恩升左散騎常侍末年公著靜齋自箴篆書刊石  
置于座右曰爰有鬼史栖此陋室風雨可蔽戶庭不  
出知足為富娛老以逸貂冠蟬冕虎皮羊質處之勿  
疑永爾終吉後之君子視之有以見公名重蓋謙德  
成藏吝舉其一而餘可知矣惟公未嘗坐仕名稱藉  
甚日彭夙習非聚學辨問之所先也稟心忠正治身  
儉約公家之事知無不為自幼至老忘其聚斂貪冒  
未常微置于懷俸祿所入不問多少隨時供億而已  
居處求安不務顯故但聊以蔽風雨量家所受餘分  
貸親族故舊無吝心與人交有始有卒必誠必信

華古齋鈔本

久要不替雖中或不善人無間然初與禮部尚書常  
夢錫給事中蕭儼之為莫逆蓋以二公常念宋國老  
袒于締之上之業包藏凶惡每章言其罪公亦同力嫉  
惡

先主 副主因蕭受為虞故不任之以政及宋國老  
暮年因陳覺李徽古協謀不軌貫益事發同時殛死  
副主追念常蕭與公疇昔敢言果今日之連禍也將  
常公已卒因言曰夢錫常欲殺齊丘恨其誅戮不見  
于是贈石僕射焉遠

後主從容言及此言公且曰夢錫先卒不見齊丘之

敗

副主已追贈矣唯臣與蕭儼之目視朝典况臣歷忝  
官列八座矣獨蕭儼之往為理官以故前夫入貶黜  
吉州以老告退願以臣今所居官授儼之旌其先見  
後主由是召蕭儼之至建業以公所陳列討芳特授  
工部尚書以年過懸車致仕居吉州恰俸祿終身為  
公于內外扶視無疎密待之如一其有孤孀無告者  
皆糾合收養稱家之有無隨事極濟婚嫁視之如家  
人子雖詭口謗議紛紜益耳公自信不疑惟恤孤念  
舊是急不知其他及左遷郢岐亦坐此獲譴矣有子

華吉齋鈔本

曰夷直朗州桃源令先公疾卒女三人長適左贊善  
大夫高御名交次適國子博士吳淑先公卒次女幼有  
才淑未笄而卒公享年七十有六某年月日以疾終  
于郢州官舍恬然神氣不亂惟禁家人勿哭以為但  
化但嗚以歿歸于洪州西山祔葬于烈考太夫人之  
墓即以某年月日洪州胡某以舟至京護載公之柩  
歸西山從理命也公業隆儒行奉直常而不墜志向  
道風稟三寶而無玷故其立言蘊德久而彌芳堪性  
觀妙老而益壯寔古之人歟克播遺風允資鴻筆謹  
狀

徐公行狀

應奉充素讀一過

華古齋鈔本

大宋故靜難軍節度行軍司馬檢校工部尚書東海  
徐公墓誌銘

金紫先祿大夫尚書右僕射兼中書侍郎平章  
事監修國史上柱國隴西郡開國公李 昉撰  
上即位之元年冬以學士李昉獨直翰林

詔太子率更令徐鉉入院分直視草是時昉與公以  
同道相知論交契之始也越四年春

天子率六軍親征太原并壘既平遂北幸塞垣耀兵  
廬龍秋七月凱歌歸于京師軍衛之中書詔填委公  
援筆馬上應答如流以扈蹕勞遷給事中直學士院

如故又四年授右散騎常侍始罷文翰之職祿拱元  
年

帝親耕藉田改左散騎常侍積階至金紫光祿大夫  
叙勳至上柱國累封至東海郡開國侯食邑一千戶  
以淳化二年秋九月檢校工部尚書出為靜難軍節  
行軍司馬明年八月二十六日晨時起方冠帶遽命  
筆硯語左右曰吾疾作矣手疏一幅約束後事又別  
署一幅道者大地之母書記而終年七十六陝西道  
轉運副使鄭遠來邠州遂出家財竭力襄事即以其  
年十月奉遷重柩還京師權厝于板橋東南之佛舍

華古齋鈔本

愛婿國子博士吳淑門生殿中丞杜鎬時皆典治中  
秘書遂以公凶訃聞  
上覽表軫悼

詔出內府錢二十萬賜其家及明年七月洪州奉新  
縣義門胡仲堯自豫章具舟楫迎公之喪葬于洪州  
新建縣西山之鸞岡原奉遺命從先茔也公字鼎臣  
其先會稽人自言生于揚州曾祖諱源祖諱徽皆隱  
德不仕父諱延休衛尉卿贈才僕射才高道直有名  
于時公幼孤與弟錯俱苦節自立未弱冠以文行稱  
于時仕江南李氏周旋三世歷校書郎直宣徽北院

尋直門下有三知制誥一遷司封郎中兩拜中書舍人再入翰林為學士自貶官起為太子右諭德由尚書左丞為兵部侍郎為御史大夫由大夫為吏部尚書由尚書為右僕射同參左右內史事堅讓不受王師下金陵隨從主歸朝以太子少師更令奉朝請令諫議大夫張公必說公在江南時奉太夫人薨訃不妄交游下帷著書雖親屬罕見其面年十六遇李氏先主霸有南土辟命累至釋褐連任書府由是經史百家爛然于胸中矣其與誥命也落筆洒翰應用無窮皆渾然而成有雅正之体當時名士如韓愈載者

華古齋鈔本

無尤長于制誥公與之齊名其與機忝也居守正無所附會雖在家宴居如對君父其恭慎也如此當時用事臣有陳覺魏岑者樂禍好權多撓時政公嫉之如讐其掌貢舉也至公取人不受私謁朱宋問而後詞賦進德行而黜浮華當時舉場蹄為得士公弟內史舍人錯每主文柄亦以直道自持故江表後進力學未至者聞二徐為春官多望風引退其精鑒無私也如此其持憲也當官執法無所屈撓姦邪為之側目權貴因之斂手當時言風憲者惟公與故御史中丞江文蔚

王師之渡江也公將奉本君之命使于朝廷且乞緩師以奉祭祀

太祖引見謂公曰汝主抗疾不朝事大之禮况吾兵業已行無中數之理師報汝主善謀之公因慷慨鋪陳自古成敗之道表明後主忠孝之節

太祖亦為之動容厚禮之遣歸初大軍已圍建康後主思命于交兵之間左右咸有難色公欣然請行後主謂之曰爾既往即當止上江救兵勿令東下公曰是行非全策今城中所恃者救兵奈何以臣此行止之後主曰此以解和為請復用決戰即是自相矛盾

華古齋鈔本

于爾得不危乎公曰今豈以一介之微而忘社稷之重但置臣于度外耳後主撫之泣下曰特危見節汝有之矣及歸朝

太祖盛怒責之曰吾向與汝言何為弗達于汝主且抗拒之罪皆汝所為公頓首謝曰臣為江南大臣而其國滅亡抵此死有餘罪餘復何言

太祖于是嘆息曰忠于所事者乎汝當事我如事李氏命生存撫甚厚故相太子太傅王公博一見如舊相識每有經史異義多質疑于公由是琴樽嘯歌筆硯酬唱無有虛日相得甚歡故工部尚書李公穆有



清識常語人曰吾觀江表冠蓋若中立有道之士惟徐公近之耳兵部侍郎王公祐負才尚氣未嘗輕許人及見公常言于朝曰文質彬彬、學問無窮惟徐公耳公亦曰王公詞如江海心無城府真奇士也今吏部侍郎李公至翰林學士蘇公易簡皆當世矣後奉公以師友之禮公仕朝廷將二十年前後錫賜所得俸祿所入俗伏臘外未常蓋聚一金所居之地僅蔽風雨惟古木數株夏秋之際霖潦為患頽垣壞宇人不能堪而公處之晏如也江南故人子弟豈親族之孤子者未拔于公歲無虛月公分廩祿以卹之虛館

華古齋鈔本

舍以安之殆于終年未有倦色有布衣蒯亮者老而多誕游公之門共五十稔年九十猶矍鑠不衰每從江南來詣公、置之道院日與之棋未嘗語及他事而持如初公嘗言江南有處士朱貞白常語人曰今人或言不欺神明也吾常佩服斯言不敢為欺心之事有故人謝岳嘗為杭州廬令刺史與之有隙凡選舉之制過七十即罷去遂奏謝年過不堪其任時江東初下仕人有可疑者咸質于公謝因私請曰某之蓋公寔知之苟朝廷問公不敢望公言未七十但言不知其年即幸矣公曰君之甲子某與知之而云不

知是欺天也苟或見問必以是對其至行無誣又如  
此公為文智思敏速或求其文不樂豫作令其視臨  
事見白立為草之則速則意壯敏緩則體勢踈慢公  
愛婿吳淑言江南宰相馮延巳常語人曰凡人為文  
皆事奇語不爾則不足觀惟徐公不然率意而成自  
造精極時人以為知言所著文多遺落今其存者編  
成三十卷又擬徐中論作質論數十篇集耳目聞見  
之異作稽神錄二十卷並行于世公文學之外長于  
篆隸其書札之妙自成一家當世士大夫有得其書  
者無不寶之以為楷法任常侍日奉詔與直史館句

華古齋鈔本

中正等重修許慎說文自撰韻譜一十卷學者服其  
精博公常慕老子清淨之教在周齊物之理故內不  
能以得喪動外不能榮辱干然而為學之心老而弥  
篤在邠州日以時俗文字偽謬乃親以隸字寫說文  
字體纖細正如蠅頭過數萬言年高目明洞見篆末  
其精力不怠如此夫人太原王氏子朗州桃源令爽  
直並先公而卒長女適吳氏早亡次女適左贊善大  
夫高慎交幼女十七娘才淑過人未及笄年而夫自  
為誌文辭甚悽楚孔門四科德行文學決乾五福壽  
考康寧在于古人鮮有兼美惟公高才懿行善始令

終所謂孔門之二科吾洪範之三福也語云善人吾  
不得而見之矣惜哉銘曰

祖立軻兮宋老莊奉三寶兮師五常生維揚兮仕建  
康歸

皇宋兮老大梁歿邠上兮葬豫章儒林文入兮今也  
則亡嗚呼

華古齋鈔本

祭文

維淳化三年歲次壬辰十月辛酉朔十八日戊寅銀  
青光祿大夫行尚書吏部侍郎兼秘書監上柱國李  
至朝奉大夫充史館修撰判館事上柱國賜紫金魚  
袋楊徽之張洎等謹以清酌之奠致祭于

故有騎常侍徐公之靈惟公博識宏才懿文茂學如  
金之渾如玉之璞天然渾成不加彫琢頃江左已聞  
素履及來

天庭孰不仰止周旋清顯殆將二紀相如視草隲册  
近侍篆籀稱絕典謨得休其誓如蘭其直如夫今聞

身本集  
全望之才之美今也儒宗古之君子五百年来一人而已適屈于位遇


休明之世未盡伸才困于命當衰晚之年不得志嗟乎天地之間人生如寄自古迄今其誰不死樹葉裝之垂領復何悲乎已矣可惜者淪于遠郡契闊千里鵬鳥之賦未成二豎之災命至淳于意全止一女鄧伯道分終無子此素友清交門生故吏可以失教而長歸沈澗而屑涕以為天道難忱善人如是至受教文字執弟子之禮徵之洎有齋灑相敦故人之契迎旅視于西郊風切兮雨蕭、靈寢塚兮素帛動疑

華古齋鈔本

盼望于寂寥嗚呼臨喪一奠庶矣魂之可招尚享

Blank columns for text or commentary.

華古齋鈔本



東海徐公輓歌詞

李 至

吾道亡宗匠明時喪大儒傳家無嗣子封岳有遺書  
命乃長沙賈名齊鄴下徐不知千古後文行復誰如

其二

執友韓夫子傳家弟楚金人稱聯壁重世慕二龍深  
鮑謝頂漸德機雲亦醉心可憐黃壤埋沒此瑤琳下

其三

海內才名重儒中學問高病猶不釋卷老亦自揮毫  
靈簡披皆識亡書誦豈勞如能百身贖爭惜一鳴毛

其四

說文修古篆曾論著新詞尚父屬揚頌周喻永職碑  
家藏為世寶手寫作人師惜不歸宣室吾皇問文望

其五

薄暮邠郊遠何人不慘頽無兒兒呈性有妾覆表選  
舊宅猶臨水空車却度閔平生衣上淚今日為君班

左散騎常侍東徐公

此五君詠中之一

徐公真丈夫不獨文章伯江南兵未解王憂臣慘戚  
公願行其難苦求使上國無獲一言仲少息包茅貢  
其君驚且嘆執手涕沾臆謂言知爾晚何此忠義數  
天子叱在廷諫讓富靈赫公亦從容對曾不渝神色

華古齋鈔本

仁者必有勇斯亦古遺直書大略其小我有春秋癖  
所以此詩中不言公翰墨庶警事君心勉旃希令德

後序

徐公既沒門人等論次其文為三十卷叢秘閣吳正儀今翰林穎川公並為之序論之詳矣都官員外郎胡君克順通才博雅樂善好賢早游騎省之門深蒙鄉里之眷竇茲遺集積有歲時鏤板流行庶傳悠久因以丞相趙郡文貞公鄧帥隴西公所作墓誌銘詞等列于左次用垂茂寔俾題于後以記厥由大中祥符九年八月太常丞集賢校理晏殊序

明州重刊徐騎省文集後序

騎省徐公文集三十卷天禧間尚書都官員外郎胡君克順編錄刊行且奏表

上進

章聖皇帝降

詔獎諭參知政事陳公彭年為之序引丞相晏元獻公復為後序騎省在江南有重名仕

天朝為近侍以文翰忠直在當時諸公先既發丞相趙郡李文正公寔誌其墓所以稱述推尊之者甚至距今且二百年其英名偉節得不泯而為後學法者像文集是賴年世變遠兵火中尤鮮有存者偶得善

ENTRA

國立中央圖書館

ROC

NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

本使公庫鑄板以傳紹興十九年十一月十日右朝  
議大夫充敷文閣待制知明州軍州事提舉學士事  
賜紫金魚袋徐琛跋